

**SIDRONII HOSSCHII E
SOCIETATE IESU
ELEGIARUM LIBRI
SEX.
PRÆMITTUNTUR...**

Sidron Hossche

425

SIDRONII
HOSSCHII
E SOCIETATE
IESV
ELEGIARVM
LIBRI SEX.

642
2

*Praemittuntur Illustrissimorum Virorum Poëmata
in obitum Sidronij Hosschij scripta inssu Eminen-
tissimi Principis Fabij Chisij S.R.E. Cardinalis,
nunc ALEXANDRI VII. Pontificis Maximi.*



ANTVERPIÆ,
EX OFFICINA PLANTINIANA
BALTHASARIS MORETI.
M. DC. LVI.



POEMAT A
IN OBITVM
SIDRONII
HOSSCHII
E SOCIETATE IESV,
SCRIPTA IVSSV
EMINENTISSIMI PRINCIPIS
FABII CHISII
S.R.E. CARDINALIS,
N V N C
ALEXANDRI VII,
PONTIFICIS MAXIMI.



SANCTISSIMO
DOMINO NOSTRO
ALEXANDRO
SEPTIMO,
PONTIFICI
MAXIMO,
CVIVS SEDEM, ET ANNOS
IACOBVS VVALLIVS.

FVIT illa, Sanctissime
Pater, excellentium
pictorum gloria, vt su-
prema illorum opera,
quamquam imperfecta, maiori
tamen in pretio haberentur,
quàm ea quibus manum vlti-
mam imposuerant. Addebant
* 2 quip-

O P E R I S

quippe tabulis nondum absolutis commendationem & gratiam perficiendi abscissa spes, & ut virtutem sublatam ex oculis plerumque auidius quærimus, maius extincti artificis, quàm florentis desiderium. Ceterùm ex affecti operis institutione colligebant periti rerum æstimatores quidquid deerat: adeoque in ipsorum intimas cogitationes ingressi, affingebant animo rebus inchoatis venustatem, quam ingenio & manu contulissent. Quod non perinde commemoro, quasi Sacræ Maiestati tuæ, cui nihil nisi numeris omnibus absolutum offerre convenit, libellos

DEDICATIO.

bellos imperfectos, & velut funeri auctoris ereptos consecrem. Si enim is adhuc nobiscum viveret, nihil haberet, opinor, quod huic operi adderet, nisi Apelleum istud, FACIEBAT, quo scilicet contra iudiciorum varietates ipse sese communiret, & regressum ad veniam, siquid emendatiùs fieri potuisset, sibi intercludi nolle pro suâ modestiâ fateretur. Nihilominùs hoc affirmare mihi posse videor, immaturam mortem attulisse præstantissimo poëtæ aliquid, quod ex veterum illorum ac celeberrimorum artificum æmulatione & nomen illius extolleret, &

O P E R I S

pretium postumis libellis accenderet. Primùm enim quem literatorum non delectet ac pascat hæc suavis, & simplex, & inuidendo ac nusquam affectato cultu insignis, & affectibus piis, & exquisitis sententiis, & deliciis omnibus redundans pœsis? Deinde cui non in desiderio sint illa, quæ ab eiusdem ingenio proficisci expectarique poterant, nisi spes tantas mors intercepisset? Næ illa importuna semper est iis, qui viuendi causas nullas habent, nisi ut operibus, quæ abolere ipsa non possit, immortales sese reddant. Nunc autem hoc quidquid est, quod post se reliquit,

quit, si, quod post extremam limam additam humanitus illi accidit, prius accidisset, certum est futurum numquam fuisse, ut id pari elegantia iudicii que seueritate ab alio perpolitum haberemus. Ut enim nemo inuentus fuit, qui eam tabulae partem, quam Apelles inchoatam reliquit, absolueret (oris enim pulchritudo reliqui corporis imitandi spem auferēbat) sic ea quae Sidronius (nam quae Cicero de Panætio, ego de illo verè dicam) non perfecisset, propter eorum quae fecit praestantiam, nemo persecuturus fuisset. Nec me fugit, quid de illo dixeris scripsisse,

* 4 rīſſe,

O P E R I S

risve, cùm ad Rhenum amplif-
simo grauissimoque Pontificij
Legati munere pro Christianæ
Reip. tranquillitate fungereris.
Tot inter curas cùm rerum Si-
droniarum nescio quid in manus
tuas venisset, non tantùm tibi
placuisse testatus es quod lege-
ras, sed, siquid ab eo pretereà
conceptum atque in lucem edi-
tum esset, submitti voluisti. Tum
demum visi Sidronio sunt ali-
quid esse lusus sui, cùm tibi pro-
barentur. Quid enim sperare
amplius potuit, quàm ab illo
æstimari, qui iudicium suum tra-
ctandis cæli terrarumque nego-
tiis natum, subinde ad literas &
poë-

DEDICATIO.

435

poësin, quoad curæ sinerent,
transferre gauderet: neque ali-
unde fortasse libentiùs honestis-
simam occupatæ mentis relaxa-
tionem peteret. Quòd si interim
cum supremâ in terris dignitate
negotiorum moles pariter cre-
uit: non id tamen me absterruit,
quò minùs cum eiusdem libellis
ad te venerabundus venirem.
Desiderio enim obsequor tuo:
quod olim mitti tibi voluisti, ipse
nunc adfero. Veniam dabis con-
silio meo, cuius ipse causam
præbuiisti. Atque vtinam fecis-
set Deus immortalis, vt hæ Mu-
sæ non per meas, sed ipsius Si-
dronij manus in conspectum

* 5

tuum

tuum venirent ! Haberent illæ
 expressiorem aliquam & illu-
 striorem illius lætitiæ signifi-
 cationem , quæ honor maximus
 tuis virtutibus delatus Regum
 & populorum animos comple-
 vit. Verùm non alienum abs re
 & tempore tibi ad orbis clauum
 sedenti videbitur argumentum,
 quod hîc primo loco illustratum
 leges. Rempublicam sapientes
 viri rectè naui comparant , pro-
 pterea quòd qui illam tractat,
 auxiliis suis assidere, tempestates
 prospicere, inter illas cursum re-
 nere, scopulos vitare, portum
 petere quadam prudentiæ vigi-
 lantiæque similitudine debeat.
 Quam

DEDICATIO.


437.

Quam illi comparisonem ad
Remp. administrandam, eam-
dem ad animum nostrum in hoc
vitæ cursu regendum poëta tra-
duxit. Parua quædam Resp. suis
cuique est animus: hunc regere
non minoris est artis, fortassis
etiam maioris, quàm alios seu
belli seu pacis artibus in officio
continere. Hîc, si vsquam, opus
est in omnem partem excubare,
ac circumspicere omnia: nisi for-
tè existimemus minores esse ani-
morum æstus, quàm fluctuum;
minusque cauenda naufragia in-
ter vitæ nostræ, quàm Oceani
scopulos. Quare si navis, vt cur-
sum inoffensum teneat, guber-
nacu-

maculo, velis, ancorâ, ceterisq̃ue
 armamentis instruitur; quantò
 magis suis præfidiis instruendus
 est animus, ne sibi relictus non
 ratione, sed impetu feratur, &
 inconsultis affectibus ludibrium
 exitiumq̃ue debeat. Certas igitur
 vias ac leges animum regen-
 di è re nauticâ petiit Sidronius,
 vt quod à poëtis exigitur, non
 delectare tantum, sed etiam pro-
 desse conaretur. Accedunt his a-
 lij carminum libelli, quorum va-
 rium est argumentum, prout aut
 impetus animi proprius, aut ami-
 corum gratia, aut moderatorum
 voluntas, ac præcipuè Setenissi-
 mi Archiducis Leopoldi in Chri-
 stum

DEDICATIO.

437
 stum patientem pietas, ac debita
 optimo Principi vota impera-
 runt. Ne hæc cum auctore ex-
 stinguerentur, néve sensim sicut
 vocis aut citharæ percussæ sonus
 evanescerent, mihi curæ in pri-
 mis fuit. Quæ, dum se respi-
 ciunt, etsi augustissimum illud
 tuum in terris solium adire re-
 formidant: tamen dum gratiam,
 quam ijs conciliasti, attendunt,
 sibi audent polliceri fore ut
 quem præconem sibi gratulan-
 tur, eundem quoque patronum
 habeant.



AVGVSTINI FAVORITI LVCENSIS,

S. D. N. ALEXANDRO VII. ab Epistolis
Latinis, Luctus Pastoritius in Obitum
SIDRONII HOSSCHII è Soc. IESV.

LYCIDAS. MENALCAS.

Menalcas Eminentissimum Cardinalem Chi-
sium; Lycidas Poëtam refert.

Qua te sollicitum tenet anxia cura, Me-
nalca,

O & delicia pastorum, & gloria silua?
Non etenim fax illa oculis tranquilla renidet,
Quâ blandos audire soles ac reddere versus.
Et tamen exultare, & versus dicere tempus
Nunc fores, è roseis quando caput extulit arvis.
Ver nixidum, fulgentq, nonâ nemora ania
fronde,

Et nos in molli cliuo consedimus, unde
Cernere prarupti fas est de vertice montis
Muscosum per iter gelidas descendere lymphas,
Dum satura ludunt per florea prata capelle.

MEN. O Lycida, Lycida, si scires, quale sub agro
Pectore vulnus hic, potius mecum ipse doleres,
Quâm vultû obÿceres tristè videntibus agris.
Hic calis nitor ipse, anni hac vernantis imago,
* * * Ipsi

*Ipsi me fontes vitrei, collesq; virentes
Non magis oblectant, quā cū nox ingruit atra,
Aut cūm improvisa vastum per inane procellā
Grandinis exoriente, hiememq; ferentibus Au-
stris*

*Turbari sata lesa, ouibusq; optata videmus
Pabula, dum misera ieixnia longa queruntur.
Vsq; adeo premis, ac mentem dolor improbus
haurit.*

LYCID. *Quidquid id est, ne conde sinu; sed
iam mihi casus*

*Fare tuos. Etenim ut, qua non fluit, unda pu-
trescit;*

*Vt rapidus magis obiecto furit aggere torrens;
Vt compressa parit maiorem flamma ruinam,
Inclusiq; Exri tellurem atque oppida quassant;
Sic pressus dolor intus agit, sic pectore clausa
Marcescūt lacryma, spirantq; in viscera tabē.
Et ne forte putes me vanum afferre timorem,
Consimili morbo perijt Lycus, occidit Alcon.
Quod te siqua manent, si quid crudele minan-
tur,*

*Antē luem pecori, aut stabulis incēdia mittant,
Vel caput in Lycida vertant immitia fata.
Te sine squaleret regio mastissima, quando
Lugercnt armenta, armentorumq; magistri
Cantare obliti: certē hac mea tristis ab ulmo
Fistula penderet, leuibus ludibria ventis.*

Nec

*Nec de valle cavâ ludens resonares imago,
 Quod mihi cantandi cupido dictare solebat,
 Carmen Apollineâ demissus origine Pastor.
 Quin ego desererem silvas, lucemq; perosus
 Ætatem in duro traherem miser Appennino.*

MEN. Si tibi tantus amor luctus cognoscere
 nostros,

*Teq; adeò tangit dolor hic meus, accipe. Venit
 Verus ab Arcadiâ nuper mihi nuntius, eheu!
 Aegonem occubuisse meū: meus occidit Aegon;
 Aegon, quo pastor totâ præstantior alter
 Non fuit Arcadiâ dulci perfundere cantu
 Manala, seu patrij saltus mulcere Lycæi.
 Cui me præclaris captum virtutibus olim,
 Hospita cū fieret nobis illâ aurea tellus,
 Sanctæ fœdus amicitia deuinxerat arētē:
 Quicum sæpè morari, ac ludere sæpè solebam,
 Quamquam vicinis fremerēt regionibus arma;
 Nostraq; finitima turbarent otia gentes.
 Quis casus mihi te, vel quis Deus abstulit Aegō?
 O nimis in miserum crudelia fata Menalcæ!
 Infelix pecus ite, nihil moror, ite capellæ.*

LYCID. Anne erat ille Aegon, cuius pia car-
 mina quondam

*Infandam, nimium infandam referentia cadem
 Ipse mihi celsâ (memini) de rupe canebas,
 Est ubi subiectam latè prospectus in urbem?
 Illaq; tu feruens tantâ pietate canebas,*

*Talem inſpectebas inter ſuſpiria vocem,
Vt mihi viſa iterum fuerit diſcedere tellus,
Atq; iterum maſſâ inuolui caligine calam?*

MEN. Ille erat: illum atro merſerunt funere
Parca,

*Aurea diuino modulantem carmina plectro.
Eſſe quid hoc dicam, quod tam breue ducimus
auum*

*Mortales, viuunt cerui, coruiq; tot annos?
Vidi ego ſuccifas iterum reuiſcere quercus,
Exutoſq; annis iuueſcere ſapius angues.
Quin & auem longâ conſumptam eſt fama ſe-
nectâ*

*Occidere, eq; rogo vitam inſtaurare recentem.
Aſt hominem nec fata ſinunt producere vitam,
Nec ſemel extinctum remeare in luminis auras.
Nympha, immortales Nympha, ſuccurrite feſſo:
Dicite, ſiqua viret veſtris in montibus herba,
Que gelidos animam renocet vitalis in artus,
Dicite: tum memor hîc vobis altaria ponam,
Et nitidos agnos biſſenos de grege cadam.
Quid loquor? heu! rapiunt venti mea vota
proterui,*

*Et prece veſanâ Diuos atque aſtra fatigo.
Ergo Aegon perijt? nec quiſquâ Aegon reducet?
Crudeles Diui, crudelia ſidera, Nympha
Crudeles; ſed tû cunctis crudelior Aegon,
Qui periſſe tuo potuiſti abſente Menalcâ,*

Im-

*Immemor heu nostri. Licuisset lumina saltem
 Claudere, & illa meis humentia reddere guttis,
 Cum suprema darem frigentibus oscula labris.
 Sed forsàn, cum tu loquerere nouissima verba
 Languidus, ac dulces raperet dolor ultimus
 auras,*

*Ipse inter latas ducebam pocula mensas
 Nescius, aut Satyros cantabam, aut Phyllidis
 ignes.*

*Quamquam, si penitus mihi mens non caca
 fuisset,*

*Certus ego hos olim potui prænoscere casus.
 Sape etenim esculcã captanti frigus in umbrã,
 Dũ tacitus sedco, dũ ventus & aura quiescit,
 Nescio quis laeuam venit tinnitus ad aurem;
 Cumq; admonissem teretes ad labra cicutas,
 Dissona feralem reddebat fistula cantum:
 Sape & sponte suã manibus delapsa cadebas,
 Quod superest, tumulum extincto statuimus
 inanem,*

*Quã Tiberis sacrum velatus arundine crinem
 Pacato Latias interluit amne ruinas.*

*Arbore dehinc viridante mei monumenta
 doloris*

*Inscribã lacrymans: quæ fortè notabitur arbor
 Non illam venti eruerint, non auferet atas;
 Viuida sed seros durabit ad vsque nepotes,
 Aeternũ testata meos in cortice luctus.*

SALVETE Aegonis cineres, quacumq; tenet vas
 In terris regio. Vos hic persoluite mæsti
 Pastori magno, Pastores, iusta quotannis,
 Quem vinum coluit, cuius flet morte Menalcas.
 LYCID. Desine fata queri meliori luce fru-
 ctis.

Sat lacrymis, nimiumq; datum est. Ruis inte-
 rea nox,
 Quæ nos cogit oves in septa reducere pastas.
 Cras facere exequias, manesq; vocare licebit.

NATALIS RONDININI, ROMANI,

S. D. N. ALEXANDRO VII. à Breuibus, in
 funere SIDRONII HOSSCHII Elegia.

DV M nemorosa suis me detinet Vmbria
 campis,
 Vmbria siluosis inclita verticibus;
 Et iam vere nouo Zephyris aduecta serenis
 Spirat odoratis aura reuincta rosis;
 Dum modo, quàm se humili submitunt vertice
 colles,
 Et præbent faciles ad iuga summa vias;
 Aut quàm saxa inter flumio Clitumnus amana
 Prosilis, & vitreos integit vmbra lacus,
 Cli-

*Clitumnus, quo non Cereri aut fluit alter Iaccho
 Grator, & niueo est concolor unda gregi;
 Oppida demiror crebris succrescere siluis,
 Et nemora antiquas inter opaca domos,
 Quæq; procûl tumidis surgût in mōtibus arces,
 Quæq; in subiectâ mœnia valle sedent:
 Nunc iuvas ad riû, quâ musco interlita ripas
 Arguto trepidat carula lympha pede,
 Ludere qua tenui seruent in cortice fagi,
 Mox referat fessas dux gregis inter oues.
 Heu quam furuis actristibus horrida pennis
 Attonitas aures nuntia fama subit!
 Hosschiaden, quo se tantum Germania tollit,
 Quantum clara suo Mantua Maonide,
 Vi subitâ ereptum terras liquisse, supremum
 Dum canit, & fessâ sidera voce petit.
 Sic ubi sensit olor nutare in morte propinquâ
 Lumina, vicinas pracinit exequias.
 Vos testes nigri colles, Romana Phileta
 Qui tegitis vestro molliter ossa sinu,
 Ut percussa nouo & misero confusa tumultu
 Omnia sint primum visa iterasse Chaos,
 Et miris simulacra modis errasse per umbras,
 Et magnâ manes voce vocasse pios.
 Inter qua lacrymis & terribili ululatu
 Creditur & vates Cynthia flesse tuus;
 Quæq; unâ tumulo teneri conduntur amores,
 Non ignes, solitas non habuisse faces.*

vii] IN OBIT. SID. HOSSCHII.

*At tacitos iuxta cineres qui labitur amnis,
 In mare turbatis maestior ibat aquis:
 Et quales olim cognati in funere Vatis
 Soluebat multis inferias lacrymis:
 Consuetâq; via & lata inter gramina ripa
 Immemor, oblitum sapè retorsit iter.
 Nec tantùm flebas calo gratissimus amnis:
 Extulit & mæsto gurgite Mosæ caput.
 Languidus & Rheno ingentes cum iungeret
 undas,
 Confusas unâ miscuit & lacrymas.
 Infelix flumen, quòd dum valueris, amara
 Perpetui luctus in mare signa feres.
 Nec iam auro & latâ pracinctum tēpora myrto
 Excipiet tectis Oceanus genitor.
 Sidroni interea, seu te noua gaudia calo,
 Seu te culta tenet vatibus ora sacris:
 Si te tangit honos, tibi adhuc si carmina cura,
 Nec noster toto è pectore cessit amor,
 Magna venit cineri merces. Nil fata nocbūt:
 Vives, nec parvâ parte superstes eris.
 Marenti Chisius dum se sub pectore condit,
 Haud poteras tumulto nobiliore regi.*

FERDINANDI FVRSTENBERGII,

S. D. N. ALEXANDRO VII. ab interioribus
Cubiculis, Canonici Hildesiensis & Pa-
derbornensis, Elegia ad Iacobum VVal-
lium de morte SIDRONII HOSSCHII è
Societate IESY.

E T si me patria dilectas linguere terras,
Et procùl Angaria collibus ire mea,
Et procùl ignotas ausum calcare pruinas,
Et nimio tostas sole tenere vias,
Ceruleus Hesperidum Tybris regnator aquarũ,
Et modo septenis vrbs tenet alta iugis,
Alpinæq; niues ac nubifer Apenninus
Obstat, & Hetrusca vota morantur aqua,
Vt nequeam Tungros sulcantẽ visere Mosam,
Et prasens mæsto soluere iusta rogo;
Vt nequeam tumulo componere vatis amici
Reliquias nostris irriguas lacrymis:
Non tamen extincti cineres ac busta. Sidroni
Eminus assiduã plangere mæstitiã,
Aut umquam meminisse p̃ij cessamus amoris
Supremos, linguã deficiente, sonos.
Quin etiam violis & lauri frondibus urnam
Halantem fictis ponimus exuviiis,

** 5

Et

*Et manes plenâ venerati thuris acerrâ
 Sacramus teneris lilia mixta rosis.
 At circum Latij, doctissima turba, Poëta
 Dicunt Aoniâ carminamæssa lyrâ,
 Quæ septem geminis imitatur collibus Echo,
 Dum queritur nostris saucia vulneribus.
 Ipse etiam fletu tumulum dignatur inanem
 Chisius, Ausonia gloria prima toga:
 Et gemitu manes ciet, ac Permesside lymphâ
 Spargit flebilibus scripta sepulcra notis.*

HOC MERUIT IUSTI MONVMENTVM BELGA DOLORIS,
 PROXIMVS INGENIO, CVLTE TIBVLLÆ, TVO.

*Interea curis liber mortalibus errat
 Hoffschius, Elysium quâ tegit umbra nemus;
 Quâ Zephyri blandis asibilat aura susurris,
 Et vires insonsis laurea silua comis;
 Quâ saliunt vitrei per amœna rosaria fontes,
 Et præbet faciles obuia ripa toros.
 Illic divinas inter considerare vates
 Gestit, & Heroqm proximus ire choris.
 Et modo cantatos suspirat numinis ignes,
 Et Superum grato carmine laudat opem:
 Et modo virtutes ac funera dicit amanti,um,
 Et canit Austriacâ mœnia capta manu,
 Illinc, si nostri tangit te cura, nec omnis
 Excidit oblito pectore vatis amar,
 Aspice perpetuis lacrymarum turgida riuis
 Lumina, & exequias, doctæ Poëta, tuas.*

Aspi-

SIDRONII HOSSCHII. xj

*Aspice ut immensum tua gloria lata per orbē
 Visat & Eoos, visat & Hesperios:
 Ut male neglectas, monumēta perennia, Musas
 VVallius indignis vindicet à tenebris.
 VVallius Aonidum nūc maxima cura sororum,
 VVallius ille meus, VVallius ille tuus.
 Quā pius ille manu fugientes clausit ocellos,
 Et summis animam legit anhelitibus!
 Quā pius æternis mādāt tua nomina chartis,
 Et damnat lacrymis impia fata suis!
 Scilicet ereptum sic tristis Nasa Tibullum
 Luxit, & Orpheam Calliopeia necem.*

STEPHANI GRADII

RAGVSINI,

Epigramma ad Eminentissimum Principem
 Cardinalem FABIVM CHISIVM de obi-
 tu SIDRONII HOSSCHII è Soc. IESV.

*S*iqua iuuant mutos cineres, si lumine cassis
 lucundum quicquam manibus esse potest,
 Multum habet egregy quod gaudeas umbra
 Sidroni,
 Nuper cognatis reddita sideribus,
 Ad tumulum, ô Princeps, decorum laudumq;
 suarum
 Quod desiderio est nobilitata tuo.

IOAN-

IOANNIS ROTGERI T O R C K,

Canonici Monasteriensis & Mindensis, Ode
in Funere SIDRONII HOSSCHII c Soc.
IESV.

O *Noctis aeternae atque Erebi pudor,
Crimen decorum, lurida carnifex
Mundi ruentis, quam tot atro
Saecula iuuat vacuare penso!*

*Quae saeva Erinnyes, quodve odium vetus
Famesve magnorum improba funerum
Te concitauit in verendum*

*Sidronij caput immerentis?
Fatum serena molliter aureum
Nebant sorores: dum propior Deo
Poëta nil mortale cantans*

*Tenarias tremefecit umbras,
Arrexit aures Orcus, inertior
Styx haesit, ingens continuuit canis
Rictus trifauces, & Megara
Viperei siluere crines.*

*Tu sola funestam rabiem intimis
Loquens medullis, diceris inclytum
Plutone deprecante stamen
Sacrilège secuisse dextrâ.*

Scelus

IN OBIT. SID. HOSSCHII xlii.

*Scelus peractum est. Magni Elegi tacent,
 Nec par Tibullo gratia, ceu prius,
 Cantando iam Scaldim moratur
 Precipitem, lacrymisq; Mosam
 Lætè tumentem. Quin sacra lugubri
 Clamore Parnassi antraremugiunt,
 Præcordijsq; excussa mæstis
 Per virides gemit aura lucos.
 At victor orbes sidereos premit,
 Auræq; Divum vespicitur Hosschius,
 Et iura Minos seuera
 Despicit, invidiamq; Parca.
 Quid victa frendes? rumpere livida
 Mortis satelles, rode manus reas,
 Caputq; nequicquam scelestum
 Tartareo Phlegéthonte cela.
 Præcisa Vatum vita repullulat
 Ringente Averno. Non timet Atropon
 Mens plena Phæbi; sed superbo
 Fata sinistra domat triumpho.*

IACOBI

IACOBI VVALLII E SOCIETATE IESV

IN SIDRONIVM HOSSCHIVM PIETAS.

Cum Cortraci in graui periculoſoque morbo
Carmen B. Virgini vouiſſet, ſi conuale-
ſceret, anno 1646. quo vrbs in Gallorum
erat poteſtate.

O *Qua virgineo cum ſis latiffima partu,
Imperium nati par propè, Mater, habes:
Cuius in arbitrio eſt properantia ſata morari,
Corporaq; è tumulis viuaciere ſuis:
Quaq; pios vates, & de te digna locutos
Credereis auxilio ſapè leuare tuo:
Huc mites, huc ſteſte oculos. Tuus ille Poëta
Deſicit, & pallens, & ſine voce iacet.
Deſicit, heu fruſtrà pactus ſibi carmine vitam;
Quo te crediderat munere poſſe capi.
Nil artes, herbaq; inuuant: tua dextera, Mater,
Poſcitur: hac vana ſuppleat artis opem.
Ne ſine, quod prono pepigit tibi pectore votum,
Ne ſine, quam de te ſpem fouet, aura ferat.
Non illum vita (quid enim, quod ametur, in
illâ eſt ?)
Tangit amor, quâuis hic quoque tægit amor.
Omnia luſtus habet: facies miſerabilis vrbi eſt:
Nec dominum mærens fert benè Liſa nouū.
Cru-*

IN OBIT. SID. HOSSCHII. xv

*Crudescunt morbi: procumbunt tabida passim
Corpora: funeribus non caret ulla domus.
Victoris nunc ira subit; nunc rapta gementi
Libertas populo, virginibusq; pudor.
Nec ruri, ut quondam, suus est honor: orba co-
lonis*

*Cessat, & informi squalida terra sita est.
Hoc unum superest, lacrymis miscere querelas:
Hoc unum miseri, flere, leuamen habent.
Quem tibi, Sidroni, sensum, tam densa malo-
rum*

*Se tibi dum series obiicit, esse putem?
Te quoque plus ipso tangunt mala publica
morbo:*

*Prosequeris lacrymis fors an illa tuis.
Nunc lacrymis; tunc, cum poteras, & voce le-
uabas,*

*Et, quacumque locus resq; sinebat, ope.
Hei mihi! dum saeuus miscet sic omnia Mauors,
Mitior est tantis mors properata malis.*

*Tu, Virgo, tu sola facis, cur optet amori,
Et pariter vite tempora longa sua.*

*Ah quoties calum spectat, morti q; paratus
Ardet in amplexus ille venire tuos!*

*Ah quoties votis iterum reuocatur, & optat
Respectu tantum viuere posse tui!*

*Viuat, & extentos virtutibus impleat annos:
Viuat, & hoc munus pradicet esse tuum.*

Te meminisse decet, qua de te plurima scripsit,
 Digna tua sobolis nomine, digna tuo.
 Donec erat sospes, quis de tot vaticibus illo
 Dicitur in titulos cultior isse tuos?
 Facundum faciebat amor: plenusq; vigoris,
 Inq; suâ semper Matre disertus erat.
 Dic, bona, dic, valeat. Memorem se forè ita-
 bellam,

Aut votina petis munera, carmen habet.
 Illi sola places, illi laudabere sola,
 Sola pio vati grande volumen eris.
 Tunc iterum blandâ matrem te voce vocabit,
 Auxilio latus se superesse tuo.
 Natalemq; nouum tibi se debere quotannis
 Dicit, & antiquâ religione colet.
 Pactaq; vota feret, feret & sollemnia thura:
 Munera cum tenero carmine laurus erunt.
 Tanges & Happardum (quid non pia tangit
 amantem

Pectora?) pars meriti non abolenda tui.
 Te spectans animo, vatemq; amplexus amicum
 Hac de te, dicet, gaudia, Diua, fero.
 Tum quoque seruati testantia vatis amorem
 Ante tuos ponet carmina vota pedes.
 Addet & ipse sui mansurum pignus amoris,
 Aut ebum, aut Indi nobile dentis ebur.
 Hoc cultu, variâque super testudine fulgens
 Pendebit templo pulchra tabella tuo.

Acce-

SIDRONII HÖSSCHII. 'xvii

*Accedent alij, concordia pectora, vates,
Gens pia, gens laudes docta referre tuas.
Ante alios, supplex veniet Becanus ad aras,
Nec veniet vacuâ, gratus & ipse, manu.
Blanditias, elegosq; suos, sua munera soluet.
Materies eritis tuq; puerq; tuus.
Omnibus vnus amor grates tibi dicere, sospes.
Dummodò sit, pro quo vota precesq; ferunt.
Carminis vt causas, & aperti signa fauoris,
Sic numeros illis, ingeniumq; dabis.
Ipse etiam voti veniam reus, & mea sacris
Carmina suspendam qualiacumque tholis.
Inscribam: QUÆ, DIVA, TVO MODO VITA
POETÆ*

REDDITA, PARTE ALIQUA REDDITA VI-
TA MIHI EST.

A D E V M D E M.

Cùm alter alterius recognoscendis versibus
mutuam nauaret operam amicissimâ li-
bertate.

NE viuam, neque vita meos quacumque
libellos

*Extipias, superet tempora parua mea,
Tibi mihi, Sidroni, viuis si carior alter,
Parsq; sodalitiij dulcior vlla mei est.
Tu mihi primus amor: te iudice glorior vno
Nos aliquem vates inter habere locum.*

Tu

Tu mea cūm legeres, quid non sperare iubebas?
Iudicio creuit spesq; animusq; tuo.
Nec tamen interea, ne non me cultior irem,
Admonitu non est facta litura tuo.
Non tibi libertas decrat: mutanda notabas.
Sapè mihi facilis, sapè seuerus eras.
Sapè suo inuitam refecabas corpore partem.
Libertas Musis profuit illa meis.
Incisis melius veniunt in vitibus vna,
Incisis formam sepibus hortus habet.
Nec, nisi cum loliis steriles vellantur auena,
Sperato messem fenore reddit ager.
Nec, nisi siluestres rami cadantur & umbra,
Insita mutata mala tulere pyri.
Non mihi scribendi veniat tam dira libido,
Vt mea contempto iudice solus amem.
Sic se litorea cūm vidit solus in unda,
Thersites facie credidit esse bonā.
Sic quem Nerine tantū Galatea videnda
Horruit, est formae captus amore sua.
Credidit & lumen, mediā quod fronte gerebat,
Credidit hirsutas & placuisse comas.
Non hac antiquos tenuit fiducia vates.
Ingenio signis credere quisque suo.
Cynthia laudata est: sed laudatissima quamuis
Cynthia, iudicio subdita, Naso, tuo est.
Nec puduit Flaccum, iussos licet ista referret
Chorda sonos, aures consuluisse tuas.

Sapè

*Sapè suas etiam volucres tibi legis & herbas,
 Quæq; Mycenais induit arma Macer.
 Sapè, Perilla, tuum limâ mordaciter idem
 Rexit, & incudi reddere inſit opus.
 Non, ubi ceſſaras, quamvis ceſſaſſe pueret,
 Delictum Muſa eſt inficiata ſuum.
 Cedere malebas, quàm non admiſſa fateri,
 Nec tibi non laudi cognitus error erat.
 Ah valeat, ſibi qui parcit, ſeq; & ſua ſolus
 Aeſtimat, atque odio verba monentis habet.
 Ipſe ſibi plauſum geminet, nec tãq; coronam,
 Et medio Pindi det ſibi montelocum.
 Inuidiamq; vocet, quã non niſi ſumma meretur,
 Incultum ſiquis damnat, & odit opus.
 Sapè ſuis illum videas ſupereſſe libellis,
 Sapè etiam fama funera flere ſua.
 Quippe rudes fetus primo moriuntur in ortu,
 Primaq; lux illis ſapè ſuprema fuit.
 Tu famam vitamq; iubes ſperare libellos,
 Iudicio pretium qui meruere tuo.*

A D S E I P S V M.

Cùm Sidronius Hoſſchius, è Societate IEſv,
 amicorum & poëtarum optimus maximus,
 vitã exceſſiſſet.

E Rgò, ubi ſumma dies noſtros explenerit
 annos,
 Quod ſumus, iniectus pulvis & urna teget?
 *** 2 Nec

xx IN OBIT. SID. HOSSCHII.

*Nec mihi profuerit, quod vates Numen habere
 Credimur, & Diuum proxima cura sumus?
 Nec mihi, quod chartas, & chartis digna notari
 Nomina post cineres Musa perire vetet?
 Si quid id est, cari venient ad funera vates,
 Et tumulo titulum, mœstaq; sarta dabunt.
 Ossaq; prateriens (si quis tamen illa viator
 Nouerit, & Musa famafit vlla mea)
 Forsitan insperget violis ederaq; virente,
 Et leuiter: Vates hic quoq; e, dicet, erat.
 Vtterius nihil est, quò se spes ardua vatium
 Porrigat: hoc pretio gens operosa sumus.
 Et mihi iam tanti est, aliquis si dicar in illis,
 Et populi veniat paruus in ora liber?
 Ah furor est, sacras aliquod captare per artes
 Nomen, & in famam viuere velle suam.
 Fama perit, pereunt artes, rapit omnia secum
 Et rogos infelix, & niger ille dies.
 Parnasi colles, & collibus addita Fama
 Limina, laurigeris undique septa viis,
 Parcite, non ego vos, quamquam mihi carus
 Apollo
 Annuat, inq; suum me sinat ire nemus;
 Non ego vos ederas, si quas meruisse putamur,
 Non capiti posco laurea sarta meo.
 Nec seruant edera, nec seruat laurea vatem,
 Et cineres frustra sera corona tegit.*

xq

F A C U L T A S

R. P. PRÆPOSITI PROVINCIALIS

SOCIETATIS IESV.

EGO Thomas Dekens, Præpositus Provincialis Societatis IESV in Provinciâ Flandro-Belgicâ, potestate ad id mihi factâ ab admodem R. P. N. Præposito Generali Goswino Nickel, facultatem concedo, vt P. Sidronij Hosschij Societatis postre Sacerdotis Elegiarum libri sex, cum eiusdem variorum carminum siluulâ, eruditissimè ex eâdem Societate nostrâ virorum iudicio probati, typis excudantur. In cuius rei fidem literas manu meâ subscriptas, & sigillo officij mei munitas dedi. Mechliniz xxv. Augusti, anno M. DC. LV.

Thomas Dekens.

APPROBATIO CENSORIS.

NON hos libellos approbare tantùm visum fuit, sed ipsi Poëticæ gratulari, quæ Sidronium Hosschium, virum è Soc. IESV eruditissimum, nacta sit Elegiographum, qualem nulla adhuc tulerunt sæcula, castum simul & elegantem. Nam de iis qui hanc poëseos partem excoluerunt, id pronuntiarî possit, quod de boletis Medici, pessimos esse qui inter illos sunt optimi. *Qua voluptas,* inquit Plinius, *tam ancipitis tibi;* ego, tam laiciui carminis? Quo nomine Adrianus VI. Pontifex Maximus Poëtis iniquior fuit: at nunc Alexandri VII. nomen sibi præfigere ausi sunt hi libelli, cuius commendatione celebriores lucem meritò videbunt.

*Christianus Voochts, Canonicus,
& Archid. Antuerpiensis,
Lib. Censor.*

SVMMA PRIVILEGII.

PHILIPPVS IV. Hispaniarum & Indiarum Rex Catholicus, & Potentissimus Belgarum & Burgundionum Princeps, Diplomate suo sanxit, ne quis Sidronij Hoslichij è Societate IESV Poëmatum libros sex præter Balthasaris Moreti voluntatem ullo modo imprimat, aut alibi terrarum impressos in has Germania Inferioris ditiones importet, venalesve habeat. Qui secùs faxit, confiscatione librorum & aliâ graui pœnâ mulstabitur; uti latius patet in litteris datis Bruxella XIX. Octobris M. DC. LV.

Signat.

De Fren.

XXIII

SIDRONII
HOSSCHII
E SOCIETATE IESV.
ELEGIARVM
LIBER PRIMVS:
CVRSVS VITÆ
HVMANÆ.

SIDRA

LOSS

LOSS

LOSS

LOSS

LOSS

LOSS

C V R S V S
V I T Æ H V M A N Æ.

E L E G I A I.

Vitam mari similem esse.



Ita mare est: res plena metu, res plena tumultu

Utraque. Mortales credite, Vita mare est.

Neutrutra fides: quot fluctibus aspecta surgunt

Æquora, tot causas illa timoris habet.

Syribus infame est, saxisque latentibus æquor:

Infamis scopulis est quoque vita suis.

Saxa, maris scopuli; vitæ, sua cuique cupido.

Hei mihi, quot scopulus perdidit ille rates!

Et fluit, & refluit, rapiturque & voluitur æstu,

Et stabile in solâ mobilitate mare est.

Littora nunc repetit, nunc littora deserit vnda,

Occurritque sibi, seque teuerisa fugit.

Æstuat, & discors etiam sibi vita resistit,

Perque suos æstus nostraque, nosque rapit:

Et modò, quod prodest, temerè auersatur & horret,

Et modò, quod lædit, per sua damna petit.

Et dolet, & gaudet; speratque, timetque; sibi que

Cedit, & obsistit; nesciaque ipsa sui est.

Nec magis immite est pelagus quam vita, nec iræ

Plus habet: hoc monitis, nec minùs illa scætet.

a

Est

2 SIDRONII HOSSCHII

Est maris, est vitæ cursus metuendus & anceps :

Publica naufragiis vtraque facta via est.

Aspicias ut vexent crudeles æquora venti ?

Ut tollant vndas montibus illa pares ?

Concurrunt Euri Zephyris, Aquilonibus Austri,

Præliaque in pelago, cum pelagoque gerunt.

Vita quid hæc aliud, nisi tristis & aspera pugna est ?

Pace caret pelagus, vitæque pace caret.

Si qua tamen pax est, nihil est incertius illa :

Iam Boreas franget, quam tulit antè, ratem.

Nauita quid precibus fluctus placare laboras ?

Accipiunt nullas æquora surda preces.

Ipsæ tonat, precibusque tuis obmurmurat æther,

Verbaque diserpunt, qui tua vela, Noti.

Vnda furens inopum cymbas, regumque triremes

Percutit, & meritis immeritalque rapit.

Pluribus, aut totidem nullo discrimine sæuit,

Nec minùs infestis improba vita malis.

Nónne per aduersas agitur propè tota procellas ?

Nónne suos fremitus, ut mate, semper habet ?

Non quos Oleniæ sidus pluuiæ capellæ,

Aut oriens Sterope, Taygeteque ciet :

Sed quos ipsa sibi, quos ipsi plurimus hostis,

Ipsa sibi, atque hostis, sed magis ipsa mouet.

Cumque ars sæpè domet fluctus vitæque, marisque,

Deficit ars dubiis vtraque sæpè malis.

Hic primo, hic medio cursu perit, ille supremo :

Sæpè etiam in portu naufraga turba sumus.

Sors eadem populos florentes iactat & vrbes :

Sors eadem reges, totaque regna rapit.

Ille viris armisque potens, tot nomina fastis

Quæ dedit, & Superis par propè Roma fuit,

Totque

CURSUS VITÆ HUMANÆ. 3.

Totque triumphorum sibi maximus ipsa triumphus,

Quæ sibi subdiderat solis utrumque latus,
Visa sibi alterius sortis discrimine maior,
Interiit ventis naufraga facta suis.

Majestas cecidit, fellæ cecidere euntes:
Barbaries victrix Italia signa tulit.

Quem domitum vidit septem de montibus orbem,
Vidit in externas victa venire manus.

Hæc ego te moneo, qui, quod iubet impetus,
audes:

Cui volat excusso cymba soluta metu:

Quem nil Cyaneæ, nil monstra natantia terrent,
Nil tabulæ, & merces, gazaque sparsa mari:

Qui neque, quid moneant venti, quid sidera, curas,
Quid resonans longè litus, & vinda notet:

Quid signent medio reuolantes æquore mergi,
Oblitus pelagi, nec minùs ipse tui.

At nisi ludibrium debes animamque procellis,
Quor fluctus, totidem crede venire neces.

Sollicitos seruat felix industria nautas,
Nec nisi sollicito nascitur illa metu.

Cùm mare, cùm ventos, cùm circumspexeris astra,
Dic, Vbi nunc velis commoda stella meis?

Sic tibi sit numquam Ceyca referre natantem,
Seraque post fractam perdere vota ratem.

ELEGIA II.

*Ad felicem cursum pretiosam navem non
conferre:*

Vitam diuitiis beatam securamq, non reddi.

Non tibi si tristes pelagi denuntiar iras,
Nostra ratem ventis credere Musa vetat:
Sed monet, vt, quoniam ventis dare vela necesse
est,

Firma per infidum sit tibi nauis iter.
Nec tibi de pulchrâ, nec sit de diuite cura,
Vela nec antennis serica necesse tuis.
Serica non curant Aquilones vela, nec Austri,
Nec timidè pictos verberat vnda Deos.
Littoribus soluens patriis Regina Canopi,
Miranti luxum gurgite, vela dedit.
Aurea puppis erat, formæque in puppe Deorum,
Monstraque delubris Nile recepta tuis:
Bubastisque, Epaphusque, & Anubis, & Inachis Io,
Et quæ præterea numina Memphis habet.
Aurea fulgebant summo carchesia malo,
Fulgebant nitidis illita transtra notis.
Cæcula inaurati verrebant æquora remi:
E cedro tabula, clauus eburnus erat.
Vnda percussio radiabat concolor auro,
Et qualis Danaën fallere posset, erat.
Mollia purpurei necessebant vela rudentes:
E mediâ fuerant vela petita Tyro.
Ipsa videbatur velorum purpura fluctus
Tingere, purpurcas findere puppis aquas.

In

CURSUS VITÆ HUMANÆ. 5

In medio thalamus: thalamo regina iacebat,
 Visa sibi æquoreas inter habenda Deas.
 Errabant pueri, quales pinguntur Amores,
 Reginam circum, purpureumque torum.
 Pars arcum, pharetramque gerit: pars aurea vibrat
 Spicula: pars dominæ spargit in ora rosas.
 Quid memorem, ut cunctæ Nympharum more puellæ
 Nantarum subeant arte manuque vices?
 Ut feriant illæ ductis ad pectora remis
 Æquora; propulsam dirigat illa ratem?
 Hæc faciles caprat ventos, tractatque rudentes,
 Et modò dat Zephyris, & modò vela Notis.
 Illa sedet, citharamque tenet, remisque canendo
 Imperat, & pulsas carmine mulcet aquas.
 Pars philyrâ flores, & seta fragrantia necit:
 Illa cotonandis puppibus, illa Diis.
 Pars tibi vorius pingunt Neptune tabellas,
 Quas tibi pro saluâ munera puppe ferant.
 Singula quid referam? quas pendunt regna Canopi,
 Et quas Nilus opes, vna carina vehit.
 Quid tibi vis regina tamen? cùm pallidus auro
 Malus, & antennæ, pictaque transtra gement,
 Cùm fera te iactabit hiems, ferientque carinam
 Fulmina, cùm Boreas tollet in astra mare;
 Et modò surgentes pulsabunt sidera fluctus,
 Et modò diductis terra patebit aquis;
 Nauita cùm pallenis cælo diffidet & atti,
 Isidaque & surdum poscet Osirin opem;
 Quid tibi tunc pretiosa ratis, quid conferet aurum?
 Quid tibi tunc mentis, si qua supersit, erit?
 Tunc putas opibus Borean, Austrumque furentem,
 Deliciisque capi Nerea posse tuis?

6 SIDRONII HOSSCHII

Pallentes grauis vnda genas, grauis vnda capillos
 Sparget, & humenti lumina veste teges.
 Non tibi tunc misera pallorem regia demet
 Purpura, nec Libyci nobile dentis ebur.
 Nil autum poterit: mare non corrumpitur auro:
 Exorant tumidos munera nulla Notos.
 Tunc frustra pelagi Nymphis regalia tendes
 Brachia, natalem respicietque Pharon.
 Ludibrium ventis & verba & vela ferentur,
 Ludibrium sauis aurea puppis aquis.
 Falleris o quicumque tibi blandiris, & inter
 Immenfas, felix esse videris opes.
 Te quoque deceptum, soloque errore beatum
 Per tumidas defert aurea puppis aquas.
 Crede mihi, nullis opibus condere tutum:
 Eludunt dominos, destituuntque suos.
 Ah pereat, qui primus opes effodit opertas,
 Quas melius tenebris alta regebat humus.
 Illum debuerat cocuntis mole ruina
 Obruiere, atque opibus iungere terra suis.
 Quam bene defosso lauisset proximus auro!
 Quot pariter scelorum monstra sepulta forent!
 At nunc ex antris patiter prorupit isdem
 Proditio, & gaudens sanguine cadis Amor,
 Et Mars, & Martis comites Terrorque, Furorque,
 Et Luxus, bello peius & hoste malum,
 Ambino tantas qua duxit origine vires,
 Vnde trahunt ortus Fastus & Ira suos.
 Aurum captiuae leges, & iura sequuntur,
 Cumque sua sequitur capta bilance Themis.
 Fortius licet ferro, infidoque potentius igne
 Persumpt valida moerula structa manu.

Pugnat,

CURSUS VITÆ HUMANÆ. 7

Pugnat, & humanis infame est cædibus aurum,
 Et minùs à ferro corpora nostra iacent.
 Impius, ante aras, fœdauit cæde Sichæi
 Pygmalion, auri captus amore, manas.
 Perdidit Oecliden Eriphyle, nupta maritum:
 Ferfidix fuluum causa monile fuit.
 Quid Pelopem soceri consperfit sanguine, quidve
 Tristia Myrtæ nomina fecit aquæ?
 Vnde, nisi ex auro, iaculis increuit acutis
 Perrea quæ texit te Polydore seges?
 Ferrea, quæ patimur, primùm fluxistis ab auro
 Sæcula. dos auri diuitis illa fuit.
 Aurea (si qua fides) aurum non nouerat aras:
 Quæ primùm hoc nouit, decolor illa fuit.
 Cùm tellus aconita ferat, tristisque cicutæ
 Gramina, nil auro diuite peius habet.
 Illa suas iterùm venas, aurumque recondat;
 Aurea, quæ currunt sæcula, rursus erunt.
 Hoc primùm docuit mirantibus æquoris vndis
 Ad sua deceptas damna volare rates.
 I nunc trans Gangen, trans fluctus curre rubentis
 Æquoris, vt referas vnde perire velis.

ELEGIA III.

*Malum, antennas, vela, ceteraq; armamenta
 magnitudini nauis aptanda esse:
 Mediocritatem in vitâ sectandam.*

Non satis est firmam ventis committere nauem:
 Cetera si desint, firma carina parum est.
 Arbor & antennis, & velis apta ferendis
 Ex æquo mediam temperet arte ratem.

8 SIDRONII HOSSCHII

Et latere à gemino spatiis æqualibus ablit,
 Ne pars hæc oneris plus ferat, illa minùs.
 Vela quoque aptentur. Quæ sint aptissima, quæris?
 Non minima, at magnis esse minora velim.
 Parce, precor, velis æquo maioribus yti:
 Res est auxiliis ista timenda suis.
 Aptæ habili moderare manu: modò stringe tumētes,
 Ut venti fuerint, & modò pande linus.
 Et modò in obliquum Zephyros captare memento,
 Et modò fac sollers, quæ venit aura, pedem.
 Nec ventis aude confidere: contrahe prudens
 Quæ Zephyro nimium vela ferente iument.
 Nulla fides ventis: nihil est fallacius illis:
 Ipsa quoque amisit, quæ fauet, aura fidem.
 Vidi ego naufragij tabulas per littora sparsas,
 Causaque vis Austri vela iuuantis erat.
 Fortunâ nimium lætâ periistis Athenæ:
 Hæc vos, & vestras perfida fregit opes.
 Elatæ rerum successibus itis in arma:
 Sub tumidis æquor classibus omne laret.
 Quid tremitis Siculæ visis tor nauibus vrbes?
 Hæc sibi, non vobis, vltima fata vehunt.
 Transiliat velis animilque tumentibus æquor,
 Totaque se placitis Attica credat aquis.
 Nunc quibus insultat, mox victa fauileet in vndis:
 Naufragium classis, gentis & vrbis erit.
 Dum victrix domitum septem de montibus orbem
 Aspicit, è tanto culmine Roma ruit.
 Clade suâ fluctus Antonius ire cruentos
 Vidit, & Hos, dixit, lætior aura mouet.
 Cræse pyram supera: iam viuus in igne sedebis:
 Hoc solum tibi fors illa benigna dedit.

Prospera

CURSUS VITÆ HUMANÆ. 9

Prospera res armis, omnique potentiùs hoste
 Exitio reges regnaque sæpè dedit.
 O fuge fortunæ tidenti fidere, nec te
 Auferat vilitas: vilitate nocet.
 Addit opes: cumulat titulos: post omnia, mentem
 Eripit: hoc pretium dona fauentis habent.
 Pulsa fugit Ratio, vacuamque Superbia sedem
 Occupat, & cuiquam cedere turpe putat.
 Nec paritur fortis dubio nutantis in orbe,
 Nec vitæ fragilis, nec meminisse sui.
 Ferre parem nescit, maioraque viribus audet,
 Consilii que experts in sua damna ruit.
 Nec minùs interea Liur, sublimia semper
 Qui petit, infidâ clâni mouet arma manu.
 Insidiis Liur, quod viribus hostis apertis,
 Totâ que quod nequeunt agmina, sæpè facit.
 Nec tamen, inuidiâ fueris si maior, & hoste,
 Tutus es. Ipsa suo pondere magna ruunt.
 Mole suâ turres, excelsaque tecta laborant,
 Incumbensque sibi grande fatiscit onus.

ELEGIA IV.

*Nauem, quò stabilior sit, saburrâ onerandam:
 Natura nostra leuitatem virtute stabiliendam.*

NOs agit, & versat leuitas: mutamur in horas,
 Et nihil est, quod nos, vota que nostra regit.
 Nunc odiis animus, nunc expugnatur amore:
 Nunc spes, nunc agitat pectora nostra metus.
 Deiciunt luctus, attollunt gaudia: motus
 Turbida mens sequitur, nec capit ipsa suos.

IO SIDRONII HOSSCHII

Aut rapit instabilem brevis & non vera voluptas,

Aut animus cœptum deficit inter opus.

Fluctuat infelix quacumque impellitur aurâ,

Nec satis exactum, cadat an obster, habet.

Nec telis opus est, mortemque minantibus armis,

Quæ reuocent, &, quâ cœpimus, ire vetent.

Cedimus impulsu minimo. Meliora perosos

Causa levis cogit deteriora sequi.

Viuius incerto multi, pars maxima nullo

Consilio: pauci, quò vocat vsus, eunt.

Quem sua non vexant fastidia? perdere vitam

Maxima, dum nescit viuere, turba solet.

Excitant etiam cœpto nos tædia cursu.

Hæc, puto, sunt nostri maxima causa mali.

Novi ego qui subito pulchri succensus amore

Iam virtutis erat curtere certus iter.

Vincula, dicebat, iam sum meus, omnia rupi,

Quæque diu iuuit ferre, tulisse pudet.

Iam mihi mortales mens est excedere curas:

Terra nihil dignum, quo teneamur, habet.

Nec me blanditiæ possunt, nec munera regum

Vertere: mors cursum finiet vna meum.

Obstitit exigui facies inopina laboris,

Patuaque venerunt tædia, fractus erat.

Sæpè etiam, qui præbuerat felicia ventis

Carbasa, flexit iter, causaque nulla fuit.

Heu sibi non constans animus! Sic canna palutis

Nutat, & hiberno flectitur acta Noto.

Sic volucres fumos, vectamque per aëra nubem

Arbitrio vertit quælibet aura suo.

At nos (nec pudor est) prætexere nomina culpa

Nescio quæ, nobis & dare verba iuuat.

Ille,

C V R S V S V I T Æ H V M A N Æ. II

Ille, vel ille meæ, clamamus, causa ruinæ est :
 Nec tamen, ah liceat dicere vera, fuit.
 In nobis est causa mali. Mens nescia voti,
 Aut incerta sui, solaque crimen habet.
 Hæc est consilii, hæc est virtute regenda:
 Hæc est officij sæpè mopena sui.
 Nunc tibi facta Patrum, veterumq; exempla viroꝝ,
 Nunc Diuûm monitus, & sacra verba refer.
 Nunc etiam in teneris robur mirare puellis :
 A sexu vinci sit lesiore pudor.
 Cur virtus odio est? malè sarcina magna putatur:
 Ne tua te leuitas auferat, illa facit.
 Vt sit onus, prodest: ventis obstitit & vndis,
 Cur, quod te seruet, ferre grauaris onus?
 Quodd nisi te firmet virtus immota, sui que
 Consilij, quamuis exagitata, tenax,
 Heu frustra alterius felicia vela videbis,
 In medijs, lacerâ naue, relictus aquis.
 Nonne vides, vt se pelago malè credit aperto,
 Nec tutum faciat puppis inanis iter?
 Vel rudibus saxis, vel adhuc humentis arenæ
 Prouidus instabilem nauita mole grauat.
 Ni faciat, nauim leuitas euertat euntem.
 In cursu stabilem iusta saburra facit.
 Illa suo trepidantem examine librat in vndis:
 In latera impulsis illa resistit aquis.
 At labat infelix, & tantum voluitur vndis,
 Hac sine per fluctus quæ ratis errat ope.
 Non illi portus; non expectanda corona est:
 Exitium scæuis perdita debet aquis.
 Vt careat scopulis, quodcumque subiuerit æquor,
 Pro scopulis miseræ fluctus & æstus erunt.

Dic

12 SIDRONII HOSSCHII

Dic mihi quid refert, tumidis an fluctibus hausta,
 An fractâ pereat ad vada cæca rate ?
 Num minùs immanes pascēs sub gurgite phocas?
 Num minùs eiectum vilis arena teget ?
 Ergò animum firmet tanto in discrimine Virtus.
 Pondus, quo ventos & mare vincat, habet.

ELEGIA V.

*Remigandum quandoque esse :
 In vitâ laborandum.*

L Intea si ventus tua deficit, vtere remis :
 Ventorum remi sæpè fuere loco.
 Nec pigeat fessos pulso versare laçertos
 Equore: si cessent, auferet vnda ratem.
 Tu licet obnixus vento luçteris & vndis,
 Sitque procyl remis terra petenda tuis :
 Et licet erumpat toto tibi corpore sudor,
 Lædat & attritas pustula rupta manus :
 Non animus, non tu desis tibi. Nil sine magno,
 Quod iuuet & profit, vita labore dedit.
 Dum patiens corpus, dum mens est apta labori,
 Illud agat partes, nec minùs illa suas.
 Aspice tot celebres muris & turribus vrbes,
 Fluminaque insuetas currere iussa vias :
 Totq; operum moles, monumentaq; docta, tot artes:
 Omnia sollerti nata labore vides.
 Signa manu docti nondum formata Myronis
 Quid nisi marior iners, & rude pondus erant ?
 Quid nisi cum lappis tribulos, & inutile gramen
 Vomeribus nullis faucia fundit humus ?

Et

CURSUS VITÆ HUMANÆ. 13

Et labor emendat tristes in palmitē succos,
 Et facit, ut fidus semina reddat ager.
 Fama senem celebrat prisca de gente Quiritum,
 Cuius opes messis, cultaque vitis erant.
 Ipse suam subigebat humum, seu vomeris usus,
 Seu curvæ falcis, siue ligonis erat.
 Siue foret siccus ventis, aut solibus annus,
 Non illi segetes sicca negabat humus.
 Siue sata & terras nimius perfunderet imber,
 Humida speratas terra ferebat opes.
 Fallebat vicina seges quandoque colonos;
 Illius semper luxuriabat ager.
 Semper in illius tangebant vitibus vna;
 Parcior, aut sterilis proxima vitis erat.
 Quidquid peccabant soles, auræque malignæ,
 Supplebat variâ sedulus arte labor.
 Nemo sine invidiâ felix. Et agrestia liuor
 Culmina, non tantum regia tecta petit.
 Invidiam meruit virtus operosa coloni.
 Arte ferax magicâ dicitur esse solum.
 Luce sacrâ posuit cessabat pagus aravis:
 Fumabant calidis annua liba focis.
 Turba frequens ibat templis latura coronas,
 Paruaque Dis ruris munera, ruris opes.
 Quâ via ducebat, primâ surgebat in herbâ,
 Sed reliquis multò latior vna seges.
 Hanc aliquis comitû spectans: Quò tendimus? inquit;
 Gens rudis, & nobis non satis æqua sumus.
 Quid frustra tories fruges lustramus & agros,
 Et Divûm templis irrita serâ damus?
 Nec spicis placanda Ceres, nec palmitē Bacchus:
 Est alia, & melior victima danda Diis.

Illo

14 SIDRONII HOSSCHII

Ille senex, cuius tam letum cernitis agrum,
 In sua cantatas horrea condit opes.
 Carminibus fruges nostris traducit ab agris,
 Traducit nostrâ semina iacta manu.
 Esse nefas constat: cur non defertur ad aures
 Iudicis, & merito plectitur ille suo?
 Ut veniant messes, veniant felicius vuae,
 Hæc melior magnis victima danda Diis.
 Dixerat: assensit gens rustica: mittitur index
 Criminis: accusat: curia mora fuit.
 Iamque dies aderat, quo iudicis ora subire
 Rusticus, & pro se dicere iussus erat.
 Confedere patres: posito stetit ille timore,
 Et baculo nitens hos dedit ore sonos:
 Non agit vlla meam, nec agat facundia causam:
 Alterius, verbis; rebus agenda mea est.
 Nec mora: splendentes versâ tellure ligones,
 Sarculaque in medio ponit adunca foro,
 Tribulaque, & falces, & iniquo pondere iustos:
 Nec teres ingenti mole cylindrus abest.
 Astiterat patri robustis nata lacertis,
 Grandis, & æstiuis solibus vsta genas.
 Astiterant soliti glebas inuerrere ferro,
 Innexique iugo colla torosa boues.
 Dum stupet, expectatque silens cum plebe Senatus,
 Tam noua iudicij quid sibi formâ velit.
 Callosam senior tendens ad singula dextram:
 Ista veneficij sunt, ait, arma mei.
 His mea carminibus vitis purgatur, & vvas
 Tot parit: his felix est mihi, sitque seges.
 Hæc, ego si damner, mecum damnentur oportet:
 Criminis auxilium, parque fuere mei.

Simplicitas

CURSUS VITÆ HUMANÆ. 15

Simplicitas placuit, placuerunt verba coloni,
Tutaque Romano iudice causa fuit.
Tu quoque quæ timidis virtutis præmia votis
Experis, in manibus crede reposta tuis.
Has memor exerce, nataque impende labori :
Exacti pretium dulce laboris erit.

ELEGIA VI.

*In tempestate nauem ancorâ firmandam:
Spem in rebus aduersis retinendam.*

C Ur tibi tempestas. animos irataque frangant
Æquora? non semper ventus & vnda furit.
Speranda infestis tibi fors est altera rebus :
Res mala felix semina sortis habet.
Si puppim Boreas tamen abripit, ancora firmet.
Hanc Spes formosâ porrigit ipsa manu.
Quamuis iam tabulæ ventis soluantur & vndis,
Et tumidæ feriant ora precantis aquæ :
Quamuis iam puppim tortâ vertigine fluctus
Mergat, & in medio destituare freto :
Spes tamen adiciat vires animosque natanti:
Illa per inuitas brachia ducet aquas.
Omnia cùm terrent, & deplorata videntur,
Quod iuuet, in mediis inuenit illa malis.
Illa nec ad scopulos allisâ naue fatiscit,
Nec fractâ pariter cum rare fracta perit.
Illa etiam in vasto reperit sibi gurgite portum:
Illa suas, quamuis naufraga, seruat opes.
Te quoque votis doceant sperare tabellæ,
In quibus iniusti crimina picta maris.

Quid

Quid tibi post casum lacrymæ funduntur iuanes?
 Non est auxilium planctus, inersque dolor.
 Saucius & victus redit in certamina miles,
 Et fert exuias quâ modò vincula manu.
 Sit quamuis sterili delusus messe colonus,
 Rursus arat, rursus semina mandar humo.
 Sustinet, insectos cancer cui serpit in artus,
 Ut vitam redimat, parte carere sui.
 Spem reus infelix, seu crux ignesque parantur,
 Seu micat ante oculos stricta securis, habet.
 Sors ebur, & fasces, & auitos tollere census;
 Tollere spem cuiquam non tamen illa potest.
 Quam sors nulla potest, hanc tu tibi demere noli.
 Non tibi si fuerit nunc malè, semper erit.
 Consule Mazoniden vitæ præcepta ferentem:
 Quæ firment animum fabula vatis habet.
 Seu Mars, seu pelagus patientem iactet Vlysses,
 Inuictum quænis ad mala pectus habet.
 Spes illi celerem versabat in omnia mentem,
 Præsentisque animos consiliumque dabat.
 Tunc quoque sperabat, cum gens Troiana latentem
 In sibi suspecto pænè videbat equo.
 Vrite, clamabar vares: malè creditur hosti:
 Fraudem dona tegunt: vrite, Troës, equum.
 Audit, hisque ipsis, per quos periisse putares,
 Sperauit vinci Pergama posse dolis.
 Dum patriam repetit, dum tectis omnibus errat,
 Num minus huic sors est, quàm fuit antè grauis?
 Non illum elapsi potuerunt viribus Euri
 Frangere, carulei non grauis ira Dei.
 Cum sacris torres vndis, populisque, locisque,
 Et Dis luctanti spes bona semper erat.

CURSUS VITÆ HUMANÆ. 17

Hac quoque Lotophagos, hac Circen auspice fugit,
 Hac Læstrigonas, Antiphaüsque inanus.
 Nec spes destituit vasto Cyclopi in antro
 Spectantem comitum viscera, sparsa solo :
 Spectantem trepidos avidis sub dentibus artus,
 Oraque crudeli sanguinolenta dape.
 Illius effugio quis non præclusa putaret
 Omnia? quæ fugeret, spes patefecit iter.
 Naufragus & nudus cum se servauit in alto,
 Plus sibi, quam focij, totaque classis erat.
 Nec tu cede malis: vinci mala sortis acerbæ
 Possè puta, vinces: fer modò, spemque tene.
 Parè suo semper metus est discrimine maior:
 Vulneris est peior vulnere sæpè metus.
 Serpentes non omnis habet trigresque, leasque
 Silua: nec ex omni fulmina nube cadunt.
 Vndarum Boreas dum voluit in æquore montes,
 Et quasi tacturas sidera tollit aquas;
 Si molem spectes, quæcumque allabitur, vnda:
 Obruat hæc, dices, quæ venit vnda ratem.
 At nihil illa nocet: tantummodò tollit in aliam,
 Dum venit; & saluam præterit illa ratem.
 Ipse tuos animo refert & circumspice casus,
 Quos modo te forti mente tulisse iuuat.
 Dixisti quoties rebus deprehensus in arctis:
 Tempestas puppim deprimeret illa meam.
 Tempestas abiit: puppis tibi salua cucurrit,
 Nec quidquam grauius passa timore fuit.
 Si fortuna tamen, quidquid tibi contulit, aufert,
 Non spem, non animos auferat illa vios.
 Omnibus amissis si spes animusque superlit,
 Pars melior census est tibi salua tui.

b

ELE-

ELEGIA VII.

*Clauum puppi;
Prudentiam vita necessariam esse.*

INuigilat minimis etiam Prudentia rebus,
Ne tenuis culpæ grandia damna ferat.
Credere mihi, minimis debent se maxima causis:
Ipse leui nuru statque cadique salus.
In rate pars quamuis minima est extremaque clauus,
At primum pars hæc in rate munus habet.
Seu placet Auroræ populos, Nabatharæque regna,
Seu petere occiduo quæ loca sole tepent;
Seu semper madidas nimbis Australibus oras,
Sine Lycæoniæ frigida regna plagæ;
Ille per aduersas cursum quoque diriget vndas,
Et quocumque voles limite flectet iter.
Ille etiam scopulos ventis obnixus iniquis
Vitat, & à dubiis vela retorquet aquis.
Hoc sine si ventis, si te commiseris vndis,
Quò tua te puppis, quò tua vela ferent?
Hoc sine quos tanges portus? iactabere tantum,
Nullaque erit velis vtilis aura tuis.
Hoc sine nec Colchos reperisset Thessalæ pinus,
Nec spoliū Minyis fulua fuisset ouis.
Ars tua, si clauī careas ope, Tiphys, iacebit:
Ludibrium ventis ille peritus eris.
Non satis est puppim validis impellere remis:
Non satis est ventis credere vela suis.
Remigis officium, puppim qui temperat, anteit:
Pugnaci ductor milite plura facit.

C V R S V S V I T Æ H V M A N Æ. 19

Nauta tenet cursum, quamvis superanda resistent
 Æquora, nec vento naniget ipse suo.
 Scit benè nil Zephyris incertius esse secundis :
 Scit benè diuersis motibus æquor agi.
 Quod venti peccant, facili moderamine clauī
 Corrigit, inceptas persequiturque vias.
 Sæpè sibi aduersas videas occurrere naues :
 Illa volat pelago; nec minùs illa volat.
 Si celerem spectes sulcata per æquora cursum,
 Hæc vento, dicas, fertur, & illa suo.
 Vtraque vela tument, ventoque feruntur eodem :
 Hoc modicus clauī flexus vtrunque facit.
 Tu quoque, dum versa est, & vultus sumpsit acerbos,
 Desine fortunæ de lenitate queri.
 Illa nihil, quod durat, habet: mutatur vi aura:
 Nunc fauet, & prodest; nunc inimica nocet.
 Non frustra, quoniam numquam sibi constat, in orbe
 Pingitur, & dubio lubrica stare pede.
 Quidlibet eueniat, nil non prudentia vincet:
 Quà durum superes, illa docebit, iter.
 At tibi dum pontus tantùm spectatur & æther,
 Nullaque se produunt littora, nulla Pharos,
 Astra regant cursum: cælestia suspice signa,
 Atque oculis Helicen Pleiadaeque nora.
 Nec tu nescieris, quid pronus peccet Orion,
 Quo fremitu nigras concitet Hædus aquas.
 Nec tu nescieris, quid Syrtis cæca minetur,
 Nec quàm Nilæi monstra timenda canes.
 Prospice quis scopulis alios impegerit error:
 Alterius damno discæ cauere mium.
 Dum Graij redeunt, & adhuc fumantia cernunt
 Pergama, laurigeras obruit vnda rates.

20 SIDRONII HOSSCHII

Exitij tanti malè cognitus antè Caphareus,
 Qui latet Euboico gurgite, causa fuit.
 Cæca priùs multas fregere Cerannia puppes,
 Quàm rudis Illyricas nauta timeret aquas.
 Eheu, quàm multi serò doluere Charybdin,
 Et rabiem serò nosse Malea tuam!
 Tu quoque ne fias documentum triste caueto,
 Si temerè ignotum per mare vela facis.
 Ah caueas: hic cauta satis fiducia nulla est:
 Vt securus eas, omnia tuta time.
 Tranquillas etiam formidat naufragus vndas.
 Vtilis hic timor est. Qui timeret, ille cauere.

ELEGIA VIII.

*Viam tenendam esse in mari:
 In vitâ humanâ non quâ itur, sed quâ cur-
 dum est, contendendum esse.*

DVm licet, & mediis fertur tua pinus in vndis,
 Prospice quæ velis terra petenda tuis.
 Scit benè quò currat, qui palma currit amore,
 Scit benè quâ teneat parte viator iter.
 Tela nec incertas mittit iaculator in auras:
 Luminibus prædam, quam petit, antè notat.
 Tu quoque, cui votum est per aperta pericula tuò
 Tendere, quò rapiant te tua vela, vide.
 Alter iter sit nosse labor, ne deuius erres.
 Non alius damnum tristius error habet.
 Quære vbi sint Syrtis, quo latet in æquore Scylla,
 Quâ vomat epòtas parte Charybdis aquas.

Effuge

CURSUS VITÆ HUMANÆ. 21

Effuge Sirenum scopulos, suspectaque Circes
Littora, blanditiis insidiosa suis.

Quid moror? vnum illud moneo, præque omnibus
vnum

Præcipio: memori pectore dicta tene.
Nec tibi nunc hominem, nec Graiùm oracula
quercus;

Ipsum crede Deum nostra per ora loqui.

Tu, quâ remigiis, quâ plenis currere velis

Innumeras puppes videris, ire caue.

Non est, crede mihi, non est, quâ pluribus itur,

Ne trahat exemplo copia, tuta via.

In scopulos fertur plenis pars maxima velis:

Naufragio credas quemque fauere suo.

Quis non, quo pereat, cupidè sectatur, & optat

Exitij caulis proximus esse sui?

Deficit hic etiam doctas sapientia mentes:

Hæ quoque quâ vulgus turbaque sæpè ruunt.

Nec quamuis meliora vident, meliora sequuntur.

Vsque adeò miseris dulcè cupido malum est.

Huic pugnat ratio; sed tamquam vincere nolit,

Seque suâ paritur proditione capi.

Nil didicisse iuuat, nil excoluisse per artes

Pectora: mens partes deserit ipsa suas.

Ah genus infelix! quò te fiducia mendax

Abripit, heu causæ gens inimica tuæ?

Quis furor est, impunè ratis quâ nulla cucurrit,

Aut portum tenuit, currere velle viâ?

Cui te cum turbâ credis, mare portibus orbem est:

Naufragium cursus terminus huius erit.

Commoda prima via est, fateor: rapit æstus cuntes,

Grataque securis aura secundat iter.

b 3

Et

22. SIDRONII HOSSCHII

Et quoniam scopulos, & saxa latentia celat
 Blanda maris species, omnia tuta putant.
 En iterùm moneo: numero ne crede, volentem
 Flecte rarem: numerus, quod malè cedit, amat.
 Vltima, cæca via est; laceratque, hauritque carinas.
 Pauci, quos tabulæ per freta summa vehunt.
 Exitus infelix hic irreparabile damnum est:
 Non reditum, non spem naufraga puppis habet.
 Sera suæ tunc quisque facit conuicia culpæ.
 Dum licet, & prodest flectere, flecte rarem.
 Nec, si dispositos per litorea videris ignes,
 Esse puta fidos: ad vada cæca vocant,
 Sic olim speculâ genitor Palamedis ab alâ
 Perdidit ostensâ carbasa Graia face.
 Credebant miseri portus intrare fideles:
 Saxa Caphareæ perfida rupis erant.
 Tunc quoque (quis credat?) scopulis dum pendet
 iniquis,
 Exitij gaudet nescia turba sui.
 Sic, vbi venator siluas indagare cinxit,
 Infelix nescit se periisse fera.
 Illa sibi nemore in medio secura videtur,
 Cùm sit dispositis vndique clausa plagis.
 Quid facias, quæris? quæras hoc prouident
 ipsum,
 Quid faciatque scies, si modò scire velis.
 Nec tua speratos non tangant lineæ portus;
 Inuenies illos, si reperire voles.
 Si fluētus amor est, dubiosque euadere casus,
 Ne dubita aduersus obuius ire Notis.
 Nec pigear, paucos quâ tendere cernis, eodem
 Flectere iter: pauci litorea tuta petunt.

Nitete

CURSUS VITÆ HUMANÆ. 23

Nitere te contra, victor, pelagique, tuique:
 Quā portum inuenias, nulla nisi ista via est.
 Dum ratis in cursu est, dum turgent lineæ, tu te
 Collige: da monitis tempora parua meis.
 Dic tibi: Quò ferimur? quem finem cursus habebit?
 Quod sequor, ad portum, quem peto, ducit iter?
 Hic labor, hi strepitus curarum, hic pectoris æstus
 Quod pretium, cur his conficiamur, habent?
 Maior ut inuidiā fuerim, credarūque beatus,
 Ut mea transcendam vota, quid inde feram?
 Hac eo, quā tutum est, & quā conuincor eundem?
 Aut hoc scire, quod est scire necesse, piget?
 Errori causas mens non prætexit inanes?
 Nec pudet erroris, pœnituisse pudet?
 Si pudor in culpā est, tantum trahit ille malorum,
 Ut leuius cuiquam sit periisse malum?
 Hæc tecum, quamuis aliò vocat aura, locutus,
 Retrorsum, si qua est mens tibi, vela dabis.

ELEGIA IX.

Portus.

HActenus incerti ventis iactamur & vndis,
 Nec tenuit nostras ancora fixa rates.
 Iam puppis meruit tertiæ vicina coronam:
 Apparet portus: nauita vela lege.
 Oprati portus, statio gratissima fessis,
 Non intermisso digna labore peti.
 O patria! ô ingens Diuūm domus! aurea celi
 Limina, spes nostræ metaque summa viæ!
 Vt te securi, post tot discrimina, tandem
 Aspicimus, sedes inuehimurque tuas!

24 SIDRONII HOSSCHII

Ex tot in Ionio, quas æquore turbida ventis
 lætat hiems, paucas obruit vnda rates.
 Mille sed hic inter, vix te millesima puppis
 Alpicit, & longo fessâ labore tenet.
 Felix, quæ midis pelagi defuncta periclis
 Securo tandem litore tuta sedet !
 Felix, votiâ quæ iam redimita coronâ
 Æquoreis fractas rupibus audit aquas !
 Hanc Amor, hanc bona Spes, hanc Pax deducit
 euntem,
 Et sedet in summâ candida puppe Salus.
 Ipsa sedet, Diuosque vocat, Zephyrosque fauentes:
 Ipsa mouet niuâ turgida vela manu.
 I mea, quò debes, quamuis superanda repugnant
 Æquora, per tumidas i mea puppis aquas.
 Auspiciis Superis portum cape, cuius amore,
 Quidquid triste fuit ferre, tulisse iuuat.
 Hic nos excipient ipsi communia Diuis
 Gaudia, mortali non referenda sono.
 Hæc nos meta manet: sumus hæc ad gaudia nati:
 Non alio nobis viuere fine datum est.
 Infelix, qui non portum festinat ad illum,
 Cæcæque inoffensum per vada quærit iter !
 Creditur esse aliquid regum de sanguine nasci,
 Et sperare suâ sceptrâ tenenda manu.
 Quid tamen hoc tanti est? cur quisquam hoc inui-
 det vlli?
 Nec se, nec titulos respicit ipse suos?
 Vt regnum Oceano, & terrarum finibus æquent,
 Quid magno reges nomine maius habent?
 Vt desint curæ, quæ numquam sceptrâ relinquunt,
 Nec sit ab inuidiâ, nec sit ab hoste metus:
 Deficiunt

CURSUS VITÆ HUMANÆ. 25

Deficiunt reges, aurumque, & purpura regum,
 Et fugiunt firmas sceptrum caduca manus.
 Respice te, qui sis: tua plus quàm regia fors est.
 Me miserum! cur hæc tam malè nota tibi est?
 Plus tibi, quàm regnum primo defertur ab ortu:
 Plus tibi quod donet, non habet ipse Deus.
 Et quisquam, cui sunt humili de plebe parentes,
 Hoc dolet? & nullo se putat esse loco?
 Gratia magna tibi, Regum supreme, laboris
 Dulce levis pretium qui tua regna facis.
 Gratia magna tibi, cuius clementia, dignos
 Hoc solio quos non inuenit, ipsa facit.
 Cur hoc non capimus? cur huc non tendimus omnes?
 In bona cur quisquam tanta venire negat?
 Ergò ego sustinui, rapiente cupidine mentem,
 Umbras nescio quas, vota que stulta sequi?
 Ergò ego plus aliquid, quàm te vesanus amaui?
 Cum facere hoc ausa est, mens ubi nostra fuit?
 O ego quàm tunc me miserum furtialiter odi!
 Quàm grauis ipse mihi tunc inimicus eram!
 Qui line te nequeo, cur tecum viuere fugi?
 Omnia tu nobis, & satis, vnus eris.
 Cetera deficiunt, vt nix humentibus Austris
 Deficit, vt veræ sole calente rosæ.
 O curas hominum! leuis hos mendaxque voluptas,
 Hos amor, & cineri debita forma capit.
 Sunt, quos ambitio speciosis detinet umbris:
 Sunt; quos laus pretio quolibet empta iuuat.
 Mutandis alius transmittit mercibus æquor,
 Congestis alius per scelus auget opes.
 De celo & Superis, si qua est tamen, vltima cura est.
 Hei mihi! quàm paucos hæc mea verba mouent!

b 5

Quid

26 SID. HOSSCHII CVRS. VITÆ HVM.

Quid facius miseri ? quid spes agitatis inanes ?

Quod fugit & fallit, quis sapienter amat ?

Quod pretium vestræ nili fraus & pœna laboris,

Debita seminibus messis amara suis ?

Cur vobis mors ipsa magis quàm vita probatur ?

Cur plus quàm portus, naufraga saxa placent ?

Ah cur non potiùs, quod numquam fallit, amatis ?

Hoc (neque nescitis) quisquis amauit, habet.

At mihi, quæ profint, placeant ante omnia curæ.

Hic labor, hæc studij summa sit vna mei.

Ille meos, solus qui me satiabit, amores

Vindictæ: ille mihi est omnia. Terra vale.



SIDRONII
HOSSCHII
E SOCIETATE IESV
ELEGIARVM
LIBER SECVNDVS.



ELEGIA I.
MATRI MISERICORDIÆ
VOTVM
A LETHALI MORBO.

D*Epositus eram, & extremis Sacris ritè
munitus; sensuumq; usu destitutus, mor-
tuis magis annumerabar, quàm viuus. Lu-
ctantem cum morte respexit clementissima Dei
Mater, cui carmen voueram, si valetudinem
redderet. Spem accenderat suauissimum Matris
misericordia nomen, ut dulcis, ita potens pu-
blica pietatis illecebra. Hoc nomine in Aede
nostrâ Contraci colitûr, non minore amoris in
Virginem incremento, quàm colentium solatio.
Valetudini restitutus votum seruatrici Diuæ
ex religione solui, & hoc qualecunque grati
animi monumentum eius ara venerabundus
appendi.*



Ora fidem poscunt: hanc soluimus.

Accipe Mater,

Et pariter votum, corq; vouen-
tis habe.

Diuitias alius sacras suspendat ad
aras;

Carmen ego; nostras accipe carmen opes.

Hoc

30 SIDRONII HOSSCHII

Hoc ego sum pactus fugientem munere vitam:
 Sæpè tuus sequitur munera parva fauor.
 Scilicet in pretio est animus, non dona vouentum,
 Ipsaque simplicitas hæc pretiosa facit.
 Sic plus Mentoreâ placuit tibi fiscina lance:
 Plus gemmis fragiles sic placuere rosæ.
 Sic pretium, laudemque tui metuere palumbi,
 Diuinitus quamuis hostia maior erat.
 Quidquid id est, certè tenui non aspera vani
 Non nihil es numeris visa dedisse meis.
 Ergò, si Superis vares, si carmina curæ,
 Nunc age, nunc Diuam Calliopea cane.
 Nec mihi cunctandi subeat prætexere caussas:
 Præcipientes iusto cogitant esse metui.
 Scribimus, & nondum morbi vis tota remittit:
 Scribimus alterius carmina nostra manu.
 Nulla laborantem teneat mora. Magne PETAVII
 Terrear exemplis, erudiorque tuis.
 Distuleras Diuæ * promissum soluere carmen.
 Hæc mihi, quam vindex illa seuera fuit!
 Ecce furens iterum febris depascitur artus:
 Aut fuit, aut visa est hæc tibi poena moræ.
 Ah iterum gelidas volui rebare per vndas,
 Et mediis in aquis quærere rursus aquas!
 Ah iterum totos sitiebas perditus amnes!
 Sequanaque, & Ligeris vota bibentis erant.
 At neque gurgitibus sedare, nec omnibus vnda
 Ardores poterant flumina tota tuos.
 Flumina non potuere tuas extinguere flammæ,
 Sed potuit venæ fluxus, & vnda tuæ.
 Diuaque, pace darâ: Viues, ait, & mea sacris
 Munera venturis, & tua vota canes.

* S. Gmo-
 nesi PESAN.
 Oper. Poë-
 ticothm. 8.

Et

Et dubitem sospes, mediâque è morte receptus
 Non dare promissis otia prima meis ?
 En propero, quamuis mecû mea carmina languent,
 Nec domini vultu sunt meliora sui.
 Illa diu lateant, nonumque premantur in annum
 Carmina, quæ viuent, notaque semper erunt.
 Nos vrgent Superi: non est mora libera nobis.
 Parcite lectores: dulce valere mihi est.
 Nec mea iam vobis, sed Diuis Musa laborar.
 O quanto minor est his placuisse labor !
 Tu mihi Lisa pater, qui nunc nostrisque, tuisque
 Exundas lacrymis, tu mihi testis eris:
 Quæ rerum facies, quistorâ luctus in vrbe !
 Mors propè iam nullas non ferit ara fores.
 Seu facit hoc belli terror, seu Numinis ira,
 Seu dolor, & curæ, seu grauis aura nocent :
 Victa priùs ferro, nunc vrbs exhausta suorum
 Funeribus, gemino carpitur ægra malo.
 Cui non adsumus ? cui non succurrimus ægro ?
 Hausimus hinc nostri semina prima mali.
 O quoties tristes succos, herbasque potentes
 Sumpsimus, & doctâ pocula mista manu !
 Omnia nequidquam: flammæ creuere medendo,
 Vt solet affusâ fortior ignis aquâ.
 Ah ! frustra, dixi, de me speratis amici.
 Quod patimur, nullâ vincitur arte malum.
 Væ mihi ! mors in me telum ferale coruscet,
 Et fremit, & vulum fata minantis habet.
 Diua, precor, mortis furias, arcusque minaces,
 Et cohibe strictas in mea fata manus.
 Tu potes, vt visum est, telum extorquere frementi,
 Ferreaque arbitrio vertere iura tuo.

Tu

32 SIDRONII HOSSCHII

Tu potes inuitis animare cadauera Parcis :

Tu cineri vitam reddere, Diua, potes.

Vidi ego quos sensus, quos spes defecerat omnis,
Incolumes aris munera ferre tuis.

Adiice seruatis per te tot millibus vnum :

Materies Musis sit, precor, inde meis.

Iam mihi spes crescit, quantum ipsa pericula crescunt,

Hanc mihi maiorem Diua timore facit.

Eheu ! quam lentæ torrent præcordia flammæ !

Quam vereor, ne spem dissipet aura meam !

Sed neque sum tanti; nec, si mihi vita superfit,

Hac dignum, quidquid posse putamur, erit.

Illustres viuant animæ: me cedere fatis

Quid refert? nulli flebile funus ero.

O vbi crux, & in hac I E S V morientis imago !

Huc ades, ô vita portus, & aura mea.

Te stringam moriens, te spectent nostra supremum
Lumina, te teneam deficiente manu.

Auguror ah! (crudescit enim ferus ardor) eundem est.

Quis, patrio qui me limine sistat, erit?

Non mihi iam pietos vultus, non tigna, sed ipsum

Ferre: per ignotas dux erit ille vias.

Hoc duce contemnâ Furiâ securus hiantes,

Nec mihi pallori totus Auernus erit.

Vox quoque celestis, nisi fallimur, impulit aures;

Illâ, Veni, nobis dicere visa fuit.

Nulla mora est, venio: vires amor addet, & alas

Terrâ vale: liber, nec tuus, astra peto.

Ergo ego iam Diuum formosa palatia tangam?

Ergo ego iam superi pars ero parua chori?

Dum loquimur, tenebris acies torpescit oborâs,

Vaneſcunt ſenſus, cripiorq̃ue mihi.

Mar

Mater iô, tibi Mors pharetram submisit, & arcum,
Imperium maius ferre coacta suo.

Deploratus eram: tumulus mihi solus, & vna
Deerat, & exequiis vltima pompa meis.

Quis non ex ipso me dixit adesse sepulchro?
Ossaque, & exuias inde refeite meas?

Diua, tuum hoc opus est: ego te miserante reuixi:
Hæc mihi das voti præmia ferre mei.

Quod mihi nunc aliquæ superant in carmina vires,
Scribere quod possum, quod memor esse, tuum
est.

Viuerè nec tanti, sed per te viuere dulce est:

Plus, tu quod dederis, quàm data vita iuuat.

Nunc ego, nunc iterùm primæuos ordiar annos:

Natalis mihi nunc alter, & alter erit.

Lætus vterque mihi, sed tanto lætior alter,

Quanto tu melior matre priore parens.

Tunc tua Panchæis fumabit odoribus ædes,

Tunc tua sollemnes audiet ara preces.

Senaque suspendam genitale notantia tempus,

Et memori rursùm carmine gratus ero.

Lisa retrò properans versò prius amne recurret,

Nec fundet solitas vna perennis aquas,

Quàm mihi, quod, vitâ iam deficiente, tulisti,

Auxilij ante oculos non stet imago tui.

Te quoties, arasque tuas, & templa videbo,

Hæc video, dicam, munere Diua tuo.

Hei mihi! quàm nihil est, quod vox tibi nostra re-
pendit!

O quanto meritis est minor illa tuis!

Sed benè, quod minimos potes hoc in pectore motus

Inspicere, & verbis plura videre meis.

34 SIDRONII HOSSCHII

Ipsa vides, quotiesque tibi, quantumque loquar.
 Mens memor, & semper plena futura tui.
 Ora licet taceant, sua vox est, linguaque menti:
 Hac numquam non est parte disertus amor.
 Nec poterit, nec posse volet desistere dulci
 Officio: non fert ora, quisquis amat.
 Interea memor hæc meritorum charta tuorum
 Duret, & effigiem pendear ante tuam.
 Pendear, & dum cum iam lex ferrea fati
 Non exorandum carpere coget iter,
 Tunc te detineat supplex, blandisque moretur
 Attentam numeris, admoneatque mei.
 Tunc adsis, ô Diva, tuoque occurre Poëta.
 Vita modò est; mihi tunc mors quoque minus
 erit.

ELEGIA II.

AD CAROLVM VANDEN BOSCH
 BRUGENSEM EPISCOPVM INAVGV-
 RATVM.

Gratia calitibus: sua sunt solatia Brugæ.
 Reddita: quem Divos orba poposcit, habet.
 Ferre pedum, sacrumque humeris quod fulgeat
 ostrum.
 Annulus est digitis, insula danda comis.
 Ara parata vocat: cælum fauet: ipsa videtur,
 Cui velit imponi, nosse tiara caput.
 Pompa venit: pompæ ruit ad spectacula vulgus,
 Plaudentesque bonâ dant bona verba die.

Omnibus

Omnibus in vultu sunt gaudia respice vultus

Carole : certa suæ pignora mentis habent .

Atque utinam ut vultus, animos ita cernere posses !

Aspiceres, qui sit publicus urbis amor.

Aspiceres hilari se diffundentia sensu

Pectora , latitiâ non capiente modum.

Non quia dextra pedum gestat , caput infula cingit ,

Inque humeris fulget purpura sacra tuis :

Nec quia, quæ meruit, præfert insignia Virtus :

Maius se pretium non habet illa tui :

Sed quia quidquid ager pulchro spectanda theatro,

Hoc urbs, hoc populus spe capit antè suâ.

Spes bona, spes ingens, vanâ nec imagine rerum

Nixa, nec auguriis decipienda suis.

Non malè res gestæ sunt coniectura futuri,

Grandius exacto quamlibet instet opus.

Ille per Ionium velis felicibus ibit.

Qui benè Tyrreno rexit in annæ ratem.

Vincer, & admissos præuerteret in Elide curtus

In campo bijugos flectere doctus equos.

Qui totas acies fortem violentus in hostem.

Victor agit, turmas duxerat antè suas.

Talibus auguriis sua de te gaudia pascit ,

Carole, virtutis conscia Bruga tuæ.

Nil sibi non sponder, dum bis duo lustra recenset.

Et quid præstiteris, quid fuerisque, subit.

At sperata tuis constabunt gaudia curis :

Utilitas tuus est ista futura labor.

Non ego virtutes, laudum argumenta tuarum ;

Verbaque mulcendis auribus apta sequar.

Quàm laudem meruere, graue est audire modestis.

Hanc alij spectent, his meruisse sat est.

36 SIDRONII HOSSCHII

Da veniam Musæ; vultu venit illa seuerò:

Nec tamen officij non memor vsque sui.

Illà quidem plaudit, meritoque assurgit honori.

Adiuuat & votis publica vota suis.

Sed rapit attonitam series densissima rerum,

Quæ te circumstat, nec sinet esse tuum.

Hei mihi, curarum quot millia, quotque laborum

Pontificis secum vita, pedumque trahunt!

Ah nimium rudis est, qui sola insignia spectat.

Demite splendorem, quid, quod auctur, ha-
bent?

Dicere difficile est, quàm sit graue purpura pondus.

Deficit hoc certè nostra Thalia loco.

Non humeri Alcidae, non califeri Atlantis

Sufficiant: tantum est illa ferentis onus.

Nec moles te tanta prius, quàm vita relinquet.

Affluet assidue, quo tenearis, opus.

Æstuat, & cursu numquam cessante laborat.

Eridanus, fessis irrequietus aquis:

Spumeus it, feruensque, vndamque superuenit
vnda;

Hæc illam, sed & hanc non minùs ista premit.

Voluitur, & voluit pariter, motuque perenni.

Truditur à fluctu posteriore prior.

Sic quos aggredieris, stimulum virtutis, honores.

Res tibi, dum viues, plena laboris erunt.

Excipiet curam noua cura, laborque laborem.

Nec minùs exhausto, quod superabit, erit.

Proxima quæque dies rebus res addet agendas,

Et quantum crescent tempora, crescer onus.

Dimidioque tui ciues urbemque fouebis.

Dimidio, fidei credita rura tuz.

Millè

ELEGIARVM LIB. II. 37

Mille operum causas, seu poscat consista falcem
 Vineæ, seu tellus ralla, colonus habet.
 Sideribus certis plantas & germina sulcis,
 Sideribus certis semina mandat humo.
 Nunc lolium, tribulosque, & iniquas frugibus
 herbas
 Eximit, irriguis nunc fata meritis aquis.
 Terret, & à stabulis arcet furesque, luposque,
 Et tenero lætas gramine pascit oves.
 Nec, tibi qui venient, facies erit vna laborum,
 Dum morum vindex, & quod es, esse voles.
 Sed nihil est, quod non vincat labor arduus: il-
 lum,
 Et curas animi dotibus adde tui,
 Materiemque tuis dignam virtutibus vrge:
 Prouenient causis omnia digna suis.
 At tu Bruga nouo felix Anstite gaude:
 Ille tibi, qualem spes tua finxit, erit.

ELEGIA III.

IN OPERA THEOLOGICA POSTVMA

LEONARDI LESSII E SOCIETATE IESV.

FORTè sepulchralem Lessi Mors viderat vnam:
 Vincimur, aut vinci posse putamur, ait.
 Ipse sibi superest, & adhuc à funere viuitt;
 Nec cinis arbitrio subditur ipsa meo.
 Tam benè qui L E G E S, & I V S iustissimus ipse
 Nouerat, hic potuit ius violare meum?
 Vlciscar, faciamque nefas; ne nescia vinci
 Dicar ab exanimi victa fuisse manu.

c 3

Dixit,

38 SIDRONII HOSSCHII

Dixit, & ad Lefsi chartas caua lumina torquens,

Vindicat has fati lege, putatque suas.

Sæpe etiam, Hæc mea sunt, fertur clamasse; sed illi
Iniicere obscuras non fuit ausa manus.

Pulueribus tantum, & densâ caligine sepsit;

Pro tumulo, latebras visa probare fuit.

Si lateant, satis est: etiam latuisse, perire est;

Exitus ingeniis pluribus iste fuit.

Tot veterum curæ, quas aras postera nescit,

Aut putat exinctas, quid nisi luce carent?

Dixerat, & furuos spargens circum vndique rotes;

Ista tuis, Lethe spargimus, inquit, aquis.

Inuida, quid frustra es? malè lux celatur in vm-
brâ:

Plenum est ingenij luce, quod ædis, opus.

Lux vires à nocte capit, nec clariùs vñquam,

Plurima quàm circum dum volat umbra, niter.

Quid nisi nox aperit formosos ætheris ignes?

Tunc Helice cerni, tunc Cynosura potest.

Tunc Ariadneæ spectatur flamma cotona,

Candida tunc profert Cassiopea caput.

Lux tua, Taure, later, si nox non euocet illum;

Si non sint tenebræ, lux tua, Virgo later.

Arcada quis nosset, quis nosset plaustra Bootæ,

Hos nisi nox vmbris proderet atra suis?

Pleiades, atque Hyades, Geminique, & Cancer,
& Hædus

Nocte parent, noctis munere nomen habent.

Quid tibi vis igitur? quid Mors tibi cæca repugnas?

Ista quod à tenebris, hoc quoque sidus habet.

Cui tamen ut speres obscuram offundere noctem,

Nec tua nox, nec spes ista perennis erit.

Non

Non sinat hoc Pietas, non hoc Sapientia: Lessi
Curas illa suas credit, & illa suas.

Dinaque victuris dum custos vitæque chartis

Assidet, & spoliū temporis esse verat :

En iterū venit in cathedras, & pulpita doctor,

En iterū post se Lessius ipse venit.

a Mortalesque docet, quæ sint ad gaudia nati;

b Quid cursū dubias dirigat inter aquas.

Quæ vada, quæ Syrtes illuc properantibus obstant,

Quæ fragiles illuc peruehat aura rates.

c Quas habeat, quibus in tabulis, spes naufragus;

& quam

Annonæ numquam deficientis opem.

Nesciit hæc Stagira sagax, ignaraque tanti

Porticus arcani, totaque Stoa fuit.

Altius hinc trans & nubes, & sidera fertur

Ad solium magni, conciliūque Dei.

d Et docet, ut nostris similes Deus induat artus,

Naturamque nouam, dissimilemque suæ.

e Ut simul extremas rerum excedentia metas

Aptet, & æterno fœdere nectat Amor.

f Cesset ut morti, quem numquam vita reliquit,

Scque minor magnus gaudeat esse Deus.

Hæc nos, & nondum genitos arcana nepotes

Non defecturo, ceu prius, ore docet.

Felix, qui præsens haurit spirantis ab ore,

Omnia quæ merito discere sæcla volent.

Nos quoque felices, quibus hæc solaria restant;

Quamuis hinc abiit, non tamen omnis abest.

In chartis superest. Hic, Lessi maxime, præsens

Te fruor, hic ego te panem videre puto.

c 4

Mensque

a De Ees-
situdine.

b De A-
stibus hu-
manis.

c De Sa-
cramentis.

d De In-
carnatione.

e Vnio Hy-
postatica.

f Com-
municatio
idiomatum.

40 SIDRONII HOSSCHII

Mensque sibi credit, gaudetque audire loquentem,
 Totaque doctoris pendet ab ore sui.
 Sic oculos intenta suos dum pascit, & aures,
 Nescio quid cortè sentit adesse tui.
 Ignoscant picti vultus, & picta tabellis
 Nomina; quod legimus, maior imago tua est.
 Quid nisi vox nobis, & verba sonantia desunt?
 Pascimur ingenio postera turba tuo.
 Sed neque vox deerit: te primus, & ultimus orbis
 Audiet, & gemino proxima terra polo;
 Et quæcumque ætas signabit cuncta fastis
 Tempora. Vox operis tanta futura tui est.
 At vobis malè sit mala Mors, Noctesque malignæ,
 Quarum hæc invidiâ lux propè rapta fuit,
 Quis furor, ô pestes, vos sic armavit in illud,
 Quod se posse neget carpere liuor, opus?
 Quidve virum petitis, cuius virtutibus æther
 Annuat, & supplex inuocat orbis opem?
 Cur non Nestorios, cur non celatis Arios,
 Torque alios scelerum perfidiæque duces?
 Opprimite hos tenebris, penitusque inuoluite vestris.
 Vtiliter mundi publica damna latent.
 Perdite, quæ populos, orbemque volumina perdunt.
 Grande operæ pretium: tutior orbis erit.
 Nocte regi debet noctis scdissima proles,
 Quam Nox si videat, non ferat esse suam.
 Hæ cedro niteant chartæ; situs inquinet illa s.
 Nam cur inficiant ista venena diem?
 Eumenidum thalami, nigrique cubilia Ditis,
 Aut Chaos, aut per quæ Cerberus antra iacet,
 Aut carcer, cuius Furæ pallentia seruant
 Limina, sunt illis scrinia digna libris,

Quos

ELEGIARVM LIB. II. 41

Quos Tumor, & Fastus, sperataque crimine Fama,
 Et mendax peperit Relligionis Amor,
 Et Furor, & cæcis implexus fraudibus Error
 Istaque quæ loquitur sæpè per ora, Venus.
 Lessius interea vestris redimius ab umbris
 Clarior, in lucem, post sua fata, venit.

ELEGIA IV.

AD FRANCISCVM MONTMORENTIVM

E SOCIETATE IESV.

Cum Idyllia sua ederet.

Heroum Franciscæ genus, cui præmia Virtus
 Illo, quo satis es, sanguine digna dedit;
 Præcipuè tot cum titulos in tædia vertit,
 Et tibi pro titulis omnibus ipsa fuit.
 Quàm iuuat umbrosostecum conscendere colle,
 Caraque Cælicolis, & tibi, rura sequi?
 Et fontes lustrare sacros, lucosque sonantes
 Diuûm carminibus, carminibusque tuis?
 Sed mihi Bethlemî placeant ante omnia valles,
 Et quæ Iessides per loca duxit oues.
 Hic inter nemora, & gratas pastoribus umbras,
 Cantando tenuit, demeruitque Deum.
 Tantaque maiestas calamis, & arundine parua,
 Et stipulæ potuit simplicitate capi.
 Hic, dum manè nouo stabulis educeret agnas,
 Ipsa simul Pietas manè petebat agros.
 At non sacra pecus loca tangere pallius, & olim
 Conscia nascentis testata futura Dei.
 Quamuis æstus erat, quamuis grex languidus umbras
 Quæreret, & medio frigora grata die,

c 5

[Et

42 SIDRONII HOSSCHII

Et Bethlæa gregē traheret specus: atramen, Vmbram
 Hic captare meæ parcite, dixit, oues.
 Religiosus inest qui vos hinc arceat horror,
 Rupe sub hac infans vāgiēt ipse Deus.
 O quotiōs, paruus caneret dum talia Vates,
 Immemor ardoris substitit omne pecus.
 Sæpē etiam Superi puerum cinxisse feruntur,
 Cantusque ad pueri continuissē suos.
 Parte aliā ante pedes Salomoni æterna canenti
 Fœdera mirantes procubuerē fœræ.
 Impaudæ circū vitulæ, taurique iacebant,
 Et lupus attento mixtus, & vrsa gregi.
 Fallor? an his etiam in siluis quæsiuit & antris
 Sollicito natum cum sene diua Parens?
 Et fas hunc, inquit, certis deprendere signis:
 Essē aliquem ē Superis arguit ipse decor.
 Quæ referat violas est vestis, eburnea cœnux,
 Aurea cæsaries, matris in ore color.
 Hæc ibi me Franciscæ iuuet memorare, tuosque
 Quamuis dissimili voce referre modos.
 Assyriis ô qui modò lucis inferat! ô qui
 Me modò Chaldæi sistat ad amnis aquas!
 Fusus vbi in musco Daniel ad flumina, Regem
 Ire boues inter vidit, & essē bouem.
 Vt videt, vt plorat, dum quā modò fronte coronam
 Hac Dominum spectat cornua ferre suum.
 Ferreus est lacrymis, si quis non tangitur istis:
 Ipso qui fletur plus feritatis habet.
 Ferreus est etiam quem non Hebronia Tempe,
 Nec Libani valles plus Helicone iuuant.
 Huc feror: his primū cælo delapsa Poësis
 Montibus errauit, culta que Diua fuit.

Non

Non petulans oculisve argutans mollibus ignes,
 Nec miscens numeris verba pudenda suis.
 Qualem Cecropiæ mox prostituistis Athenæ,
 Romaque dein mundi, nequitiaque caput.
 Sed penitus formosa, suoque simillima cælo;
 Blanda que, sed quamuis blanda, pudica tamen.
 Cingebat castam Pudor & Sapientia Diuam:
 Castus cum telis ad latus ibat Amor.
 Varibus hæc primis iunctas ostendit auenas,
 Suggestit numeros, materiemque dedit.
 Fluminaque, & siluas cantare, & Numen in illis
 Iussit; &, Hoc Diuûm credite, dixit, opus.
 Fortunate senex, per te redit illa voluptas,
 Sequæ iterûm nasci sæcula prisca vident.
 Illa tuis tota est, cantatque in versibus ætas;
 Totque simul Vatum quod fuit, vnus habes.
 Vnde, precor, tantus vigor est ægroque senique?
 An labor ipse tuis est medicina malis?
 An tibi dilectis venere è montibus herbæ,
 Instaurare annos quæ potuere tuos?
 An potius Dea, quæ primos docuissè Poëtas
 Creditur, has vires ingeniumque facit?
 Sic est: illa tuum cælesti nectare pectus
 Imbuit, & docuit Numine digna loqui.
 Et manibus modò plectra dedit, gracilesq; cicutas,
 Aptaque temporibus laurea ferta tuis:
 Et modò, qui Superos traherent, dictauit amores,
 Et modò quæ possent verba domare feras.
 Non finit hæc eadem longos sentire dolores;
 Non finit annorum, non meminissè tui.
 Ergo liceat morbi que premant, morbosque senectus
 Ipsa grauet, nunquam te finet illa mori.

Nam

44 SIDRONII HOSSCHII

Nam quemcumque semel placido Dea lumine vidio
(Hei mihi quàm paucis euenit iste fauor)
Ipse sibi superest, viuittque à funere vates ,
Et mors, illius nil nisi corpus habet.

ELEGIA V.

AD FERDINANDVM ,
HISPANIARVM INFANTEM ,
S. R. E. CARDINALEM.

Cùm primùm in Belgium venires.

Chronicon.

VICI: Iter DVrVM VltVs tVa.

ERgo dies venit, quâ te, fortissime Princeps,
Victricesque manus cernere, & ora licet?
Fortunata dies, Belgarum digna quotannis
Plausibus, & vatium carmine digna coli.
Illa dies nostros inimica, per arua timores,
Et Batauum ventis in mare ferre dedit.
Batrauc, si sapias, tua, dum licet, arma repones,
Et pacem orabis, qua geris illa manu.
Plus aliquid, moneo, solitoque potentius armis,
Plus aliquid solito iam patiere metu.
Ferdinandus ad-est; tibi formidabile nomen,
Ni flectas Domino colla superba tuo.
Quid paret ille tibi, campo monstrauit in illo,
Spes vbi Suecorum, vestraque fracta iacet.
Scilicet vt timeas, potuit satis esse videri.
Durum, quo venit te dominurus iter.

Per

Per mare, per montes, adituque asperissima saxa

Duxit cum signis agmina tota suis.

Illum & Rhætex videre in nubibus Alpes

Tendere, & in summis ponere castra iugis,

Creber ubi in præceps scopulos abrupit hiatus,

Fluminaque horrendo lapsa fragore sonant;

Quæ nisi pallenti nemo videt ore viator.

Hæc animis, festo cetera facta via est.

Quâ Sueci obstiterant, per densa cadauera venit.

Testis adhuc ingens ossibus albet humus.

Nec mora longa fuit, venientem fulminis instar,

Quem non posse putat Suecus adesse, videt.

Tantaq; nox animi est; hanc sponte lacessere demens,

Quâ perdendus erat, cœpit in arma manu.

Audendi causa, felix furor hæcenus, & spes

Imperij, & Suecæ robora pubis erant.

Dimicat Austriades, & castris exiit hostem,

Omniaque ingenti cæde fugaque replet.

Vicini colles, vicina sanguine valles,

Et procul hinc latè sanguine terra rubet.

Bataue sic venit, qui, quàm sic vincere, mauult

Parcere, si vinci fortan amore potes.

Sic venit, monuitque alio te victor in hostem

Tantaque confecit, dum tibi bella parat.

Ferdinandi sunt hæc primordia Martis.

Sic iuuenis veterum contudit arma ducum.

Carole, vosque atavi Reges, magnique Philippi,

Quæcumque atheræ vos tenet ora plagæ,

Spectare è cælo, & tanto gaudete nepote,

Qui, quâ venistis, tendit in astra viâ.

At nobis tecum simul omnia gaudia, Princeps,

Ipse etiam tecum est visa venire salus.

Salus

46 SIDRONII HOSSCHII

Salve ingens animis, ingens virtutibus Heros,
 Sospite quo, sospes Belgica semper erit.
 Certa fides: mens hoc sapiens, innataque stirpi
 Austriacæ virtus spondet, & ipse Deus.
 Talis Alexander, cum debellare Darium
 Cœpit, & Euphratem sub iuga traxit, erat.
 Talis erat proavus, cum Rhenum victor & Albim,
 Et tenuit Libyci littora capta freti.
 O quoties, tibi sen domitas subiecere vrbes,
 Seu valido aduersas fregeris ense manus,
 Iam castris allucta tuis Victoria laurum
 Ad sibi dilectum deferet ipsa caput!
 O quoties hæc scuta ducum, galeasque comantes
 Atria formosâ figet ad alta manu!
 Pictaque signa feras, aulsaque rostra carinis,
 Heu nimitum velis hætenus ausa suis!
 I felix, tua quod te virtus, Regie sanguis,
 Famaque vincendo iam tibi parta vocat.
 His rerum auspiciis, maior tibi nascitur ordo,
 Non leue principis talibus omen inest.
 Tempus erit, cum te Nereus, amplexque Bataui
 Victorem agnoscent, terraque capta suum.
 Seu quicumque alius te per fera bella laceisset,
 Exuias domito semper ab hoste feres.
 Eueniet, Martemque, & auitas laude columnas
 Excessisse, tui meta laboris erit.

ELEGIA VI.

AD GVILIELMVM DE WAEL
E SOCIETATE IESV, PER FLANDRO-BEL-
GICAM PRÆPOSITVM PROVINCIALEM.

*Cum ab eo monitus esset, ut se litteris huma-
nioribus daret.*

Nunc mea sperari veniunt in linthea venti,
Pronaque cum ventis adiuuat vnda ratem.
Imperio, Guiljelme, tuo, ad Parnassia Tempe,
Quò mea me dudum vota tulere, feror.
Lætum iter : huc ducent properantem sponte Ca-
mœnæ, *

Et, mihi qui dictat carmina, castus Amor.
Nil mihi vobiscum est gens tristis & aspera Musis:
Ite procul, vobis iniqua rurâ peto. *

Nec tanten argutum mihi sternuravit Apollo,
Nec dextrum niveæ vidimus omen avis.
Tu tantum Guiljelme faue, satis ominis hoc est.
Si faucas, sternet Cynthius ipse viam.

Imus, & æternùm virides ascendere colles,
Et paucis notos stat penetrare specus.
Nec me detineant, quæ captat præmia vulgus:
Altera nec cœptum cura moretur iter.
Saluete æterni colles: iuga vestra subimus.
O mihi felici sint ea tacta pede.

Hic ego traducam lætos inglorius annos;
Hæc mihi sors felix regna, Deusque dedit.
Si fas est, magni nobis concedite reges;
Plus aliquid sceptris hæc mihi regna dabunt.

Vrbibus,

48 SIDRONII HOSSCHII

Urbibus, & vobis aras subducat honores :
 Otia quod condent nostra, manebit opus.
 Vos agitant curæ; vos speque, metuque fatigant
 Numquam securâ sceptrâ tenenda manu.
 At mihi non acies, non insidiabitur hostis,
 Nec lateris peior perfidus hoste comes.
 Lætus ego lauros inter, fontesque perennes,
 Tempora sinceræ plena quietis agam.
 Non tamen ut positus cupiam torpescere curis,
 Otiaque ignauus desidiosa sequi.
 Si nescis, magnos mandas Guilielme labores.
 Sed leue fit, si, quod fertur, amatur onus.
 Si non extremos propero pius exul ad Indos,
 Nec rate gemmiferi per freta curro maris :
 Nec me facundæ commendat gratiâ linguæ,
 Nec rapitur dictis turba, fauetque meis :
 At mihi Pierides de lauro pulpita condent,
 In quibus oranti vox mihi carmen erit.
 Hinc ego trans pelagus, trans vstos audiar Indos,
 Clausaque barbaricis Sinica regna minis.
 Audiar, Oceanus quamuis obmurmuret ingens,
 Quamuis tam procul hinc illa recessit humus.
 Inuia carminibus nulla est via: claustra reuellam
 Sinica, & inuadam quo licet illa pede.
 Et faciam, ut medios Iapon eat omnis in ignes,
 Et tener assuescat velle flagrare puer.
 Et prunas teneræ, ceu florum sarta, puellæ
 Virgineis pergant implicuisse comis.
 Sanctus Amor, tanti qui fortius ignibus urit
 Has vires nobis, ingeniumque dabit.
 Hic mihi succinctus pharetrâ dictabit & arcu
 Verba tyrannorum non cohibenda minis.

Nec

Nec minùs interea patriæ vitam utilis: ingens,

Quodlibet ad munus, carmina pondus habent.

Dicam ego, quàm pauper medio sit avarus in auro:

Quanta paupertas, quæ benè fertur, opes.

Dicam etiam facibus, quibus hic Venus vrit amantes,

Accendi æternos in Phlegetonte rogos:

Et quibus vna fuit Baccho indulgere voluptas,

Tantaleo feruens quàm sit in anne suis.

Quamque miser, vulgi quem fecit fama beatum;

Quàm felix, quisquis sustinet esse miser.

Vos quoque lasciui, gens perniciofa, poëtae,

Non tangent teneræ, me prohibente, manus.

Eheu! carminibus vix est, qui præbeat aurem.

Turba, pij vates, frustra operosa sumus.

Nempe nihil carmen, nil prodest carminis auctor.

Quisque animi dotes utilitate probat.

Dicimur ignavi, leuibusque insilire curis:

Hæc labor infelix præmia nostra habet.

Quis me non culpat? quis non mihi, Desine, dicit,

Meque reum stultæ sedulitatis agit?

Confiteor, non his possum durare ferendis.

Ingenium frangunt talia verba meum.

Sed neque sustineo doctas odisse sorores.,

Ah! nimium morbo blandior ipse meo.

Nec pudor est, animi vitium, labemque fateti,

Stultitiæque modum non posuisse meæ.

Tu quoque, cui mentes curis stimulantibus ægras

Pandimus, & medicas scis adhibere manus,

Si nostrum, Guilielme, velis sanare furorem,

Deprecer: vique adeo, quod nocet, æger amo.

Perge facies potius, flammis que adiungere flammâs.

Me magis hic morbus, quàm medicina iuvat.

d

Vicimus

50 SIDRONII HOSSCHII

Vicinus ô Musæ: venientem admittite varem :
Guilielmus votis annuit ecce meis.

Hic fauet, hoc satis est. Populi vesana valete
Murmura: Guilielmo iudice tutus ero.

ELEGIA VII.

AD OTHONEM ZYLIVM

E SOCIETATE IESV.

Cum Siluaducensis Diua miracula enulget.

Luor testis erit, geminas miracula Zyli :
Scribere sic de se non nisi Diua dedit.
Seu tibi flamma pia est, mollique innoxia tactu ,
Æquora suspensis siue moratis aquis ;
Sine iubes rigidi mollescere vincula ferri,
Seu facis æratas sponte patere fores ;
Seu recreas subitis infirmos vitibus attus ,
Prodigiis certat pagina quæque suis.
Sic mediâ ventos in tempestate coërces ,
Et placidum inuito gurgite sternis iter.
O quoties sua pro tabulis sunt vota natanti ,
Cum ratis infans vieta dehiscit aquis !
O quoties pallens coram latrone viator
Vix, Fer opem Virgo, dicit; & illa tulit!
Ducis & interdum strictos impunè per enses ,
Quem circum sitiens sanguinis ira fremit.
Vidi ego, quòd medio ferrum torpebat in ista,
Virgineâ vires eripiente manu.
Sæpè globum vidi, qui fulmine puluens actus ,
Pectoris in summâ parte pendit iners.
Quin etiam tennes redeunt in corpora vitæ ,
Natalemque nouum sæpè cadauer habet.

Vita licet redeat, tamen hanc mors altera tollet :
Quam tu das, Zyli, vita perennis erit.
O noua præteritis miracula iungere felix,
Hoc age. Diua tuas dirigit ipsa manus.
Præcessere duces, animosi Liphus oris,
Et Phœbi & Charitum par Puteanus amor.
Nomen erit Lipsi, donec Mons stabit Acutus,
Et rapidis Hallam Senna rigabit aquis.
Et Puteanus erit, duro dum nomine Collis,
At non languentium vocibus Asper erit.
Tu quoque, dum votis, Zyli, tua Diua coletur,
Doctæque dum viuunt scripta, superstes eris.
Silua dabit meritos, quamuis mœstissima, plausus;
Heu Silua! heu! nullis flenda satis lacrymis:
Fas audire fuit, fas & spectare dolentem;
Sit quoque fas luctus, Silua, referte tuos.
Dicebas, memini, Prius o à stirpe reuellar,
Quam vitiet ramos illa Megera meos.
Vana precor, sæuis victam tenet Hæresis armis,
Perque meas multo sibilat angue comas.
Tristior hic sonus est, quam Martius antè tumultus:
Audiui, atque iterum sum mihi visa capi.
Hæc spiris tenet implicitam: vix libera vox est;
Libera vix tacito gutta dolore fluit.
Libertas tamen est, Batavis si creditur, cheu!
Quanto libertas me premit illa iugo!
Impia libertas, arctandaque mille catenis,
Quæ, nisi quæ pereant, non sinis ire tuos.
Vnica, te Dominâ, miseris obstructa salutis,
Et centumgeminæ mortis aperta via est.
Libera sic non sum, mihi vix captiua videbor.
Hæresis est luctus causa caputque mei.

52 SIDRONII HOSSCHII

Illa necaturi perfundit tabe veneni
 Ætherio solitas rore madere comas.
 Ergo ego paullatim stygiâ corrumpar ab aurâ :
 Ille mei sensim defluet oris honor,
 Qualiter aut gelidis pallens Aquilonibus hortus,
 Aut vitio cæli deficit ægra seges.
 Pugno quidem contrâ ; sed Tempus , vt Hæresis ,
 instat ,
 Et spoliū de me quilibet annus habet.
 Cumq̃ue alios sanet Tempus , minuatq̃ue dolores,
 Nostra quod augebit vulnere , Tempus erit.
 Ah ! potiùs ferro victor me perde , vel igni :
 Sic mihi , si nescis , lenior hostis eris.
 Non flebo in cineres verti , bustumq̃ue meorum ,
 Dummodò sit pretium cladis , auita Fides.
 Hoc mihi contingat : reddent hæc funera vitam ,
 Æternosque rogos obruet ille cinis.
 At nunc , ô vtinam ! (miseris ignoscite votis)
 Quàm quod sum , potiùs campus & herba forē !
 Vos flentūm precibus faciles subscribere Diui
 Hoc date , si mereor clade minore premi.
 Erige Silua animos. Spes numquam in Virgine nul-
 la est ;
 Spes falli augurii s non solet illa suis.
 Respice quo soleat succurrere tempore Virgo ;
 Hoc tibi spem , quamvis flebile , tempus alet.
 Cum iacuit nullâ medici curabilis arte ,
 Tunc exorauit Virginis æger opem.
 Quique sacrâ pietas suspendit in æde procellas
 Nauita seruatus , naufragus antè fuit.
 Vincitorum immunes , an onustos pondere ferti ,
 Laxauit tacitâ iussa carena serâ ?

Virgo

ELEGIARVM LIB. II. 53

Virgo quibus gelidos animam reuocauit in artus ,
 Nónne prius cassum lumine funus erant ?
 Denique vota tuam toties orantia Diuam
 Pro deploratis scis valuissè malis.
 Et tu spem retine, quamuis pessumdاتا, quamuis
 Mœrens captiuas Domumela voluat aquas.
 Et quantum opprimeris, tantum sperare memento :
 Crede mihi, Superos spes animosa capit.
 Si capit, hoc satis est: tunc inuia nulla saluti
 Mœnia, nec vastæ stagna paludis erunt.
 En tibi quò maior surgat fiducia, Virgo
 Perduo vix notam sæcula monstrat opera.
 Aspicias vt puro veniat pulcherrima cultu,
 Si sineretque tuus, tota serena, dolor ?
 Aspicias angustæ quàm blanda modestia formæ ?
 Quàm spirer roseis gratia viuæ genis ?
 Maternos animos oculis vultuque fatetur,
 Nec facie mentem dissimulante venit.
 Et venit, in tenebras numquam reditura priores:
 Historiæ, Zyli, lux erit illa tuæ.

ELEGIA VIII.

AD BELGICAM.

*Cùm Marchio Aytona Militiam Regiam capis
 administrare.*

BElgica pone metus, quamuis à cladibus ingens
 Vrit adhuc vulnus, Belgica pone metus.
 Non tonat assiduè, nec semper fulminat æther ;
 Nec grauis ætremâ grandine sauit hiems.

d 3

Nec

54 SIDRONII HOSSCHII

Nec semper fors dura premit: mutabilis illa est.

Cladibus à magnis prospera sapè venit.

Prospera nunc certè veniet, versoque fauore

Destituet quos est fraude coacta sequi.

Prodicio nullà satis euitabilis arte,

Cumque illà finem luctus & angor habent.

Liber & allèro curret iam flumine Mosà,

Et letus Batavis voluet ademptus aquas.

Ipse etiam inuitus quæ fert modò vincula Rhenus,

Franget, & excussò curret, vt antè, iugo.

Ibitis erectis ó magni cornibus amnes,

Nos animis; tuque ó Isula noster eris.

Battue succumbes: populi gaudete subacti,

Oppidaque indignis non benè capta dolis.

Fraudibus afflictas reperet Victoria partes:

Stabunt pro signis causa Deusque suis.

Hæc ego vaticinor; nec me præfagia fallent:

Signa Deus tanto plena fauore dedit.

Nos Moncada regit. Moncadà præfide rerum,

Placatum Belgis credimus esse Deum.

ELEGIA IX.

AD IOANNEM TOLLENARIUM

E SOCIETATE IESV.

*Cum Ecclesiasten solutâ ligatâque oratione
dilucidatum ederet.*

Sic est: decipimur. Quodcumque videmus, inane est,

Et speciem somni prætereuntis habet.

Decipimur.

Decipimur: vanum sine re sunt omnia nomen,
 Quæ petit, excepto Numine, noster amor.
 Quilquis opes propter titulosque à plebe beatus
 Diceris, & te, quod diceris, esse putas:
 Dic vbi nunc trabes, & sellæ, quæque ordine longo.
 Tot reges trepidâ sceptrâ tulere manu,
 Auratæque trabes, & centum nixa columnis
 Atria, & innumero limina trita pede?
 Quid superest de tot celebratis vrbibus olim,
 Deque tot imperiis? fama fuisse refert.
 Carthago cinis est: sunt collis & herba Mycenæ:
 Has tellus, illas æquor & vnda regit.
 Quid Pandionæ iam sunt, nisi nomen, Athenæ?
 Deme Poëtarum carmina, Troia quid est?
 Plurimaque ingeniis opibusque valentia quondam
 Oppida, montanis nunc habitata feris,
 Quorum cum totis periit quoque fama ruinis,
 Quid modò sunt, quàm tunc, cum viguere, minùs?
 Nunc vbi tot quondam laudatæ carmine formæ?
 Quò decor, & niueo fugit ab ore color?
 At, puto, quas vates sapienter amare putamur,
 Sunt aliquid Phocis, Pieridesque Dæ.
 Musæ, noster amor, veniam date vera fatenti,
 Quid vestrum est aliud, quàm levis aura, decus?
 Vt, quotquot vates, totidem faciat Homeros.
 Quid mutos cineres gloria vestra iuuat?
 Tu quoque Socraticis sapientia tradita chartis,
 Quæque hortos iactas porticus æta tuos:
 Famaque, quæ nomen spondes, laurosque perennes,
 Præmia quæ, si quæ, digna labore datis?
 Vt benè vincaris disceritùm vora, quid illa,
 Humanæ mentes quo sciuntur, habent?

56 SIDRONII HOSSCHII

Nec mandasse iuuat victuris nomina chartis :
 Nomina cum chartis sunt peritura suis.
 Sub magno nihil est quod longum duret Olympo :
 Protinus, ut cœpit quidlibet esse, perit.
 Quæ vitæ prima est, eadem quoque mortis origo :
 Vix leue discrimen casus & ortus habent.
 Omnia deficiunt, volucrique simillima somno
 Nos capiunt specie, decipiuntque suâ.
 Ceu vapor, in tenues Aquilo quem dissipat auras ;
 Aut citharæ, quem dat pectinetacta, sonus.
 Num minus hæc laruæ mendax fugientis imago
 Ludibriis versat pectora nostra suis ?
 Pro rebus stolidi speciem captamus & umbram,
 Nec piget elusâ semper hiare siti.
 Qualis qui mediis semper deceptus in vndis
 A refugo semper flumine sperat aquas.
 Pinxerat, ut fama est, teneras cum stondibus vuas
 Zeuxis, & ars ipsas decipiebat aues.
 Sed tamen, ut rostro perstrinxit quæque tabellam,
 Errorem sensit deposuitque suum.
 Nec rediit cupidis ad eandem protinus alis:
 Fallere non potuit plus semel ille color.
 At nos elusos eadem tamen usque voluptas
 Ludit, & insanâ credulitate tenet.
 Non caprat nebulas, nec inanes cerua vapores,
 Ut leuet vrentem pectus & ora sitim.
 Nec bos irriguo pro gramine ruminat auras:
 Flore nec in picto mel sibi quarit apes.
 At nos auferimur rerum mendacibus umbris,
 Turbaque mortales læta vapore sumus.
 Qui Cererem cæsâ violauit in arbore, pœnam
 Fertur inexpletam sustinuisse famem.

Pressus

Pressus adhuc somno corpus mulcente iacebat,
 Appositasque sibi somniat esse dapes.
 Oraque vana mouet, dentemque in dente fatigat,
 Et vano fallit guttur & ora cibo.
 Nos fumo vigiles, vigiles nos pascimur aurâ,
 Et magis hæc nobis, quam bona vera placent,
 O faucant Superi tibi, cui mortalia tantam
 Pectora stultitiam dedocuisse labor.
 Primus in hoc sacros agitauit puluere currus
 Edoctus Salomon viribus ipse suis.
 Illius ô felix i per vestigia vates :
 Non est vox Musæ vana futura tuæ.
 Illa, vbicumque canet, cælestiaque ora mouebit,
 Proderit, & positi causa furoris erit.
 Audiat hanc diues, fiet de diuite pauper :
 Audiat hanc pauper, sat mihi, dicet, opum est,
 Audiat hanc animi tumidus, tumor ille residet,
 Et subito factus, altaque verba cadent.
 Illius monitis geminæ spernentur, & aurum,
 Et quidquid toties sanguine vulgus emit.
 Viuat, & æternum tam felix Musa supersit,
 Ceteraque vt pereant, nesciat illa mori.
 Irrita non voueo : nullo non tempore viuet,
 Victurique eadem tempora vatis erunt.
 Omnia vastantis legem non sentiet aui,
 Materix nec erit mote caduca suæ.
 Auguror, & fiet : fuluis quandoque coronis
 Regales Siren exuet illa comas.
 Sæpè tuos arcus infringer, sæpè sagittas,
 Obruet illa tuas sæpè, Cupido, faces.
 In lacrymas vinum, longa in ieiunia luxum
 Vertet, & obsecratos in pia vota sonos.

58 SIDRONII HOSSCHII

Nec minùs quinçet, claræ quoque murmura famæ,
 Vt sæclis maneant omnibus, esse nihil.
 Certè ego qui stulto tituli tangebar amore,
 Credebamque aliquid, quas sequor, esse Deas,
 Vt legi tua scripta, Pater, mea proutinus odi,
 Et me damnavi, iudiciùmque meum.
 Iratusque mihi: Cæptonum desine, dixi:?
 Quod fugit, & fallit, quis sapienter amat?
 Et iam dissidium à Musis bene ferre videbar:
 Cura nec illarum, nec rediisset amor.
 Exemplo tamen ipse tuo mea sacra resumpsi,
 Et, tua quo currunt æquore, vela dedi.
 Plus aliquid spectas, quam vatum vulgus, inane
 Quos iuvat à scriptis nomen habere suis.
 Ipse Deus sola est studiorum causa tuorum:
 Meta tuis hæc est vna petita rotis.
 Hoc habeat votum nostri quoque summa laboris:
 Tendere sic rerum nos per inane iuuet.
 Ipse Deus nostri pretium est, si causa, laboris:
 O tanto felix auspice quod sit opus!
 Hic modus: hæc nostro signetur semita curru.
 Irrita pars talis nulla laboris erit.

ELE;

ELEGIA X.

AD FRANCISCVM VIVERIVM
MEDICVM GANDAVENSEM.

*Cum iussu Senatus ederet Opus medicum, quod
inscribitur, Antidotarium Gandanense.*

Quas vires Natura, quibusque inſeuerit herbis,
Tempore laus omni maxima ſcite fuit.
Hac ope, dum vixit, priſco Podalirius æuo,
Eripuit certæ corpora ſæpè neci.
Cui non Phillyridæ, doctique Machaonis artes,
Cui non Pæoniæ gloria nota manus?
Miſcuerant ſuccos: æger bibit: hæud mora: venis
Cauſa mali, languor corpore pulſus erat.
Quid tamen ex illis, niſi nomen inutile reſtat,
Famaque, quæ miſeros, nil habet, vnde leuet?
Artis erit, Franciſce, tuæ felicior uſus,
Viuerè, quæ multis, poſt tua fata dabit.
Tradita ſic chartis noſtros peruenit in annos
Vtilis ars Cœi, Pergameique ſenis.
Ars facit, vt valeant homines, non fama medentũ:
Arte mali ſemen, tollitur arte malum.
Tempus ad hoc multis vitæ noua cauſa fuiſti,
Auxiliis multæ conualuere tuis.
Nec tua ſe tenuit patriis induſtria muris:
Non illam, quamuis maxima, Ganda capit.
Finitimas etiam lætè ſe fudit in oras,
Et paribus viſa eſt paſſibus ire Salus.
Atque vtiſſimam riuus ille perennibus iret,
Currenteſque nihil ſiſtere poſſet aquas!

Irrita

60 SIDRONII HOSSCHII

Irrita sed voueo: scatebris arentibus vnda,
 Tamque salutare deficietis aquae.
 Corporis iste vigor feris tardabitur annis,
 Nec poteris longas semper inire vias.
 Paullatim vires, & te tibi subtrahit ætas,
 Mortisque gradu strepitum non faciente venit.
 Ah! cur hæc sacris non est medicabilis herbis?
 Cur tantum terris inuidet illa bonum?
 Quid queror, aut timeo? doctâ tibi mente reper-
 ta est,
 Quâ mortem fallas, effugiasque, via.
 Quaque tuas artes, & opem polcentibus adsis,
 Nec careant vsu sæcula sera tuo.
 Quæ vis Pæoniis, & quanta potentia succis,
 Et quæ temperies, scribere cura tibi est.
 Hoc petit ut facias, pars cuius es, ipse Senatus;
 Utque petar, censet muneris esse sui.
 Gaudet amans populi populo prodesse Senatus:
 Exigere illa tuam cura coëgit opem.
 Exigit hanc, quæ te tangit quoque publica cura,
 Et pius est Patriæ consuluisse labor.
 Tu Ganda, præter nomen famamque, relinques,
 Per quod te numquam Ganda carebit, opus.
 Tunc quoque cum viuis te mors exemerit, &
 cum
 Funeris exuias clauferit vma tuas,
 Sæpè tuâ vires æger sperabit ab arte,
 Sæpè tuâ sumet pocula mista manu.
 Posteritas omnis sic te præsentem fruatur,
 Auxiliis numquam destituenda tuis.
 Mors spoliū de te nullum, nisi corpus, habebit,
 Ciuibz hoc tantum subtrahet illa tuis.

Quos

ELEGIARVM LIB. II. 67

Quos meliore tui numquam non parte iuuabis :
 Iamque cinis, multis causa salutis eris.
 Plus ita quam Pæon , plus quam cum fratre Mar-
 chaon ,
 Quorum nil , præter nomen, habemus, ages.
 Laude tuâ semper, famâque superstitè viues,
 Nec, velut hi, sterili nomine clarus eris.
 Proderis infirmis, ægrisque medebere, donec
 Humanum medicâ corpus egebit ope.
 Nec siner , immensum quam nunc transmittis in
 æuum
 Victicem lechi, te Medicina mori.

ELEGIA XI.

ANTONIO ENGRAND,

MONASTERII S. PETRI IN MONTE
 BLANDINIO IYXTA GANDAVVM ABBATI.

*Cum annua præmia iuuentuti studiosæ Societa-
 tis Iesu Gandavi donaret.*

A Onij montes, celebrataque vatibus antra
 Quid nisi nominibus sunt modò nota suis ?
 Non illic Musæ, non illic Phœbus, vt olim ,
 Per virides lucos, & iuga sacra canunt.
 Non Helicon, rigidas quod possit ducere quercus,
 Non vada Permessi , quo teneantur, habent.
 Deserti lugent colles, & flumina : Musis
 Barbarus expulsi omnia victor habet.
 Quid faciat ? mæstus per terras errat Apollo ,
 Et stabilem toto quærit in orbe locum.

Dumque

62 SIDRONII HOSSCHII

Dumque vagus ferrur, dum lustrat Belgica Tempe,

Constitit ad ripas, aduena Scaldi, tuas.

Blandinioque videns placitos in monte recessus:

Sit modus hic, sedes hæc mihi, dixit, erit.

Mons facer, & montis dominus placuere: volentem

Me tenet hic, atque hic: dulcis vterque mora est.

Phocidos hic gratas sensum obliuiscimur umbras,

Parnassique iugum, Castaliosque lacus.

Hoc meritum est, Engrande, tuum: me figere sedē

Quod iuuet hîc, plus tu, quam locus ipse, facis.

In pretio tibi sum: tu me, comitesque benigno

Excipis hospitio: tu mea sacra foues.

Auspice te virtus studio certaminis ardet,

Et per te premium dulce laboris habet.

Quod licet, & possum, reddam pro munere mu-
nus,

Et, nostris opibus, carmine gratus ero.

Dixit, & impellens citharam, dominumque, lo-
cumque

Extulit, & viuax nomen vtrique dedit.

ELEGIA XII.

AD IACOBVM WALLIVM

E SOCIETATE IESV.

Vt poemata sua in lucem edat.

FLos & amor vatum, quo Cynthius ipse canente,
Et veniunt faciles ex Helicone Deæ,
Quando erit, vt magnis addat te fama poetis,
A totâ dignum posteritate legi?

Serra

Serta quidem, laurosque tibi properamus amici :
 Munera priuari sunt tamen ista laris.
 Immensum tua Musa, nec arctius orbe theatrum
 Exigit: hoc spatium laudis habere potes.
 Quis tibi non canit hæc, & miscet plausibus iras ?
 Illa tibi irasci me quoque causa iubet.
 Quod potes, hoc igitur tantum te posse sciemus ?
 Solaque spes de te vota que semper erunt ?
 Vtilis interea, meliorque elabitur ætas.
 Cessatum satis est: quod vocat ira, sequar.
 Nec mihi vindictæ est, quam non vereare, facultas.
 Musarum causa est: & Deus ora mouet.
 Nec tibi, si causâ victus vincaris & armis,
 Turpe puta culpæ pœnituisse tuæ.
 Inuidiam, & lauros, & nomen, & omnia varum
 Præmia Pietides iam meruere tuæ.
 Siue graui nixus canis arma virosque cothurnos
 Armis digna virum verba cothurnus habet.
 Seu Latiam tentas Venusinâ barbiton arte ;
 Proueniunt Latîa carmina digna lyrâ.
 Seu cantes elegos: Quo, dicat, Apolline Naso
 Impleuit numeros iste poëta meos ?
 Seu Deus increpuit thyrsos grauiore furentem ,
 Nil vulgare sonas: omnia pondus habent.
 Sermo fuit purus, priscoque simillimus auro,
 Et quem Roma vetus non neget esse suum.
 Pars operis quæcumque tui, quæcumque legetur
 Pagina, me verum dicere testis erit.
 Curarum interea pretium tibi vile tuarum est,
 Si te nil aliud, quam labor ipse iuuat.
 Admonui quoties, Debes tua carmina famæ :
 Fama tuum expectat non patienter opus.

Sic

64 SIDRONII HOSSCHII

Sic ego. sed mihi tu, Musisque monentibus aures

Obstruis, & paucos poscere carmen ais.

Quid culpam extenuas? non excusabilis illa est:

Quæ labor est meritis præmia ferre, ferar.

Quis, nisi mentis inops, ipsis iam diues ab Indis

Dum redit, aduectas in mare mittat opes?

Numquid Erythræo quas legit litore conchas,

Rursus Erythræo litore condit Arabs?

Quid tibi, quid Superis obstas, tantumque recusas

Quantum optare soles, nec tua vota capis?

Ergo terra tuum cum corpore nomen habebit?

Et qui te tumultus, tam bona scripta reget?

Sit tibi mens melior, nec postera nesciat aras,

Nec tua te præcis vatibus esse parem.

Marmora Lysippus, viuosque imitantia vultus

Non tulit in cæco signa larere specu.

Nec Venerem Cœus, postquam pinxisset Apelles,

Passus in obscuro delituisse loco est.

Tu tua scripta premes? potioraque marmore & ære

Ingenij perdes tot monumenta tui?

Si furor antiquis placuisset vatibus idem,

Quid Maro, quid Flaccus, quid modò Naso foret?

Hæc eadem magno si mens venisset Homero,

Quis vatum Aoniis ora rigasset aquis?

Finibus exiguis virtus, & inertia distant,

Obruta si virtus semper, ut illa, later.

Si Calamis nocti tantum tenebrisque laboret,

Exactos Calamis quid mihi iactet equos?

Illa Syracosij toties laudata Myronis

Bucula, quæ domino, quæ sibi fama fuit:

Plus propè, quàm domino, luci debere fatetur;

Hæc vitam, hæc famam contulit, ille manum.

Ille dedit saxo vitam, lucemque mereri :

Quod viuat, quod adhuc nota sit, illa dedit.

At tibi, si lateas, quid proderit esse poetam :

Si renuis laurum, quid meruisse iuuat ?

Quid dubitas, nimiumque times tua credere famæ

Carmina: nil illis cura quod addat habet.

Aude, quid trepidas? en cum lauroque tubaque

Fama tuas pridem constitit ante fores.

Hoc aude versare tuos in puluere currus :

Ne dubita, vinces: palma parata tibi est.

Sapè aliquis laurosque comis, ederaeque precatur,

Imploratque omnes, sollicitatque Deas.

Nec veniunt edera, nec circum tempora lauri,

Nec misero Phœbus, Pieridesque fauent,

At, tibi quos viuo promittit Fama triumphos,

Paucis post cineres vatibus æqua dedit.

Ipse tibi defert Pindi de vertice laurum,

Sertaque temporibus Calliopea tuis.

Ecce tibi assurgit Phœbi chorus omnis, & orat

Vt te respicias, & quod es, esse velis.

Sarmaticas horrens Nafonis spiritus umbras,

Dum fugit, & nostram lustrat & ambir humum,

Repperit heredem, dominoque æuoque superstes

Incidit ingenio, magne poeta, tuo.

Hunc tu, quem nec hiems Scythiæ, nec Cæsaris ira

Perdidit, hunc in te non superesse lines?

Hoc tu si facies, tum te de marmore dicam

Excisum è Scythicis pectus habere iugis.

Hoc tu si facies, siam de supplice vindex.

Cornua iam sumpsi: dum licet, illa caue.

Indice me (neque enim nomen culpamque tacebo,

Nec mea cum paucis iuncta querela venit)

Indice

66 SIDRONII HOSSCHII

Indice me, donec vates, ederaeque vigeant,
 Dicèris populi publicus ore reus.
 Cedis? an obduras? nec te mea vota, nec iræ,
 Nec te Parnassi numina magna mouent?
 Iam feror in pugnam: neque me reuerentia venit,
 Aut pudor, aut tanti causa furoris amor.
 Nec vani assultus, nec erunt sine viribus iræ:
 Pierides nobis, & dolor arma dabunt.
 Trans ego Pyrenen, trans altas audiar Alpes,
 Vena mihi felix sit modò, parque tua.
 Solis ab occasu mea vox pertinget ad ortum,
 Nec te posteritas nesciet esse reum.
 Sed, puto; flecteris: si falles, pagina testis
 Hæc maneat culpæ tempus in omne tua:

ELEGIA XIII.

AD FRANCISCVM GANDAVILLANVM
 EPISCOPVM TORNACENSEM
 INAUGVRATVM.

A Vgustum, Franciscæ, caput submige iuræ,
 Sume pedum sacrâ Pontificale manu:
 Non titulis, domuique tuæ data, maxime Præsul,
 Munera, sed meritis, iudice Rege, tuis.
 Digna quidem fastis semper gessere parentes,
 Et Regem obsequiis demeruisse suis.
 Incorrupta fides, nullisque infracta procellis,
 Gloria Villanæ est, raraque fama domus.
 Illa, fidem Belgæ magnò violante tumultu,
 In tanto rerum turbine, firma stetit.
 Hanc neque promissis conuellere turba rebellis,
 Nec prece, nec pretio, nec potuere minis.

Parte sui magnâ sospes se Belgica vobis
Debet, & hoc gaudens, grataque sæpè refert.
Quid memorem innumeras, victorum præmia,
lauros,

Maiores toties quas meruere tui ?
Hic acie vicit, muris hic depulit hostes ;
Ille suo moriens sanguine tinxit humum.
Perstitit ille, suâque enses in casside fractos
Retulit, & centum peruiâ scuta locis.
Immanem ille, & adhuc stillantem cæde bipennem
Atria victrici fixit ad alta manu :
Exuviasque ducum, curusque, hastasque cruen-
tas,

Bellica virtutis pulchraque signa suæ.
Est igitur, quo nunc frueris, tua, maxime Præsul,
Et maiore etiam digna favore domus.
Sed genus, & proavos, & quæ non feceris ipse,
Ceu tua vix essent, pæne aliena putas.
Pars minor est in laude tua laus tanta tuorum.
Multum illis debes, plus tamen ipse tibi.
Quod Lætas olim virtus tua transiit Alpes,
Quod te mirata est Martia Roma, tuum est.
Illic certantem quod te stupuere Lyceæ,
Doctæque præmentem pectoris arma, tuum est.
Et veteres olim, mandato Regis, honores,
Et iam ferre novos, & meruisse, tuum est.
Progenies, seriesque ducum, laudatæque Regum
Gloria principis talibus orta venit.
Ah ! valeat, quisquis ceras nil præter auroꝝ,
Magnaque nil præter nomina, laudis habet.
Qui tantum famæ, titulisque incumbit auicis,
Heu, quantum generi detrahât ille suo !

68 SIDRONII HOSCHII

Demite virtutem, quæ nobilitatis origo est;
 Iam Cossi, & Decij quid nisi vulgus erunt?
 Demite virtutem, totum mors tollet Achillem;
 Ignotum Æneas nomen, & Hector erunt.
 At tibi (quæ laus est vera, & pulcherrima) semper
 Virtutem generi lungere cura fuit.
 Inde tibi venit sapientia Præsule digna,
 Mensque capax tantæ sumere molis onus.
 Quid, quod in hoc scandis Leopoldo vindice
 culmen?
 O quanto tua se gloria teste probat!
 Quid tua non poterit tanto sub nomine virtus?
 Sit, precor, auspiciis non minor illa suis.
 Nec tamen hic gradus est in tanto summis ho-
 nore;
 Est hoc ferre decus, quam meruisse, minus.
 Sic auges nomenque tuum, nomenque morum;
 Sic veræ fructum nobilitatis habes.
 Illa via est, quâ tu, quâ gens Villana potestis
 Crescere; tu gentis laudibus, illa tuis.

ELEGIA XIV.

*Ad Marchionem Aytana, cum hosti Mosam
 eripuit.*

Militiam quisquis spatio medris & annis,
 Falleris: ingenij est illa capax opus.
 Scilicet ars belli solo non discitur usu:
 Qui valet ingenio, protinus arte valet.
 Lucullus belli fulmen, celeberrimaque inter
 Nomina, quos habuit Martia Roma, ducum.

Antè licet nullis vnquam versatus in armis ,
 Ingenio miles duxque repentè fuit ;
 Et Ponti Regem , Europaque Asiâque potentem ,
 Cui dederat victas Græcia tota manus ,
 Indomitumque & adhuc Romanâ cade cruentum
 Vicit , & amissas Roma recepit opes.
 Ingenium felix nobis quoque vincit ; & à se,
 Quidquid vix aliis contulit vsus , habet.
 Hoc duce quod metuas , numquam tibi Battaue
 deerit ,

Cumque tuo crescent gaudia nostra metu.
 Hic vir hic est nostræ mora depulsoque ruinæ ,
 Cui patria acceptum non periisse refert.
 Non periisse parum est : etiam victricia signa
 Fixit in hostili fixaque seruat humo.
 Ille Mosam , te nequidquam obistente , recepit ;
 Cumque Mosâ , quæ nunc oppida capta forent.
 Grande rudimentum primis quod præstitit armis ,
 Quod dux optaret quilibet esse suum.
 Si licet è factis res diuinare futuras ,
 Battaue triste tibi Mars tuus omen habet.
 Mars sequitur plerumque duces : dux maxima belli
 Alea , dux in se publica vota gerit.
 At tu , perpetuos cui iam decreuit honores
 Inter laurigeros bellica fama duces ;
 Sic gere , quem , Moncada , tibi Rex addidit honorem ,
 Ut titulos æques Marte togæque tuos.
 Successum , quidquid conabere , semper habebit :
 Hanc tua spem virtus maior honore facit.

ELEGIA XV.

ADIOANNEM HAEFFNECKERVM

E SOCIETATE IESV,

SFR. LEOPOLDI ECCLESIASTEN.

Cum è Belgio in Germaniam reuocaretur.

ERgò diuidimur iuncti modò ? quique doloris
 Supremus gradus est, non rediturus abis?
 Et vox alloquitur mæstos extrema sodales,
 Vnumque ingeminat illa diserta Vale ?
 Me miserum ! quàm nulla diu sibi gaudia constant !
 Quàm facile in ventos dissipat illa dolor !
 Quid tenuisse viam per tanta pericula prodest,
 Tam citò si nobis eripiendus eras ?
 Pæne erat optandum, nobis ne cognitus esses.
 Non est ignotis pœna carere bonis.
 Quæ te cauta tamen nostris auellit ab oris,
 Et longas iterùm cogit inire vias ?
 Scilicet intellecta parùm facundia Belgis
 Non habet hic opibus digna theatra suis.
 Austria te reuocat, te Belgas illa reposcit,
 Te velut iniectâ vindicat illa manu.
 Illa cupit pendere iterùm dicentis ab ore,
 Et pasci verbis instituique tuis.
 Austria quid spoliis exultas improba nostris ?
 Spesque tuas nostro læta dolore foues ?
 Hoc etiam cupidè pendet Leopoldus ab ore,
 Hæc quoque vox illum suadaque docta tenet.
 Quem petis, hic petit: studiis ceiretur vtrunque ;
 Fortior hic quamnis pluribus vnus erit.

Fortior

Fortior ah populis vnus quoque pluribus esset,

Si non præferret publica vota suis.

Auelli patitur sua te solatia Princeps,

Datque pius victas vtilitate manus.

Hæffneckere vale: tua te facundia nobis

Eripit, & quo te gens tua poscit, amor.

Nec tamen eripiet: comes indiuisus euntem

Per iuga, per siluas, per loca vasta sequar.

Tecum iter ingredior. Iam Rhenum flumen, &
Istrum,

Iam video turres, magna Vienna, tuas.

Culmina iam Diuū video, iam Cæsaris arces:

Mœnia iam tango quo licet illa pede.

Iam procū abstractum patriis Germania Belgis

Me tener, & ciuem non negat esse suum.

Fas erit hîc notas audire & reddere voces:

Multa loquar præsens hîc tibi, tuque mihi.

Hîc lætos semperque alaeres mihi cernere vultus,

Hîc mihi facundo fas erit ore frui.

Quos benè iunxit amor, nec separat vltima tellus,

Nec circumfusus, quâ patet, æquor aquis.

ELEGIA XVI.

AD MATREM MISERICORDIÆ.

*Pro valetudine Aloysij Lauuvenbach
è Societate Iesu.*

Dua, tibi cari tandem miserere poetæ:

Hîc tua consumptâ poscitur arte manus.

Altera iam siluas reuocans frondibus æstas

Vestit, & siluas altera nudat hiems,

72 SIDRONII HOSSCHII

Cùm iacet, & vitio tabescit pectoris æger :

Nec modus est tanti nec medicina mali.

Aspicias, vt macies vultum depascat & artus ?

Viuidus vt toto fugerit ore color ?

Quid super ex illo ? pro corpore, corporis vmbra est,

Membraque vix, animâ iam fugiente, trahit.

Nil misetum lætæque herba, succique potentes,

Nil patrij cæli, nil iuuat aura maris.

Nec quibus & socij, nec nos, quibus vtimur, artes:

(Nam medicum fecit me quoque vatis amor)

Deficit, & pariter spes deficit ipsa medentum.

En agedum vati, Diua, medere tuo.

Fer bona mater opem: multos seruabis in vno.

Tu vati, ille alijs causâ salutis erit.

Dum tibi depulsis augetur gloria morbis,

Accedat titulis sospes & ille tuis.

Te facilem sibi senserunt tot millia matrem;

Nec tamen in laudes turba diserta tuas.

Hic oculos, lucemque tibi debere faretur:

Quamque videt lucem, tam tua dona videt,

Carceris, ille fores à te sibi narrat apertas,

Donaque fert illâ, quâ modò vincla, manu,

Hic loquitur, cui posse loqui natura negarat;

Ipsaque se memorat vox opus esse tuum.

Quis tamen ex illis tradit miracula, famæ?

Victuro certè carmine nemo canit.

Te meus hic vates, modò des in carmina vires,

Carmine, quod tempus viuer in omne, canet.

Quod modò tabe perit, venâ tunc diuite felix;

Inque tuas laudes fertile pectus erit.

Tunc

ELEGIARVM LIB. II. 73

Tunc neque iam labens, nec postera nesciet ætas

Te vari medicas applicuisse manus.

Omniaque agnoscent, quod par sibi sæcula semper

Mirabuntur opus, muneris esse tui.

Sed tamen hoc minus est, quam quod te respicit
vnam,

Et toties aras voluitur ante tuas.

Nos quoque (si quid id est) & flentes varis amici,

Vt puto, grata tibi turba, precamur idem.

Nam veneror, seu te desertum in monte sacellum,

Seu vetus annoso cortice quercus habet.

Hoc orant alij tua circum altaria fusi,

Et multos lacrymas non retinere puto.

At mihi iam toto dolor hic non deficit anno.

Exercet somnos hæc quoque cura meos.

Quid tamen hæc profunt cum tot suspicia votis?

Num minus infesto carpitur ille malo?

Quid rear? an de te, quasi non succurrere possis,

Omnia cum possis, me dubitare putem?

Diua, velis tantum; satis est voluisse: resurget.

Scimus, Diua, tuas omnia posse manus.

Hoc ego si dubitem, tunc in me languor ab illo

Transeat, & quidquid non tulit, ipse feram.

Et, quo pœna mihi, nec vulnus acerbius esset,

Æger, & vt nunc est, sit miser ille diu.

Fer bona mater opem. Nam posse, & velle me-
den

Fixa docent aris plurima signa tuis.

Ipse etiam titulus, tua quo signatur imago,

Exorare tuam pœne videtur opem.

Mater, non tua sunt, vt cetera pectora matrum:

Omnia sint vnum, plus tua matris habent.

74 SIDRONII HOSSCHII

Adsis ô mater, nec nominis inmemor huius,

Seruandi partem spem mihi tolle mei.

Viuat, si meruit, cui de te scribere semper

Mens fuit, &, per te si modò viuat, erit.

O cæli decus, ô magni spes publica mundi,

O de te genito numine digna parens :

Per lacerum nati pectus, lacerataque spinis

Tempora, per fixum cuspidis ære latus ;

Perque tuum toties in nati pectore læsum ;

Nam tua, quæ nati vulnera, semper erant :

Annue sollicitis rerum mitissima votis :

Annue, nec vatem despice, Diua, tuum.

Sic tibi non desint memores pendere tabellæ :

Sic in sera tuus sæcula cultus eat :

Sic tibi votiuis niteant altaria flammis :

Sic niteant altis aurea dona tholis :

Sic cum tot populis videas & regibus orbem

Ante tuos humilem procubuisse pedes.

Fallimur? an subito facies in imagine visa est

Blandior, & gemitu tangitur illa meo ?

Augutor: eueniet votorum summa meorum:

Accipies pronâ supplicis aure preces.

Qualia tunc, & quot pro saluo munera vate,

Quos tibi tunc flores, quot tibi fæta feram !

Hunc ego ritè diem memori pietate quotannis

Prosequar, & lætus per tua templa colam,

Natalemque meum sollempni more vocabo,

Tam mihi, tam vati candida surge dies.

ELEGIA XVII.

S. ANDREÆ IN CRUCEM AMOR.

Flebat, & exceptum gremio mœstissima Mater
 Spectabat nati corpus inane sui.
 Et stabat fetalis adhuc, multoque rubebat
 Sanguine crux alto conspicienda iugo.
 Vidit, & eliso percussis aëre pennis
 Protinus in summo stipite sedit Amor.
 Exiit hîc humero pharetram, selectaque promptis,
 Et tinxit domini sanguine tela sui.
 Quæ fuerant aurata prius, iam tela rubebant :
 Aurum sanguineus texerat omne color.
 Aspexit has, tractatque manu, versatque sagittas,
 Miraturque suum teliger ales opus.
 Nec mora: Quas habeant in saucia pectora vires,
 Vulnera quæ faciant, experiamur, ait.
 Protinus exarsit, quicumque est tactus ab illis,
 Nec potuit flammâ dissimulare suas.
 Ex illo pharetræ non cessauere, nec arcus ;
 Nullaque non pueri certa sagitta fuit.
 Gaudet, & instar Amor: crescit successibus vsus :
 Telaque cum iecit plurima, plura iacit.
 Viderat Andreæ montis iuga sacra petentem
 Supplicio Domini facta cruenta sui :
 Lunauitque suos arcus, missaque sagittâ,
 Quæ locus hic poscit vulnere, dixit, habe.
 Tactus erat: serpunt flammæ: traiecta perurit,
 Quo sua tela puer tinxerat, ossa cruor.
 Nec mora: summa iugi celer in fastigia fertur:
 Et pietas vires, & nouus addit amor.

Illic

76 SIDRONII HOSSCHII

Illic in mediâ supplex procumbit arenâ,
 Multaque cum lacrymis oscula figit humo.
 Et modò dum crucis est Dominiq; in imagine totus:
 Crux, ait, ô vitæ sit quoque meta meæ.
 Et modò pro Domino Domini vestigia tangit,
 Impressas tamquam seruet arena notas.
 Hic stetit: hinc iacuit: succos hinc hausit amarus:
 Sanguinis hæc guttas forsan arena bibit.
 Hic tremuit nudus, figendaque brachia clavis
 Præbuit: hoc stabat crux veneranda loco.
 Talibus atque aliis dulcem nutribat amorem,
 Materiem flammis sufficiente loco.
 Hinc crux in votis, crux illi semper in ore est,
 Et penitus totâ mente recepta sedet.
 Hanc amat, hanc optat, solâ suspirat in illâ:
 Illius hanc animo noxque diesque refert.
 Sæpè videns altam procero vertice quercum:
 O vnam de te crux mihi fiat, ait!
 Interdum tereti circumdat brachia trunco,
 Visaque crux illi, quod tenet, esse fuit.
 Mixtaque blanditiis suspiria pectore fundens
 Humectat lacrymis robora pressa suis.
 Denique quidquid agit, quoquo vestigia vertit,
 Non aliud votum pectus amantis alit.
 Riphæi montes, & Achaica litora testes,
 Quæque procul Scythico terra sub axe iacet.
 Quo spes cumque vocat, per dura per aspera rerum
 Circumfert Domini signa verenda sui.
 Stat crux in templis: stat crux sublimis in aris:
 Crux stat in aëriis conspicienda iugis.
 Non tulit Impietas tot templa erecta, tot aras,
 Sacraque tam multis fixa trophæa locis.

Caput

Captus erat: capto, Tuâ defere signa, tyrannus,
Aut tua supplicium crux tibi, dixit, erit.

Quid facis? ignarus cupidum solaris amantem:

Quod tu supplicium, spem vocat ille suam.

Si nescis, genus hoc pœnæ pro munere poscit.

Vt doleat, mortem, quodque minare, nega.

Crux illi regnis, crux vitâ carior ipsâ est:

Hanc benè tormentis & nece credit emi.

Andreas fruitur votis: cruce pendet in altâ,

Estque voluptati qui necat ipse dolor.

I felix, & te dignum molire triumphum:

Iam sperata crucis præmia victor habes.

Felix qui meruit, quâ tu, quoque cuspidè figi,

Et domino similis, quâ licet, esse suo.

Hoc mihi contingat: nihil est quod poscimus ultra:

Hac ego, dum vitam, cuspidè lætus eam.

ELEGIA XVIII.

AD SOMNVM.

SOMNE, quies animi, curarum, Somne, leuamen,

Et primus placidos inter habende Deos:

Seu prope Cimærios tua te tener aula iacentem,

Seu legis in tenerâ molle papauer humo:

Seu geminas aperis valuas, habituraque mittis,

Somnia, seu mittis non habitura fidem:

Huc ades, & tacitis alla bens leniter alis,

Nostra soporiferâ lumina tange manu.

Decubui: sed enim multo jam tempore noctis

Sum vigil, & lassô corpore: Somne veni.

Eia age Somne veni: nec enim tibi causa morandi est:

Si qua foret, certè conscius ipse forem.

Nam

78 SIDRONII HOSSCHII

Nam neque, quas colimus, Terror circumuolat ædes,
 Nec sedet ante fores anxia Cura meas.
 Nec tibi trux Boreas, nec turbidis obstrepit Auster.
 Æolius clausum catcer vtrumque tenet.
 Nec canis ad lumen, nec sub trabe garrula Progne:
 Garrula iam Progne, iam tacuere canes.
 Nunc etiam nox alta fauet, nunc humidus aër,
 Lunaque somniferis humida rotat aquis.
 Vicinis tantum foliis immurmurat aura,
 Et riuus tremulæ lenè susurrat aquæ.
 Somne veni: cristata cadet tibi caesa volucris:
 Spargentur pennæ lacte meroque tuæ.
 Ipse seram tenerum placitâ tibi nocte papauer,
 Vnde tuis nectam fecta gerenda comis.
 Ipse tibi laudes, votiuæque carmina soluam;
 Tu modò ne desis laudibus ipse tuis.
 Tu reparas vires, reddisque laboribus aptas:
 Tu sistis lacrymas, ægraque corda leuas.
 Quod neque diuitiæ possunt conferre, nec aurum,
 Quod nec honor titulis omnibus, ipse potes.
 Tu curas circum regalia sceptrâ volantes,
 Et procùl inuisos cogis abesse metus.
 Tu sæuas acies totâ cum viribus itâ
 Exuis, & meliùs quolibet hoste domas.
 Quæque venis, secura Quies comitatur euntem:
 Illa est grata tuæ causa, comesque via.
 Illa (nec inuideo) per te tot millia mulcet:
 Cur non sum de tot millibus vnus ego?
 An, quia fortunata patent tibi limina regum,
 Te pudet in parua pauperis esse domo?
 Sæpè tamen magni subiere mapalia Diui:
 Te centè tenues constar amare casas.

A tibi dilectis quid te, precor, ædibus arceat?
 Et tua cur sine te tempora noctis eunt?
 Suspice; dum cælo labentia signa videbis,
 Ut properem, dices, quò vocor, illa monent.
 Iam sua declinat verso remone Bootes
 Plaustra: tuas tardus vincet an ille moras?
 Fallimur? an cecinit? non fallimur: audio: rursus
 Vicinæ cecinit nuncia lucis ausis.
 Ut puto, lux instat: quid adhuc ô lente moraris?
 Iam tua prætereunt tempora: Somne veni.
 Nil ago: blanditias, & non tibi debita verba
 Perdimus, ô tenebris turpior ipse tuis.
 Somne niger, nigro cui pectus concolor ori,
 Ferree, nec mites inter habende Deos.
 Noxia, Somne, quies, iacturaque maxima vitæ:
 Hæc, hæc sunt meritis nomina digna tuis.
 Nec te commendat generis, nec gloria rerum:
 Nec tibi maiestas, nec decor vllus inest.
 Quæ peperit Furias, quæque Vmbras nocte volantes,
 Dicitur hæc eadem te peperisse parens.
 Eumenidum frater, metuendaque mortis imago,
 - Sis procul, & longè lumina nostra fuge.
 Corpora quæ sternis, quid sunt nisi funera? spirant;
 Hoc vnum vitæ, cetera mortis habent.
 Mors vires, mentemque, adimit. Quis mente, quis ore,
 Quisve manu promptus, te veniente, fuit?
 Corporibus dulcem vitæ subducere sensum
 Et necis, & somni est semper inertis opus.
 Sæpè etiam somnus cæpit, quod finxerat, esse:
 Morsque fuit, species quæ modò mortis erat.
 Somnus in æternam centuin Argi lumina noctem
 Clausit, & immerito sanguine sparsit humum.

Spes


80 SID. HOSSCHII ELEG. LIB. II.

Spes Priami Rhæsus causâ non occidit vnâ :
 Proditus à somno , cæsus ab hoste fuit.
 Quid referam Danai generos, in vulnera quorum
 Somnus femineas impulit ipse manus ?
 Somnus amat fraudes : somno fraus vlsa ministro
 Exitio populos, regnaque tota dedit.
 Troiæ, quæ decimo benè se cæfenderat anno,
 Euerfæ titulum quis nisi somnus habet ?
 Tène ego tam fœuum, & toties laudare nocentem,
 Et potui magnis annumerare Diis?
 Cuius ope, vt perimant, ad inermia corpora femp
 Inueniunt faciles enfis & hasta vias.
 Hæccine funt, quæ pectoribus tu munera condis?
 Hoccine, quam præfers, perfide, pacis opus?
 An mentes idèd noftras curaque, metuque,
 Ad fua ne vigilent damna, foefte, leuas?
 Iurgia crefcebant, grauioraque verba parabam
 Et fatis irarum, nec minus oris erat.
 Hoc metuit, credo. Venit fopor, oraque preffit,
 Atque imperceptâ lumina noftra manu.



SIDRONII
HOSSCHII

E SOCIETATE IESV
ELEGIARVM
LIBER TERTIVS.



ELEGIA PRIMA.

Elegia casta.

Stat vetus, & multâ densissimus ar-
borê lucus:

Vndique Phœbeas submouet
vmbra faces.

In medio fugiens trepidat per grâ-
minâ riuus,

Et similis fonti labitur vsque suo.

Prisca loco numen finxisset inesle vetustas:

Certè illum Musis fama placere putat.

Hic ego, nesciò quas, solabar carminè curas:

In inanibus vates vnus, & alter erant.

Dignum erat æternâ lauto, quodcumque legebâm:

Argutus candor, sermo pudicus erat.

Hei mihi, cur non sunt, velut hæc, quoque cetera,
dixi,

Carmina? cur quædam crimen amoris habent?

At, si casta forent, quid erat diuinius illis?

Non finit hæc vates causa placere mihi.

In quibus vtilitas leuior solet esse periclo:

Tot mala, tot casti damna pudoris habent.

Hæc ego dum mecum lacrymis indignor obortis,

Inque lenes auras verba querentis eunt:

Venit inæquali mœrens Elegeia passu:

Ingenui faciès plena pudoris erat.

Squalebat vestis ritu conscissâ dolentis:

Squalebant fuscæ mœsta per ora comæ.

Serta, sed inuitam velabant myrtea frontem:

Plus quoque, quàm vellet, crinis odorus erat.

84 SIDRONII HOSSCHII

Bis conata loqui, pudibunda bis ora repressit :

Ausa iterùm, causâ prospiciensque suâ :

Quod potes ô, dixit, vates succurre dolenti,

Si modò sim curæ pars ego parua tuæ.

Scis, puro, quid d' leam: non diræ crimina cædis,

Non lacrymas nobis funus, & yma mouent.

Nec qui tot populos modò Mars collidit, & vrbes;

Quamuis, vt populis, sic mihi sæpè nocet.

Cernis, vt inuisam Cythereia mûnera myrtum

Sustineam castis, non mea ferta, comis?

Turpis Amor numerisq; meis, & versibus vsus

Hos miseram cultus semper habere iubet.

Sim licet, & maneam, credi vetat ille pudicam,

Dum mea, quâ Veneris tempora, fronde tegit.

Sed tamen indicium myrtus leue criminis esset:

Nequitia faciunt mollia verba ream.

Qualiscumque, animi sermo tenè creditur index:

Certior obscæno vix tamen esse solet.

Seu quia, quod peccant, stulti venerantur amantes:

Seu quia lasciuo fugit ab ore pudor.

Eheu, quàm magno mihi Cynthia sæpè rubori est!

Vt lædat, per me Cynthia forma potens.

Nec minùs hac fallax, & adhuc verluta Corinna,

Nec tantùm domini prima ruina sui:

Deliaq; & Nemesis, mihiq; inuidiosa Neera,

Pluraq; criminibus nomina clara suis:

Ars quoq; quæ vatem malè me feliciter vsurui

Perdidit. heul! plures perdidit illud opus.

Felices, Scythici si tantùm frigora Ponti,

Nec grauior miseris pœna luenda foret.

Quid referam, quoties fuerim petiura, datamq;

In numeris tantùm iussu tenere fidem?

O quoties

O quoties foribus castis conuitia feci,
 Quæ sparsæ lacrymis permaduere meis!
 O quoties populus pendentem vidit in illis,
 A quo me puduit prætereunte legi!
 Sæpè Venus comitem, comitem me sæpè Cupido,
 Sæpè etiam lenam fecit vterque suam.
 Sæpè aliquis iuuenû, quem non Venus ipsa moueret,
 Me legit, & lecto carmine læsus abit.
 Senserat has in me vires vaser esse Cupido,
 Nec mora: pro telis hæc mihi, dixit, erit.
 Sapius ex illo per terras errat incrimis
 Tempore; sed numeros tunc gerit ille meos.
 Si qua fides, centum non expugnata sagittis
 Pectora, blanditiis victa, fuere meis.
 Ergo ego plus valeo, quàm saua Cupidinis arma?
 Ergo ego sum peius, quàm Venus ipsa, malum?
 O vtinam potius periissem, & carmina mecum,
 Hac ego si virgo labe notanda fui!
 Ars bona; sed postquam furor hanc violauit amantû,
 Exitium multis illa, mihiq; fuit.
 O si me potius fecisset flamma fauillam!
 Quantum texisset criminis ille cinis!
 Dij facerent saltem, si totam perdere nolint,
 Possẽ, quâ non sum parte pudica, mori.
 Non ego nequitia cuiquam suspecta venirem,
 Nec toties, vt nunc, dicerer esse nocens.
 Nec, quibus, vt castam, solis placuisse decebat,
 Vitarent aliquid pectora casta mei.
 Tunc ego Pietas inter pulcherrima nymphas,
 Item Virginei fama decusque chori.
 Nunc neque me miseram luctus, nec vita relinquet:
 Quæque dolet, numquam, nec dolor ipse cadet.

Per mea nempe leues numquam morientur Amores

Carmina: viuaces gratia nostra facit.

At tu, non leuiter mea quem suspiria tangunt,

Nec siccis audis tot mala nostra genis :

Quid tantum tacito miseraris pectore flentem,

Nec releuas luctus, quâ potes, arte meos ?

Quæ mihi me reddant, non sunt Medæides herbæ ,

Nec de Thessalicis gramina lecta iugis:

Nec quæ vicinas traducant carmina fruges ;

Sed mea: quæ vacuus dictat amore pudor.

Quâ sum læsa, meâ quoque sum curabilis arte.

Quiddam habuit faui Pelias hasta mei.

Tu qui, quæ toties nobis lasciuiâ miscet ,

Carminis odisti crimina, carmen amas,

Scribe precor: casti mea sunt medicina libelli.

Quid trepidus vires consulis vsque tuas ?

Aspice tot vates prius hoc feliciter ausos,

Par quibus, aut multo non minor esse potes,

Si non ingenio, si non æquaueris arte ,

Quos præcis meritò vatibus æquat honor ;

Quæ potes, hæc saltem nobis solatia præbe,

Carmina: quæ saluo quisque pudore legat.

Sic tibi Pierides faueant, & labe carentem

Concedant famam, dissimilemque mex.

Sicte, quod mecum Diuos & Numina poscis,

Exemplis superent postera sæcla tuis.

Desierat. dixi: Quos tu, nos edimus ignes:

Paremus iussis, Diua pudica, tuis.

Aut fuit, aut visa est promissis lætior istis :

Ora minus certè mœsta dolentis erant.

Sit rata nostra fides. Roseis Pudor aduolet alis:

Hoc duce præscriptum Mûsa teramus iter.

ELEGIA II.

Supplicium Cupidinis.

SAucius Idaliâ flebat sub valle Cupido :
 Et suberat lacrymis altera causa pudor.
 Victorem toties victum cessisse pudebat,
 Et pulsam turpi terga dedisse fugæ.
 Liebant artus: stillabant sanguine venæ :
 Immani lacerum vulnere pectus erat.
 Flebat, & ut læsos sensim dolor acrius vrit,
 Iam patiens pœnæ vix erat ipse suæ.
 Fortè Venus niueos curru iungebat olores,
 Addebatque auihus mollia frena suis.
 Dum vehitur, medio cursu lamenta dolentis
 Audit, & huc niueas pallida flectit aues.
 Ut stecit, & toto laniatum corpore natum,
 Et madidam circum sanguine vidit humum,
 Excidit ipsa sibi, lapsâque è vertice myrto
 Linquitur: attonitæ voxque, colorque fugit.
 Sic Nioben natos inter natiqque peremptas
 Marmoreo perhibent diriguissè gelu.
 Sic in pisce sedens animos & frena remisit
 Auditâ nati pallida cæde Thetis.
 Hæc Veneris facies, hæc ipsa dolentis imago,
 Te quoque dum lacerum vidit Adoni, fuit.
 Luminibus puerum tacitis & vulnera spectat,
 Quotque videt, totidem faucia mente gerit.
 Nervi pœnè patent, & parui corporis ossa :
 Nullaque pars plagis, nulla dolore vacat.
 Armaque, de Superis spoliū quæ sæpè tulerunt,
 Viceruntque Iouem fulmina, fracta iacent,

88 SIDRONII HOSSCHII

Spicula cum facibus, pharetraq; & lampas, & arcus;
Et pariter domini ipsa cruore madent.

Conuulsa quoque sunt, & torant sanguine pennæ.

Hæc erat ex illo forma relicta Deo.

At Venus, ut potuit lacrymis diffundere luctum,

Et sua sustinuit prodeire signa dolor,

Vnguibus ora secat, laniatque infana capillos,

Et trepida tundit pedora sæpe manu.

Plorantemq; amplexa comasq; in sanguine verrens,

Et lacrymis spargens luctu membra suis:

Me miseram! quis, ait, sic in te sæuit hostis?

Aut quibus hæc telis vulnera facta putem?

Non licet hoc Superis: Superi sensere quid esses,

Cum toties telis succubuere tuis.

Nec lupa sic in te potuit sæuire, nec vrsa,

Nec, mihi qui etiam lætauit Adonin, aper;

Nec lea, nec tigris, nec vipera plena veneno:

Manifescit flammis hæc quoque turba tuis.

Sauior ille feris, diuisque potentior ipsis,

In te qui potuit tam feris esse, fuit.

Elle hominem credamne, aliquâ de matre creatum?

Non, non humani est pectoris ille, furor.

Ætna neque scopulis, neque Caucasus edidit illum:

Ingenio saxis asperiore fuit.

Nec tortasse tuis quisquis fuit ille sagittis

Saucius, in merito pectore vulnus habet.

Forsitân & lacrymas nostras irridet & iras.

Heu! quanto est paupis dignior ille tuis!

Sic Venus, at lacrymas miscens cum sanguine narus,

Non in ea cessauit spicula, mater, arc.

Quondam aliis, at nunc domino nocere sagitte,

Præmaque tam magni causa fuere mali.

Infelix

ELEGIARVM LIB. III. 89

Infelix illas alieno forè vibrabam
 Sanguine tingendas, & rubuere meo.
 Mens fugit admonitu, parsque est meminisse doloris:
 Sed tamen exponam dedecus ipse meum.
 Est locus Elysiis par aut formosior hortis,
 De quo tamen verbis concipe plura meis.
 Innumeros summitat humus viridissima flores,
 Præcipuè niueos: eminet ille color.
 Quos inter trepidat crystallo purior humor,
 Quem gracili labens murmurare riuus agit.
 Ille vagus quidquid felicibus alluit vndis
 Vellit odoratis & sine labe rotis.
 Forma loci superat flores, quos innuba laurus
 Cingit, & æternis vndique palma comis.
 Nasceitur hic Zephyrus, campumque tepentibus
 auris,
 Et liquido mixtis nectare mulcet aquis.
 Sed nusquam myrti, nusquam cum vite racemi.
 Gens odio, nobis quidquid amatur, habet.
 Virginitasque, Pudorque colunt loca. Vulgus aman-
 tum
 Exulat, & flammæ conscia turba meæ.
 Nemo quid sit Hymen, quid sint connubia curat:
 Omnibus est odio, cum graue crimen, amor.
 Pars flores in sæta legunt: pars carmina dicunt,
 Qualia gens nostri non canit vlla chori.
 Non Vmber, non Naso tuus, non ipsè Tibullus:
 Fama licet nihil his dulcius esse putet.
 Quilibet ex illis nec te, pulcherrima mater,
 Respicit, aut curat, nostra nec arma timet.
 Dant animos illis sentiet, sætaque rigentes,
 Et labor, & longa pallida membra fame.

Pars quoque numinibus faciunt conuitia nostris:

Pars vocat impuros, pars negat esse Deos,

Fabula dicor ego, & vanum sine corpore nomen:

Tu pelagi spumis vanior esse Dea.

Nec mora, commotus dictis, pharetrâque soluta

Quam graue sit, dixi, discite numen Amor.

Lunâque arcum, selectaque spicula misi,

Plus quibus occulti nulla furoris habent.

Iupiter his tactus se dissimularet in auro,

Rursus & ad Spartes recta volaret olor,

Quas ego selegi, nulli nocuere sagittæ:

Credibili populus durior ille fuit.

Quid facerem? pudor est nil proficiencia tela

Terdere; sed victum maior abire pudor.

Hei mihi! cur maiora meis sum viribus ausus?

Cur ego tam præceps in mea damna fui?

Omina cur spreui? nam non fore prospera nobis

Prælia, funesta voce monebar auis.

Quisquis bella parat, validumque insurgit in hostem,

Si sapiat, vires consulat ante suas.

Omina nec spernat, seu vox seu penna minentur :

Magna fides aures; vauicinantur apes.

Ex humeris pharetram, & segnem suspendimus
arcum,

Ardentesque nouo sumpsimus igne faces.

Et feror in medios, & quæ tulit impetus iram,

Tentaui flammis saxea corda meis.

Senserunt (quis enim nostros non sentiat ignes?)

Leniter ardore ire sub ossa meos.

Atque aliquis subitam luctando extinguere flam-
mam

Dum parat, hostili corripit arma manu.

Meque

Meque tener, sociosque vocat, Captusque tenetur,
 Hæc loca qui nobis inuidet hostis, ait.
 Dixerat: exemplūq; circum affluit undique, & in me
 Comparat armatas gens inimica manus.
 Quid facerem puer, & tam multos vnus in hostes?
 Quidve animo nobis tunc superasse putas?
 Populeæ veluti frondes, quibus ingruit Auster,
 Aut vt canna, Noti quam ferit aura, tremuit:
 Sic ego pœnarum pallens horrore trenebam,
 Lampadas è digitis executiente metu.
 Nec mora: pars stimulis, pars acri verbere pulsat,
 Pars secat humanis corpus inerte flagris.
 Funibus hic, nodisque; hic ferro sæuit & igni:
 Meque aiunt meritis ferre minora meis.
 Ille meam extinctis conculcat lampada flammis:
 Ille manibus pennas vellit; at ille comas.
 Ille meos frangens arcus, Quos frangimus arcus
 Este mea: testes signaque mentis, ait.
 Quisque furit, nostrosque dolens vlciscitur ignes,
 Sæuaque crudeles adiuuat ira manus.
 Aspicias ambustos circum mea colla capillos?
 Et ferugineis lauida terga notis?
 Stipitis ardentis, mater, vestigia cernis
 In caput illisi: causaque parua fuit.
 Clarus erat iuuenis titulus ac sanguine, cuius
 Contigeram timido limina priua pede.
 Me viso vultumque trahit, subitoque flagrantem
 E medio torrenti corripit ille foco.
 Impingitque ferox humeris: ardescere capilli,
 Stridoremque viso sanguine plaga dedit.
 Sic ferus ille meos compefcuit ignibus ignes:
 Flamma fuit flammis fortior illa meis.

Alterius

Alterius pectus mea vix libarar arundo,
 Vindice cum saxo verberat ille meum.
 Nec modus, aut requies: repetitos ferreus ictus
 Ingeminat: nec me non meruisse iuuat.
 Utque tuis meritis reddatur gratia, dixit:
 Accipe vulneribus vulnera digna tuis.
 Quid fles? discis puer, quid sit precordia ladi:
 Nam tua plus nostris tela doloris habent.
 Arguis immerito mea, dixi, faxee tela,
 Quois nihil immensus blandius orbis habet.
 At tibi de scopulo saxumque & pectus eodem est,
 Quo tua, quo toties pectora nostra feris.
 Quod nisi iam parcas, nam de supplice vindex,
 Et faciam telis comminuare meis.
 Ille tenens nostro stillantem sanguine caudem,
 Ostentansque mihi, talia verba refert:
 Hoc, puer, ante tuo mollescer sanguine saxum,
 Quam fiat facibus cor mihi molle tuis.
 Vre ferum, & torque: possunt mollescere rupes,
 At non durities pectoris illa mei.
 Tu licet Ausonias, spectacula lubrica, formas
 Obicias oculis improbe fure meīs,
 Et molles nimium rufus, agileque choreas,
 Pluraque quae nobis Roma videre dedit:
 Ante tamen Tybrim Solymie bibet, ipsaque stabit
 Roma Palæstinis conspicienda iugis,
 Quam tua consucto non tundam pectora saxo,
 Supplicio meritis conueniente tuis.
 Dixerat: interea pœnarum mille figuris
 Vindicat offensas cetera turba luas;
 Maxima pars nullas: satis est voluisse videti
 Supplicij dicat ut esse reus.

ELEGIARVM LIB. III. 93

Singula quid memorem? non si noctesque, diesque
 Mille mihi voces, oraque mille sonent,
 Pœnarum species & nomina dicere possim.
 Præcipuas etiam longa referre mora est.
 Credis & hoc nobis? certissima pignora veri
 Cerne cicatrices: hæc dubitare vetant.
 Per vespres aliquis nudum voluitque, rapitque,
 Spiculaque insultans hæc, ait, adde tuis.
 Omnia vincentes hæc vincunt tela sagittas:
 Si dubitas, armis ista retunde tuis.
 Quæ toties iactas cedunt tua spicula spinis.
 I nunc, & titulum cuncta donantis habe.
 Ah miser interea spinis lacerabar acutis,
 Et, quæ cernis adhuc, vulnera mille tuli.
 Vepribus & verbis pariter lædebar; at illi
 His mihi sunt visi mihius esse malum.
 Barbare, clamabam, si te neque forma, nec ætas,
 Nec quæ non merui vulnera ferre, mouent:
 At prosit tennes tibi nil nocuisse sagittas.
 Est aliquid iaculis crimen abesse meis.
 Quid faceres læsus, qui sic sine vulnere sæuis?
 Sanguine, nec cessas, iam nemus omne rubet.
 Et, quasi parua feram, verbis quoque lædis amaris
 O his asperior linguaque mensque rubis!
 Abripit hæc faciem nostro quoque saucius igne
 Nescio quis, sed non tactus ad ossa senex.
 Atque ita: Quid rapidas iactas, puer improbe, flammæ?
 Vrat cuncta tuas, te meus ignis, ait.
 Me simul accensis vestigia figere prunis
 Cogit, & in medio detinet igne pedes.
 Heu malè tam sæuis teneros vlcisceris ignes,
 Tolle tuos, clamo, iam perire mei.

Non

94 SIDRONII HOSSCHII

Non sic Antiphates in me, non sc̃uiat Atreus,
 Non qui mendacem torruit igne bouem;
 Non qui sanguineos artus & cruda vorauit
 Viscera: plus istis tu feritarū habes.
 Talia vociferans auras plangore replebam,
 Cū venit ignoti pallida forma viri.
 Quique tuo toties alios, ait, vrere tentas,
 Parce puer nostro saucius igne queri.
 Clamores compesce: tuos sedabimus artus,
 Frigora si nullum flammaque fœdus habent.
 Dixit, & in campum niuibus me raptat opertum,
 Corporaque amplecti de niue facta iubet.
 Hic, velut ē terra fertur fecisse Prometheus,
 Copora de gelidā finxerat ille niue.
 Pugnabam leuibus contra mala frigora flammis
 Sed victæ niuibus succubere faces.
 Stagnum erat: afflatus stagni frigentibus alis
 Rhipheus leuiter vinxerat. Eurus aquas.
 Me trahit huc positus miles crudelior armis,
 Quam fuit, infestā cū tulit illa manu.
 Ille reluctante pedibus, frustra que precantem
 Raptat, & in gelidæ margine sistit aquæ,
 Et subito secum stagnum rapit asper in altum:
 Discedens glacies pondere rupta fuit.
 Et collo tenuis immergit, gelidisque sub vndis
 Per longas cruciat membra tenella moras.
 Diffusum totos abiit mihi frigus in artus,
 Et glacies humeros collaque læsa secat.
 Ipse mihi est visus conrescere frigore sanguis.
 Heu vbi tunc flammæ vis erat illa mea?
 Quid tibi, clamabam, mecum est durissime teram?
 Non tuæ sunt facibus corda petita meis.

Quid

ELEGIARVM LIB. III. 95

Quid tibi cum glacie, qui gaudes ignibus? an te
 Pœnitet ardoris, quo truculente cales?
 Curam hanc mitte puer: si qua est in pectore nostro,
 Illa sub his, inquit, flamma fouetur aquis.
 Hi fluctus glacie pariter ventoque sonantes
 Nostro, si nescis, sunt in amore faces.
 At tua perdenda est, quâ multos improbe gaudes.
 Perdere, digna sub his flamma perire vadis.
 Sis licet igne patris, matrisque ferocior vndis,
 Ille ferox modicâ nempe domandus aquâ es.
 Nec prius hinc, victum quàm te fateare, recedes.
 Hic spoliū de te debet habere lacus.
 Quamq̃ vides stagni crescentem in margine, sagi
 Hoc in rugoso corrice carmen erit:
 Quod de Leucadiâ priscis à vatibus vndâ
 Traditur, hic domito fecit Amore lacus.
 Hactenus: at nobis sensi torpere medullas,
 Intimaque infelix serpere in ossa gelu.
 Hæc, & quæ taceo, sum passus plura, measque
 Quilibet in pœnas ingeniosus erat.
 Ut licuit, madidis, & adhuc stillantibus alis
 Proripui turpi me celer inde fugâ.
 Dum fugi, frondes inter lucumque virentem
 Vidimus in molli stragula picta toro,
 Inque toro iuuenem: cohibebant arcta iacentis
 Serica vincla manus, serica vincla pedes.
 Me tremit hic visio: nodosque & vincula pugnas
 Rumpere: pugnantem fortiter illa tenent.
 Tuque meis saltem, dixi, superaberis armis,
 Aut reprimas victâ, si potes, illa manu.
 Ille (fide manus) linguam sibi dentibus aufert,
 Et roca cum multo sanguine in ora iacit.

Non

96 SIDRONII HOSSCHII

Non nocuisse mihi teneram cum sanguine linguam
 Forlan, & hoc telum molle fuisse puras?
 Crede mihi, mater, grauius non sensimus isto:
 Igne, gelu, spinis acrius illud erat.
 Ergo iterum fugi victus, lenteque volanti
 Ipse loci limes iam propè victus erat.
 Ecce virum nudo recubantem in cespere vidi:
 Obruerat fessi lumina victa sopor.
 Certa mihi saltem sopitum vincere spes est.
 Victrices, dixi, sentiet ille faces.
 Vix leuiter districtus erat, sensuque; mihi que
 Percutit os plenâ terque quaterque manu:
 Percutit, & somno premitur: mihi protinus ingens
 Naribus, & laeso manat ab ore cruor.
 Spes quoque tunc victa est: nam quæ superaret in
 hostem,
 Cui contra insidias excubat ipse sopor?
 Vndique sic pulsi, scelerata relinquimus aqua,
 Vix oneri pennâ sufficiente suo.
 Dum feror, Hoc superest, pendens superæquora, dixi,
 Ut dem cæuleis nomen amoris aquis.
 Ante oculos nomen tua fors erat lcare, cum sol
 Vicino pennas solueret igne tuas.
 Tunc didici, sensuque miser freta longa remensus,
 Debilibus pennis findere quid sit iter.
 Finierat: flebant: & se non omnia posse
 Vincere, se victus teste farenur Amor.

ELEGIA III.

AD FERDINANDVM DEL PLANO

E SOCIETATE IESV.

Dam Elegias meas sapius exigeret.

Quid mihi desidiam toties, & crimen inertis
 Obiicis, & versus exigis vsque meos?
 Da veniam falsor: vix sunt mihi carmina tanti,
 Vt toties à te segnis, inarsque vocer.
 An quia non omni mitto tibi mense volumen,
 Me torpere putas, desidiamque sequi?
 Siqua fides, nec desidiam, nec pingua fector
 Otia; nec somnos præmia magna voco.
 Vt cupiam, dulces nequeam dimittere Divas:
 Sirenes cymbæ sunt ea turba meæ.
 Qui vacat, & torpet, nec, quid sint carmina, nescit,
 Ille mihi lignum creditur, ille laps.
 Scribo; sed vt scripsi, damno rude carmen, & odi.
 Exitus est studij ducta litura mei.
 Verba miser frustra non prouenientia quero;
 Aut quæ proueniunt, non placitura reor.
 Nunc quoque, ni rursus dicturum, ignaue, time-
 rem,
 Hoc quodcumque vides, omne litura forer.
 Nam mea dum præscis committo carmina scriptis,
 Siue tuis Naso, siue Tibulle tuis:
 Et pudet, & nostræ subeunt fastidia venæ,
 Meque rudem, quamuis non putor, esse queror.
 Et modo Pegaseos demens acculo liquores,
 Et modo laurigeri plectra, lyramque Dei.

98 SIDRONII HOSSCHII

Pulpita quin etiam, & calamos fregisse recordor,
Vtque puto, dolor hic, itaque. iusta fuit.

Quin etiam nuper, Musæ discedite, dixi.

Doctaque cum vestris turba valete modis.

Musæ, dulce malum, ah quondam mea cura, valete.

Non ego sum, frustra qui miser esse velim.

Iam satis aduerso cursum tentauimus amne,

Hæsit & in dubiis nostra carina vadis.

Phœbe vale: tua iam nobis infania longè est:

Illecebris videor posse catere tuis.

Risit, vt audiuit Phœbus, vultuque sereno

Partem, inquit, fati discere pœta tui:

Cum nec apes flores, nec amabit flumina cygnus,

Nec teneræ blandi tempora venis aues:

Tunc quoque tu Musis poteris spirare relictis,

Tunc quoque te nullus carminis vret amor.

Hoc tibi nec volucrum linguæ dixere, nec alæ,

Nec tibi sidereo læuius ab axe fragor,

Nec pecudum fibræ, venturi perfida signa;

Sed Phœbus. Phœbo scire futura licet.

Dixerat: crubui, subitûsque per ossa cucurrit,

Quem sæpè in venis sensimus antè, calor.

Vera tamen dixi: verum quoque dixit Apollo;

Sed solet in Diuis certior esse fides.

Cura redit, teneros tantum spectando libellos;

Si non aspiciam, sat meminisse fuit.

Vineor, & aduersas iterum lubet ire per vndas:

En iterum in Syrtis, & vada blanda feror.

Sic vbi deseruit Scaldum status æquoris æstus,

Mox redit, & pleno rursus in amne turmet.

At tu parce, precor, crescentes postere lusus.

Semper habent iustæ commoda magna moræ.

Quod

ELEGIARVM LIB. III. 99

Quod tunc Autumno maturis nectar in vuis,
 Ante diem ingratus succus, & asper erat.
 Quid fuit antè seges, nisi spes & inutile gramen?
 Tempore proueniunt vina, segesque suo.
 Quid teneras primâ segetes euellis in herbâ?
 Quid de vix natâ Massica vite petis?
 Crescenti spatium da, Ferdinande, poetæ.
 Nunc herbæ, quodam tempore messis erunt.

ELEGIA V.

AD ADRIANVM COOLS

E SOCIETATÊ IESV,

Cum ad scribendum hortaretur.

Sic te Phœbus amet, doctæque, Adriane, sorores,
 Et capiti nectant debita serra tuo.
 An mea tam felix tibi Musa videtur, vt æuo
 Maius & inuidiâ condere possit opus?
 Nam quid multa monens toties hortaris, vt ausim
 Credere me famæ, iudicioque tuo?
 Parce, precor, leue tot stimulis impellere pectus:
 Ne mea diligerem damna, monendus eram.
 Scilicet Icarior miserum tentare volaus,
 Et Phaëthontis curribus ire iubes.
 Impetus est, fateor, nobis in carmina magnus;
 Et pueris illis impetus acer erat.
 Hic fuit exitio. Quoties caret impetus atque,
 Frangitur, & vires conficit ipse suas.
 Infelix Phaëthon, quis te furor egit in illas,
 Per quas sæpè pater palluit ire vias?
 Ah! patrios tibi sat currus, insane, fuisset,
 Et nitidas auro posse videre rotas.

Ignipedumque iubas mulcere, & lucida colla,
Gemmaeque admotâ tangere lora manu.

Et satis ingentes propius spectare columnas,
Nixa quibus rutili regia patris erat.

Nec minus argenti radiantes lumine valvas,
Claraeque formosis limina chrysolithis,

Purpureaeque fores Aurorae, & plena rosarum
Atria securo tangere posse pede.

Tum neque precipitem, Ioue te feriente, de-
dissent

Fulminis ardentem igne, suoque rotæ.

Nec te populeâ flectent sub fronde sorores,

In siluam versis ad tua busta comis.

Et tibi, qui vitreo fecisti nomina ponto,

Frustrâ solliciti cura, dolorque patris:

Ni leuior pennis, quæ te vexere, fuisses,

Hoc, ex quo rueres, non placuisset iter.

Sed plumas captare leues, quas mouerat aura,

Cereaque ignarâ rumpere vincula manu.

Hoc satis: & tutum fuerat sic tangere pennas,

Dum pater ambobus triste parabat opus.

Tuus o quanto nunquam hic, Adriane, volasset;

Alipedes alter non agirasset equos!

Nunc quoniam nimium, nimiumque est ausus v-
terque,

Hic perit pennis, curibus ille suis.

Sic redeunt, quicumque nimis sublimia tentant:

Et tu me pennas sumere, amice, mones!

Alta petat, quicumque suâ gaudere ruinâ

Sustinet: à nobis sit procul iste furor.

Mi satis est humilem tenues errare per umbras,

Quâ teneras lauros, fons Heliconis alit.

ELEGIARVM LIB. III. 101

Et spectare nemo, cuius sua tempora cingit
 Frondibus, & vatum tempora cingit Honor.
 Illic aspiciam latis pendentia ramis
 Barbata, sed digitis non temeranda meis.
 Illic prisca tuos venerabor, Roma, poëtas,
 Et quibus hi certant, Græcia docta, tuos,
 Et non cessuros prisca, nisi tempore, vates,
 Æmula quos tantæ Belgica laudis habet.
 Hosego securus mirabor in æthera famâ
 Tendere; mirantem nulla ruina premet.
 Hoc nostrum sit opus, curarum hæc summa mearum:
 Hoc mea si ludat flumine cymba, sat est.
 Me miserum! unde mihi subit hæc sapientia pectus?
 Vtque prius, vacuum non finit esse metu?
 Ite procul segnes cura, procul ite timores,
 Non sunt sollicitæ carmina mentis opus.
 Forsitan his viam sapienter legibus olim.
 Nunc me, nec pudor est, delipuisse iuuat.
 Dum canet, & metuit, magnis prudentia votis
 Sæpè nocet; certè non fauet illa meis.
 Si nimum Æsonides ventos timuisset, & vndas,
 Vellera Phryxæ num retulisset ouis?
 Dædalus æterno clausurus carcere vitam,
 Credere se cælo ni foret ausus, erat.
 Si dubium pauidus Martem vitasset Achilles,
 Iliacas victor quis lacerasset opes?
 Scilicet audendum est: audentes dexter Apollo,
 Et Musæ faciles, & furor ipse iunant.
 Torqueor heu! ne fors pœnam pro laude reportem.
 Terminus est altæ sæpè ruina viæ.
 Quidlibet eueniat: nocet hæc sapientia nobis,
 Quâ neque, si cupiam, me puto posse regi.

102 SIDRONII HOSSCHII

Nec timidos Virtus animos, nec Gloria curat:

Vtraque torpentes deficit ante manus.

Quo tu cumque vocas, faciles, Adriane, sequemur,
Securi, quod nos fataque, forsque ferant.

Iam mihi, iam multis, olim quoque nostra placebunt
Carmina, iudicio si placuere tuo.

ELEGIA V.

AD MARCHIONEM AYTONA,

*Donec veniret Serenissimus Cardinalis, Infans
Hispania Ferdinandus, Belgij & Burgundia
Gubernatorem.*

Moncada, Aragonum genus alto à sanguine
Regum,

Quem proavis æquant forcia facta suis;

Spes & amor patriæ, Belgicæ extrema timentis

In tam præcipiti tempore certa salus;

Siue paras bellum trepidis fatale Batauis,

Seu fraudes aperis, perfidiamque domas;

Sî licet, ingentes paulisper supprime curas,

Et placidos vultus ad mea verba refer.

Et facies: vates tibi sunt in amore, manuque;

Tunc quoque, cum vatum carmine digna geris.

Non ego, quas alibi meritis impleueris oras,

Nec tua, quæ Cæsar prædicat, acta canam;

Nec quor quàm felix legatus adiuveris vrbes:

Forſitan hæc alios, nos bona nostra mouent.

Mi ſatis eſt, per te capiant quæ gaudia Belgæ,

Dicere, & auſpiciis omnia nata tuis;

Et

ELEGIARVM LIB. III. 103

Et memorare diem, te quo Rex magnus Iberum,
 Quod Superis curæ nos probat esse, dedit;
 Et dixit: Moncada regat, reddatque per vrbes,
 Dum veniat Frater, regia iura meas.
 Ille meos Belgas, quo cæpit Marte, tueri
 Pergat, & occultis obuius ire dolis.
 Possum ego, dum vigilat, fraudesque auertit &
 hostem,

Curarum partem ponere, Belga metum.
 Dixerat: ingenti plausu mandata feruntur;
 Ipsa sibi reddi patria visa fuit.
 Nec spes vana fuit: nil coniurata nocentum
 Fœdera, nil possunt hoc vigilante doli.
 Testantur seruata suo Bouchinia Regi
 Mœnia, totque aliis oppida salutis locis.
 Tu quoque, cum frangeres animis infestus & armis,
 Quem sis expertus, Bataue, testis eris.
 Intrepidus Moncada, animoque ipse agminis instar,
 Viribus opposuit millia multa tuis.
 Iuit, & oblato certamine sæpè repressit,
 Et modò terrentes tertuit ipse duces.
 Iuit, & ausuros (vt erat timor) omnia fregit;
 Et rerum facies versa repente fuit.
 Hoc vigil, & curas animus simul acer in omnes
 Fecit, & in Regem sancta Deumque fides.

104 SIDRONII HOSSCHII

ELEGIA VI.

AD PROCERES

DOMVS GANDA-VILLANÆ

IN AVSPICATISSIMA FRANCISCI GANDA-VILLANI
EPISCOPI TORNACENSIS, CONSANGVINEI SVI INI-
TIATIONE.

Villani proceres, quorum virtutibus olim
Se maius nomen maxima Ganda dedit:
En iterum vestros è vobis ortus honores
Augeat, & heroum nobile signat iter.
Ecce venit Præful vidua gratissimus vrbi :
Iam gaudet votis illa posita fuis.
Iam Patruo similis, virtutis imagine, Præful
Sufficitur, Patru dignus honore Nepos.
Dicta dies fulsit: sua nunc insignia sumit.
Vos hilares plautius, & bona verba date.
Dextra pedu gerit; ex humeris noua purpura pendens
Dellur, & lato firmate vertit humum.
Annulus in digitos, fideique inducitur obfes;
Cingit honoratas infula sacra comas.
Spectandi studio concurritur vndique; turbæ
His quoque, qui propetant, præripuere locum.
Hos capit angustæ species pulcherrima pompæ :
Illos sacrorum splendor, & ordo tenet.
Multos Pontificum maiestas sancta moratur,
Sed rapiunt omnes Præfulis ora noui.
Finis adest factis. Nunc ad sperata venire
Oscula: sacramentum porrigit ille manum.
At vos præcipue, quorum de sanguine natus
Hoc meruit, vestra non sine laude, decus.

Scilicet

ELEGIARVM LIB. III. 105

Scilicet vnus virtus, & gloria felix
 Quot generis focios, tot quoque laudis habet.
 Vos celebrate diem, vestrisque inscribite fastis;
 Exigit hæc, inter tot monumenta, locum.
 Cumque recensébunt patrum decora alta nepotes;
 Hinc etiam, dicent, creuit auita domus.
 Lectæque cùm fuerit series longissima rerum,
 Delectæque acies, raptaque signa ducum:
 Plus aliquid spoliis, plus magnis, sacra, triumphis,
 Virtutumque index infula maior erit.
 Nobilitas solis non est spectabilis armis:
 Hanc quoque maiestas Religionis alit.
 Magnorum obsequiis se deuouet vtræque Regum;
 Sed causam hæc hominis protegit, illa Dei.

ELEGIA VII.

TORNACENSIS POPVLI

IN EIVSDEM PRÆSVLIS SVI CONSECRATIONE
 * GAVDIA ET VOTA.

Prospera lux oritur. Tandem sua præmia Virtus
 Accipit, & meritis munera parta suis.
 Ecce pedum, mitramque, & sacra insignia Præsul
 Villano genitus sanguine ritè capit.
 Fama volat, repletque vrbes rumore secundo,
 Per liquidas pernix aëre lapsa vias,
 Ante alias, petit hæc vestras, gens Nerviæ, sedes,
 Mœniaque aligero transilit alta pede.
 Perque vias vrbis, per compita, perque penates,
 Perque domos, lætum nuntiat ire diem:

g s

Ire

Ire diem, quo Villano de sanguine Præful
 Succedit patruo, non minor ipse, suo,
 Protinus excutiant mæstas noua gaudia curas
 Ciuibus, & tetricæ tædia longa mora.
 Omnibus idem animus lætos diffundere vultus,
 Et studij, & sensus edere signa sui.
 Pars memorat dotes, & docti Præfulis artes:
 Pars censet titulis nobile stemma suis.
 Pars animos populi nec spe solantur inani,
 Et facilem dicunt in sua vota Deum.
 Scilicet ingenti rerum sapientia moli
 Par erit, & tantum ferre valëbit onus.
 Illam exercebit communis cura salutis,
 Et morum, exemplis quos reget ipse suis.
 Quam populo sternunt tantorum exempla vitorum,
 Hæc ad recti apicem certa breuiusque via est.
 Aurea virtutum reuifcet protinus atas,
 Nec lolium aut spinas cultus habebit ager,
 Felices iam lacte fluent & nectare riuus:
 Illic è foliis roscida mella cadent.
 Talibus, atque aliis incendunt mutua dictis
 Pectora, spesque suas, læticiamque fouent.
 Hæc sincera quidem, sed non est plena voluptas;
 Ex aliquâ minuit gaudia parte dolor.
 Optatæ toties nec enim spectacula pompæ,
 Cara nec absentes Præfulis ora vident.
 Quid facitis ciues? nihil est hac luce dolendum.
 Hæc quoque posse dabit Præfulis ore frui.
 Mens adeat, coramque putet spectare triumphum:
 Instructa est oculis mens quoque nostra suis.
 Et leuis est, leuiorque cuium pernicipibus alis;
 Fulminis in morem, quo luber, illa volat.

Non

ELEGIARVM LIB. III. 107

Non illam montes, non illam sistere possunt
 Flumina, non longæ difficilesque viæ.
 Hæc vos Bruxellæ medium deducet in urbem :
 Per medias turbas hæc quoque pandet iter.
 Cernitis in sacrâ fulgentem fronte tiaram,
 Et radians auro, chrysolithisque pedum ?
 Intentos oculos augusto pascite vultu
 Præfulis; hæc vobis gaudia ferre licet.
 Cùm benè spectastis; sacræ post oscula dextræ,
 Lætitia signum, prospera verba dare.
 Dicite: Cumæos felix Antistes in annos
 Vinat, & è nostris augeat ille suos.
 Dicite: Quæ toties dedit, & tot commoda nobis,
 Crescat, & æternum floreat ista domus.
 Dicite: Nostrarum quæ nobis gloria rerum est,
 Et fuit; vt dignum est, nos regat ista domus.

ELEGIA VIII.

AD MARCHIONEM AYTONÆ.

*Cùm Hollandorum obsidione Bredam
 liberasset.*

NON carete uenit vigilans prudentia; finem
 Quem sequitur, ratò non habet illa suum.
 Hac, Moncada, nouis veteres successibus auge,
 Et superas armis vota fidemque tuis.
 Sensimus hanc iterùm vigilem, patriæque salubrem,
 Cùm timuit Batauas anxia Bteda manus:
 Hanc illi trepidantem infestis vndique signis,
 Et subitâ celeres obsidione premunt;
 Iamque

Iamque adeò Martem de more ligonibus orsi,
Valla parant castris & loca tuta suis.

Non alio Batavi mauult decernere ferro.

Hoc valet: hoc stricto tutius ense vocat.

Nec mora (virtutem fas est & in hoste probari)
Credibili citius non leue surgit opus.

Protinus aggettis stant propugnacula glebis,

Fossâque loricas circuit alta suas.

Ac velut è cæsa narratur dentibus anguis

Agminis armati nata repente seges;

Non secus è terris subitas erumpere moles,

Nec fieri manibus tam citò posse putes.

Fama tuas, Moncada, simul peruenit ad aures,

Castra simul, pugnae plenus amor, moues.

Nec tamen aut factas, aut victas deferis arces.

Sicut erat, clausum flumen utrimque manet,

Quâ Traiectinis sese insert manibus, & quâ

Manibus elapsas in mare voluit aquas.

Te Mars ardentem, sperataque pugna trahebat:

Ibat & exemplis miles in arma tuis.

Sciuit, & ad nomen venientis palluit hostis,

Et trepidum castris murmur it: Ipse venit.

Ipse venit, mussant; non est mora libera nobis.

Cedimus? an vitæ nos piget? ipse venit.

Et venit, & nobis spes in certamine nulla est;

Incolumes solâ possumus esse fugâ.

Illicet excussit manibus formido ligones,

Expulit & castris arma virosque suis.

Fit fuga; tu quamuis longâ regione viarum

Distares, neque adhuc visus ab hoste fores.

Dum licuit, si bi consuluit gens prouida. serò

Scilicet à viso sæpè fit hoste fuga.

Te quoque plus armis iam senferat esse timendum,
Prælia nec tanto cum Duce tuta geri.

Quid facies armis, qui solo nomine vincis?

O immortales inter habende Duces!

Parcite Mauortis soboles fortissima; vestri

Maxima pars Ductor roboris ipse fuit.

Non vires gladiique regunt, sed prouida Martem

Consilia, & vani pectus inane metus.

Sic olim Curius plus se quàm milite gessit:

Scipio sic magno victor in hoste fuit.

ELEGIA IX.

AD MATHIAM CASIMIRVM SARBEVIVM

E SOCIETATE IESV,

POETAM LYRICVM.

Romanae fidicen citharæ, qui sidera tangis
Vertice, & ignauam despicias ales humum:

Pace tuâ, quamuis nec certius alta Cleanthis,

Nec Samij fuerint ora locuta senis:

Semita Diræi non est tamen inuia cygni:

Iuit, & hanc pennis repperit alter olor.

Nec minus est auræ, quâ se leuat æmulus ales,

Nec spatio nubes inferiore secat.

Nec malè ceratis ad sidera nititur alis,

Æquoreis nomen triste daturus aquis.

Æthereas animas restor, Zephyrosque, Notosque,

Et quæcunque tuos detulit aura modos;

Si tua, Sarbieui, sperasset carmina Flaccus,

Et factum fieri posset putasset opus:

• Forſitan

Forsitan æquari vatem non posse negasset,
 Quem vigor in cælum, plurimaque aura leuat.
 Felix, credibili maior quem concitat ardor!
 Iudicium superas vatis & orbis idem.
 Non abit in peius semper viciosior ætas;
 Nec quamuis semel est ferrea, semper erit.
 Nomine nostra suo est melior, dicique meretur
 Aurea, carminibus nobilitata tuis.
 Hæc ego vos, Musa, vestroque in monte virentes
 Iam pridem lauros edidicisse reor.
 Hæc vbi cantatur, nec saxa, nec æquora surda,
 Nec sunt indomitæ turba timenda feræ.
 Vos eritis testes Getico sub sidere cautes,
 Quique Lycaonio, Ponte, sub axe iaces.
 At neque solus habes auritas, Sarmata, rupes,
 Mirantésve tenes, Vistula, solus aquas.
 Et Rhodope, & scopulis veniunt plaudentibus Al-
 pes,
 Nullaque non montes gens videt ire suos.
 Hæc Rhodanumq; Padumque tenent, hæc carmina
 Rhenum,
 Oblitos notas, vt priùs, ire vias.
 Hæsit sæpè Tagus, fuluâque reclinis in vrnâ
 Dixit: Eunt auro purius illa meo.
 Sæpè aliquis nullâ vates hæc legit in vmbra,
 Et citcum viridis protinus vmbra stetit.
 Cui licet, hæc gelidâ nemorum securus in vmbra;
 Belga sed, heu! lituos inter & arma canit.
 Sic tantum in patriis cantasset montibus Orpheus,
 Cum siluis itidem saxa secuta forent.
 Nec minùs Aonias lapis ascendisset in arces
 Euectus numeri; magne poëta, tuis.

Nec

ELEGIARVM LIB. III. III

Nec minùs his captus, qui vexit Ariona, delphin
Æquoreis ludens exsilisset aquis.

Me certè tua Musa sui dulcedine cantus
Abripit, & memorem non sinit esse mei.

Sapè fui, ceu vaticinans, aliena locutus,
Et fuit abrepti carmen in ore tuum.

Sapè locuturus diuturna silentia feci,
Aut rupit medios lingua retenta sonos.

Mens abit, & subito tacitum mirantur amici,
Me rapiunt numeri, cygne canore, tui.

Siue iubes in Threiciùm capere arma tyrannum,
Pæne minax digitis sumitur hasta meis.

Siue super nubes sublimis & æthera tendis,
Ipse leui videor nube repentè vehi.

Siue per Ausonios spatiaris lauriger hortos,
Me Zephyri & Floræ regna subire puo.

Seu mœrente canis testudine flebile carmen,
Palleo, nec fletu lumina nostra carent.

Seu tristes hilari solaris pectine curas,
Defluit ex animo cura dolorque meo.

Siue pios castæ suspiras mentis amores,
Vrimur: ardentes sunt tua verba faces.

Denique me formas subito conuerit in omnes
Qualiscumque operis pagina lecta tui.

Hoc est & volucres cantu fluuiosque morari:
Hoc est aëreâ ducere saxa viâ.

Hoc est fulmineas auferte leonibus iras:
Hoc agnis rapidos conciliare lupos.

Pegasisides Diuæ, vestro date debita vari,
Quæ possint Clarium ferta decere Deum.

Quid precor? exiles lauro redimite poëtas:
Vos mihi, si merui, necesse ferta Deæ.

Nam

Nam tua, Sarbieui, cùm siluæ plestra sequantur,
Ad crines properat laurea sponte tuos.

ELEGIA X.

AD ANTONIVM SANDERVVM

IPRENSIS ECCLESIAE CANONICVM.

Cùm de Eucharistiâ scriberet.

Naturæ mores alij, causasque latentes,
Et cæli referant, Oceanique vices:
Vnde niues, aut quâ prorumpat origine fulmen:
Tantus in elisis nubibus vnde fragor:
Aut cur alterno tumidum mare ferueat æstu:
An secum æquoreas Cynthia mutet aquas:
Cur Boreas siccis, madidis cur euolet alis
Auster, & in fontes vnde perennis aqua.
Hæc alij: tu dic illum, q. em fulmen, & imbres,
Et dominum agnoscit mundus vterque suum:
Vade Deo plenus, qui te sua sacra docentem
Non sinit humanas, vt prius, ire vias.
Te tua cura iunet, quem nil mortale sequentem
Ducit in occulti conscia sacra Dei.
Hic res ignoras oculis & sensibus hauris:
Quodque stupent Superi, pandis amoris opus.
Quanta, & quot faciant pauca miracula voces,
Numine cum verbis adueniente, doces.
Vt Bacchi, & Cereris vestigia sola supersint,
Vtque tegant, quem non cernimus, illa Deum:
Vtque oculis legemque suam, moremque secutus
(Hi quoque falluntur) non sit habenda fides.
Ahl furor est oculos hic consuluisse manusque:
Altior est tardis sensibus illa fides.

Demens

ELEGIARVM LIB. I. I. 113

Demens, qui breuibꝯ naturæ finibus arctat
 Numen, & immensum claudit amantis opus!
 Primus amor docuit naturæ excedere fines;
 Primus amor nullum cœpit habere modum.
 Ille etiam nobis epulas de Numine fecit:
 Hic & conuiuas omnibus esse licet.
 Sed tamen innocui veniant: procul impia turba,
 Quam Venus, & vinum, prædaque, fraudq; iuuat;
 Cui scelus occultum malè conscia pectora terret;
 Fabula cui præsens creditur esse Deus.
 Conscia mens ut cuique sua est, ira semper in illam
 Cum Domino veniunt vitæ, mōrisve suo.
 Sic rosa turpe genus scarabeos enecat illo
 Quo capit, & castas nectare pascit apes.
 Hæc, Sandere, doces: orbis probat: vna docentem
 Non fert Impietas, armaque vana mouet.
 Illa giganteo molitur bella furore.
 Vecordes, quos hæc sub sua signa vocat!
 Qui, quia non capiunt, diuina oracula damnant,
 Sensibus hæc mensi sacra Deumque suis.
 Heu nox alta! Deo de se non creditur ipsi:
 Illius est leuior, quam sua cuique fides.
 I contra armatum solis clamoribus hostem,
 I Sandere: tibi causâ Deusque fauent.
 Prisca Patrum series venit auxiliatibus armis:
 Cum Latio in partes Græcia docta venit.
 Et fauet ipse tibi, pro quo pia bella capellis:
 Hac ope dux, miles, castraque solus eris.
 Quaque ferēs gressus inimica per agmina victor,
 Turbida disicies cum duce signa suo.
 I felix, meritum victor molire triumphum:
 Illius spatium, quâ patet, orbis erit.

h

Prisca

Prisca fides niueis præcedet vincta quadrigis,
 Et dabit occultum signa venite Deum.
 Ipse manu felix cælestia scripta tenebis,
 Stans in laurigeris lauriger ipse rotis.
 Ponè tuos curvis captiuo yncula collo
 Turpi progenies edita Nocte feret.
 Ibit detractis capiti Fraus perfida larvis,
 Nudatoque suos deteget ore dolos.
 Atque Odium veri, gaudensque ambagibus Error,
 Consilii que experts indocilisque Furor.
 Impietas tortos agitans pro crinibus angues,
 Per totidem linguas sibilata vana dabit.
 Totque trahi captam sese indignata catenis,
 Discerpet colubros ore furente suos.
 Hunc meritò, Sandere, parat tibi Fama triumphum:
 At frustra meritis par cupit esse tuis.

ELEGIA XI.

AD BEATAM VIRGINEM,

*Qua Alsebergæ, prope Bruxellas, titulo
 STELLÆ MARIS, colitur.*

Q Valiter abreptam procul à tellure carinam
 In medio iactat ventus, & vnda mari:
 Haud aliter Belgas, tot iam labentibus annis,
 Voluit, & huc illuc Martius æstus agit.
 Hei mihi! tot fluctus inter, fremitusque, minasque,
 Quæ nauim in cæco gurgite stella reget?
 Nil hinc Oebalij fratres, nil clara Corona
 Lumina, nil profunt magna minorque feræ.
 Puppibus

ELEGIARVM LIB. III. 115

Puppibus hæc aliis fauceant, cursumque secudent:
 Talia non spectat sidera nostra raris:
 Diua, decus cæli, cælo formosior ipso,
 O lux, quæ nullâ condita nube latet:
 Tu melior timidis affulge itella carinis:
 Tu dubios cursus, velaque nostra reges.
 Aspice, quàm sauis belli conuulsa procellis
 Naufragij trepidet Belgica nostra metu.
 Deprensa est medias inter Symplegadas Argo,
 Obrutaque insani pæne fatiscit aquis.
 Per te Tiphyn habet: per te regat ille, tuoque
 Sidere securas præbeat vnda vias.
 Te spectat, fidusque vocat Leopoldus amicum:
 Tutus inoffensum te duce sperat iter.
 Te duce, nec Libycas metuat perumpere Syrtes,
 Nec sua non æquis credere vela Notis.
 Si tibi mons placuit, montisque in vertice templum,
 Hungara quod monitu struxit Elisa tuo,
 Quod Caroli toties, toties subiere Philippi,
 Et patriæ præscos turba secuta duces:
 Si placuit, qui nunc te protegit auspice Belgas,
 Quemque tuos stratum vidimus ante pedes:
 Incipiat per te, depullis æthere nimbis,
 Et, quia post nimbos, lætior ite dies.
 Tunc tibi votiuos persoluet victor honores.
 Inscribet donis, quæ feret, ipse suis:
 HÆC TIBI PRO SALVIS LEOPOLDVS MVNERA BELGIS,
 Diua, tuis titulis, muneribusque faue.

ELEGIA XII.

IN OBITVM LAMBERTI VERREYKEN,

EQUESTRIS TVRMÆ PRÆFECTI, AD SILVAM DVCH
TORMENTI ICTV INTEREMPTI.*Ex personâ fratris, Ludouici Francisci, Baronis
de Genes, Audiensiarj, &c.*

PLangite Picides, citharamque aptate dolori,
 Lataque turbatis demitte sarta comis:
 Attratoque habitu lacrymis accedite nostris,
 Aptaque funesto dicite verba die.
 Occidit infelix Mauortis crimine frater,
 Occidit, & secum gaudia nostra tulit.
 Quod superest, mutam fusi lugemus ad vnam,
 Et cineri lacrymas, altera iusta, damus.
 Silua premebatur Batauis circumdata signis,
 Nec spes obsessis parua salutis erat.
 Fama prius, mox & miles percelluit hostem
 Regius. Ah ! prohibet tangere plura dolor.
 Instat Iber: Baraui erumpunt: in prælia missum
 Te dolor & virtus conscia, frater, agunt.
 Non caput est tectum galeâ, non pectora scuro:
 Pro scuto & galeâ dextra animusque tibi est.
 Sic in sanguineam quondam leo prodit arenam,
 Et viso tumidas excutit hoste iugas.
 Non illum lato terrent venabula ferro,
 Non illum validâ lancea torta manu.
 Pugna fit: impulso properè succurritur hosti:
 Sed virtus numero cedere turpe putat.

Quid

Quid facis heu frater? numero tibi cedere fas est:

Iam famæ satis est: ad tua castra redi.

Me miserum! totum pulchrè temerarius agmen

Sustinet, & famæ nil nisi damna timet.

Collis erat: pugnam de colle videbat iniquam.

Bergius, &: Redcant, signaque dentur, ait.

Signa tubæ dederant: illi parere coacti

Pugnando referunt in sua castra pedem.

Plauditur incolumi, mediâque è morte recepto:

Tam fortes properat tangere quisque manus.

Macte animis frater: tibi Rex iam soluet honores,

Ad quos ipsa tibi Gloria fecit iter.

Expectat legio iam te Germana Tribunum.

Hæc meritis merces est tibi parta tuis.

Heu spes fallaces! heu sortis vota futuræ!

Nescia! quam parua stantque caduntque morâ!

Quid miser exultas? & Rex, & vituida Virtus

Imponunt capiti serra caduca tuo.

Frendet adhuc Barauus, tormenta que pergit in hoste:

Eminus, atque iras exonerare suas.

Machina detonuit: pila fulminis impete venit:

Tu cadis: auulsum dissipat illa caput.

Dextera tum primum, quæ sumpterat, arma remisit:

Fortuito virtus vulnere tanta perit.

Voluitur in præceps hosti quoque flebile corpus,

Et tepidam lacè sanguine tingit humum.

Care iaces frater; nec te tua dextera, nec te

Eripuit miseræ gloria parta neci.

Nil homini certum est: mediis transuersa triumphis

Mille repente viis mors inopina venit.

Non hic scuta valent, non æs, non ferrea cassis,

Non Neptunæ tuâ mœnia structa manu.

Quàm benè pugnabant olim, cùm mœnia ciues,

Cùm vigor, & robur gloria Martis erant,
Cùm spes in dextris, cùm quod mittebat in hostem
Bellica tormentum tela, lacertus erat.

Tunc poterant fortes virtutem extendere factis:

Tunc suus ex merito quemque manebat honor.

Tunc aciem contra, belli mora, stabat Achilles:

Tunc Hector murus ciuibus alter erat.

At nunc, si redeant, Thersites sternat Achillem:

Hector ab ignauâ concidat ipse manu.

Ah pereat, quisquis fatalem repperit vsum

Pulueris, & læuo fulmine peius opus!

Pila satis fuerant, & lethifer arcus, & ensis.

Cur ad fata nouas repperit ille vias?

Imbuere, vt quondam Siculi fabricator aheni,

Ipse suum primus debuit auctor opus.

Tene igitur, frater, discepsit ahenæ pestis?

Debuit hæc titulum mortis habere tuæ?

Hei mihi! quàm multos globus hic percussit in vno!

Spes nostræ quantas abstulit ille domus!

At tu dignus eras satis melioribus vti,

Pluraque virtutis præmia ferre tuæ.

Sed tamen hoc melius, quàm si sine laude perisses,

Et procul ignotâ contegereris humo.

Nunc tua te virtus magnis heroibus æquat,

Gloriaque ad cineres & tua busta fedet.

Raraque res pietas, sanctique in milite mores

Alterâ militiæ fama fuere tuæ.

Quâ licet, hæc nostrum minuunt solatia luctum:

Hæc laudes totum te venere mori.

Terra tuos cineres accepit, cetera cælum,

Famaque: pars minima est, quam regit vrna, tui.

EPISTOLA HEROICA.

ALEXANDER FARNESIVS,
DUX PARMENSIS.

PHILIPPO II HISPANIARVM REGI.

*Suadet, ut in urbibus Belgij à se recuperatis
Collegia Societatis IESV collocet, singula
pro artibus futura.*

EN iterum iustam Deus & Victoria causam,
 Proque tuis, & te quaeris arma probant.
 Auspiciis, Rex magne, tuis Antuerpia cessit:
 Quo steterant hostis, stant tua signa loco.
 Ere sonant turres, tormentis mœnia; plausu
 Pars populi melior, toraque castra fremunt.
 Ignes, lætitiæ testes, per compita lucent:
 Pulsâ loco Pietas ad sua templa redit.
 Ipse triumphali se cingit arundine Scaldis:
 Cuius cant, ipsæ scire videntur aquæ.
 Urbs tam firma sit, tam lato flumine tuta,
 Inuia virtuti credita pœnè fuit.
 Hæc tamen vrbis, flumenque tuo iam Maure re-
 ceptum
 Spem facit hoc recipi cetera posse modo.
 Urbs tibi succubuit, cuius dum mœnia lustrat,
 Vallaque cum fossis, ingeniumque loci,
 Et lato ad muros spartiantem gurgite Scaldim,
 Voluentem refluas, æquoris instar, aquas,
 Tanti operis molem humano cessisse labori
 Ipse fidem victor vix sibi miles habet.

120 SIDRONII HOSSCHII

Ex quo scuta virum, galeasque, & fortia voluens
 Corpora purpureis Molâ cucurrit aquis,
 Cum Traiectinos infecit sanguine muros
 Perfidia vindex militis ira tui,
 Nulla fuit tanti victoria, nulla triumpho
 Dignior : hac visa est Belgica pœnè capi.
 Flandria nunc salua est, nunc salua Brabantia; totque
 Oppida quæ cepi, nunc ego capta reor.
 Nunc demum (grâtare tibi) tot vicinus vrbes,
 Quot rapuit pulso noster ab hoste labor.
 Vicinus heu vrbes, tumidum non vicinus ho-
 stem :
 Victus adhuc vires, telaque fractus habet.
 Tela, quibus frustra clypei galeæque resistant,
 Nec quibus occludant murus & vnda viam.
 Quas habeant victi vires, quæ tela, requiris,
 Quæ dextrâ frangi non puto posse tuâ ?
 Sunt scelera & fraudes, quas suggerit impius error,
 Qui se fucata religione tegit.
 Non hoc militibus, non hoc compefcitur armis,
 Hoc nullâ belli vincitur arte malum.
 Obiicias illi cum turribus ardua cellis
 Mœnia, quas & humus quasque habet vnda
 moras ;
 Transiliet fossas, muros penetrabit & arcès,
 Inuenietque sibi, qua via nulla, viam.
 Mille seras portis, & ahenos obiice postes ;
 Laxabit nullo claustra serasque sono.
 In portis vigilet, vigilet per mœnia miles ;
 Quâ furim subeat mœnia nouit iter,
 Troia stetit sospes, dum virtus miscuit arma,
 Præliaque oppositæ conseruere manus.

ELEGIARVM LIB. III. 121

Non armis illam cælestibus aceret Achilles,
 Non gemini Atridæ, non Telamone satius,
 Non anni domuere decem, non mille carinæ:
 Tam fortem exitio fraus tamen vna dedit.
 Fraus metuenda tibi est: fraus Relligionis amictu,
 Tecta caput longâ protrahit arma morâ.
 Illa furens latè per campos errat & vrbes:
 Horrida Styx illâ nil, puto, peius habet.
 Crinibus abruptos in vulgus projicit hydros,
 Pestiferâque implet pectora tacta lue.
 Hæc ferro & flammis, hæc cæde & sanguine gaudet:
 Iniicit hæc audas in tua iura manus.
 Vnica lex illi nullas agnoscere leges,
 Quas libertati credit obesse sua.
 Prô Superi! quid non peior successibus audet,
 Dum lex, & iudex, & Deus ipsa sibi est?
 Ipso perfidiæ & scelerum molimine credi
 Sancta cupit: Causam Numinis, inquit, ago.
 Plus tibi quàm Mauors nocet hæc: hæc vna rebellat,
 Hæc amat in dominum quæ gerat arma suum.
 Nec parcit Superis: Superos explodit, & ipsum
 Accusat scelerum, quæ facit ipsa, Deum.
 A se direptis infert incendia templis;
 Inuitis fiunt ignibus illa cinis.
 Cumque videt flammæ, animos accendit ab illis,
 Adicit & factis verba nefanda suis.
 Vrite cum templis Diuos, ait, vrite flammæ,
 In Diuos animi pignora clara mei.
 Talibus indignas sese exhortatur in iras,
 Quodque Deum lædit, fasque piūque vocat.
 Quæ violat Superos, quæ cælum oppugnat, & ipsum
 Numen, Principibus parceret illa suis?

h 5

Nec

Nec terras malè grata tuas spoliaret & vrbes?

Nec, quidquid raperet, cederet esse suum?

Credat vt esse suum, satis est rapuisse: rapinis

Pascitur; has belli præmia iusta vocat.

Sed quia bacchantem reptimis, fiansque rebellem,

Nec sinis vt spolijs crescat inulta tuis;

Et quia, quæ rapuit, repetis, repetita tueris,

Tæque tuis opibus ne premat illa, vetas;

Acrius insurgit, conuitiaque insuper addit,

Tæque venenato liuida dente petit.

Te vocat immitem iusto pro Rege tyrannum;

Quodque sibi credat mobile vulgus habet.

Hoc odium teneros cum lacte instillar in annos,

A teneris discit te violare puer.

Nota cano: non hoc, quamuis sit perfida, quamuis

Vana sit & mendax, ipsa negare potest.

At tu bella moues, & multo milie pugnas,

Vt rapias illi quod prius illa tibi.

Quid tamen arma iuuant toties victricia, quidve

Ante tuos supplex Flandria tota pedes?

Si maneant animi, quales, dum bella gerebar,

Telaque si solæ deposuere manus?

Si maneant animi sub amicâ fronte rebelles,

Et subito erumpat credita flamma cinis?

O quoties vincenda tibi tua Belgica restat!

O quoties Hydræ colla secunda nouæ!

Hei mihi si frustra superasse tot oppida dicat,

Et toties frustra victor in hoste fui!

Vt tamen has vindex extinguere sanguine flammæ

Coner, & vltici cæde piare nefas,

Vtque rebellantes tibi se submittere cogam,

Inuitosque tuo subdere colla iugo,

Quid

Quid tibi submittent nisi vultum rursus & ora ,
 Quæque iterum fallant, quid nisi verba dabunt ?
 Credemus verbis iterum celantibus iras,
 Experti, flammæ quas tegat illa cinis ?
 Eheu , quàm facile est animum non prodere vultu ,
 Quodque in mente latet, dissimulare nefas !
 Ergo age, bellorum cum bellis eiice causam ,
 Inque suo tantum semine tolle malum.
 Cum quâ venerunt, discedent bella; redibit
 Hac abeunte, abiit quæ veniente, fides.
 Marte tuo pestis non est superabilis illa :
 Si possit subigi Marte, subacta foret.
 Inseito medici non sanant omnia ferro
 Vulnèra, nec quoduis tollitur igne malum.
 Apra suo hæc medicina loco est: quibus obsuit ignis,
 Sæpè salus membris succus & herba fuit.
 Me quoque deficiunt artes: mea ferrea dextra est:
 Vix mollem hæc possunt vulnèra ferre manum.
 Et tamen ut coëant, quæque est opus arte leuentur,
 Iudice me possunt militis illa manum.
 Quæ tanto cupiatque malo, possitque mederi,
 Turma virum est: I s y nomen & arma gerunt.
 Cum studia illorum (memini) moresque notassès:
 Gens hæc, dixisti, nomine digna suo est.
 Illa tuis addet, quod adhuc, Rex magne, triumphis
 Defuit, & tandem plena trophæa feret.
 Et quoniam sanare tuos, non perdere mens est,
 Vtilis hæc victis hostibus hostis erit.
 Non illi validis torquentur pila lacertis,
 Nec sæuo rigidum cingitur ense latius.
 Nec gerit illa manu clypeos, nec spicula versat,
 Nec ferro pectus, nec tegit ære caput.

Prisca

124 SIDRONII HOSSCHII

Præca fides illi, pietasque ante omnia curæ est:
 His armis acies instruit illa suas.
 Bella mouet vitii, virtute armata Deoque,
 Pulsaque sæpè suis sedibus illa fugat.
 Vidi ego iuratos in mutua vulnera ciues,
 Quæ tulerant ferrum, fœdus inire manu.
 Qui tantos motus, tantos compesceret æstus,
 Ex isto solers agmine miles erat.
 Viribus inuadit, quoscumque inuadit, amicis
 Hæc manus: illa nihil palma timoris habet.
 Auerfas blandè capit hæc violentia mentes.
 Ingenio populi conuenit illa tui.
 Adde, quod in teneros dum peruigil excubat annos,
 Discat ab hac, quid sit turpe, decensque, puer.
 Discat &, ut regum domino, rerumque parenti,
 Sic quoque seruandam Regibus esse fidem.
 Viderat hanc aciem, totoque expalluit ore
 Impietas, vanas intonuitque minas.
 Aduersasque suis formidans artibus artes,
 Crescit in exitium gens, ait, ista meum.
 Gens pia, cresce precor, furiamque; excinde nefandâ;
 Quod perdit populos regnaque, perde malum.
 Tu monstri fraudes oculos deducis ad ipsos:
 Tu quæ tecta cupit probra, latere veras.
 Per te mille doli, per te mendacia mille,
 Fictaque telligio, perniciosæque parent:
 Stulta quibus leuitas, hebetisque amenia vulgi
 Plaudit, & insanâ credulitate fauet.
 Nil nisi libertas deceptis semper in ore est.
 Ah quantum miseris impoliuta iugum!
 At tu consiliis, precor ô, Rex, annue nostris,
 Si tibi, si cupias consuluisse tuis,

Dum

Dum licet, illorum clades anerte tuasque ,
 Et dubiis rebus, quam potes, affer opem.
 Vt validum bello frangas & viribus hostem,
 Et Batavo figas regia signa solo :
 Summa tamen belli restabit, vincere victos.
 Huic operi vna cohors deficit, & vna sit est.
 Vnam militiæ, vt vincatur Belga, cohortem
 Adde tuæ: castris deficit vna tuis.
 Illius auxiliis citius vigilique labori ,
 Quàm Marti ceder gens tibi cara tuo.
 Illa cohors, belli causas, fera pectora plebis
 Flectet, & imperiis reddet amica tuis.
 Vincant castra viri, Belgas hæc vincet, & hostem
 Hac subiget, quâ plus parte timendus erat.
 Hanc tua militiam partire per oppida victor :
 Quotque davis stabilem iusseris esse locis,
 Tot, mihi crede, tuis impones urbibus arces,
 Quæ faciant, ne quis restet ab hoste metus.

EPISTOLA HEROICA.

HIPPOLYTUS PHÆDRÆ.

RESPONSIO.

Mirabar, quid crebra sibi suspiria vellent,
 Fixaque luminibus lumina sæpè meis,
 Et blandæ nimium voces, quæque ora silentis
 Mutato toties signa colore dabant.
 Nec poteram veræ similem mihi fingere causam,
 Cur gemitus nullo lætâ dolore dares.
 Iam scio, tendebas casses mihi: detegit illos
 Impia sacrilegâ littera scripta manu.

Non

Non tibi lædendi studium, dignumque nouerca
 Ingenium, quamuis magnus aduenit amor.
 Priuignis alia miscuit aconita nouerca,
 Tu nite, quam possis lædere; peius amas.
 Perlegis? an primis te frangit epistola verbis,
 Tollere cum voto spem quoque visa tuo?
 Perlege; sed timeo, ne scribam mollius æquo,
 Et desint animo ne mea verba suo.
 Nec rescripsissem: sed, ut es sine mente; veremur,
 Ne tibi tu dicas: Vicimus, ille tacet.
 Ut tibi sim facilis, nec, quæ petis, ipse recusem,
 Turpiter, & nullo victa pudore, rogas.
 Quod simul ut legi, de Diuis questus, & ipso,
 Si tuus est proauus, quem pudet esse, Ioue:
 Iupiter hoc probrum, dixi, stirpisque, tuumque
 Dissimulas, & adhuc crederis esse Deus?
 Pleste, pater, crimen: quid in alta Ceraunia sæuis?
 Aut quid in immeritum fulmina perdis Athon?
 Hæc spectas, & adhuc spectaris Phœbe? neque illa
 Visa Thyesteâ res tibi digna viâ est?
 Non trepidos auertis equos? non conscia saltem,
 Ne videant neptem, lumina nube tegis?
 Sic, vbi te iustæ Superum deuouimus iræ,
 Visa minor merito nostra querela tuo est.
 Scilicet idcirco populos vitamus, & vrbes,
 Illecebrasque aula, femineosque choros,
 Idcirco siluas colimus, castæque Dianæ,
 Laude pudicitæ, proxima cura sumus,
 Ut spoliū nostri referas infame pudoris?
 Hoc meruit virtus, hoc meus ille rigor?
 Talia conanti merito tibi dicere lingua
 Hæsit, & in primo destitit ore sonus.

Non

Non calamum excussit digitis scribentibus horor:

Non opere in medio diuigulare manus?

Non subiit saltem mandantem talia ceris

Te pudor? at ceras erubuisse reor.

Quid queror extinctum tibi non venisse pudorem?

Pessima facundam te quoque causa facit.

Exemploque Iouis tam detestabile crimen

Contendis fieri posse, nec esse nefas.

Hoc proprium sceleri est: lauiam sibi semper honesti

Quarrit, & hoc velo cæpta pudenda tegit.

Inuitam sed ais, qui Diuis imperat ipsis,

Et Diuûm Deus est, scribere iussit amor.

Ficta canis. nocuisse tibi sua tela, suisque

Vri te flammis ipse Cupido negat.

Stipite te Stygio, lanicque tumentibus hydri

Perculit, & stimulat de tribus vna foror.

Nec regnat lasciuus amor (quid inania fingis

Regna?) nec in superos ius habet ille Deos.

Casti Diis mens est, casti sine crimine motus,

Et cælo digni, dissimilesque tuis.

Sed finxit Superos peccandi exemplalibido,

Vt nil turpe sibi duceret esse nefas.

Pirithoum Theseus, inquis, nobisque tibi que

Prætulit: hoc quæ te credere causa iubet?

Nemo igitur fidum colat, aut inuisat amicum:

Si facit, eternum prætulit ille suis.

Quod carpis furiosa, tuoque in coniuge damnas,

Laudares, sanâ si modò mente fores.

Nomen inextinctum longo laudabilis æuo

Est habitura patris Pirithoi que tides.

Quid sit amor, sentis? furor est: post omnia mentem

Eripit: exemplo res manifesta tuo est.

Quid

128 SIDRONII HOSSCHII

Quid queris fratrem clauâ cecidisse trinedi ?

Opprobrium vestra fustulit illa domus.

Quod nisi fecisset, cæsus pater esset ab illo.

Quis non, quod Theseus fecit, in hoste facit ?

Curae cuique sua est medio in discrimine vita:

Natura, ut perimas, ne petimare, docet.

Quamquam hæc culpa tua est, si qua est modò culpa, sororis :

Illam viam docuit, consiliumque dedit.

Iudicium tibi peruenit mentemque libido:

Quæ bona sunt damnas, impia facta probas.

In vitiis recti speciem repetire laboras,

Ipsaque te virtutis iudice crimen habet.

Crimen amicitia est, crimen tibi, nolle perire:

Res pia, quem ratio damnat & horret, amor.

At repetit pœnas maternæ iniuria cordis:

Saucia Theseo concidit ense parens.

Esto: me genitor, quo matrem, laferit ense :

In te quod fecit, præter amare, scelus ?

Quam benè Theseo caderes quoque victima ferro !

Et, si digna Dij dent tibi fata, cades.

Occidit infelix sine causâ, & crimine mater :

Non satis in pœnas mors foret vna tuas.

Quam mihi tu suades, vindicta est tetrior illo

Crimine, quo genitrix à patre cæsa fuit.

Scilicet incesti castam placabimus vmbra,

Pessima tu pellex, peior adulter ego ?

Si quid adhuc manes, matremque à funere posses

Lædere, quid grauius, quod pateretur, erat ?

Tene ut amem, quæ, cum reuocas delicta parentis,

Me laceras? nam sunt dedecus illa meum.

Ad

Ad genus, & natoꝝ maiorum infamia transit.
 Huic pater est; illi causa ruboris anus.
 Tantalus est Pelopis, Menelai dedecus Atreus;
 Natarum Danaus, Pasiphaëque tuum.
 Multa patri licet obicias, tamen omnibus illis,
 Quod tibi nunc votum est, turpius esse puta.
 Nec refero cæcæ solatia nulla parentis:
 Femina iam non est vlla verenda mihi.
 Nunc omnes odisse licet: nunc odimus omnes;
 Te quoque, quam soleo matris habere loco.
 Atria vestibulum sunt aulæ vasta paternæ:
 Pendet in his veterum barbara præda ducum.
 Hic spectare licet pietas ex ordine pugnas,
 Cæsaque Thesea plurima monstra manu.
 Immanemque suam, populumque è nubibus or-
 tum;
 Et bouis, & fratris cornua fracta tui.
 Cercyonemque, Scirinque, & cum Scirone Pro-
 crusten,
 Et pulsata nigri tertia regna Dei:
 Hæc mihi spectanti, quamvis in imagine tantum
 Visa, tamen causæ læpè fuere metus.
 Te tamen hæc inter pictam si monstra viderem,
 Tu mihi, tu terror maximus vna fores:
 Et meritò: quid namque tuis furiosius ausis?
 Nullum odium est isto maius amore scelus.
 Quò magis admirror, quid sit tibi scribere, famam
 Nunc quoque cum violas, labe carere tuam.
 Quam, si labe vacat, cur non stultissima seruas?
 Cur, quod habes, summum prodigis ipsa decus?
 Pulchrius hæc magnos ornat, quam purpura, reges.
 Hanc sceptrum, hanc titulos, hanc diadema pur-
 hac

130 SIDRONII HOSSCHII

Hac sine dedecorat honor & sua nomina magnos:

Hac sine maiestas regibus ipsa probro est.

Nec ramen, vt iactas, fama est tibi criminis experts.

Perdidit hanc, quisquis non retinere cupit.

Quod tibi præ nostris sordet tua regia siluis;

Iudice me, siluæ te quôque, Phædra, decent.

Sed quales, meritoque, tuam tenuere sororem,

Cum sine se Thesei vi dit abire rates.

In quibus humani nusquam vestigia cultus,

Sed videas solis cegnita lustra feris.

Illic venandi studio teneare licebit;

Illic horteris per iuga summa canes.

Vt pedibus nostras tangas impura nefandis?

Si ferat hoc, siluis non benè virgo præest.

Nec tibi mens damis, nec inens est retia ceruis

Tendere, nec cursu præmia nostra sequi.

Præda tuis ego, quam captares, retibus essent:

Præda ego, per siluas quam sequerere, forem.

Antè precor nouus Aëtaon in montibus errem,

Et lacer à canibus deuorer ipse meis.

Quod Venerè tollam, quod agam sine coniuge vitam,

Est mea iudicio rustica silua tuo.

Rustica sit sanè, vitis aulæque, uisque

Dum caret, & casta est, quodque sequamur, habet.

At studiis est clara meis. infamis, & ipsis

Detestanda feris, te veniente, foret.

Cur, ne deficiam, metuis mihi? nempe labores

Akernâ requie, vitæque nostra carent.

Falleris. alta quies sibi mens est conscia recti:

Hæc fruor, hæc semper pectora nostra fouet.

Hæc mihi per montes, præruptaque saxa vaganti,

Quâ recreor, comes est, ægraque corda leuat.

Quam

Quàm iunat hîc aulæ strepitu, fumoq̃ue carentem

Et procul inuidiâ viuere, teque procul!

Ad requiem satis est parulæ sub tegmine fagi,

Et temerè in viridi procubuisse solo.

Illic è filius veniens, aut vallibus aura,

Frondeaq̃ue ardores sat lenat umbra meos.

Interea gemit in patriis anes Attica filius,

Et violare toros admonet esse nefas.

Quid requiem ingeminas? requies in crimine nulla est.

Ex illo, si qua est, nata Megæra fuit.

Hoc vnum tædis animos ardentibus vrit,

Hoc vnum Stygias condit in ossa faces.

Ipsa tuas furias, & cæcos consule motus:

Non secus ac thyrsos concita Baccha, furis.

Mentis inops raperis, nec adhuc, nisi mente, scelestas es:

Si re peccasses, quo raperere modo?

At mihi (sic diues promissis littera spondet)

Coniugij dos est Cræta futura tui.

Nil agis: ut violam tam sanctæ fœdera legis,

Non mihi tu tanti, totaque Cræta tua est.

Regna mihi spondes? ut te, sic odimus illa.

Quæ mihi sunt odio, finge placere tamen.

Quî potiar, nisi per fratrum, patrisque cruorem?

Hoc quoque tu suades? hoc tuus ausit amor?

Ah! te Demophoon miseror, teque inclytè Theseu:

Te, quia Phædra vxor; te, quia Phædra parens.

Forssitan hostiles iras, aut bella timetis:

At Phædræ vobis est metuendus amor.

Este tamen de me securi: tendere solis

Insidias labor est noster, erique feris.

Vnicaque ambitio est, ne figat missa lacertis
 Alterius plures, quam mea cuspis, aptos.
 Quid mihi cum regnis? sit rex, qui sustinet angis,
 Et semper trepida sceptrâ tenere manu.
 Omnes si Superi dicant mihi: Regna capeffe:
 Hostibus hæc, dicam, Dij dare, quæso, meis.
 Hei mihi, curarum quot millia, quotque timorum,
 Quot luctus circum regia testâ volant!
 Nec regno careo: regnum mihi libera mens est,
 Et præba, quam captam nulla cupido tenet.
 Imperat hæc odiis, & amoribus; imperat iræ,
 Et domat imperio spemque metumque suo.
 Exultat hinc procerum liuor, scelerumque repertrix
 Ambitio, & quidquid sceptrâ timenda facit.
 Et regnum mihi sunt sibiæ: dominamur in illis,
 Deque feris, tamquam gente, tributa peto.
 O valeant populi, regum tormenta suorum:
 Ingenium sensi mitius esse feris.
 Has inter Pietas habitat, Rectumque, Pudorque,
 Castestque ipsi: non habet aula Deos.
 Historias quid stulta mones peccare docentes?
 Te petis, & telis conficis ipsa tuis.
 Ex his, quos memoras, cuius placet exitus? aut quod
 Flagitium lentè pœna secuta fuit?
 Arserit Oerjdes in Manaliâ Atalantrâ;
 Prima sepulcralis fax fuit illa rogi.
 Infelix iuuenis pariter cum torre flagrabas
 Tam miseri mater funeris auctor erat.
 Mater erat: quid si, quod tu mihi, Phædra, fuisset?
 Ah! ego sic potius sum tibi flamma, precor.
 Vulcani temerasse torum quam noller Adonis,
 Tunc cum fulminei dente cadebat apri.

Auroram

ELEGIARVM LIB. III. 133

Autoram Cephalus, Cephalum vindicta secuta est,

Dum procūl vxorem credidit esse feram.

Credidit, & misso rupit praeordia telo:

Exitio, vnius vulnus utrique fuit.

At tu, si pudor est, exemplis talibus vti

Parce: fugam sceleris, non scelus illa docent.

Pœna comes culpæ est: spectata modò singula: numquā

Imputos claudo deserit illa pede.

Nemo nocens impunè fuit: si cetera desint,

Mens sibi delicti conscia pœna sua est.

Sic mihi pro stimulis addis, stultissima, frenos,

Et me, ne faciam quod petis, ipsa mones.

Esse putas aliquid, si fratrem Iuno virumque

Det tibi, quod me sis praepositura Ioui.

At mihi si vel te, vel Erinnyda nubere cogat

Iupiter, huic dicam: Me dea tristis habe.

Fata quid accusas? si vis ea vincere, vinctes.

Præ tendis viti, nomina vana tuo.

Cur metuis, vesana, parū Minoia credi?

Curve times, vt sis dedecus ipsa tuis?

Pone metum tamen; vt possis Minoia credi,

Quod petis à nobis, hoc voluisse sat est.

Peccauit, quicumque cupit peccare: voluntas

Sola, nec admissio crimine, crimen habet.

Iam iam Cecropias hæc ibit fama per vrbes,

Et quā spargit auus lumina, rumor eris.

Ipsa tui fies index manifesta doloris:

Conceptum haud poteris dissimulare nefas,

Cur ita vaticiner, quæris? quia victa furorces.

Talis amor furor est, indiciumque sui:

Si tamen hoc vrget fatum Minoidas: at nos

Sanguis Amazonidum, turba pudica, sumus.

Si legem legi vis cedere, cedat honesta
 Turpis, Amazonia Gnoſſia, veſtra mea.
 Sed bene conueniunt contraria, iudice Phædra:
 Nam nitor, & noſtro pulvis in ore decet.
 Et rigor, & cultus, & vincti flore capilli,
 Neglectæque decent & ſine lege comæ.
 Horrida nunc placet, hirsutiſque accommoda ſiluis;
 Quæ primum placuit, candida veſtis erat.
 Et cur non mores potiùs mirare pudicos?
 Hæc tibi, non formæ laude probandus eram.
 Cum faciem tantum laudas, cultuſque, comæſque,
 Ponentis laqueos veteris arte lupæ.
 Sic blandum tenui dum fundit atundine carmen,
 Decipit incautas carminis auctor aues.
 Credula ſic tenero dum Siren pectora cantu
 Mulcet, in exitum circaque ſaxa trahit.
 Scimus, quæ lateant illo ſub gurgite Sytæ.
 Noſtra per has nunquam cymba feretur aquas.
 Nec precibus, nec me lacrymis, nec laude mouebis,
 Hic pergam ſiluis durior eſſe meis.
 Hoc ſcopulos vincam, montanaque ſaxa rigore;
 Quem melius celebres, me decet iſte rigor.
 Vt pelago rupes, tibi ſic rigor ille reſiſtet.
 Sentiatur hoc vno vir tibi, Phædra, modo.
 Interea caput, incenſa dolore repulſa,
 Mille per inſidias docta nouerca pete.
 Ex quibus ut partem vitentis, non tamen omnes,
 Quamlibet admiſſis effugiemus equis.
 Siue tamen ferro me perdes, ſiue veneno,
 Multo, quam nunc es, lenior hoſtis eris.
 Non ego, ne peccem, diſcerpi in fruſta reuſo.
 Sape, quod eſt durum ferre, tuliſſe iuvat.

ELEGIARVM LIB. III. 135

Et iſuat, & pulchrum eſt vitæ præferre pudorem.

Sic occumbentes mors vetat ipſa mori.

Euentura cano: ſic nobis ſomnia dictant.

Non mea ſunt nullâ ſomnia digna fide.

Nunc deturbari videor mihi ſupibus altis;

In mare nunc mergi, vorticibusque premi.

Nunc mihi nocturnis fodiuntur viſcera telis,

Perque cor, & venas enſis inanis abit.

Excitant pauidos ſimulacra minacia ſomnos,

Et vigili quarto vulnere vana manu.

Nunc loris velut implicitus raptorque, trahorque,

Quaque trahor, longas ſanguine ſigno vias.

Aſtitit ipſe nigris Morpheus mihi nuper in alis,

Et querulo tales edidit ore ſonos:

Infelix iuuenis, tua, ſi potes, effuge ſata.

Non tibi nox vanos obicit atra metus.

Mox inhibens curſum fugientis: Siſte quadrigas,

Inquit, in ancipiti ne lacerare fugâ.

Sic ait, & ſomnus me deſeruiſſe, deusque:

At non deſeruiſt pectora noſtra pauor.

Iade vigil mecum repetens mea ſomnia, dixi:

Nox aperit nobis, quod feret vna dies.

Namque per hos ſemper volitas manifeſta tumultus:

Ignem micant oculi: diſſipat aura comas.

Et modò ceu tædæ fugienti tendis in ora;

Et modò ceu ſtimulas in mea ſata patem.

Hæc me non modicè, fateor, ſpectacula terrent:

Parte aliqua voto ſunt tamen apta tuo.

Ad nos dant aditû, & patimur: ſic denique, Phædra,

Non aliter nobis alpicienda veni.

Qua me cumque petes rabie, quocumque furore

Nil audere tuo pecius amore potes.

SVPREMVS HONOR
 GEORGIO CHAMBERLINO,
 VI. IPRENSIVM EPISCOPO
 EXHIBITVS.

Epitaphium.

QVO PROPERAS VIATOR?
 SEPVLCHRO ADSTAS;
 HÆC META TVA EST:
 AD HANC,
 AD QVAM ETIAM QVIESCENS PROPERAS,
 PAULLVLVM SISTE;
 NEC SEPVLCHRI GLORIAM,
 SED SEPVLTI ATTENDE.
 HIC IACET
 GEORGIVS CHAMBERLINVS,
 VI. IPRENSIVM EPISCOPVS,
 BRITANNVS GENERE,
 SED QVO PATRIA FRVI NON MERVIT.
 QVEM
 ITALIA, HISPANIA, GALLIA, BELGICA,
 NON MINVS QVAM BRITANNIA,
 OB LINGVARVM PERITIAM,
 CIVEM SVVM CREDIDERVNT:
 QVEM ADHVC ADOLESCENTEM
 ADMIRABVNDI REGES
 AVDIVERE PERORANTEM:
 QVEM,

QVEM , VT AD BELGII ORDINES
 DE PVBLICIS PATRIÆ REBVS REFERRET,
 ORDINES IPSI OB FACVNDIAM
 SVMMO CONSENSV DELEGERVNT:
 QVEM THEOLOGIÆ,
 PHILOSOPHIÆ, IVRIS SCIENTIA,
 ORATORIA, AC POETICA FACVLTAS,
 PRVDENTIA, CONSILIVM, INGENIVM,
 OMNIBVS ADMIRABILEM;
 COMITAS, MODESTIA,
 MANSVETVDO, ANIMI SVBMISSIO
 CVM ILLVSTRI GENERE CONIVNCTA
 OMNIBVS CARVM;
 RELIGIO, PIETAS, FIDES, PASTORALIS CVRA
 CÆLO, TERRÆQVE GLORIOSVM FECERVNT.
 TOT VIRTVTES SÆCVLO DIGNAS,
 QVIBVS MAGIS QVAM ANNIS
 HONORVM CVRSVM MENSVS EST,
 IMMATVRA MORS
 EX OCVLIS CIVIVM SVSTVLIT;
 EX ANIMIS AVFERET NVMQVAM.

TV VIATOR

DEFVNCTO BENE PRECARE,
 ET VT MORI DISCAS,
 HOCEXEMPLO VIVE.
 OBIIT XIX. DECEMBERIS, ANNO M.DC.XXXIV.

EPICEDIVM IN FVNERE
 GEORGII CHAMBERLINI,
 VI. IPRENSIVM EPISCOPI.

PHœbe pater, quacumq; orbis iam parte moraris,
 Sen dilecta Claros, seu quæ fluisse putatur
 Insula, seu cellus frondoso vertice Pindus
 Te tener, & pulsæ referunt tua carmina valles;
 Clarorum si fata virum te tristia tangunt,
 Huc age cum citharâ, cum carminibus funestis
 Incultus, tristisque veni, mœstæque cupressu
 Indue inornatos lauri pro fronde capillos.
 Qualem te membrant Thracum dispersa per agros
 Ossa tui quondam fleuisse, & funera nati.
 In planctus, questusq; abeant, quæcumque parabas
 Vota cauenda sacris Iano redeunte Kalendis.
 Et te Pierides comitentur, dona ferentes
 Ultima cum lacrymis, atris in vestibus omnes,
 Omnes funerea redimitæ tempora fronde.
 Purpureos flores Heliconia per iuga lectos,
 Et violas; quales noster non educat orbis,
 Liliaque, lacrymisque suis humentia feta
 Vranie ferat, & humulo mœstissima ponat.
 Tu tamen ante omnes ades ô pulcherrima Virtus,
 Numine Pieridum maior Dea, duraque fata
 Nequidquam increpitans, Ipram miserare dolentem.
 Fallor? an ad tumulum canos turbata capillos
 Dina sedes? comitesque Deæ, Pietasque, fidesque,
 Priscaque Relligio, mœstoque Modestia vultu,
 Lætaque Maestas nuper, nunc lumina tertæ
 Fixa tenens, & cum sacris Vigilantia Curis?

Stant

Stant mæstæ, & claro feriunt plangore lacertos,
Et iungunt lacrymas, & tristia carmina dicunt.
Feralemque suis perfundunt fletibus vnam.
Ipsa sibi indulgens Pieras, affusa feretro
Hæret, inexpectum lacrymans, & pectora tundens.
Ut verò faciem vidit pallentis & ora,
Non minùs extincto pallens, sic incipit ore:

Silicet hoc etiam post tot rerum aspera decrat,
Ut mors ante diem populique, vi bisque parentem
Eriperet terris, & non diuturnior esset?
Qui sanctis ardens studiis, & numine plenus
Exilia & luctus poterat prohibere suorum?
Flere parum est Belgæ magnus quæ damna Senatus
Te moriente tulit, cuius facundia, cuius
Vox & mens fueras; plus heu, plus omnibus istis
Nos mala nostra mouent, & non sanabile vulnus.
Religio, & Diuæ comites, quæ tot bona tecum
Rapta dolent, aris olim, templisque Britannis
Expulsæ, indecores, ignominiæque notatæ
Errabant regno in magno: furor impius illas
Et plusquam Veneris facibus succensa libido
Egerat obnixas frustra, frustra que precantes
Diuerſa exilia, & diuerſas quætere terras.
Nunc illæ tecum, gressum quacunque mouebas,
Magne Pater, passim cultæ per templa per aras
Squalore absterſo penitus, penitusque malorum
Immemores, læta, formosis vultibus ibant.
Quas rursus attonitas miserandæ cladis imago
Te subito amisso, veterisque iniuria damni.
Tene, Pater, talem subito spectare relictæ
Cogimur: hæc frons est nuper fulgente tiarâ
Insignis, quâ Maiestas Charitesque sedebant?

Vósne

Vosne manus sacrum lituum me dante tulistis?
 Vos oculi, qui Belgarum, & lux nostra fuitis,
 Vos in perpetuam clausit mors ferrea noctem?
 Quarta, heu, vobiscum lux occidit, inque tenebras
 Ali nimum praeceps, & non reditura recessit!
 Os illud iam voce caret mirantibus olim
 Regibus auditum, tot linguis saepe locutum,
 Totque intellectum populis, quod saeva ferarum
 Ingenia, & rigidas potuisset flectere cautes
 Iam tacet. ah! potuit silicem, potuitque ferarum;
 Sed non & mortis potuit mollire rigorem.
 Heu mortem inuisam, & nullo discrimine caecis
 Bacchantem terris! sacras nihil illa tiaras
 Respicit, aut culti reueretur pectoris artes.
 Tene igitur nobis, adeo cum lata veniret,
 Sors eadem inuidit, ne sospes & utilis vibi
 Tu vita, nos te longos frueremur in annos?
 At non haec Ipræ de te promissa dedisti,
 Cum duce me meritis redimitis tempora vitis
 Ad sacrum imperium populo plaudente venires,
 Illa quidem in longum nobiscum extenderat æuum
 Spem de te natam, multisque altaria circum
 Hoc Superos votis, & tota mente rogarat.
 Frustrâ: pro canis, seramque premente tiarâ
 Canitiem, & dignis Pylio virtutibus ævo
 Funereas tædas, & mæstæ insignia pompæ,
 Exequiasque tuas, tumulumque miserrima spectat.
 Proque illo vultu, quem Gratia finxerat ipsa,
 In gelido tantum cernit tua nomina saxo.
 Huc spes, vota que tot reciderunt? Hei mihi, quantum
 Flandria praesidium, & quantum vos perditis Ipræ!
 Quod ferimur? lex est iusto quoque danda dolori.

Tot

Tot cettè lacrymas non hæc sibi funera poscunt,
 Immarura licet: lacrymæ sine fine modoque
 Conueniunt illis, quorum mors omnia finit.
 Pulueris exiguum est, tellus quodcumque recondit;
 Cetera tam parvæ gremium non continet vna.
 Pars melior fruitur iam Numine, cuius amore
 In turbâ quoque sola fuit, dum corpore cincta,
 Quâ licet, ipsa suis in cælum euaderet alis.
 Pars animis memoris populi, pars cessit Honori,
 Et Famæ, quæ nil tumulos, nil funera curat,
 Temporis & lethi victrix, quæ, tunc quoque viuet,
 Cum Chamberlini nunc sculptum in marmore no-
 men

Aur ævo, aut pedibus trita evanescet in vrnâ.

Sic hæc, sic aliæ lacrymas ex ordine Diuæ
 Soluebant, parua ingentis solatia luctus.

ELEGIA IN OBITVM GEORGII CHAMBERLINI

VI. IMPRENSIVM EPISCOPI

ORba suo qualis mestissima nata parente
 Luger, & assiduis flentibus ora rigat.
 Non illam etinalis acus, non pectinis vltus,
 Non studium formæ, compositusque nitor,
 Non bacæ, missique iuuant Oriente lapilli:
 Pyxides hac, illâ parte flabella iacent.
 Neglectum speculum, neglecta monilia pendent,
 Cingulaque, & vitæ, purpureique sinus.
 Nulla subit miseram querendi cura decoris:
 Ante oculos patium nil nisi funus habet.

Haud

Haud aliter Patrem sibi lamentatur ademptum

Tristis, & effusas Ipra soluta comas.

Aurea turrigero demit redimicula collo,

Mœstaque funereâ tempora fronde tegit.

Pro niueis atros humeris inducit amictus :

Ora madent lacrymis : puluere sparsa coma est.

Scilicet hoc vrbi, dum vita Deusque sinebant,

Quod pater est natæ, maxime Præsul, eras.

Nunc queritur tot rapta sibi solatia tecum ,

Quot ciues muris continet illa suis.

Femina virque tuo mœrentes funere lugent:

Eminet ex ipso cuilibet ore dolor.

Hos spectare palam est; illos sine teste dolentes:

Nulla domus gemitu, limina nulla vacant.

Turbaque dum viduam supplex accedit ad ædem,

In viduâ luctus integrat a de suos.

Atque aliquis tenero circumfert humida fletu

Ora, loci dotem questus abesse loco.

Hic stetit: hinc verbis nos est solatus amicis ,

Dedocuitque umbras stultaque vota sequi;

Nec minus humanas animis excedere curas ,

Et paucis trita tendere ad astra via ;

Spemque metumque inter dubium dare vela per
æquor ,

Dum teneat portus salua carina suos.

Hanc , quæ nunc luget , iacuit prostratus ad a-
ram

Sapius, & supplex pro grege thura dedit.

Atque alius dotisque tuas, & facta, Georgi,

Pectoribus populi non abiura refert.

Momentisque suis expendit publica damna,

Nec dolor hæc tacitus dissimulare potest.

Quantum,

Quantum, ait, heu tecum rapuit mors dira bonorū,
O Pater, ô Pylios digne videre dies!
Quid non illa tuæ poterat facundia Suadæ,
Oraque tot linguis tam benè docta loqui?
Tu poteras verbis tepidas accendere mentes,
Pectoraque hiberno frigidiora gelu.
Quis tam durus erat, quem non inflectere posses?
Fecisses verbis mollia saxa tuis.
Obscœni quoties celsere Cupidinis ignes,
Te castas animis iniiciente faces?
Invidus, vlturusque odium ponebat & iras,
Atque alius subito, cùm loquereris, erat.
Sic tua cùm lacrymis memoratur sæpè profusus
Gloria. Me miserum, quàm brevis illa fuit!
Heu pietas ignosce: breuem qui dixerit illam,
Menses, & solos supputat ille dies.
Illa quidem felix meritis in sæcula viuet,
Sed queror hac longùm non licuisse frui.
Quàm citò (me miserum) succedunt tristitia lætis:
Quàm fugiunt celeri gaudia nostra pede!
Nemo diu felix. Sors, quæ modò prospera venit,
Quo minimè remut tempore, versa perit.
Nulla fides Sorti: fallitque, interque tenentes
Et frustra cupidas effluit illa manus.
Tam citò purpureos non perdunt prata colores,
Nec consumpra fugit sole cadente dies.
Tam citò compositas Aquilo non concitat vndas,
Nec fallit, nautis quam dedit, aura fidem.
Dicta fuit felix, & erat te sospite felix,
Nactaque te, votis Ipsa posita suis.
Tanta sed, heu, moriens traxisti gaudia tecum.
Et tumulo, quo tu, cuncta sepulta iacent.

At

144 SIDRONII HOSSCHII

At benè quòd pietas tua te super athera vexit :
 Hac tua mors saltè est parte dolenda minùs.
 Obuius excepit venientem in limine primo,
 Post quem vittatibi sumpta pedumque fuit.
 Quique illum præiere, sacræ quibus Ipsa tiaræ
 Vidit honorarum luce nitere caput.
 Teque pios inter procetes lucente locarunt
 In folio, meritis conueniente tuis.
 Hic fruiere exacti pretio causâque laboris,
 Et, quo semper erat mens tibi plena, Deo,
 Hæc curis promissa tuis, hæc reddita merces.
 O merces oranti digna labore peti !
 Ipsa tibi intercæ tumulum de marmore ponet,
 Et tua conspicuis nomina sculpta notis.
 Quæ, quoties cernet, lacrymis perfundet obortis,
 Luxque sub hoc, dicet, marmore nostra latet.

ECLOGA
 IN OBITVM EIVSDEM.

THYRSIS.

R Aptum immaturo desiebat funere Thyrsin
 Infelix Lycidas, nec erant sua verba dolenti.
 Tantùm inter siluas, fontesque, & flumina, Thyrsin
 Ingeminans, fontes lacrymis augebat, & amnes.
 Iam Thyrsin montes, vmbrosa cacumina Thyrsin,
 Conuallesque cauæ Thyrsin, collesque supini
 Herbolis Thyrsin referebant flumina ripis.
 Vt verò impastum, nullo custode, per agros
 Ire gregem vidit, tendens ad pascua palmas
 Constitit, & lacrymans hæc vocem in verba resolat.
 Parcite

Parcite oues nimium procedere ; non bene solæ
Collibus, & campis, siluitque etraus in altis.
Ipse lupum nuper post hac dumera latentem
Quæ petitis, multoque infectum sanguine vidi:
Nec, cum Coge pecus, clamarem, Tytre, fugit:
Heu ! pecus infelix, postquam te cura reliquit
Thyrsidis, ah teneros quis iam cum matribus agnos
Ad colles pastum, quis porum ad flumina ducet?
Quisve rīlos, miseroque luvos arcebit ouili?
O Diui, quid oues in vos committere tantum,
Quid caprea potuerit? quibus nec flumina sedant
Thyrside sublato, nec graminis herba dolorem.
Florentem ut cythysum inueniant in monte capellæ,
Ad stabula impastæ redeunt e monte capellæ,
Impastique geniunt plena ad præsepia tauri:
Thyrsi, tuum steriles etiam sensissē myricæ
Interitum, mœstique amnes, siluæque putantur:
Vidi ego in arboribus sensim pallefcere frondes,
In campis segetes languere, in collibus herbas;
Occiderat Thyrsis, lugebant omnia Thyrsin.
Thyrsis & Arcadium superabat Pama canendo:
Herbarum inmemores illo cantante capellæ,
Et teneri stabant arrectis auribus hædi.
Ad pia siluestres veniebant carmina Fauni
Nymphæque, Dryadesque, & capripedes Siluani.
Ipsa etiam numeros narratur Thyrsidis Echo
Et didicisse, & nil retulisse libentius umquam.
At nunc pro numeris, pro cantu Thyrsidis Echo
Solum iterat mecum creptum mœstissima Thyrsin.
Nec tantum mulcebat oues, ouiumque magistros,
Et quæ cantando vincebat numina ruris,
Sed rigidas etiam flecebat carmine cautes,

k

Et

Et deducebat celsas è montibus otnos.
 Dulcè sonat querulo fugiens per gramina riuus
 Murmure; dulcè sonat venientis sibilus austri
 Arboreas mediùs per frondes; dulcè canoris
 Alitibus siluæ resonant, arbusta cicadis;
 Dulcius argutâ resonabat arundine Thyrsis,
 Seu siluas, seu quis pectori sit cultus alendo,
 Seu caperet Superos, Diuùmque referret amotes.
 Quid tamen ista iuuant? pastorum gloria Thyrsis
 Num minùs interiit? qui cantu saxa mouebat,
 Num potuit cantu duras quoque flectere Parcas?
 Frangite pastores calamos; nil carmina profunt.
 Seruassent, si quid potuissent carmina, Thyrsin,
 Nostraque mansisset, rursusque æterna volupras.
 Triste satis grando, maturis imber aristis,
 Tempestas raibus, nebulae florentibus hortis,
 Miluius alitibus, nobis tua funera Thyrsi.
 Nec dolor hic citius miseros, quàm vita relinquet.
 Antè feret saluunca rosas, poma antè cupressus;
 Antè etiam hirsutus crescent in sentibus vixæ,
 Mella dabunt amnes, quercus feret omnis amomum,
 Pastores Thyrsin quàm non lacrymemur adeptum.
 Quamuis iam siluas Thyrsis, melioraque nostris
 Rura tenet, viridesque æterno gramine colles;
 Quos nec hiems niuibùs, nec lædet grandine Cœtus,
 Nec lolium infestat, nec adurit solibus æstas.
 Quamuis iam puro manantia flumina lacte
 Libat, & æterno manantes necitate fontes.
 Quamuis sub pedibus nubes, & sidera ipectat.
 At vos ite domum, infelices ite capellæ,
 Ite domum sine me: sed parcite rodere vitem,
 Quam posuit Thyrsis, teneram cui sæpè rigatur
 Radicem,

Radicem, & nimias ferro compescuit viuitas.
 Neu terite ingressas; coluit quæ sedulus hortum.
 Hinc ego namque rosas, & purpureos hyacinthos,
 Et dulces violas, & candida lilia spargam.
 His saltem infelix donis cæmulabo quærantis
 Dilectos cineres, circumque altaria spargam,
 Et spargens flebo, & paruo fletu murmure dicam:
 Thyrsi tibi violas, & candida lilia spargo.
 Tum duo vicinis incidam carmina sagis:
Hoc pecoris custos, regitur sub cespice Thyrsis,
Deliciae gregis, & pastorum Thyrsis amores.

AD GEORGIVM CHAMBERLINVM,
 EPISCOPVM IPRENSEM.
 IN GNOMEN SVVS SYMBOLICAM:
 IN SOLITVDINE SOLATIVM.

STROPHE

Etiam in turba solitudinem esse.

Solus ut viuas, animique liber,
 Nil opus solo nembris recessu,
 Nec salutantum pedibus negata

Valle, Georgi.

Fallitur, quisquis nemus & latebras
 Inuias agris putat esse cæcis.

Non satis nostris loca sola turbam

Mentibus arcet.

Solus est, & se fruitor, timoris

Et spei liber, cui pectus altum

Nec dolor mæstus, neque vana tangunt

Gaudia vulgi.

k. a

Ille

148 SIDRONII HOSSCHII

Ille & in plenâ Prochyten Suburâ
Inuenit, semper suus: ille semper
Urbium turbis procul, & suorum,

Se quoque fugit.

Feruidos rerum licet inter æstus
Degat, & sæui fremitus Gradiui,
Quem Furor circum volat, & cruentis

Ensisibus læ:

Spectat immanotus gladios, & acres
Militum vultus, mediisque in armis
Regna vertentis sonitum ruinæ in-
territus audit.

Vincat hic, inquit, subigatque reges,
Sitque multorum dominus: quid inde?
Plurimum est feruus. Suus esse nescit
Sparsus in omnes.

Non facit regem pauidâ tenendum
Dexterâ sceptrum, populi que supplex
Vultus, & lætâ diadema raro

Fronte gerendum.

Ipse sum regnum mihi, turbida que
Dissidens plebi, neque miror emptas
Cædibus lauros, neque fixa regum
Postibus arma.

Sic sui rex est sapiens, suumque
Possidet regnum, retinetque solus,
Quod tuus frustra tibi, vel tuorum
Atroget eris.

Quod petis, tecum est: sibi dar recessum
Æqua mens, stultis inimica voris.
Illa nec totis redimenda regnis

Otia donat.

Hanc

Hanc habent vrbes etiam quietem,
 Quam nec Ilissi dare, nec Lucrini
 Ripa, nec possunt placido tepentes
 Littore Baia.

Quando nox umbris, hiemese nimbis
 Condere obductum potuere solem,
 Semper ardentem, propriae que numquam
 Lucis egentem?

Quando & Arcturi furias cadentis,
 Et graues morus orientis Hædi,
 Et Iouis currus, & equos tonantis
 Sensit Olympus?

Dum latus pulsât Boreas niuali
 Grandine, & nimbis violentus Auster,
 Ille, quâ cælo caput, & propinquis
 Inferit astris,

Ille securus niuis, atque diræ
 Grandinis, ventos, pluuiasque ridet:
 Altior nimbis, & agente nimbos
 Altior Euro.

Sic suo gaudet Sapiens recessu,
 Sequetur tranquillitas potitur, Deoque:
 Et silens dicit sibi multa, sese
 Maior, & orbe.

ANTISTROPHE.

Etiam in solitudine esse turbam.

Quid iuuat turbâ procul, in remotis,
 Solus ut uiuas, habitare siluis?
 Quam tibi nescis dare, non data est
 Silva quietem.

k 3

Sunt

150 SIDRONII HOSSCHII

Sunt sui ilnis etiam tumultus.
Imminet tergo domini fugacis
Turba curarum, pariterque terrens
Errat, & vndis.

Sive desertas Libyæ arenas,
Seu petat Colchos. & inhospitalem
Caucasi supem, prosperæve nigros
Exul ad Indos :

Non minùs velox equitem sequetur
Cura, nec puppiim pelago volanterm,
Nec leues mannos, neque concitatos
Deseret axes.

Audit turbam, strepitumque Romæ,
Audit plausas pedibus choreas,
Dum timer sese, latitæque in altis
Dalmata siluis.

Fugerat Româ, Syriaque tristes
Castus ad montes properabat exul :
Roma per longas profugum secuta est
Improba terras.

Qui simul ductu Superum silentem
Deiæ rupis tetigit cavernam :
Portus ô, dixit, statioque saluæ
Fida carinæ.

Hic mihi fessio maris & viarum
Hospitam fas sit religare nauem,
Iamque subductæ pelago virentem
Ferre coronam.

Ancoram ieci stabilem, neque illam
Eruent altis hiemes arenis,
Nec furor Nerei laceros reueller
Puppe rudentes.

Hoc

Hoc Quies, & Pax habitant sub antro;
Hic Pudor fixit, Pietasque sedem.
Inter has quis non comites beatus

Se sibi reddat?

Hæc mei rupes erit aula regni:
Hic mei victor, dominusque viam:
Hæc dabit nobis, sua quod negavit

Regia Crælo.

Talibus frustra sibi pollicetur
Otium infelix. Redit è latebris
Tota mens Roman, mediaque rursus
Errat in vrbe.

Membra prosternit, gelidoque saxo
Pronus incumbit, queriturque ventis
Vota discerpi sua, perque surdum
Æthera spangi.

Tota lamentis sonat & querelis,
Et mædet rupes lacrymis precantis:
Nec tamen flentem, neque multa questum
Roma relinquit.

Nudat & pectus, miseris tumultus
Inde pulsatus scopuli reuulsâ
Parte. Vicino pretiosa pender
Purpura trunco.

Ictibus crebris lacerum rubebat
Flentis, heu, pectus: tamen illud, absens
In puellares quoties retraxit
Roma choreas!

Lubrici vultus, oculique molles,
Et lenes risus, agilesque plantæ
Sæpè nolentes oculos sub imâ
Rupe morantur.

k 4

O buiz

152 SIDRONII HOSSCHII

Obuiz baccz, lapidosa corna,
Victus infelix, rigidisque fraga
Vulsa dumetis, & acerba tantum

Arbuta pascunt.

Crinis incultus iacet, ora pallent,
In cauos orbes oculi recedunt,
Ossa ex ipsis malè iuncta pendent

Arida nervis:

Roma sed nondum fugit: vsque, & vsque

Flentis inuitos oculos fatigat.

Non minùs verà stimulat vrbe

Vrbis imago.

ANTONIO ENGRAND,
MONASTERII S. PETRI

IN MONTE BLANDINIO, IUXTA GANDAVVM,

ABBATI

SOLENNITER INAUGVRATO.

*Tres glandes, eiusdem insignia, in Em-
blema versa.*

IN SEMINE VIRTVS.

Vidimus, Antoni, tua tres insignia glandes,
Vidimus, & felix, diximus, omen habent.
Quæ præbet latas quercus spatiantibus umbras,
Diffusisque pater frondibus, vna nemus:
Quam frustra Boreas, quam frustra verberat imber,
Quæ stat in immentum viribus aucta suis:
Vulneribus

Vulneribus quæ ducit opes, & robur ab ipsis,
 Glandis ab exiguo semine nata fuit.
 Crescit, & è modico surgit quoque semine virtus,
 Et sensim vires explicat illa suas.
 Nulli illam casus, nullæ infregere procellæ:
 Ipsa etiam causas damna vigoris habent.
 Te quoque sublimi nunc stantem in culmine rerum
 Roboris inuicti, sicut es, esse decet.
 Exere, quas virtus tua sufficit, exere vires:
 Omnibus assurgat fortior illa malis.

A N T O N I O E N G R A N D,

*Swynardia solennes inaugurationis honores
 primum auspicanti, & à Senatu suo, &
 clientium comitatu in Montem Blandinium
 deducto.*

VIdi, quâ rapido propinqua Scaldi,
 Felix frugibus, & virente luco
 Stat Swynardia, crede Ganda, vidi
 Altas in numerum mouere quercus
 Frondosum caput, ilicesque latis
 Motus nescio quos dedisse ramis.
 Quem fausto Satyri, leuesque Fauni
 Spectant omine? Cui sonante luco,
 Formosæ Dryades dedere plausum?
 Antoni tibi: scire namque Fauni,
 Ipsa & scire videntur iliceta,
 Hic inter virides receptus umbras
 Qui sis, cur venias, quid auspiceris.
 Certè te dominum tuus Senatus

k s

Hic

154 SIDRONII HOSSCHII

Hic inter virides salutat umbras ;
 Hic inter virides precatur umbras ,
 Ut, quos pro meritis adis, honores
 Dextris auspiciis secundet æther.
 Quare dum latus hinc & hinc euntis
 Stipant, crede, quot illicum tuarum
 Motantur Zephyro strepente frondes,
 Te votis totidem excipi tuorum.

ANTONIO ENGRAND,
 ABBATI BLANDINIENSI,

POST ABBATES LXIIII

EIVS NOMINIS PRIMO.

ESt aliquid primi titulum, nomenque referte,
 Ire & secundis, tertiisque præiunx.
 Nomine sit solo quamvis, non munere primus,
 Quiddam invidendæ sortis, & laudis tamen
 Nomen habet, primumque suo se nomine fastis
 Inferere munus ornat, & famam euehit.
 Tuque adeo, cui nunc, Gaudâ plaudente, tiaram
 Engrandæ, niueâ detulit Virtus mann,
 Postera Blandinios referent cum sæcula Patres,
 Seu qui fuere, siue qui posthac erunt
 Insignes victis, & quo tu, nomine dicti,
 Antoniorum primus appellaberis.
 Dicæris, victura tuos cum fama labores
 Extollet olim, cum paterni pectoris
 Dulcibus officiis æquaris vota tuorum,
 Nodoque amoris aureo iunctos sibi

Foveris,

Foueris, & præci mores reuocaueris æui,
 Prudens, benignus, publico bono exorbans:
 Dicêris meriti plenus, felixque laborum,
 Antoniorum primus expleſſe omnia.
 Interea præſens aderit tibi Diuus ab alto,
 Illuſtre cuius nomen, & munus geris.
 Ille ſecundabit, tibi qui deſertur, honorem,
 Onuſque reddet facile, quæd primus geris
 Illius auſpiciis & nomine. magna gerenti
 Sufficiet altos ſpiritus, ſuis pares:
 Credibile eſt illum ſolo quoque nomine tangi,
 Cognominemque blandius, quidquid petis,
 Reſpicere. O longum faſceat, faciaturque, quod olim
 Deſerta Nili nemora clauit decus
 Blandinio veniat monti quoque, quodque fuiſſe
 Illum ſuis miramur, hoc tu ſis tuus.

MONTI BLANDINIO
 FELICITATEM GRATVLATVR

NOVO ABBATE INAUGVRATO.

Dux Pierides, ſi iuga montium,
 Si valles rigue, ſi gelidis placent
 Lapſi fontibus amues,
 Sacraque Deo domus,
 Clarum Blandinij viſite verticem,
 Dilectum Superis viſite verticem,
 Quem non ſtupina tantum,
 Vallesque, & vitæus latex,
 Et Diuûm decorant limina, limina
 Latè conſpicuis ardua turribus,

Quantum,

156 SIDRONII HOSSCHII

Quantum, qui modò sacris
 Divum liminibus præest:
 Quem vallis riguæ pascua, quem iuga
 Agnoscunt dominum, cui famulantia
 Prono culmina gaudent
 Se submittere vertice.
 Ille ingens animi robur, & optimis
 Fetus contiliis pectus, & in suos
 Fidum præbet amorem,
 Vestris materiem choris.
 Felix Blandinius præside mons nouo!
 Factus nobilium tu quoque montium,
 Cælum vertice tanges,
 Cassini propè par iugo.

A D N O V V M

BLANDINIENSIS MONASTERII TEMPLVM,

QVOD PRIMVM APERVIT

ANTONIUS ENGRAND.

PRO EIVS INCOLVMITATE VOTVM.

ARa, cui primùm reserauit ædis
 Limen Engrandus, cui thura flammis
 Addidit primus, modò latiores
 Indue cultus.
 Concolor festo niteat paratus:
 Ignem odoratum, radiosque flamma
 Purior spargat, rutilumque templi
 Verberet autum.
 Astat Engrandus, lituoque dextram
 Implet aurato: digitos Eoræ

Ambiunt

Ambiunt geminæ, niueæque cingunt
Tempora vitæ.

Vota, quæ supplex animi, Deoque
Concipit plenus, facilis precanti,
Sancta si semper pietas honori est,
Fac probet æther.

Quidquid infaustum Patriæ, suisque
Prouidus rerum metuit, proterui
Differant venti, mediumque portet
In mare Scaldi.

Hunc diem sospes videat reuerti
Sæpius: sospes tibi se quorannis
Cum suis sistat, solitiq; soluar
Moris honores.

IN SOLEMNEM RITVM.

Q V O

ABBATES. BLANDINIENSES

FLANDRIÆ COMITIBVS,

*Dominatus sui possessionem aduentibus,ensem
à se ritè consecratum in Blandinio Monte
solent accingere.*

S Acutum tiaræ subice verticem
Engrande, & illâ fume pedum manu,
Cum prona regnantium voluntas
Grande dedit, pietasque munus;
Vincire ferro fulmineo latus,
Quo Flander vrbes Mars sibi subditas
Tutetur, hostilesque late
Victor opes, animosque frangat.

Sensit

158 SIDRONII HOSSCHII

Sentit Philippus, quid prece, quid manu
 Sacratuſ entis poſſet, & Africum
 Littus, triumphatuſque Ganges,
 Et Potoſos, Peruëque ſentit.
 Verba apprecantis ſcruiniuſ addere
 Creduntur enſi: & ſic meliùs datum
 Terrorque, conſuſque ſtrages
 Antecunt, trepiduſque Pallor.
 Conſiſa fruſtrâ viribuſ agmina
 Stetere, belli ni Deus arbiter
 Aſpiret armis, aſpicatò
 Bella geri docuit piorum
 Fortuna regum. Blandinio quoque
 Trophæa monti debita, cùm duceſ
 Hic enſe ſuccincti gerendis
 Aſpicium petiere rebus.

BLANDINIENSI MONASTERII
 PATRIBVS GRVEM,
 DOMESTICAM AVEM,
 IN MONASTERIO ALI SOLITAM,
 VIGILANTIÆ IN ABBATE,
 CONCORDIÆ IN SYBEDITIS VIVVM ET PERENNE
 SYMBOLVM.

Eſt quoque digna die, nec inopportuna voluptas
 Lyrà ſonante dicere
 Naupliadæ volucrem
 Excubat, & curâ ſocias vigilante ſuetur,
 Cùm ſubter alam condito
 Somnum ineunt capite.

Non

Non fera, non fallax incautas occupet auceps,
 Non seuus armiger Iouis.
 Impete fulmineo
 E pastu rapiat. Dum pennis nubila findunt,
 Thracemque linquant Stymona,
 Bistonasque hiemes,
 Dux præit, & cursus magnum per inane morantem
 Infringit alis æra:
 Illa volat, sequitur.
 Ordine composito lætis clangoribus agmen:
 Quæ fertur, inscriptas notat
 Littera facta vias.
 Ante oculos vobis ales, quem diximus, errat,
 Virtutis ales symbolum,
 Quæ deceat socios,
 Quæque Ducein deceat, concordia pectora, Patres,
 Virtute vestrà, nec minus
 Præsidis auspiciis,
 Quem numero ex omni iunat elegisse, beati
 Spes læta constet, tam bono
 Quæ venit augurio.

LIVINO VAENTKINS,
 MONASTERII IN BAUDELOO
 ABBATI, MVSARVM MÆCENATI,

ANNVIS PRÆMIIS STVDIOSAM IYVENTVTIEM
 DONANTI GANDAVI X. SEPT. M.DC. L.

Alphea propter flumina videtur
 Minetua, doctis cincta fororibus,
 Ceitantis ardorem iuvenet,
 Spe decorum, polliceturque palmæ:
 Quantusque,

160 SIDRONII HOSSCHII SILVA.


Quantusque, dixit, pectora concitat
 Laudum cupido ! Quantus adest equis,
 Virisque sudor ! En, feruntur
 Præcipiti similes procelæ.
 Dant lora proni : feruidus emicat
 Victoris axis, per vacuum æra
 Assurgit : humescunt sequentium
 Flatibus, alipedesque multâ
 Squalent arenâ. Num minor & meis
 Sit spes alumni ? Currite, currite,
 Quâ laurus, atque umbrata lauro
 Signa vocant, auidosque palmæ
 Virtus adurget. Fortia corpora,
 Pulchroque curtus puluere sordidos
 Miretur Elis : pinus illos,
 Hos apium, hos oleæ coronent,
 Laurusque victrix. Vos animi vigor,
 Alæque mentis pulchrior impetus
 Attollit Eleis quadrigis
 Atius, istis miacisque ludis.
 Tu signa tollis : prima petentibus
 Tu calear addis. Tu procûl inactytas,
 Linne, prætendis coronas,
 Egregij pretium laboris.
 Quid grata Pallas muneribus, Pater,
 Tuis rependat ? Donéc crunt sui
 Musis honores, perque colles
 Aonidum, viridesque lucos,
 Vates eburno pectine posteris
 Tradenda sæclis nomina concinent,
 Te dicet, inscribetque fastis
 Ipsa suis, memoriq̃ue cedro.

AD MAIOREM DEI GLORIAM.

SIDRONII
HOSSCHII

E SOCIETATE IESV
CHRISTVS PATIENS,
LACRYMÆ S. PETRI,
SER^{mo} LEOPOLDO VOTA,
AMANTES COMMILITONES.

SERENISSIMO
PRINCIPI
LEOPOLDO
GVILIELMO,
ARCHIDVCI AVSTRIÆ,
PRO
REGE CATHOLICO
BELGII ET BVRGVNDIÆ
GVBERNATORI
FELICITATEM
IACOBVS WALLIVS.

 VOS tibi, Serenissime
Princeps, libellos Sidro-
nius noster seorsum sin-
gulos, prout nati erant, inscripsit,
eosdem ego conjunctos & in vo-
lu-

lumen coactos Augusto nomi-
ni tuo rursus inscribo : tum ut
quam ex iis aliquando volupta-
tem haurire te falsus es , reno-
uent: tum ut à iudicio tuo splen-
dorem & commendationem du-
cant. Sed de iudicio, cui se iam
pridem probauerunt, nihil vere-
ri habeo : voluptas tua pristina
ne dolore corrumpatur , id verò
non temerè pertimesco. Si enim
ita fert natura nostra, ut luctum,
quem obducere paullatim dies
cœperat, visâ defunctorum ami-
corum imagine rescindi sentia-
mus, quid ego de hisce carmini-
bus dicam , in quibus viam spi-
rantemque illius imaginem in-
tueberis, quem adhuc supersti-
tem

165
tem impensè diligebas ? Incen-
det , scio , primus horum libel-
lorum conspectus desiderium ,
quod apud te reliquit sui poëta
præstantissimus . Verùm quod
de Achillis hastâ Poëtæ fabu-
lantur , ipsam nimirum quæ Te-
lepho vulnus fecerat , vulne-
ri medicinam fecisse , id mihi vi-
deor ad Sidronianas Musas posse
traducere . Quam enim nobis
ereptæ molestiam attulerunt , si
non penitùs ex animo auferunt ,
certè leuant , & molliunt .
Versabuntur quippe perpetuò
nobiscum , & amœnitate atque
elegantiâ suâ nos pascent : orna-
buntur etiam posterorum iudi-
ciis , & circumgestabuntur , &

ediscuntur ; earumque auctor
proprio & honorifico nomine
Poëta appellabitur tuus. Te Bel-
gij gubernaculis recens admo-
rum bonis votis excepit: tibi suas
de Christo patiente cogitationes
expressit : addidit S. Petri lacry-
mas , vt tuas eliceret : quibus
tu commilitonibus vitam sepul-
cri honore, ille carmine iussu tuo
donauit. Quòd si ad res tuas
celebrandas superesset adhuc,
quos ignes ac spiritus senti-
ret ab earum magnitudine inge-
nio suo subiici! Sine horrore me-
minisse non possumus, quàm de-
ploratus esset Belgij status, cùm
huc primùm aduenisti. Grassa-
batur in ipsis Flandriæ visceri-
bus

bus hostis : claustra Hannoniæ 167.
tenebantur : captiuæ gemebant
munitissimæ vrbes: litora ac por-
tus adempti erant: desolati squa-
lebant agri: vires nostræ, ac belli
neruus opes in viscera nostra
conuertebantur. Angebat om-
nes deteriorum metus : seruare
quod nondum amiseramus non
tam spes, quàm votum erat. In
huius calamitatis tam tristi cali-
gine velut beneficium sidus subi-
tò apparuisti , & altera rerum
facies tecum venit. Prouincia-
rum propugnacula hosti à te
extorta , vrbes recuperatæ, fra-
ctæ ingentium exercituum vi-
res, totâ Flandriâ expulsus ho-
stis, portus ac litora patriæ reddi-
ta,


ta, signa hostili in solo fixa. Gestiebat hæc omnia immortalibus versibus ad posteros transmittere Sidronius : sed hoc reliquum tantùm nobis fecit humanæ vitæ brevis & incerta conditio, ut hos parente suo orbatos libellos in tuam tutelam committeremus. Quam illis sortem natura deplorandam reddidit, solatur tutoris auctoritas. Quod si verò pupillos interdum indoles honesta & liberalis commendat ; illi certè, in quibus tot sunt suauitates ingenij, non inanibus causis orbitatis suæ præsidium, cuius spem moribundus parens illis fecerat, à te sibi pollicentur.

1695

SIDRONII
HOSSCHII
E SOCIETATE IESV
ELEGIARVM
LIBER PRIMVS.
CHRISTVS
PATIENS.

THE
LIBRARY
OF THE
MUSEUM OF
ART AND
ARCHAEOLOGY
OF THE
UNIVERSITY OF
CAMBRIDGE

SERENISSIMO PRINCIPI
LEOPOLDO
GVILIELMO,
ARCHIDVCI AVSTRIÆ,
BELGII
PRO REGE CATHOLICO
GVBERNATORI, &c.

RVX tibi in amoribus est,
SERENISSIME PRIN-
CEPS. Nitet in Tuis In-
signibus, pendet è collo,
animo penitus est impressa. Cru-
cem & ego adfero, & in eâ pen-
dentis Seruatoris vltimum certa-
men; non alienum à tempore ar-
gumentum, dum tanto amoris re-
colendo solemnitas Christianorum
pietas vacat. Subit hîc animum
A. 2 digna

digna Deo pugna , in quâ cum
efferatâ hostium rabie, & totâ cru-
delitatis vi congressus Amor, æter-
num de illis triumphum duxit.
Non habuit crudelitas, quo sæui-
ret atrocius : nec victor Amor,
quò se vltra porrigeret. Eius rei
speciem aliquam à me adumbra-
tam Tibi venerabundus offerre
audeo, qui inter arma, & maxi-
mas curas, quibus publicæ pacis
spem sustines, aliquid temporis
hæc quoque cogitationi impertis.



E L E-

5

E L E G I Æ
D E
CHRISTO PATIENTE.

E L E G I A I.

Amorem de Deo triumphare.



ISCITE quid sit Amor. Res est anti-
quior ipso
Tempore : dumque fuit Numen,
& ille fuit.

Parque Deo quamvis nihil est, tamen
imperat illi,

Et sibi ceu victum cedere sapè iubet.
Ante mare & terras, cælique volubilis axes,
Cum species rerum nulla, nec orbis erat,
Illi dixit Amor : Terras & sidera conde.

Nec mora; lucebant sidera, stabat humus.
Lucidus ex illo certâ vice voluitur æther :

In medio constans aëre pendet humus.
Viderat oppressos scelerati fraude tyranni
Vincula mortales non patienda pati ;
Præcipitesque rapi turmatim in tartara prædas,

Nec miseris vllum stragibus esse modum.
Non tulit hoc miserans Amor , & cum Numine
questus :

Ipse tuum vindex asserere, dixit, opus.
Iusserat : obsequitur Deus, & sua sidera linquens
Protinus in nostram devenit exil humum.

A 3

Tantaque

6 SIDRONII HOSSCHII

Tantaque Maiestas moribundi corporis artus
 Induit, & nasci paupere matre tulit.
 Nec pudor adstantes inter vagisse iuencos,
 Nec pudor in fœno decubuisse fuit.
 Vltima ferali quis nescit in arbore passum?
 Quis morti nescit succubuisse Deum?
 Omnia iussit Amor: calo dat iura, nec ipso
 Omnia cui parent, regna minora tenet.

ELEGIA II.

*Christum ingenti patiendi desiderio
 semper arsisse.*

Iunge triumphales curtus Amor: indue lauro
 Tempora: de magno pone trophæa Deo.
 Succubuit Deus ipse tibi: tua iussa secutus
 Exilium regno prætulit ille suo.
 Utque suum servaret opus, tulit omnia, & ingens
 Nos vitæ pretium credidit esse suæ.
 Heu! pietas quantas aluit sub pectore flammæ!
 Quanta illi, & quoties vota fuere mori!
 Non ita suspirat, soluique miserrimus optat,
 Quem rigidâ vinetum compede carcer habet:
 Non ita Sarmaticis exul confectus in otis
 Ad patrios ardet posse redire lares;
 Ut nos morte suâ mentis subducere mori
 Arsit, & in pœnæ totus amore fuit.
 Hæc nondum geniti, hæc inopi nascentis in antro,
 Hæc durâ in stipulâ vota iacentis erant.
 Vagierat: Mater frigus nocuisse putavit,
 Aut rigido lædi stramine molle latius:
 Quaque

CHRISTVS PATIENS. 7

Quaque potest, stipulas & fœnum mollius æquat;
 Quaque potest, frigus lenit, & arcet ope.
 Nil agis ô Mater: dolor hic, & causâ doloris
 Maternâ tolli sedulitate nequit.
 Non tantum plorat, quia cannæ & stramina lædunt,
 Et quia plus duro stramine lædit hiems;
 (Quamuis & plorat, quia cannæ & stramina lædunt,
 Et quia plus duro stramine lædit hiems:)
 Quantum quodd longi mora temporis obstat amanti,
 Et videt extremum tam procul esse diem.
 Siliceat iam flagra pati, iam faucibus altæ
 Affigi cupiat brachia patua cruci.
 Ipsa crucis mora tormentum est cruce durius ipsâ:
 Hanc puer, hanc causam, cur lacrymetur, habet.
 Creuerat, & pariter patiendi creuerat ardor:
 Iamque fabri patris non leue tractat opus.
 Ah quoties, dum solus erat, fabrilis signans
 Instrumenta oculis, talia verba dedit!
 Malleus en, clauique, & trabs, transuersaque ligna,
 Iussaque portigimus brachia; licetor ubi es?
 Sic ait, exertaque manus, corpusque trabali
 Aprat amans trunco, vulnerebusque parat.
 Collis erat: collem felix ymbrabat oliua,
 Non procul à muris vrbis Solymæa tuis.
 Illic corpus humi prosternere sæpè solebat,
 Illic flens totâ ducere nocte preces.
 Oscula mille dabat terra, quia primus in illam
 Omnibus è venis sanguis intus erat.
 Sæpè preces inter: Quando te sanguine tingam
 Humida nunc lacrymis, dixit, arena meis?
 Sæpè salutaui, tunc cum veniebat in urbem,
 Conscia supplicij testâ futura sui.

8 SIDRONII HOSSCHII

Lustrat & interdum, quod postmodò sæpè fatiscens

Sub cruce purpureum sanguine fecit iter:

Dumque videt montem vincendæ Mortis arenam,

Quæ meram pœnis & sibi fixit Amor;

Tum verò vultus oculosque ardere videres,

Nec flammæ pectus posse tenere suas.

Hæc eadem exercent nocturnam visa quietem:

Pœnarum series ordine tota redit.

Tunc quoque sæpè manus ratus est offerre catenis,

Terga flagris, spinis tempora, colla cruci.

Brachiaque extendit vanum captantia lignum,

Impia ceu præfens cum cruce turba foret.

Quin etiam interdum velut inclinare videtur

Exanimum collo deficiente caput.

Somnus abit; sed enim species obiecta futuri

Non abit; hanc versat, perpetuamque facit.

Surgit, & ex imo suspiria pectore ducit,

Quæque feret, iam nunc ferre paratus, ait:

Ludis Amor, vincisque Deum; cogisque fateri,

Nostra propè imperiis esse minora tuis.

Possum ego luctantes pelago compescere ventos,

Et murmur trepidis eripere omne Notis.

Cùm libuit, vitæ lucique cadaucra reddo:

A nutu pendent Vitaque Morsque meo.

Quoslibet alterius possunt sanare dolores:

Tollere non possum, te prohibente, meos.

Non ego dedignor tibi cedere victus, & ultro

Addere captivas in tua vincla manus.

Sed, mihi quæ victor facies, quid vulnera differs?

Cur mihi crux nondum dulce subiit onus?

An decet, aut æquum est tua te mandata morari?

Cur, quæ ferre iubes vulnera, ferre veras?

Aut

CHRISTVS PATIENS. 9

Aut non vigeres, aut me parère volentem,
 Imperium sineres & tua iussa sequi
 Scilicet expectanda dies, & temporis ordo.
 Tolle moras: illas impiger odit amor.
 Hei mihi! tam lento cur pede labitur ætas?
 Hei mihi! cur annos non venit ante suos?
 Quàm vellem menses, sineret Pater, ocyùs ire,
 Et solito volucres ocyùs ire dies!
 Ite dies, horæque, leui properate volatu;
 Inuisasque mihi præcipitate moras.
 O quàm grata mihi venies, asperissima quamvis,
 Quæ vitæ venies hora suprema mea!
 Quamvis tot paries, quot habes momenta, dolores;
 Te tamen hanc ipsam, quâ loquor, esse velim.
 Ah! propera, & tecum nullas non aduehe pœnas:
 Sola mihi pœnæ pœna leuamen erit.
 Vt properes, & te curras velocius ipsâ,
 Aduenies votis setior hora meis.

ELEGIA III.

*Futuros cruciatus Christo præsensium semper
dolorum causam fuisse.*

Christe, quid atatem, mensesque, annosque
 morantes,
 Quid quereris lentis passibus ire dies?
 Et quasi nunc iras, quibus in te sæuiet olim
 Crudelis Solyme, non paterère, gemis?
 Parce queri. quidquid vitæ tibi fluxit ab illo,
 Quo cœpit primùm tempore, pœna fuit.
 Expletur sitis ista tibi, quâ feruidus ardes.
 Plena quid in mediis flumina quæris aquis?

A 5

Si,

10 SIDRONII HOSSCHII

Si, nisi morte, tamen non pones mortis amorem,
 Vtilior votis est mora longa tuis.
 Hæc tibi supplicium est : hæc mortes moribus
 addit:

Hæc, quidquid faciet barbara turba, facit.
 Dicere fas mihi sit: Non est mora. Nonne furentum,
 Dum te sic cruciat, præuenit illa manus ?
 Si nondum ceruice getis manibusque catenas,
 Nec lacerant sacrum spinea ferta caput;
 Si nondum tibi velluntur de corpore vestes,
 Nec perfusa tuo sanguine terra rubet;
 Nec duris grauiora sonant conuitia flagris,
 Nec te pendentem crux subeunda tenet:
 At tibi scuitiæ mens non ignara futura
 Hoc facit, & tanti causa doloris amor.

Ille videt quidquid poterunt odiumque furorque;
 Quodque videt patitur, nec dolor ullus abest.
 Iam nunc scuit in hac, quamuis non sauciat artus,
 Licetorum rabies, vulneraque alta facit.
 Illic proditio, periuræque verba tuorum,
 Et siccâ leuior fronde futura fides.
 Vincula sunt illic, ferroque sonante catenæ,
 Et, quo figentur, lancea fixa loco est.
 Illic carnifices, illic clauosque, crucemque,
 Et quæ te lacerant vulnera semper habes.
 Hic quoque stat Genitrix, reque in cruce pallida
 spectat;

Quotque videt plagas, tor putat esse suas.
 Hic pariter tecum luctuque & mole laborum
 Obruta, mille neces sustinet ante necem.
 Quid grauius, cum pendebris moriturus in alto
 Stipite; quid grauius, cum moriêre, feres?

Ah

CHRISTVS PATIENS. II

Ah quânto leuior tibi erunt scuricæque, vepresque
 Et crux, & ferro vulnera facta dolor!
 Nec tibi decedit, sed ineuitabilis hæret
 Ante oculos tanti semper imago mali.
 Vrit, seu medios properas docturus in agros:
 Vrit, seu latebras, & loca sola petis.
 Ac veluti ceruus Libani nemus inter odorum,
 Cui procul incautum fixit arundo latus;
 Pascua seu, camposque fugâ transmittit apertos
 Saucius, è puro seu leuat amne sitim,
 Frustrâ querit opem: lateri lethale cruento
 Telum hæret: finis mors erit vna mali.
 Sic mortis sensu numquam cariturus amaro
 Viuis, & hæc lætus finiet vna tuos.
 Interea crux in votis & pectore toto est.
 Hanc velut absentem nocte dieque vocas.
 Somnia te cruciant veras imitantia pœnas,
 Nec tibi nox sæuo est mitior vlla die.
 Cur igitur tibi creduntur, mala tanta ferenti,
 Tempora supplicij lenta venire tui?
 Votum in amante nouum est: quod adest, exposcis;
 & opras,
 Quæ iam nunc pateris vulnera, posse pati.
 Quid credam? votisne tuis tua vota repugnent?
 Immemorémne tui te quoque reddat amor?
 Quod petis, hoc tecum est; neque crux fatalis a-
 mantem
 Deferit, aut summum deferet ante diem.

E L E-

ELEGIA IV.

Mentis, quàm corporis sensum Christo acriorem fuisse, & perpetuum.

AH! malè nil ferro grauius rude vulgus & igni,
Carnificisque putat diuius esse manu.
Maxima supplicij pars est, quam conscia rerum
Mens, nondum tacto corpore, prima subit.
Dum ferrum & flammæ, dum prospicit omnia
sæuæ

Instrumenta necis, sæuitiæque modos;
Dum nihil ignorat, tristique in imagine tota est,
Iam patitur quidquid pœna doloris habet.
Et mentis imago est, quàm sensus corporis, acer:
Hic dum percipitur deficit, ille manet.
Quid doluit, subito teli qui saucius ictu
Concidit, & lethi nescius antè fuit?
Quid doluit, quem securum, somnoque fruentem
È molli rapuit mors inopina toro?
Gethsemani colles, tuque ô Caluarie rupes,
Et quæcumque Dei cæde madebis humus,
Pontificumque aulæ, & Latæ prætorie turmæ,
Tuque æther sensus signa dature tui,
Totaque, quæ meritò rerum Natura dolebis,
Ah! quota pars vobis nota doloris erit?
Nec mare tot fluctus, nec habet tot litus arenas,
Nec tot vere nouo gramina mollis humus:
Quot te, Christe, premunt ex omni parte dolores.
Solus, quæ pateris, tu numerare potes.
Omnia cernentem pars non latet vlla futuri.
Heu quantum pœnæ præuius horror habet!

Sic

Sic rapiunt: sic percutiunt: sic vincula stringunt:

Sic hi, sic illi vulnera, totque dabunt:

Sic adigent, & tor, tamque altè in tempora spinas:

Hæc procerum, hæc turbæ verba furentis erunt.

Sic rigidi scindunt clauī palmasque pedesque:

Lancea sic pectus per latus acta peret.

Talibus, atque aliis mens exercetur amantis,

Vt lapis assiduus quem mare pulsat aquis.

Excipit hibernas clementior aura procellas:

Nulla venit rebus mollior aura tuis.

Tempus, & ipsa dies cui non medicina dolori est?

Spes etiam curas & dolor ipse leuat.

At tibi nil pœnæ rapidi fuga temporis aufert,

Nectibi spes vllam credula monstrat opem.

Nec tuus exhaurit sese dolor ille; nec vñquam

Expletur lacrymis, egeriturve suis.

Inueniunt nostri centum solatia luctus:

Nulla tuis nisi mors est medicina malis.

Mensque licet tristes possit diuertere curas,

Se tamen in pœnis detinet ipsa suis.

Ipsa sibi, quæ ferre potest, solatia demit;

Nec mœrore suo posse carere velit.

Non illam requies, non dulcis imago futuri,

Non nox adueniens, non reditura dies,

Non illam maternus amor, vultusque suorum,

Non patrium cælum, non Pater ipse leuat.

Nate Deo, quam possum te dicere causâ

Tot mala tam longo tempore velle pati?

Scilicet vt serues, à quo sic laderis, hostem?

Et lasus partes conciliantis agas.

Et quisquam tanto victus non cedit amor?

Immemor & luctus sustinet esse tui?

Sustinet

14 SIDRONII HOSSCHII

Sustinet, & curas aliò traducit inanes,
 Securus, quid amor, vulneraque ista velint;
 Vana iuuant. fertur præceps quò cæca libido,
 Et furor, & leuitas, ambitioque rapit.
 Ah! tibi nec mens est hominis, nec, quæ tibi vitam
 Prima dedit, nostri sanguinis illa fuit.
 Ferree, si te nec spinæ, nec vulnera tangunt.
 Illa, quibus cautes indoluisse ferunt.
 Ferree, si lacrymam nec sanguinis elicit imber;
 Nec qui se fuso sanguine prodit amor.
 Hoc est, quod grauius loris vrebatur amantem;
 Hoc est, quod clauis, quod cruce maius erat.
 Metimur miseri flagris, spinisque dolorem;
 At nec spina dolor flagraque summus erant.
 Summus erat gens dura suæ sibi causa ruinæ;
 Et tantæ fructus nullus amoris amor.

ELEGIA V.

*Amorem Christi in medijs tormentis adhuc
 inexplabilem fuisse.*

EN tibi, Nate Deo, hæc optatissima tandem,
 Et suprema, tui testis amoris, adest.
 Tempus ad hoc solâ quæ vulnera mente tulisti,
 Nunc etiam toto corpore fixa geris.
 Nunc pateris quidquid quantumque optare solebas;
 Nec vori pars est vlla caduca tui.
 Nunc saltem pietas finem tua contigit, &, quo
 Se prober & pascat, nil, puto, maius habet.
 Sanguine, sudasti: riui fluxere cæuenti:
 Ora, sinus, vestes, ipsa madebat humus.

Carnifices

CHRISTVS PATIENS. 15

Carnifices duris oneratum colla catenis

Saxa per & duras te rapuere vias.

Cæsus es, & raptâ passus tot verbera veste,

Quot pulsar Tyriam fluctibus æquor humum.

Fortan & auxisti fessis in verbera vires,

Vt voris esset par tua pœna suis.

Quæ membris species? vnum sunt omnia vultus:

Panè patent sæuis ossa resecta flagris.

Fustibus impacti peruadunt tempora vepres,

Et lacerant totum perfodiuntque caput.

Quò color, & vultus, quò frontis gratia fugit?

Lumina quò stellis lucidiora tuis?

Ista decens facies multo iam verbere fuerat:

Lumina sanguineo fracta timore rubent.

Sanguine concreti pendent super ora capilli,

Totaque nil formæ forma prioris habet.

Quid probra commemorem, teque execrantia verba,

Impiaque in mores ora soluta tuos?

Mons quoque conspersus sanie, taboque reorum,

Tot tibi pœnarum meta, tenendus erat.

Huc lacetis quamuis humeris te ferre coegit

Impia gens duram durior ipsa crucem.

Altius ô quanto spinas in tempora fixit,

Tam graue, cum quateret colla ferentis, onus!

Ah quoties ingressus iter succumbere trunco

Vistus es, & lacerâ fronte ferire solum!

Ah quoties stimulis foderunt terga iacentis,

Et latera, & duris tempora plena rubis!

Intacta fuerant, nec sectæ verbere plantæ;

Aspera pro duris saxa fuere flagris.

Dum foderis stimulis, huc dum raptaris & illuc,

Perque salebrosas cogeris ire vias;

Saxa

16 SIDRONII HOSSCHII

Saxa tibi geminas secuerunt aspera plantas ,
 Ne pars immunis vulneris vlla foret.
 Iamque iugo tandem superato montis iniqui ,
 Spiritus exhaustum vitæque pæne fugit .
 Hæc patris ; nec adhuc patiendi expleta cupido est.
 Quo sese tandem limite sistet amor ?
 Respice quid redimas , pretiumque expende quod
 offers :

Non homines tanti, totaëque terra sumus.
 Soluere si precio mercem superante volebas ,
 Plus facis vna tui gutta cruoris erat.
 Omnia nunc liuent : nunc vndique & vndique
 vulnus ,

Et cruor. Ah nimum prodigus ipse tui es!
 Saltem si qua tuo, quamuis minor, esset amor
 Gratia, non omni parte pigendus erat.
 Cui tuus est sanguis, cui sunt tua vulnera curæ?
 Atque vnam nostri summa sit ista probri !
 Sapè etiam meriti merces iniuria tanti est :
 Eheu cultori messis iniqua suo !

Te tamen vrit amor , grauioraque ferre paratus :
 Pascimur his pœnis, non satiamur, ais.
 Quas amor infligit , mea sunt solaria pœnæ :
 Hoc benè sedatur flumine nostra sitis.

Barbaries in me vires exhauriat omnes,
 Addat & innumeris vulnera plura, feram.
 Nondum sunt omni vacuæ mihi sanguine venæ :
 Quidquid adhuc superest, hauriat illa precor:
 Utque facit, mihi det faciles in amore ministros:
 Mercedem nostras sentiet illa preces.
 Ipsos, qui faciunt, lustrabunt facta nocentes
 . Vulnera: mors culpæ nostra piamen erit.

Sic

CHRISTVS PATIENS. 17

Sic pius extenuat quidquid peccamus, & ipse

A nostro vires crimine sumit amor.

Membra quidem, lacerosque artus, corpusque fa-
tiscens

Deficiunt nervi, deficiuntque pedes:

At non deficiunt animi: maioribus vltro

Obiiciunt sese, sufficiuntque malis.

Vtque nouis ingens alimentis pascitur ignis,

Materiesque illum vincere nulla potest:

Sic alit ipse suos, augetque doloribus ignes,

Quique nihil non fert, nil satis esse putat.

Plura & plura pati, & grauiora prioribus optat:

Votaque successum, quem sibi poscit, habent.

Barbaries & Amor paribus crudeliter instant

Viribus; infestas expediuntque manus.

Coniurasse putes: expleri plena furoris

Barbaries nescit sanguine, nescit Amor.

ELEGIA VI.

In Christum contumeliosissimè denudatum.

Quid tibi vis, crudelis Amor? quem barbare
tandem

Vulneribus statues, læuitæque modum?

En iterum venis manant stillantibus artus:

En iterum multo sanguine terra rubet.

Diripitur vestis: vestem concreta tenebant

Vulnera; quæ trahitur, detrahit illa cutem.

Parcite carnifices miserum conuellere corpus:

Nil nisi iam lacerum, quod laceretis, habet.

Quæ coeunt, horrent mollem quoque vulnera tactum:

Quid properè iniectâ rumpitis illa manu?

B

Nil

18 SIDRONII HOSSCHII

Nil agimus: immidi riu torrentis agitur,
 O bona qui submis omnia sternit aquis.
 Undique prorumpit sanguis, manatque per artus,
 Quod se potest velat corpora nuda modo.
 Non dispar membris species, cum militis ira
 Hæc eadem flagris dilaniasset, erat.
 Quid potuit tantis dignum committere pœnis,
 Nullius culpæ, Iudice teste, reus?
 Ecce tremens astat rapeo spoliatus amictu:
 Iamque pudor plus, quam pœna, doloris habet.
 Sol, quod mox facies, radios nunc subtrahit terris,
 Auctoremque tuum, teque, diemque tege. 17
 Ah faceres: sed quem tenebris inuoluere velles,
 Officio non vult ipse latere tuo.
 Non minui cupit ipse suas, sed crescere pœnas:
 Pars bona te lucem dempta negante foetet.
 Carnifices, ubi nunc quamvis sordentia vela,
 Tecta quibus facies illius antè fuit?
 Quæ laceros artus, vestri quoque signa furoris
 Parte aliquâ saltem sordida vela tegent.
 Qualicumque, precor, circumdate corpus amictu:
 Munere pro magno vilis amictus erit.
 Ah rude ne textum lacero nudoque negatè.
 In ventos abeunt irrita verba: negant.
 Ergò qui foliis siluas, qui cortice truncos,
 Qui vestit campos gramine, veste caret.
 Sic tibi se Natus, Genitor, suaque omnia nudus
 Immolat: hoc sese victima more litat.

ELEGIA VII.

Dolores Christi in crucem acti.

Quid mirer prius hic? aut quid dolëamve; que-
rërve?

Mens abit hoc & se deferit ipsa loco.

Aut hîc, aut nusquam, quot sint in amore dolores;

Aut hîc, aut nusquam, quid sit amare, patet.

Ecce (nefas visu) nudum; totîsq; trementem

Artibus arripiunt, iniiciuntq; cruci.

Ah satis est pœnæ: quid adhuc gens dira paratis?

Uteriorne potest tot gradus esse malis?

Nil vos hæc species, nil vos lacerata flagellis,

Corpora, nil spinis tempora rupta mouent?

Nil humeris crux in montem perlata cruentis;

Quodq; suo madidum sanguine fecit iter?

Non potuit toties, & per tot vulnera fusus

Vestram aliquâ sanguis parte leuare sitim?

Nil mala tanta mouent: crescit crescentibus illis

Sanguine se pascens supplicisq; furor.

Ille iacet pronus; caroq; dat oscula ligno:

Iniectaq; tenet robora dura manu.

Dumq; tenet: Salve mea crux, mea gaudia, dixit:

Aspera, sed quamuis aspera, cara tamen

Tam sperata mihi, quàm formidata nocenti.

Plura loqui lacrymæ carnificesq; vetant.

Corripiunt pronum, vertuntq; in terga supinum,

Pressaq; nodofo brachia fune ligant.

Atque ita diuersi geminos vtrimque lacertos

Distendunt: validas adiuuat ira manus.

20 SIDRONII HOSSCHII

Iuncturis emota suis dant ossa fragorem:
 A brumpenda humeris brachia parè putes:
 Nec conuulsa minùs crurum internodia solunt,
 Dum tendunt, odio vim geminante, pedes.
 Hei mihi! quis teneat lacrymas? maiora minantur
 Artifices scelerum: non habet ira modum.
 Pars tenet iniecto distentos fune lacertos,
 Pars fera sanguineà concutit arma manu.
 Malleus in dextrâ est, rigidum tenet altera clauum,
 (Asper, & obtusâ culpide clauus erat)
 Dira viris facies, tortis in vultibus iras,
 Inque oculis facinus, quod meditantur, habent.
 Me miserum! stringunt clauos, magnoque furentes
 Perque manus adigunt impete, perque pedes.
 Rumpuntur venæ, nerui rumpuntur, & ossa:
 Sanguinis en rui fluminis instar eunt.
 Dum geminant ictus, dum mons & saxa resulant
 Ictibus, heu quantus transit ad ossa dolor!
 Esse homines credâme, quibus tam tristis imago
 Nil animum, quâ sunt saxa mouenda, mouet?
 Si quibus est tantum circum præcordia ferri,
 Aspiciant siccis hæc in amante genis:
 Hæc ego dum specto, cor quod mihi durius ære est,
 Rumpitur, & sensum commiserantis habet.
 Proh! supreme Pater patientem talia Natum
 Aspicias, & cessas? iraque lenta tua est?
 En crux aërias & cum cruce corpus in antras
 Tollitur: in plagas omne recumbit onus.
 Corpora sustentant soli pendentia clau:
 Vulnera, quod clauis nititur, auget onus.
 Tormentum! quo Sol condat sua lumina viso,
 Et mundo radios, officiumque neget.

Ipsa

CHRISTVS PATIENS. 21

Ipsa quod impietas, spatium modò præbear iræ,
 Horreat, admissi tacta dolore sui.
 Sæuitiæ cumulum tantis conuitia pœnis
 Adiciunt, tamquam crux foret ipsa parum.
 Iam Deus in trunco spectabilis vndique pendes:
 Hoc tua se dignum gloria culmen habet?
 Quis tibi, nate Deo, patienti talia sensus?
 Par animus tantis sustinet esse malis?
 Hec etiam placidâ toleras, vt cetera, mente,
 Et vultu votis conueniente tuis?
 Tam fera nec gemitus, nec vox tormenta sequuntur?
 Ah file: vsque adeò nos patienter amat.
 Quis ferat hæc, nisi tu, cuius patientia finem
 Non habet, vt finem non habet ipse dolor?
 Hæccine, quam toties, & totâ mente petisti,
 Totque modum votis impositura quies?
 Hæccine dulcis amarities, hæc illa voluptas,
 Quæque suis curis gaudia miscet Amor?
 Primum alijs votum est nullos sentire dolores,
 Quamque secuta fuit spes bona, sorte frui.
 Venantes sua præda, seges sperata colonos,
 Tuta iuuant nautas littora, palma duces.
 Vota pati tua sunt, tua sunt solatia pœnæ,
 Summaque crudelem gaudia ferre necem.
 Crux tibi deliciæ, messis sperata dolores,
 Conuelli requies, palma petita mori.
 Musa file, vocemque premens, nihil esse fatere,
 De tanto dici quidquid amore potest.

ELEGIA VIII.

*Latronem in cruce seruatum omnibus spei
exemplum esse.*

Mortales sperate. Dei placabilis ira est :
Vincitur, & nullos subinouet illa reos.
Depositis etiam praestò est clementia causis.
Omnibus, atque omni tempore tota patet.
Nec mihi quis steriles causetur perditus annos ;
Nec mihi quis vitæ tempora lera sua ;
Nec scelerum numerum. Tot sint, quot in aequore
fluctus,
Quot siluis frondes, frigoribusque niues ;
Pœniteat tantum ; causam dolor ipse perorat,
Nec lacrymis feris vlla repulsa venit.
Latro sit exemplo: trunco pendeat in alto,
Quosque dabat gemitus, iam morientis erant.
Flebat, & ad Dominum vertebat pallidus ora.
Hoc satis, vt veniam consequeretur, erat.
Prò Superi ! quantum gemitus valuere precantis,
Verbaque ! Diuorum gaudia munus habent.
Felix, infami quamuis in stipite pendes,
Tam breuis, & facilis cui dedit astra labor !
Quamquam conuictus scelerum es, quodque ipse
fateris,
Morte petis vitæ conueniente tuæ ;
At voti iam pignus habes, quod fallere nescit :
Iam, reor, asperitas excidit ipsa crucis.
Frangite lictores, iam ferro frangite crura :
Hoc illi nullum munere maius erit.

Iam

Iam pœnasque nouas, nua iam sibi vulnera poscit:
 Solaque, quod cruciet, iam mora mortis habet.
 O ego quàm cupiam sic fixus in arbore morrem,
 Hæc mihi si dentur præmia, ferre tuam!
 At tu quid dabis veniam pacemque precari,
 Qui scelerum pendes, supplicique comes?
 Tempus ad:st aprum precibus: dabit ille roganti,
 Qui iam morte suâ, quod tibi donet, emit.
 Me miserum! avertit vultus, Dominumque scelestis
 Insequitur verbis, & negat esse Deum.
 Heu cadit in quemquam tantus furor! heu sibi
 quisquam
 Tot bona tam prono danda fauore negat!
 Nate Deo, per ego hunc, quo nos dignaris, amorem,
 Per spes, quas de te fontibus esse iubes,
 Per genus hoc mortis, per quæ tibi corpore toto
 Vulnera sunt animi pignora cæta tui?
 Hic mihi, quem spernit sibi tam dementer iniquus,
 Hic mihi contingat, te miserante, fauor:
 Sic, quos te pietas pro nobis ferre labores
 Impulit, excipiat publicus orbis amor:
 Sic bona spes ad te facilem, veniaque paratum
 Inuitet trepidos, alliciatque reos.
 Non tua, quæ cælo miseros clementia donat,
 Parcior est vnquam, dissimilisque sui.
 Nec spes destituit: cuius, discrimine nullo,
 Fontibus ex iisdem, vulneribusque venit.
 Cur ego diffidam? quæ fonti verba Latroni
 Dixisti moriens, hæc mihi dicta puto.
 Dixeris hæc vni, satis est. Ostendis in vno,
 Spes de te quantas omnibus esse velis.

ELEGIA IX.

In insultantes cruci fixo Deo.

Heu Solyme scelerata, reisque nocentior ipsis,
 Quos ad supplicium, quod meruere, vocas!
 Tunc Deum medios inter pendere latrones,
 Quaque illi pereunt lege, petite iubes?
 Ut scelerum socius, qui pœnæ est, esse putetur!
 Sic geminas, insons ut videre, nefas?
 Sanguine crudeles oculos gens impia pascet:
 Deficit exhausto sanguine vita Deum.
 At vos sacrilegi iam saltem parcite linguis:
 Quis superest odiis, sæuitiæque locus?
 In cruce suspendi voluistis: pendet in illâ:
 Mille pati infontem vulnera: plura tulit.
 Morte mori lentâ: lentâ iam morte necatis.
 Contenti tantis iam precor este malis.
 Tot quid abest pœnis? deerant sua vulnera menti
 Scilicet. Hæc linguis pars laceranda fuit.
 Impia gens erras. Tormenta immania semper,
 Pluraque, quàm potuit corpore, mente tulit.
 Me miserum! perstant, visoque à sanguine vires,
 Quo deliniri debuit, ira capit.
 Confusæ insurgunt voces, sed percipit omnes.
 Verba, quibus petitur, singula virus habent.
 Non sensus, animique latent: introspicit illos.
 Quid non hinc etiam, quo crucietur, habet?
 Hinc amor, hinc odium certant. Vos, si quid acerbis
 Restat adhuc odiis, addite; vincet amor.
 Tollite clamores, linguisque instate protentis,
 Ut, quem iactauit, se probet esse Deum;

Vt

Vt sese eripiat letho, ferroque reflexas

Expediat plantas, expediatque manus.

Non illum immanes retinent in stipite clauī.

Quòd maneat, nostri fixus amore manet:

Seque, quod exigitis, non seruat, seruet vt omnes.

Omnes vult pretium sanguinis esse sui.

Hoc est, cū minimo possit vos perdere nutu,

Cur toleret lentus, dissimuletque nefas.

Hoc est, cur grauius læsum irritantia Patrem

Crimina, quàm pœnas sentiat ipse suas.

Nec, quia non plectit, non plectere posse puretis.

Iusta sibi longas imperat ira moras.

Hac quoque, quæ fixa est, vellent modò, crimina
vindex

Plecteret, hac fulmen mitteret ille manu.

Mitteret, ah! fulmen? precibus, non fulmine certat.

Pro vobis pendens in cruce vota facit;

Conciliatque Patrem lacrymans, vestroque furori,

Quam veniam vos non poscitis, ipse petit.

Qua licet, excusat facinus quoque: supplicat vltro,

Inuidiamque suæ detrahit ipse neci.

Parce Pater, dixit, nec quod gens cæca meretur,

Morte luat: partem criminis error habet.

Quid facies, hostem qui sic miseraris, amanti,

O maiestatis non memor ipse tuæ?

Læderis, & læsus veniam peccantibus oras.

Materiam veniæ crimina nostra facis.

Ipse subis pœnas, pœnarum præmia nobis

Reddis; &, vt reddas, res tibi parua mori est.

ELEGIA X.

De titulo Crucis.

Hæc quoque ludibris deerant: illudere morti
 Debit appositis scripta tabella notis?
 Cum pelagus, cum terra tibi, cum setuæ æther,
 Regnaque sint meritis ista minora tuis;
 Hoc, quod eras, prooro verum, crimenque putari,
 Causaque supplicii debuit esse tui?
 Scripserit hoc iudex, tamquam tua crimina, nomen,
 Et titulum mortis iussit esse tuæ:
 Ille tamen vero scripsit te nomine regem.
 Maiestas sed enim, pompaque regis ubi est?
 An crux infamis solum tibi? purpura sanguis?
 An clavi manibus debita sceptræ tuis?
 Carnifices, populusque furens, geminique latrones
 Sunt tibi, quæ stipet regia turba latus?
 Voxque salutarum, diræ? convicia, plausus?
 Omnia paupertas quæ tibi dempsit, opes?
 Nudus, & irritus, fixusque in stipite pendes:
 Maiestas regi convenit illa Deo?
 Crede tamen Solyme: regum rex maximus ille est,
 Quem tibi venturum sæcula prisca canunt.
 Sit reus, intudix moriens sit victima vestra,
 Ille reus, iudex vester & oculus erit.
 Nate Deo, tibi nos, tibi quem debemus honorem
 Soluimus, & solium volumus ante tuum.
 Quamvis in mediâ pallens iam morte teneris,
 Quamvis nil, pendens in cruce, regis habes:
 Maiestas non tota laet. Quod terra, quod æther,
 Quod mare dent luctus tristia signa sui:

Quod

CHRISTVS PATIENS. 27

Quod procul aduerso cali festinet ab orbe,
 Et retrò celeres Luna reflectat equos,
 Quod Solis vultus, quod se, celumque, diemque
 Occulat, imperij vis manifesta tui est.
 Tu modò pallentes reuocas ad corpora mines,
 E tumulitque cies ossa sepulta suis.
 Tu modò perpetuis frenas Plutona catenis,
 Et Mortem moriens sub tua iura trahis.
 Insultet Solyme: plus te nos esse fatemur,
 Quàm titulus scriptis præferat ille notis.
 Nunc quoque te, cum summa trahens suspiria
 sensim

Deficis, æternum credimus esse Deum.
 Nunc quoque, cum pendes sine sensu & sanguine
 corpus,

Nos mœsti lacrymas, nos tibi vota damus,
 Tempus erit, tibi cum ponent insignia reges,
 Et figent aris munera digna tuis:
 Et crucis ad truncum curuato poplite fusi
 Submittent pedibus sceptraque, seque tuis.
 Tempia tibi surgent Parii innixa columnis:
 Fumabunt sacris dona Sabæa focis.
 In templis tua cum titulo ponetur imago,
 Qualem nunc pendens in cruce nudus habes.
 Ad latus hinc stabit lacrymans & pallida Mater;
 Hinc comes, eximium quem tibi fecit amor.
 Illa potens rerum, cuius victicibus arinis
 Nilus, & Euphrates, totaque cessit humus:
 Illa suos fasces, animosque, orbemque subactum
 Imperiis subdet maxima Roma tuis.
 Expelli iustitara Iouem Capitolia cernent,
 Et tibi, cui soli debita, thura ferent.

At

28 SIDRONII HOSSCHII

At populo tua crux, lacerumque in imagine corpus,
 Quodque alto pectus vulnere rupit Amor,
 Et rigidi sentes, & sparsi sanguine vultus,
 Sæpè tibi grati causa doloris erunt.
 Quanta dabunt visis & quot suspina clavis!
 Hi quoque non paucis vulnera sæpè dabunt.
 Hoc ipsum in summo quod pendet stipite nomen
 Iam cælum supplex, tunc quoque terra colet.
 Hoc metuet, frustra que fremens horrescet *Auenus*,
 Totaque Styx iniis exululata vadis.
 Quantum, & quale decus tibi tunc infamia *præfens*,
 Quamvis, quæ modò fers, probra triumphus erunt!

ELEGIA XI.

Ad Virginem matrem stantem sub cruce.

Quid genitrix nato geminas sine fine dolores?
 Crux in supplicium non erat vna satis:
 Altera crux nato est matrem spectare dolentem:
 Nec minus hæc pœnæ; plus quoque forsan habet.
 Ipsa vides lacerâ guttas è fronte cruentas
 Perque oculos illi currere, perque genas.
 Ipsa vides manibus, pedibusque erumpere riuos
 Sanguinis: & nervis ossa soluta suis.
 Sic natum spectare vocas solatia mater?
 Hoc iuvat? hæc luctum scena leuare potest?
 Non potes, ut cupias, solantia dicere verba:
 Verba locuturæ frangit in ore dolor.
 Non strophio siccare sacros, non veste cruores:
 Crux illum manibus submouet alta tuis.
 Non, vbi finierit mors illi sæua labores,
 Lumina maternâ condere fracta manu.

Parce.

Parce, precor, saltem nato, si parcere nescis
 Ipsa tibi: lacrymis uritur ille tuis.
 Nec tibi solamen præsens potes esse, nec illi:
 Illius luctu læderis, ille tuo.
 Nate Deo, qui fers, quæ te nisi ferre videret,
 Barbaries ferri posse vel ipsa neget:
 Te testor, sensumque tuum: te sæuius vrunt,
 Quàm tua, quæ de te vulnera mater habet.
 Hoc quoque non nescis mater: scis quodlibet illi
 Supplicium luctu lenius esse tuo.
 Discedet tecum, si tu discedere possis,
 Illius ex aliquâ parte, tuusque dolor.
 Narrabunt alij quæ verba nouissima: quales,
 Pro quibus arenæ fuderit ore preces:
 Quid biberit sitiens: quid deficiente rogarit
 Voce Patrem: quàm non immemor ille tui:
 Vt fractis oculis, in duro stipite, vitam
 Clauserit: vt fixum ruperit hasta latus.
 Hæc alij referent: at tu pallebis, & ipsa
 Pectore materno, quæ tulit ille, feres.
 Quid facies præsens, si, quæ perceperis absens,
 Singula sunt animo plaga futura tuo?
 Me miserum! stat fixa loco, truncumque madentem
 Sanguine perfundit fletibus vsque tuis.
 Nunc lacrymis madidos conuertit ad æthera vultus,
 Nunc tenet in nato lumina fixa suo.
 Heu quid agar? maneat? prohibet dolor. inde rece-
 dat?
 Fortior immotam sub cruce sistit amor.
 Dure Amor! has seruas leges? sic iungis amantes?
 Quàm non sunt regni mollia iura tui!

ELEGIA XII.

De Christi morientis siti, & derelictione.

OMnia nunc illi, qui possidet omnia, defunt:
 Poscentem gelidæ deficit haustus aquæ:
 Exhaustere labor vires, sudorque, cruorque
 Fusus, & in tantis nox vigilata malis,
 Et via per præceps, humerisque iniecta cruentis
 Illa trabis moles, sæuitielque necis.
 Ferte citi lymphas: lympha solabitur-haustus,
 Arenti quam vix indicat ore, sitim:
 Heu fera barbaries! morienti lympha negatur:
 Pocula, quæ spumant felle, bibenda ferunt.
 Et tamen hæc libat: fauces simul vrit & ora:
 Peius, amarities, quàm sitis ipsa, malum.
 O iterùm duris erumpite rupibus vnda!
 Saxa dabunt vobis rupta dolore viam.
 Qui rore, & pluuiis sitientes irrigat herbas,
 Arida qui vernis imbribus arua iuuat,
 Qui scatebris fontes, qui fontibus euocat amnes,
 Vestra deficiens nunc eget auctor ope.
 Esse quid hoc dicam? de clavis nulla, nec vlla
 De cruce; de sæuâ sola querela siti est.
 Cetera, tamque diu tacitè tormenta ferenti,
 Crede mihi, solæ non sitiuntur aquæ.
 Quæ petit in tantis sitiens solatia pœnis,
 A nobis, non à fontibus illa petit.
 Hei mihi! supremæ neque nos mouere querelæ!
 Nos quoque cum multo pocula felle damus:
 At, reor, è cælo venient solatia: cælum
 Audiet, & vanas non sinet esse preces.

AHz

CHRISTVS PATIENS. 31

Ah ! tantùm tenebris se conscius occulit æther,
 Et luget dominum ; non iuuat ille suum.
 Te saltem, genitor, nati suspiria tangant
 Vltima : te poscit vox morientis opem.
 Aspicias, vt verfer supremo languida motu
 Lumina ? vix ceruix sustinet ægra caput.
 Et quamuis tenues fugiant cum sanguine vires,
 Destituarque suus corpus inane vigor ;
 Attollit tamen exsangues ad sidera vultus,
 Vtque potest, oculis quatit, & ore patrem.
 Singultumque trahens imo de pectore : Mene
 Destituis, clamat, tu quoque care pater ?
 Quæ toties mouere, nihil iam summa parentem
 Verba mouent: natum deseruisse patres.
 Magnè pater, neque tu nati miserere ferentis
 Vltima? nec pietas illa paterna subit ?
 Nec te perpetuis exacta doloribus atas,
 Nec mors ipsa mouet, causaque mortis amor ?
 Hoc quoque, Christe, feras opus est, tam mitis in
 omnes,
 In te sustineat durus vt esse pater.

ELEGIA XIII.

Ad B. Virginem, Filio iam in cruce mortuo.

Occidit: in pectus ceruix inflexa recumbit.
 Occidit: exanimum de cruce pender onus.
 Quæ mens, quis tibi nunc, mater mœstissima, sensus?
 Mors pariter vitam non rapit ista tuam ?
 Ah ! plus quàm vitam rapuit, cum sustulit illum,
 Qui tibi spes omnis, vitaque solus erat.

Ferreus

32 SIDRONII HOSSCHII

Ferreus ah! nimiumque tibi crudeliter hostis,

Luctibus his causam qui tibi cumque dedit.

Quid loquor? ille ego sum, sensi: nil querimus ultra:

Me peragis vultu, Diua; silente reum.

Nil opus est verbis: oculi lacrymaeque loquuntur:

His lacrymis vocem sensimus esse suam.

Ah fateor, tuus ille meum, mœstissima, crimen

Est dolor, hæc operis sunt monumenta mei.

Nostra nocens anima est: quæ fles, ego vulnera feci:

Hac quoque nostra manus sanguinolenta nece est.

His meate namque malis dementia misit.

Mens fugit admissi plena pudore sui.

Hic lacrymas fudisse parum est. Non, omnis aperitis

Exhaustus venis si mihi sanguis ear;

Non, si me Scythicæ scindant in frusta secures.

Membraque diversis diripiantur equis;

Non, si Trinacrij damnatis voce tyranni

Torrear in tauro, sæue Perille, tuo;

In caput hoc non sit torus defruat æther,

Æqualis merito pœna sit vlla in eo.

Quid faciam infelix? quod spes, quod carbala vertam?

Quod mihi perfugium, quis mihi portus erit?

Ad tua, nate Deo, supplex me vulnera verto.

Sola meum possunt illa piare nefas.

Illæ precor, veniæ mihi spes, & gratia fiant:

Aut hac, aut nullâ parte iuuandus ero.

Sœuitiæ monumenta meæ mihi gratia fiant?

Et prosit manibus vulnera facta meis?

Sic est: cuius ego sum fincissimus auctor,

Hæc mors placandi spes mihi sola tui est.

Dicam equidè, quamvis res dictu est horrida, dicam:

Impietas nobis utilis, ipsa fuit.

Pæne

Pœnè fide maius: prodest sua culpa nocenti.

Est nostri fructus criminis ipsa salus.

Quas merui, Deus ipse suo dat sanguine pœnas:

Quem læsi, pro me sustinet esse reus.

Quàm plectar merito, flammisq; perennibus yrar,

Si mea non tangat pectora tantus amor!

ELEGIA XIV.

*Ad Dei matrem, exanime filij corpus gremio
sustinentem.*

Tene ego (nec mouear?) videam, mœrissimam
matrem,

Complexam nati membra cruenta tui?

Deq; tuis oculis illius in ora cadentes

Alpiciam lacrymas, contineamq; meas.

Ecce suo tecum rerum natura parenti

Ingemit, & quo tu, funere læsa dolet.

Sol, tam funestæ ne spectet crimina cordis,

Auerit vultus, oraq; mœsta regit.

Sub pedibus mugit tellus: conuulsa dehiscunt

Marmora: lugubris fertur ad atra fragor.

Lugentes errant manes: tumultisque sub ipsis

Et gelidos cineres tangit, & ossa dolor.

Non hoc spectator potuit de funere quisquam

Lumina, non lictor sicca referre domum.

Quâ scupcas strinxit, quâ vim, quâ vulnera fræus

Intulit, hæc tundit pectora nuda manu.

Pars enâm turba, quo tot conuiuia fecit,

Hoc gemit, hoc rabiem deuouet ore suam.

Omnia cùm doleant, vni mihi pectora consent

Rupibus, & scissis asperiora iugis?

C

Vnu,

18 SIDRONII HOSSCHII

Nil agimus: tumidi rivi torrentis aguntur,
 Obuia qui subitis omnia sternit aquis.
 Undique prorumpit sanguis, manatque per artus,
 Quoque potest velat corpora nuda modo.
 Non dispar membris species, cum militis ira
 Hæc eadem flagris dilaniasset, erat.
 Quid potuit tantis dignum committere pœnis,
 Nullius culpæ, Iudice teste, reus?
 Ecce tremens altat rapto spoliatus amictu:
 Iamque pudor plus, quam pœna, doloris habet.
 Sol, quod mox facies, radios nunc subtrahit terris,
 Auctoremque tuum, teque, diemque tege.
 Ah faceres: sed quem tenebris involuere velles,
 Officio non vult ipse latere tuo.
 Non minui cupit ipse suas, sed crescere pœnas.
 Pars bona te lucem dempra negante foret.
 Carnifices, ubi nunc quamvis sordentia vela,
 Tecta quibus facies illius antè fuit?
 Quæ laceros artus, vestri quoque signa furoris
 Parte aliquâ saltem sordida vela regent.
 Qualicumque, precor, circumdate corpus amictu:
 Munere pro magno vilis amictus erit.
 Ah rude ne textum lacero nudoque negatè.
 In ventos abeunt irrita verba: negant.
 Ergò qui foliis silvas, qui cortice truncos,
 Qui vestit campos gramine, veste caret.
 Sic tibi se Natus, Genitor, suaque omnia nudus
 Immolat: hoc sese victima more litat.

ELEGIA VII.

Dolores Christi in crucem acti.

Quid mixer prius hic? aut quid dolēamve, querāve?

Mens abit hoc & se deferit ipsa loco.

Aut hīc, aut nusquam, quot sint in amore dolores;

Aut hīc, aut nusquam, quid sit amare, pater.

Ecce (nefas visu) nudum; totisq̃ue trementem

Artibus arripiunt, iniiciuntq̃ue cruci.

Ah satis est pœnæ: quid adhuc gens dira paratis?

Vltiorne potest tot gradus esse malis?

Nil vos hæc species, nil vos lacerata flagellis.

Corpora, nil spinis tempora rupta mouent?

Nil humeris crux in montem perlata cruentis,

Quodq̃ue suo madidum sanguine fecit iter?

Non potuit toties, & per tot vulnera fusus

Vestram aliquā sanguis parte leuare sitim?

Nil mala tanta mouent: crescit crescentibus illis

Sanguine se pascens suppliciiisque furor.

Ille iacet pronus, caroq̃ue dat oscula ligno:

Iniectaq̃ue tenet robora dura manu.

Dumq̃ue tenet: Salue mea crux, mea gaudia, dixit:

Aspera, sed quamuis aspera, cara tamen

Tam sperata mihi; quā formidata nocenti.

Plura loqui lacrymar carnificesq̃ue vetant.

Corripiunt pronum, vertuntq̃ue in terga supinum,

Pressaq̃ue nodoso brachia tunc ligant.

Atque ita diuersi geminos vtrimque lacertos

Distendunt: validas adiuuat ira manus.

20 SIDRONII HOSSCHII

Iuncturis emota suis dant ossa fragorem:
 A brumpenda humeris brachia pænè putes:
 Nec conuulsa minùs crurum internodia solunt,
 Dum tendunt, odio vim geminante, pedes.
 Hei mihi! quis teneat lacrymas? maiora minantur
 Artifices scelorum: non habet ira modum.
 Pars tenet iniecto distentos fune lacertos,
 Pars fera sanguineâ concutit arma manu.
 Malleus in dextrâ est, rigidum tenet altera clauum,
 (Asper, & obtusâ cuspide clauus erat)
 Dira viris facies, tortis in vultibus iras,
 Inque oculis facinus, quod meditantur, habent.
 Me miserum! stringunt clauos, magnoque furentes
 Perque manus adigunt impete, perque pedes:
 Rumpuntur venæ, nerui rumpuntur, & ossa:
 Sanguinis en riuì fluminis instar eunt.
 Dum geminant ictus, dum mons & saxa resulant
 Ictibus, heu quantus transit ad ossa dolor!
 Esse homines credâmne, quibus tam tristis imago
 Nil animum, quâ sunt saxa mouenda, mouet?
 Si quibus est tantum circum præcordia ferri,
 Aspiciant siccis hæc in amante genis:
 Hæc ego dum specto, cor quod mihi durius ære est,
 Rumpitur, & sensum commiserantis habet.
 Proh! supreme Pater patientem talia Natum
 Aspicias, & cessas? iraque lenta tua est?
 En crux ærias & cum cruce corpus in antras
 Tollitur: in plagas omne recumbit onus.
 Corpora sustentant soli pendentia clauì:
 Vulnèra, quod clavis nititur, augeat onus.
 Tormentum! quo Sol condat sua lumina viso,
 Et mundo radios, officiùmque neget.

Ipfa

CHRISTVS PATIENS. 21

Ipsa quod impietas, spatium modò præbear iræ,
 Horreat, admissi tacta dolore sui.
 Seuitiæ cumulum tantis conuicia pœnis
 Adiciunt, tamquam crux foret ipsa parum.
 Iam Deus in trunco spectabilis vndique pendes:
 Hoc tua se dignum gloria culmen habet?
 Quis tibi, nate Deo, patienti talia sensus?
 Par animus tantis sustinet esse malis?
 Hoc etiam placidâ toleras, vt cetera, mente,
 Et vultu votis conueniente tuis?
 Tam fera nec gemitus, nec vox tormenta sequuntur?
 Ah silet: vsque adeò nos patienter amar.
 Quis ferat hæc, nisi tu, cuius patientia finem
 Non habet, vt finem non habet ipse dolor?
 Hæccine, quam toties, & totâ mente petisti,
 Totque modum votis impositura quies?
 Hæccine dulcis amarities, hæc illa voluptas,
 Quæque suis curis gaudia miscet Amor?
 Primum aliis votum est nullos sentire dolores,
 Quamque secuta fuit spes bona, sorte frui.
 Venantes sua præda, seges sperata colonos,
 Tuta iuuant nautas littora, palma duces.
 Vota pati tua sunt, tua sunt solaria pœnæ,
 Summaque crudelem gaudia ferre necem,
 Crux tibi deliciæ, messis sperata dolores,
 Conuelli requies, palma petita mori.
 Musa sile, vocemque premens, nihil esse fatere,
 De tanto dici quidquid amore potest.

ELEGIA VIII.

*Latronem in cruce servatum omnibus spei
exemplum esse.*

Mortales sperate. Dei placabilis ira est :
Vincitur, & nullos submovet illa reos.
Depositis etiam præstò est clementia causis.
Omnibus, atque omni tempore tota patet.
Nec mihi quis stériles causetur perditus annos ;
Nec mihi quis vitæ tempora sera suæ ;
Nec scelèrum numerum. Tot sint, quot in æquore
fluctus,
Quot silvis frondes, frigoribusque niues ;
Pœniteat tantùm ; causàm dolor ipse perorat,
Nec lacrymis teris vlla repulsa venit.
Latro sit exemplo: trunco pendebat in alto,
Quosque dabat genîis, iam morientis erant.
Flebat, & ad Dominum vertebat pallidus ora.
Hoc satis, ut veniam consequeretur, erat.
Prò Superi ! quantum gemitus valere precantis,
Verbaque ! Diuotum gaudia munus habent.
Felix, infami quamvis in stipite pendes,
Tam brevis, & facilis cui dedit astra labor !
Quamquam conuictus scelèrum es, quodque ipse
fateris,
Morte peius vitæ conueniente tuæ ;
At voti iam pignus habes, quod fallere nescit :
Iam, reor, asperitas excidit ipsa crucis.
Frangite lictores, iam ferro frangite crura :
Hoc illi nullum munere maius erit.

Iam

Iam pœnasque nouas, nuôa iam sibi vulnera poscit:
 Solaque, quod cruciet, iam mora mortis habet.
 O ego quàm cupiam sic fixus in arbore morrem,
 Hæc mihi si dentur præmia, ferre tuam!
 At tu quid dabitur veniam pacemque precari,
 Qui scelerum pendes, supplicii que comes?
 Tempus adest aptum precibus: dabit ille roganti,
 Qui iam morte suâ, quod tibi donet, emittit.
 Me miserum! auertit vultus, Dominumque scelestis
 Insequitur verbis, & negat esse Deum.
 Heu cadit in quemquam tantus furor! heu sibi
 quisquam
 Tor bona tam prono danda favore negat!
 Nate Deo, per ego hunc, quo nos dignaris, amorem,
 Per spes, quas de te fontibus esse iubet,
 Per genus hoc mortis, per quæ tibi corpore toto
 Vulnera sunt animi pignora certa tui?
 Hic mihi, quem spernit sibi tam dementer iniquus,
 Hic mihi contingat, te miserante, fauor:
 Sic, quos te pietas pro nobis ferre labores
 Impulit, excipiat publicus orbis amor:
 Sic bona spes ad te facilem, veniamque paratum
 Inuitet trepidos, alliciatque reos.
 Non tua, quæ celo miseros clementia donat,
 Parcior est vnquam, dissimilisque fui.
 Nec spes destituit: cuius, discrimine nullo,
 Fontibus ex iisdem, vulneribusque venit.
 Cur ego diffidam? quæ fonti verba Latroni
 Dixisti moriens, hæc mihi dicta puto.
 Dixeris hæc vni, satis est. Ostendis in vno,
 Spes de te quantas omnibus esse velis.

ELEGIA IX.

In insultantes cruci fixo Deo.

Heu Solyme scelerata, reisque nocentior ipsis,
 Quos ad supplicium, quod meruere, vocas!
 Tunc Deum medios inter pendere latrones,
 Quaque illi pereunt lege, perire iubes?
 Ut scelerum socius, qui pœnæ est, esse putetur!
 Sic geminas, insons ut videre, nefas?
 Sanguine crudeles oculos gens impia pasce:
 Deficit exhausto sanguine vita Deum.
 At vos sacrilegi iam saltem parcite linguis:
 Quis superest odiis, sævitæque locus?
 In cruce suspendi voluistis: pendet in illâ:
 Mille pati insonem vulnera: plura tulit.
 Morte mori lentâ: lentâ iam morte necaris.
 Contenti tantis iam precor este malis.
 Tot quid abest pœnis? deerant sua vulnera menti
 Scilicet. Hæc linguis pars laceranda fuit.
 Impia gens erras. Tormenta immania semper,
 Pluraque, quam potuit corpore, mente tulit.
 Me miserum! perstant, visoque à sanguine vites,
 Quo deliniri debuit, ira capit.
 Confusæ insurgunt voces, sed percipit omnes.
 Verba, quibus petitur, singula virus habent.
 Non sensus, animique latent: introspicit illos.
 Quid non hinc etiam, quo crucietur, habet?
 Hinc amor, hinc odium certant. Vos, si quid acerbis
 Restat adhuc odiis, addite; vincet amor.
 Tollite clamores, linguisque instate pœtensis,
 Ut, quem iactavit, se probet esse Deum;

Vt

CHRISTVS PATIENS. 25

Vt sese eripiat letho, ferroque refixas
 Expediat plantas, expediatque manus.
 Non illum immanes retinent in stipite clauī.
 Quod maneat, nostri fixus amore manet:
 Sequē, quod exigitis, non seruat, seruet vt omnes.
 Omnes vult pretium sanguinis esse sui.
 Hoc est, cū minimo possit vos perdere nutu,
 Cur toleret lentus, dissimuletque nefas.
 Hoc est, cur grauius læsum irritantia Patrem
 Crimina, quā pœnas sentiat ipse suas.
 Nec, quia non plectit, non plectere posse putetis.
 Iusta sibi longas imperat ira moras.
 Hac quoque, quæ fixa est, vellet modò, crimina
 vindex
 Plecteret, hac fulmen mitteret ille manu.
 Mitteret, ah! fulmen? precibus, non fulmine certat,
 Pro vobis pendens in cruce vota facit;
 Conciliatque Patrem lacrymans, vestroque furori,
 Quam veniam vos non poscitis, ipse petit.
 Quā licet, excusat facinus quoque: supplicat vltro,
 Inuidiamque suæ detrahit ipse neci.
 Parce Pater, dixit, nec quod gens cæca meretur,
 Morte luat: partem criminis error habet.
 Quid facies, hostem qui sic miseraris, amanti,
 O maiestatis non memor ipse tuæ?
 Læderis, & læsus veniam peccantibus oras.
 Materiam veniz crimina nostra facis.
 Ipse subis pœnas, pœnarum præmia nobis
 Reddis; &, vt reddas, res tibi parua mori est.

ELEGIA X.

De titulo Crucis.

HÆc quoque ludibriis deerant? illudere morti
 Debit appositis scripta tabella notis?
 Cùm pelagus, cùm terra tibi, cùm seruiat æther,
 Regnaque sint meritis ista minora tuis;
 Hoc, quod eras, probro verti, crimenque putari,
 Causaque supplicii debuit esse tui?
 Scripserit hoc iudex, tamquam tua crimina, nomen,
 Et titulum mortis iussit esse tuæ:
 Ille tamen vero scripsit te nomine regem.
 Maiestas sed enim, pompaque regis ubi est?
 An crux infamis solium tibi? purpura sanguis?
 An clavi manibus debita sceptrata tuis?
 Camifices, populusque furens, geminique latrones
 Sunt tibi, quæ stiper regia turba latus?
 Voxque salutantum, dira? coniugia, plausus?
 Omnia paupertas quæ tibi dempsit, opes?
 Nudus, & iritus, fixusque in stipite pendes:
 Maiestas regi conuenit illa Deo?
 Crede tamen Solyme: regum rex maximus ille est,
 Quem tibi venturum sæcula prisca canunt.
 Sit reus, inuidiæ moriens sit victima vestræ,
 Ille reus, iudex vester & orbis erit.
 Nate Deo, tibi nos, tibi quem debemus honorem
 Soluimus, & solium volumus ante tuum.
 Quamuis in mediâ pallens iam morte teneris,
 Quamuis nil, pendens in cruce, regis habes:
 Maiestas non tota latet. Quod terra, quod æther,
 Quod mare dent luctus tristia signa sui:

Quod

Quod procul aduerso cali festinet ab orbe,
 Et retrò celeres Luna reflectat equos,
 Quod Solis vultus, quod se, cælumque, diemque
 Occulat, imperij vis manifesta tui est.
 Tu modò pallentes reuocas ad corpora mines,
 E tumulitque cies ossa sepulta suis.
 Tu modò perpetuis frenas Plutona catenis,
 Et Mortem moriens sub tua iura trahis.
 Insulcet Solyme: plus te nos esse fitemur,
 Quàm titulus scriptis praeferat ille notis.
 Nunc quoque te, cùm summa trahens suspiria
 sensim

Deficis, aeternum credimus esse Deum.
 Nunc quoque, cùm penes sine sensu & sanguine
 corpus,

Nos mœsti lacrymas, nos tibi vota damus,
 Tempus erit, tibi cùm ponent insignia reges,
 Et figent aris munera digna tuis:
 Et crucis ad truncum curuato poplite fusi
 Submittent pedibus sceptraque, seque tuis.
 Templa tibi surgent Pariis innixa columnis:
 Fumabunt sacris dona Sabæa focis.
 In templis tua cùm titulo ponetur imago,
 Qualem nunc pendens in cruce nudus habes.
 Ad latus hinc stabit lacrymans & pallida Mater;
 Hinc comes, eximium quem tibi fecit amor.
 Illa potens rerum, cuius victicibus arinis
 Nilus, & Euphrates, totaque cessit humus:
 Illa suos fasces, animosque, orbemque subactum
 Imperiis subdet maxima Roma tuis.
 Expelli lustrata Iouem Capitolia cernent,
 Et tibi, cui soli debita, thura ferent.

At

28 SIDRONII HOSSCHII

At populo tua crux, lacerumque in imagine corpus,
 Quodque alto pectus vulnere rupit Amor,
 Et rigidi sentes, & sparsi sanguine vultus,
 Sæpè tibi grati causa doloris erunt.
 Quanta dabunt vilis & quot suspiria clavis!
 Hi quoque non paucis vulnera sæpè dabunt.
 Hoc ipsum in summo quod pendet stipite nomen
 Iam cælum supplex, tunc quoque terra colet.
 Hoc metuet, frustra que fremens horrescet Auemus,
 Totaque Styx imis exululata vadis.
 Quantum, & quale decus tibi tunc infamia præsens,
 Quantum, quæ modò fers, probra triumphus erunt!

ELEGIA XI.

Ad Virginem matrem stantem sub cruce.

Quid genitrix nato geminas sine fine dolores?
 Crux in supplicium non erat vna satis?
 Altera crux nato est matrem spectare dolentem:
 Nec minus hæc pœnæ; plus quoque forsan habet.
 Ipsa vides lacerâ guttas è fronte cruentâ
 Perque oculos illi currere, perque genas.
 Ipsa vides manibus, pedibusque erumpere riuos
 Sanguinis: & nervis ossa soluta suis.
 Sic natum spectare vocas solatia mater?
 Hoc iuvat? hæc luctum scena leuare potest?
 Non potes, vt cupias, solantia dicere verba:
 Verba locuturæ frangit in ore dolor.
 Non strophio siccare sacros, non veste cruores:
 Crux illum manibus submouet alta tuis.
 Non, vbi finierit mors illi sæua labores,
 Lumina maternâ condere fracta manu.

Parce,

Parce, precor, saltem nato, si parcere nescis
 Ipsa tibi: lacrymis uritur ille tuus.
 Nec tibi solamen præsens potes esse, nec illi:
 Illius luctu læderis, ille tuo.
 Nate Deo, qui fers, quæ te nisi ferre videret,
 Barbaries ferri posse vel ipsa neget:
 Te restor, sensumque tuum: te sæuius vrunt,
 Quàm tua, quæ de te vulnera mater habet.
 Hoc quoque non nescis mater: scis quodlibet illi
 Supplicium luctu lenius esse tuo.
 Discedet tecum, si tu discedere possis,
 Illius ex aliquâ parte, tuusque dolor.
 Narrabunt alij quæ verba nouissima: quales,
 Pro quibus arenti fuderit ore preces:
 Quid biberit sitiens: quid deficiente rogarit
 Voce Patrem: quàm non immemor ille tui:
 Vt fractis oculis, in duro stipite, vitam
 Clauserit: vt fixum ruperit hasta latus.
 Hæc alij referent: at tu pallebis, & ipsa
 Pectore materno, quæ tulit ille, feres.
 Quid facies præsens, si, quæ perceperis absens,
 Singula sunt animo plaga futura tuo?
 Me miserum! stat fixa loco, truncumque madentem
 Sanguine perfundit fletibus vsque suis.
 Nunc lacrymis madidos conuerit ad æthera vultus,
 Nunc tenet in nato lumina fixa suo.
 Heu quid agat? maneat? prohibet dolor. inde rece-
 dat?
 Fortior immotam sub cruce sistit amor.
 Dure Amor! has seruas leges? sic iungis amantes?
 Quàm non sunt regni mollia iura tui!

ELEGIA XII.

De Christi morientis siti, & derelictione.

OMnia nunc illi, qui possidet omnia, defunt.
 Poscentem gelidæ deficit haustus aquæ.
 Exhaustere labor vires, sudorque, cruorque
 Fusus, & in tantis nox vigilata malis,
 Et via per præceps, humerisque iniecta cruentis
 Illa trabis moles, sæuitiesque necis.
 Ferte citi lymphas: lymphæ solabitur haustus,
 Arenti quam vix indicat ore, sitim:
 Heu fera barbaries! morienti lympa negatur:
 Pocula, quæ spumant felle, bibenda ferunt.
 Et tamen hæc libat: fauces simul vrit & ora
 Peius, amarities, quam sitis ipsa, malum.
 O iterùm duris erumpite rupibus vndæ!
 Saxa dabunt vobis rupta dolore viam:
 Qui rore, & pluuiis sitientes irrigat herbas,
 Arida qui vernis imbribus ania iuuat,
 Qui scatebris fontes, qui fontibus euocat amnes,
 Vestra deficiens nunc eget auctor ope.
 Esse quid hoc dicam? de clauis nulla, nec vlla
 De cruce; de sæuâ sola querela siti est.
 Cetera, tamque diu tacitè tormenta ferenti,
 Crede mihi, solæ non sitiuntur aquæ.
 Quæ petit in tantis sitiens solaria pœnis,
 A nobis, non à fontibus illa petit.
 Hei mihi! supremæ neque nos mouere querelæ:
 Nos quoque cum inulto pocula felle damus.
 At, reor, è cælo venient solatia: cælum
 Audiet, & vanas non sinet esse preces.

Ah

CHRISTVS PATIENS. 31

Ah! tantùm tenebris se conscius occulit ather,
 Et luget dominum, non iuuat ille suum.
 Te saltem, genitor, nati suspiria tangant.
 Vltima: te poscit vox morientis opem.
 Aspicis, vt verset supremo languida motu
 Lumina? vix ceruix sustinet ægra caput.
 Et quàmuis tenues fugiant cum sanguine vires,
 Destituatque suus corpus inane vigor;
 Attolletamen exsangues ad sidera vultus,
 Vtque potest, oculis quatit, & ore patrem.
 Singultumque trahens imo de pectore: Mene
 Destituis, clamat, tu quoque care pater?
 Quæ toties mouere, nihil iam summa parentem
 Verba mouent: natum deseruisse putas.
 Magnè pater, neque tu nati misereere ferentis
 Vltima: nec pietas illa paterna subit?
 Nec te perpetuis exacta doloribus atas,
 Nec mors ipsa mouet, causaque mortis amor?
 Hoc quoque, Christe, feras opus est, tam mitis in
 omnes,
 In te sustineat durus vt esse pater.

ELEGIA XIII.

Ad B. Virginem, Filio iam in cruce mortuo.

O Cœdit: in pectus cœtulæ inflexa recumbit.
 Occidit: exanimam de cruce pendet onus.
 Quæ mens, quis tibi nunc, mater mœstissima, sensus?
 Mors pariter vitam non rapit ista tuam?
 Ah! plus quàm vitam rapuit, cum sustulit illum,
 Qui tibi spes omnis, vitaque solus erat.

Ferrens

32 SIDRONII HOSSCHII

Ferreus ah! nimiumque tibi crudeliter hostis,
 Luctibus his causam qui tibi cumque dedit.
 Quid loquor? ille ego sum, sensi: nil quaerimus ultra:
 Me peragis vultu, Diua, silente reum.
 Nil opus est verbis: oculi lacrymaeque loquuntur:
 His lacrymis vocem sensimus esse suam.
 Ah fateor, tuus ille meum, mœstissima, crimen
 Est dolor, hæc operis sunt monumenta mei.
 Nostra nocens anima est: quæ fles, ego vulnera feci:
 Hac quoq; nostra manus sanguinolenta nece est.
 His meate namque malis dementia meruit.
 Mens fugit admissi plena pudore sui.
 Hic lacrymas fudisse parum est. Non, omnis apertis
 Exhaustus venis si mihi sanguis eat;
 Non, si me Scythicae scindant in frusta secures,
 Membraque diversis diripiantur equis;
 Non, si Trinacrij damnatus voce tyranni
 Torreat in tauro, sæue Perille, tuos;
 In caput hoc non sit torus, deficiat æther,
 Æqualis merito pœna sit vlla meo.
 Quid faciam infelix? quod spes, quod carbasa vertam?
 Quod mihi perfugium, quis mihi portus erit?
 Ad tua, nate Deo, supplex me vulnera verto.
 Sola meum possunt illa piare nefas.
 Illa, precor, venia mihi spes, & gratia fiant:
 Aut hac, aut nullâ parte iuandus ero.
 Sævitiæ monumenta meæ mihi gratia fiant?
 Et p̄fociat manibus vulnera facta meis?
 Sic est. cuius ego sum funestissimus auctor,
 Hæc mors placandi spes mihi sola tui est.
 Dicam equidẽ, quamvis res dictu est horrida, dicam:
 Impietas nobis utilis ipsa fuit.

Pznt

Pænè fide maius: prodest sua culpa nocenti.

Est nostri fructus criminis ipsa salus.

Quas merui, Deus ipse suo dat sanguine pœnas:

Quem læsi, pro me sustinet esse reus.

Quàm plectar meritò, flammisq; perennibus yrar,

Si mea non tangat pectora tantus amor!

ELEGIA XIV.

*Ad Dei matrem, exanime filij corpus gremio
sustinentem.*

Tene ego (nec mouear?) videam, mœstissima
matrum,

Complexam nati membra cruenta tui?

Deque tuis oculis illius in ora cadentes

Aspiciam lacrymas, contineamque meas?

Ecce tuo tecum rerum natura parenti

Ingemit, & quo tu, funere læsa dolet.

Sol, tam funestæ ne spectet crimina cœdis,

Auertit vultus, oraquæ mœsta regit.

Sub pedibus mugit tellus: conuulsa dehiscunt

Marmora: lugubris fertur ad astra fragor.

Lugentes errant manes: tumultisque sub ipsis

Et gelidos cineres tangit, & ossa dolor.

Non hoc spectator ponit de funere quisquam

Lumina, non lictor sicca referre domum.

Quâ scûcas strinxit, quâ vim, quâ vulnera feruus

Intulit, hæc tundit pectora nuda manu.

Pars etiam turba, quo tot conuiugia fecit,

Hoc gemit, hoc rabiem deuouet ore suam.

Omnia cum doleant, vni mihi pectora consistent

Rupibus, & scissis asperiora iugis?

C

Vnus

34 SIDRONII HOSSCHII

Vnus ego immotus finus tam flebile possim,
 Et tua non madidis ora videre genis?
 Non rigor hic meus est. tua me, tua stentis imago
 Sauciat: utque facit, sauciet usque precor.
 Vulnera seu spectas, totidemque in pectore sentis;
 Effice sint animo tot quoque fixa meo.
 Oscula iungenti seu frontem spina cruciat;
 Me tuus hic vrar, conficiatque dolor.
 Seu tibi, quæ nato, fixit præcordia cuspis;
 Per medium nobis hæc quoque pectus eat.
 Carnificum seu terret adhuc te vultus; in illis
 Horrescæ facinus, deuoueamque meum.
 Seu quocumque alio veniunt è fonte dolores;
 Et meus erumpat procinus inde dolor.
 Qui sum causa tui, sim pars quoque, Diua, doloris,
 Et minuam luctus hac ego parte tuos.
 Me meminisse decet, cum sub cruce pallida stares,
 Quæ fuerint nati verba suprema tui.
 Ille mihi moriens: Seruâ communis amorem
 Matris, ait; tibi iam, quæ mihi, mater erit.
 Hinc creuit, crescatque precor, qui tempore ab illo
 Me tenet, & totum se tibi debet amor.
 Omnia, quæ pateris, mihi sint communia tecum:
 Ni fuerint, nati nomen inane gero.
 Quid? me non lædant, quæ lædunt vulnera matrem?
 Hoc quoque barbaries oderit ipsa nefas.
 Nec satis est, si nostra tuis suspiria iungam:
 Te, mea, te cupiam, vita, dolente mori.
 O illo mihi contingat tabescere luctu!
 Felix, si lethi causa sit ista mei.

ELEGIA XV.

Memoriam vulnerum Christi retinendam.

SI quis es, in tristi qui fixus imagine spectas,
 Quæ tulerit pro te vulnera, quorūque Deus;
 In lacero numquam tot vulnera corpore cernes,
 Quot tulit. ars numerum pingere nulla potest.
 At sunt, quæ rapiant animos, penitusque morentur
 Lumina, quæque suo sunt speciosa loco.
 Aspice, quā lato patefactum pectus hiatu,
 Quantaque sint manuum vulnera, quanta pedum.
 Illa cicatricem non sunt ductura: patebunt,
 Donec, qui moriens illa recepit, erit.
 Illa sui retinet victor monumenta triumphi,
 Et libertatis dulcia signa tuæ.
 Non hæc tam clavi, nec acuto lancea ferro,
 Nec populi fecit, carnificumque furor;
 Quam, qui causa fuit tantorum prima dolorum,
 Totque Deum plagas ferre coegit, amor.
 Redde vicem meritis. Quæris, quo muliere possis?
 Aut quid, qui gratum te cupit esse, velit?
 Non petit, ut clavis scindi plantasque manusque,
 Tempora nec spinis ut patiare fodi:
 Non, ut flagra tuos lacerent immaniter artus,
 Perque tuum stridens transeat hasta latus:
 Plagarum tantum te vult meminisse suarum.
 Quis minor est autem, quā meminisse, labor?
 Hoc sanis est illi, si tu, quæ vulnera pro te
 Saucius ille tulit corpore, mente geras.

34 SIDRONII HOSSCHII

Vnus ego immotus finus tam flebile possim,
 Et tua non madidis ora videre genis?
 Non rigor hic meus est. tua me, tua stentis imago
 Sauciat: utque facit, sauciet usque precor.
 Vulnere seu spectas, totidemque in pectore sentis;
 Effice sint animo tot quoque fixa meo.
 Oscula iungenti seu frontem spina cruentat;
 Me tuus hic vrat, conficiatque dolor.
 Seu tibi, quæ nato, fixit præcordia cuspis;
 Per medium nobis hæc quoque pectus eat.
 Carnificum seu terret adhuc te vultus; in illis
 Horrescam facinus, deuoueamque meum.
 Seu quocumque alio veniunt è fonte dolores;
 Et meus erumpat protinus inde dolor.
 Qui sum causa tui, sim pars quoque, Diua, doloris,
 Et minuam luctus hac ego parte tuos.
 Me meminisse decet, cum sub cruce pallida stares,
 Quæ fuerint nati verba suprema tui.
 Ille mihi moriens: Seruam communis amorem
 Matris, ait; tibi iam, quæ mihi, mater erit.
 Hinc creuit, crescatque precor, qui tempore ab illo
 Me tenet, & totum se tibi debet amor.
 Omnia, quæ pateris, mihi sint communia tecum:
 Ni fuerint, nati nomen inane gero.
 Quid? me non lædant, quæ lædunt vulnera matrem?
 Hoc quoque barbaries oderit ipsa nefas.
 Nec satis est, si nostra tuis suspiria iungam:
 Te, mea, te cupiam, vita, dolente mori.
 O illo mihi contingat tabescere luctu!
 Felix, si lethi causa sit ista mei.

ELE-

ELEGIA XV.

Memoriam vulnerum Christi retinendam.

SI quis es, in tristi qui fixus imagine spectas,
 Quæ tulerit pro te vulnera, quotque Deus;
 In lacerò numquam tot vulnera corpore cernes,
 Quot tulit. ars numerum pingere nulla potest.
 At sunt, quæ rapiant animos, penitusque morentur
 Lumina, quæque suo sunt speciosa loco.
 Aspice, quàm lato patefactum pectus hiat,
 Quantaque sint manuum vulnera, quanta pedum.
 Illa cicatricem non sunt ductura: parebunt,
 Donec, qui moriens illa recepit, erit.
 Illa sui retinet victor monumenta triumphi,
 Et libertatis dulcia signa tuæ.
 Non hæc tam clavi, nec acuto lancea ferro,
 Nec populi fecit, carnificumque furor;
 Quàm, qui causa fuit tantorum prima dolorum,
 Totque Deum plagas ferre cœgit, amæ.
 Redde vicem meritis. Quæris, quo mulcere possis?
 Aut quid, qui gratum te cupit esse, velit?
 Non petit, ut clavis scindi plantasque manusque,
 Tempora nec spinis ut patiare fodi:
 Non, ut flagra tuos lacerent immaniter artus,
 Perque tuum stridens transeat hasta latus:
 Plagarum tantum te vult meminisse suarum.
 Quis minor est autem, quàm meminisse, labor?
 Hoc satis est illi, si tu, quæ vulnera pro te
 Saucius ille tulit corpore, mente geras.

ELEGIA XVI.

Etiā nos Christi doloribus causam dedisse

E St mihi sanguineæ crucis, & pendentis in illa
 Nummis artificis picta tabella manu.
 Hæc mihi sæpè animi sopitos suscitāt ignes :
 Nonnumquam lacrymas prouocat illa mæas.
 Nuper in hac oculis, & toto pectore fixus
 Spectabam populi triste furentis opus.
 Spectabam laceros clauis immanibus artus,
 Quodque vnum in toto corpore vulnus erat.
 Heu dirum facinus ! dixi : Tene, optime rerum,
 Perdere cognatæ sic potuere manus ?
 At tibi pro scelere hoc, gens impia, quale mereris
 Exitium iusti vindicis ira ferat.
 Dira fames dentes in mutua corpora veritat,
 Quæque ex se genuit viscera, mater edat.
 Ferro excisa cadas : vident tua sanguine templa :
 Det cladi lacrymas hostis & ipse tuæ.
 Inque tuas pergat victor sæuire ruinas,
 Donec, quæ laxis saxa reuellat, erunt.
 Longa mora est : iam nunc tellus, precor, ima de-
 hisce :
 Non satis ad tantum est intremuisse nefas.
 Hæc ego cum gemitu indignans ; & plura parabam,
 Iustaque, dicebam, quò vocat ira, sequar.
 Cum subito, qualem volucres, dum nubila findunt,
 Visa fuit nobis aura dedisse sonum.
 Stabat Amor ; sed non solitis circumdatus armis,
 Nec pueri cultus, qui solet esse, fuit.

Non

Non humeris pendent pharetra, non aureus arcus,
 Non manus instructas ventilat igne facès.
 Altera tela hastam, duros tela altera clauos,
 Hamatosque vepres, flagraque saeva tenet.
 Nec rigidi funes, nec crux, nec aenea desunt
 Vincula: purpureus tinxerat illa cruor.
 Vt vidi, vt stupui! vultusque, oculosque minaces,
 Armaque miratus, talia verba dedi:
 Quid tibi, blande puer, cum tam crudelibus armis?
 Quid tenerâ tractas non tua tela manu?
 Non tua, quæ spargis, quamuis immitibus vrunt
 Ignibus, inuidiam spicula cædis habent.
 Ista Scythas, Bellosque truces, saeuosque Gelonos,
 Barbariemque auidam sanguinis arma decet.
 Questus eram; vultu cum protinus ille seuero,
 Quos tua, quos, inquit, deuouet ira reos?
 Quid Solymam acculis, dictisque incestis amaris,
 Non prius auditum quæ fuit ausa nefas?
 Funeris illius, quod Sol, quod terra, quod æther
 Horrui, auctor ego, primaque causa fui.
 Nec piget esse reum: facto quoque gloriôr illo:
 Hinc decus, hinc rebus gloria summa meis.
 Me sine quid poterant odium, rabiesque nocentum?
 Me sine quæ poterant ledere tela Deum?
 Illi ego mortales artus, pœnaque capaces,
 Membraque, quæ possent verbera ferre, dedi.
 Illi ego fluxuro repleui sanguine venas:
 A me, quo culpam diluat orbis, habet.
 Ex illo mihi crux, clauisque, vepresque cruenti,
 Saevaque pro telis hasta fuere meis.
 At tibi mens illis non est superabilis armis:
 Tu, quod Amor nescit vincere, pectus habes.

38 SIDRONII HOSSCHII

Et rupi tumulos, & manes flere coëgi,
 Saxaque sunt flammis mollia facta meis.
 In te deficiunt vires: & cauib; ipsis,
 Et cineri maior, quàm tibi, sensus inest.
 Hæret, & in medio sistit victoria cursu,
 Te mihi difficiles iniiciēte moras.
 Quid modò damnabas populum? tu durior illo,
 Non benè peccantes arguit ipse nocens.
 Tu quoque, tu tanti pars es non parua furoris:
 Tam flenda titulum tu quoque mortis habes.
 Membra cruentabant illi: sed amantis in imum,
 Quæ tu cumque facis vulnera, pectus eunt.
 Illorum sceleri multum quoque detrahit error:
 Militibus notum non ita Numen erat.
 Tu nil, dum peccas, potes ignorare, nec villo
 Nomine scuitiam dissimulare tuam.
 Plus tua culpa meis, si nescis, scuit armis;
 Quodque ita scuitint, hæc quoque culpa tua est.
 I nunc, carnifices diris incesse querelis,
 Immemor ipse tuâ de feritate queri.
 Dixit, & irato similis discessit in auras:
 At mihi cum lacrymis venit in ora rubor.

ELEGIA XVII.

Christum à peccantibus iterum cruci figi.

Hoc verum est, renouare tuos commissa do-
 lores
 Crimina? nec satis est illa luisse semel?
 Mille lacer plagis, nudusque, & fixus in alto
 Stipite commoto visus es orbe mori:

Et

Et tamen est aliquis tam durus & asper, vt an sit
 Vulnera peccatis tot renouare suis?
 Nos quoque, nate Deo, numero censetur in illo?
 Hei mihi, censetur: culpa fatenda mea est.
 Nam quid dissimulem? nil sum nisi crimen & horror,
 Ipsaque quod tellus ferre grauatur onus.
 Peccarunt oculi, peccarunt ora manusque,
 Peccarunt celes in mea damna pedes.
 Nec mihi mens insons; sceleraior omnibus illa est:
 Hinc venit culpis maxima causa meis.
 Quos benè debuerat dominæ compescere more,
 Turpiter est motus illa secuta suos.
 Sum reus: hæc breuis est actorum summa meorum.
 Sum reus: est crimen crux tua morsque meum.
 Ergò ego sustinui tua scindere membra flagellis,
 Teque cruentantùm pars ego magna fui?
 Tene ego percussi, rapuique à vertice crines,
 Et sputis facies est tua sparsa meis?
 Tene ego calcanti trunci sub mole iacentem,
 Tamquam oneri truncus non satis ipse foret?
 Hæc crux, hi vepres, hi sunt mea crimina clauis?
 Hæc sunt flagitiis vulnera facta meis?
 Quò non humanæ rapitur vecordia mentis!
 Quod superest, quò se porrigat illa, nefas?
 Tullia, dum vehitur, patrium violasse cadauer
 Dicitur impulsis ipsa per ora rotis.
 Terruit aurigam facinus data fræna prementem:
 Ipsa, quod aurigam terruit, ausa fuit.
 Sæuior hac ego sum: stimulis furiaribus acta
 Protruiuit patrem filia; Numen ego.
 Illa suos patrio cùm sparsit sanguine currus,
 Sensus in extincto corpore nullus erat.

40 SIDRONII HOSSCHII

Sentibus, & scuticis; clauisque armata cruentis
 Sæuit in viuo corpore nostra manus.
 Sæpius ipse Deum læsi, semel illa parentem:
 Magna patri pietas debita; summa Deo.
 Feceras audacem partum iam crimine regnum:
 Nil, quod sublato patre timeret, erat.
 Iusta ego debuëram terreri Numinis ira:
 Omne trahit secum Numinis ira malum.
 Quid dederat natæ genitor, nisi nominis umbram,
 Spemque caducarum, quas malè cepit, opum?
 Cum mihi, quem toties læsi, donauerit ultro
 Maxima, maiorum pignora mille dedit.
 Illius est igitur minor hoc iniuria nostrâ,
 Quo minus est, quàm qui condidit auctor, opus.
 Hei mihi, cur vixi? cur me genuere parentes?
 Cur dedit afflatus ventus & aura suos?
 O vtinam primis periissèm mensibus infans!
 Aut mihi rapta foret, quo data vita die!
 Senior ô vtinam nostrâ lux morte fuisset,
 Quæ prima est culpæ conscia facta mea!
 Aut potius, quæ me peperit sine prole fuisset,
 Deque meis natus nemo fuisset auis.
 Non ego carnificum pars dicerer esse tuorum,
 Nec titulum arguerer mortis habere tuæ.
 O ego, ne possim tantos renouare dolores,
 Quàm malim aliibus præda ferisque dari:
 Aut in Caucasæ partem durefcere ripis,
 Quam Notus, & gelidis verberet imber aquis!
 Tène ego, te vèpribus rursùm, laceremque flagellis?
 Sinque iterùm cordis causâque parque tuæ?
 Antè precor terræ scelus auersantis hiatu
 Deuorer, aut vultus obruat vnda meos.

Amè

Antè cinis fiam, flammisq; vlticibus vrar,
 Fulmine delictum præueniente meum.
 Mens fugit admoniti, quoties peccasse recordor :
 Inque meos atus horror & ossa venit.
 Ipse odio mihi sum, meque & mea crimina damno;
 Nec satis irasci me mihi posse queror.
 Vertite carnifices in me furiasque manusque:
 Est crimen, quidquid sustinet ille, in eum.
 Ipse necem merui: ligno nil tale merentem
 Demite: cur factò plectitur ille meo?
 Si cui tollenda est, tollenda est vita nocenti:
 Nos cruce quod dignum est fecimus; ille nihil;
 Figite me clavis, hoc me suspendite trunco:
 Non ego me pœnis supplicisq; nego,
 Plus ego commerui, quam vos inferre potestis:
 Sum meriti iudex optimus ipse mei.
 Quæ precor ah fiant, nec quisquam verba, doloris
 Signa mei, tantum verba fuisse putet.
 Nulla mora est in me: nostri stat funeris ara:
 Expectat vestras hostia dira manus.
 Omnibus in pœnas, si quando, incumbite reus:
 Materies vestro digna furore sumus.
 Non mihi stet paruo feritas mea: plectite fontem:
 Cædes conuicti morte pianda rei est.
 Tu tamen hoc non vis: satis est, te iudice, pœnæ,
 Si me peccati pœnituisse vides.
 Pœniter auctorum, nec possum dicere quantum;
 Nec quantum, vt coner, dicere posse velim.
 Hic quicumque potest verbis æquare dolorem,
 Pro causâ leuiter, materiâque dolet.
 Quid verbis opus est? oculis, quibus omnia spectas,
 Pectora nostra patent inspicenda tuis.

42 SIDRONII HOSSCHII

*I*pse vides mihi quis stimulet præcordia sensus:
 Causa necis sensus sit, precor, ille meæ.
*Q*uod doleam, prosit, Peccaui: parce parenti:
 Causa tuæ mortis parcere velle fuit,
*C*æde tuâ sparsa est, fateor, guttisque cruentis
 Stillat adhuc supplex, quam tibi tendo, manus.
*E*t tamen hanc tendo, & securus tendo repulsa:
 Exorat veniam, quo madet illa, cruor.

CAPITA
 IN CHRISTI
 DOLORIBVS
 EXPENDENDA.

*Q*uævis patitur? Rerum Dominus, de Numine
 Numen.

*Q*uid patitur? Lacero corpore mille neces.
*P*ro quibus? Ingratâ pro turbâ, & gente rebell.

*C*ur? Nos carnifices seruet vt ipse suos.

*Q*uis locus? Infamis pœnis, & morte nocentium.

*Q*uando? Cùm poterant facta probare Deum.

A quibus? A notis, & auito sanguine iunctis.

*Q*uomodo? Non seruans vllum in amore modum.

PII ERGA CHRISTVM
PATIENTEM AFFECTVS.

I. ADMIRATIONIS.

Q Vis satis hoc capiat? pro me, per vulnera mille,
Et potuisse Deum, nec dubitasse mori !

II. COMMISERATIONIS.

Si specto siccis oculis tua vulnera, Christe,
Sum cruce, sum clavis durior ipse tuis.

III. DOLORIS.

Pœnitet ! & meritò. Lacrymis non illa pictur,
Quæ tibi, magne Deus, sanguine culpa stetit ?

IV. GRATI ANIMI.

Vt fuso tibi, Christe, feram pro sanguine grates,
Nulla satis longum sæcula tempus erunt.

V. SPEI.

Spes fugit, ante oculos mea dum mihi crimina pono:
Cum tua respicio vulnera, Christe, redit.

VI. AMORIS.

Me pete, Amor, telis in Christi sanguine tinctis :
Quem læsi toties, sic ego læsus amem.

VII. IMITATIONIS.

Christe, mihi Dux es. Quæ belli præmia spectem,
Si quæ Dux ieris, non ego miles eam ?

Ad maiorem Dei crucis fixi gloriam.

[Faint, illegible text, likely bleed-through from the reverse side of the page]

SIDRONII
HOSSCHII

E SOCIETATE IESV
ELEGIARVM
LIBER SECVNDVS.
LACRYMÆ
S. PETRI.

THE
AMERICAN
SOCIETY
OF
MUSICIANS
AND
COMPOSERS
OF
THE
UNITED
STATES
OF
AMERICA

SERENISSIMO PRINCIPI
 LEOPOLDO
 GVILIELMO,
 ARCHIDVCI AVSTRIÆ;
 BELGII
 PRO REGE CATHOLICO
 GVBERNATORI, &c.

POST Christum Patientem,
 exhibeo tibi Lacrymantem
 Petrum, PRINCEPS SE-
 RENISSIME; siue quòd
 posterius argumentum prio-
 ris pars sit; siue quòd proposita Dei ho-
 minis mors lacrymas exigat. Petrum
 fleuisse lego; quid flens dixerit, non in-
 uenio: sed dubitari non potest, quin co-
 gitaciones illæ, quæ tam amaras & per-
 cennes lacrymas illi mouerunt, doloris
 amorisque plenissimæ fuerint. Quasi
 commentando assequi potuissem, hæ
 chartæ

chartæ procul dubio legentium lacry-
mis spargerentur , & lituris non inde-
coris notatæ sese magis commendarent.
Quàm malle[m] paginas, vt perennarent,
lacrymis potius , quàm cedro notari !
Lituræ ab his factæ libellum multò ve-
nustiorẽ redderent , quàm aut tituli
minio exarati, aut frontes pumice expo-
litæ, aut rubentes purpurâ umbilici, aut
alia quæcumque feliciũ libellorum or-
namenta. Nunc tantum absum à luctu
pœnitentis exprimendo , quantum ab
amore lacrymantis . Facundum suus
quemque sensus facit : nec affectus simi-
lis, aut idem impetus à rebus propriis ,
& alienis venit. quamquam ob Deum
offensum lugere , nemo alienum rectè
dixerit. Communis hæc omnium est
causa : omnes deliquimus ; diuersis telis,
non diuerso vulnere & Deum , & nos
læsimus. In peccante Petro se quisque
potest agnoscere. Felices, qui perenni-
bus, vt ille , lacrymis , quod semel adinise-
runt, expiare non cessant. In illos pro-
fectò

fectò rectiùs ; quàm in quemvis alium
tamen si laudatissimæ indolis istud con-
uenit :

— ἀγαθὸν δ' ἀπὸ ἀνθρώπου ἀνδρὸς περ.

*Fieri boni
faciles.*

Eiusmodi lacrymæ , amaræ radicis dul-
cissimi fructus , mœrorem in gaudium
vertunt ; accusantis conscientiae clamo-
ribus silentium imponunt ; tribunal æ-
terni iudicis non reformidant ; nec ve-
niam postulant, sed obtinent. O si scin-
tilla ab inextincto illo amantis incen-
dio in hunc animum fuisset illapsa, nu-
tritrus ab illâ scribentis ardor digniores
Petro lacrymas effudisset. Quidquid hîc
legitur, pars quota est eorum, quæ pectus
illud amore & dolore exæstuans sensit ?
Crediderim Petrum ipsum , si posteri-
tati ad exemplum intimos animi sui sen-
sus testari voluisset , eos verbis æquatu-
rum non fuisse. Habent enim hoc sum-
mi affectus , vt sentiri magis possint,
quàm exprimi. Quare etsi agnoscam
maius viribus meis onus à me esse susce-
ptum ; tamen non diffido fore , vt quod

D

in

in hoc argumento tentavi, dum curæ
permittent, cum affectu legas. Aiunt
historiæ, regem Pheræorum, cū lu-
gubrem tragœdiam spectaret, è theatro
subitò se proripuisse, quòd se ad lacry-
mas commoueri sentiret. Te verò si hæc
legentem affecerint, quod ferocem &
inimicem illum animum ad indigna-
tionem prouocabat, alliciet & mulcebit
tuum; libellumque adeò non abiicies,
vt etiam repetita eius lectio futura tibi
sit voluptati.



LACRY-

51

LACRYMÆ

S. PETRI.

ELEGIA I.

Peccatum suum amarè deflet.



QUA fides superest petiuro, pœ-
nitet, cheu!

Pœnitet: hæc causam vox agar
vna meam.

Cetera dicetis lacrymæ, si vocis ha-
betis

Pondera, si nullâ fallitis arte fidem:

Ite igitur, facinusque meum, culpamque piate;

Non intermissis currite semper aquis.

Vos mihi subsidium fluitis: vos pectoris huius,

Ex aliquâ saltem parte, leuatis onus.

Ite, sed absque modo: causa immoderata dolendi est.

Illâ sibi noctes vindicet, illâ dies.

Ite: nihil satis est; non si crescatis cundo,

Crescere collectis ut solet annis aquis.

Non ego mensuram vobis, non tempora pono,

Nec mea me patiitur ponere causa modum.

Non moueor damnis fortunæ crimine factis,

Nil cupere, & fluxas spernere doctus opes.

Nec ciet hos luctus aut rapti funus amici,

Aut labes famæ non abolenda meæ.

Indigna est lacrymis leuium iactura bonorum:

Vitam æquaturo digna dolore mea est.

52 SIDRONII HOSSCHII

Et quamuis lacrymis facîle est reparabilis illa,
 Nulla tamen lacrymis dignior esse potest.
 Hei mihi! periuro tones quod diximus ore,
 Mens meminisse horret, lingua referre ûmet.
 Vos igitur lacrymæ periuria dicite nostra :
 Nil dolor hic linguæ voce querentis eget.
 Vos eritis, dum clausa mihi pudor ora tenebit,
 Peccati testes, & medicina mei.
 Heu lacrymæ viles, nostris neque luctibus aptæ !
 Currere sanguinæ debueratis aquæ:
 Qualibus hac ipsâ perfusus nocte madebar,
 Cui tanti luctus pars ego magna fui.
 Mens abit, & morior, quoties lacrymantis imago,
 Orantisque Patrem forma modusque subit.
 Affixis telluri oculis, sparsisque iacebar
 Crinibus, & longas flens dabar ore preces.
 Illum ego, qui flebat, testor, collemque cruentum,
 Et, quæ seruat adhuc signa doloris, humum.
 Sanguis erant lacrymæ: stillabant sanguine vultus :
 Purpureus multo sanguine sudor erat.
 O ego quàm vellem tales quoque fundere fletus !
 Erumpe ex oculis vnda cruenta meis.
 Crimina, quæ fontes alios fecere, piari
 Conueniat lacrymis; sanguine nostra decet.
 Sanguine pro lacrymis aliena piacula fleuit :
 Vt mea deplorem, sufficietis aquæ ?
 I cruor ex oculis: poscit mea causa cruorem;
 Quamuis nec sceleri sit satis ille meo.
 Et quæ pars oculi sunt corporis? ô mihi possit
 Omnibus exundans artubus ire cruor !
 Et mihi sunt venæ, & venæ mihi sanguine turgent:
 Erumpe ex oculis vnda cruenta meis.

Quid

Quid mihi nunc prodest cum paruis humida cymbis
Retia, quid patriam deseruisse calam?

Quid, quas ipse mihi victus formidine clausi,
Cælestes aliis pandere posse fores?

Omnia perdidimus, cælumq; animamq; Deumq;:

Nullaque non sceleri debita pœna meo est.

Sed pœnam meruisse parum est : quod torquet, &
vrit,

Illius est nostro crimine læsus amor.

Offendisse illum mihi prima & maxima pœna est.

Erumpe ex oculis vnda cruenta meis.

Debueram Dominum vitæ præferre; negavi:

Morte nec in mediâ perfidus esse; fui.

O vtinam nocitura mihi pars pessima nostri

In mediis verbis lingua reuulsa foret!

Mêne negasse Deum, flexo qui poplite pronus

His pedibus latices hac quoque nocte dedit?

Qui nobis dedit ipse suum cum sanguine corpus,

Cumque daret: Memores; dixerat, este mei.

Sic memorem ille sui tanto me munere fecit?

Erumpe ex oculis vnda cruenta meis.

Sic certe Herem, si non de marmore, si non

De ferro nobis pectus, & ære fover.

Interea dum vota nihil conceditur ultra,

Ex oculis saltem currite semper aquæ:

Qualiter æternis manant è fontibus vnda,

Quæ venâ numquam deficiente fluunt.

Tempus erit, cum vos sanguis fortasse sequetur,

Si modò non fallam ritus, ut antè, fidem.

34 SIDRONII HOSSCHII
ELEGIA II.

In specu fleus se accusat.

Rypes dura, mei verissima cordis imago,
Hortida, sed lacrymis apta latebra meis:
Ad te fleus venio, lethali faucibus ictu,
Squalidus immixtis mœsta per ora comis.
Accipe me, profugumque tuo precor abde sub antro,
Et referant gemitus concaua saxa meos.
Tu mihi deserta sedes & curior aula es;
Non hic, qui tursus plurima quærat, erit.
Hic licet arcuos animi depromere sensus:
Has inter tenebras tuta querela mea est.
Hic impunè licet quis sim, qualisque fateri:
Hic mea me tuto prodere lingua potest.
Ille ego sum miles verbis animosus & audax,
Et solo fortis nomine, rebus iners.
Ille ego sum primâ quem stravit femina voce
Oblitum Domini, cum Dominoque mei:
Qui nil sum veritus, tantum ne cognitus essem,
Perfidia testem sæpè vocare Deum.
O testis, iudexque meæ certissime culpa,
Quis de me sensus sit meus, ipse vides.
Nunc ego te melius testem voco: iusta doloris
Quam tibi causa mei, tam do'or ipse patet.
Hic es, & hos gemitus, & quidquid dicimus, audis:
Has lacrymas oculis aspicias ipse tuus.
O dulces oculi, casus solatia nostri
O spes, ô cymbæ sidera certa meæ!
In tantis animi tenebris vos prima fuistis
Lux mihi: servatus vestrum ego dicar opus.

His

LACRYMÆ S. PETRI. 55

His oculis, qui me lapsum monuere, gementem
 Aspice: placandi spes venit inde tui.
 Aspice lugentis speciem, vestesque, sinusque,
 Antraque de lacrymis humida facta meis.
 Aspice lallatas uindendo pectora palmas,
 Et mceat vultus mœsta figura tuos.
 Non precor antiquo, quo non sum dignus, honori
 Reddi, nec regimen puppis habere tuæ.
 Clauum alius teneat: remis ego perfidus addar:
 Est mihi, quæ remos torqucat, apta manus.
 Non ego seruitium, quantumuis vile, recuso:
 Dummodo sim tecum, quidlibet esse feram.

ELEGIA III.

Veniam delicti petit.

Tene ego littoribus, linoque assuetus & hamis,
 Ad tua de mediis régna vocatus aquis;
 Tene ego sustinui periuris lādere verbis,
 Et Dominum toties esse negare meum?
 Hæc mea magna fides? sic vitā carior ipsā
 Tu mihi? sic nostrā mortē probatus amor?
 Tu mihi te, celumque, casæ cymbæque relicta
 Das pretium; & puduit me tamen esse tuum.
 Méne tui puduit? certè tuus esse negavi,
 Ausaque, Non noui, dicere lingua fuit.
 Certè ego iuravi de te nil scire, nec vllō
 Fœdere coniunctum te mihi, meque tibi.
 Quis tibi tunc sensus de me fuit? acrius vrens,
 Quàm quod nos dedimus, non, puto, vulnus
 habes.

D 4

Debuit

56 SIDRONII HOSSCHII

Debuit hic cumulus pœnis accedere tantis,

Vt tibi pars essem summa doloris ego?

Non tantum doluere tibi fauissima quamuis

Vulnera. quàm linguae perfida verba meae.

Qui placidis fuerat media inter verbera vultus,

Peccato cœpit tristior esse meo.

Inde tui sensus creuit sine fine doloris :

Vnde tuus creuit, crescit & inde meus.

Militiæ pars prima tuæ tuâ signa reliqui

Perfidus: hoc caelum, terraque ferre potes?

Parce Pater; neque, quod merui, me fulmine perde :

Nec mihi sub pedibus rupta dehiscat humus.

Parce precor: mea me satis, heu! periuria plectunt :

Illa tuo grauior fulmine pœna mihi est.

Viribus vt totis in me tua detonet ira ,

Mens tibi supplicium perfida maius erit.

Quod redimi saltem flammâ si vindice posset,

Quàm cuperem flammâ vindice posse mori !

Hei mihi, cur volui me fortior esse videri?

Hei mihi, cur vniquàm lingua locuta mea est ?

Cùm mihi calcatum vestigia terre per æquor

Possè datum est, tutam cur dedit vnda viam ?

Cur me pressa tulit? cur me , quod cœpit eunti

Cedere, non totis obruit æquor aquis ?

Quantum perfidiæ mecum periisset in illo !

Quanta sub his mecum culpa sepulta foret !

Securo nunc vestra gradu me terga prementem

In quantos luctus sustinistis aquæ !

Nunc ego naufragium passus sum tristius illo ,

Quo mare diductis me tumulasset aquis.

Parce Pater: mediis iactor dum naufragus vndis ,

Si me non recipis, quis mihi portus erit?

Quæ

Quæ mihi sola super, tabulam ne subtrahæ nanti,
 Nec durâ gemitus aure repelle meos.
 Semper habent aditus ad te suspiria molles:
 Ad te, ne pereant, qui periere, vocas.
 Quodque iuuat, cum sis hominum iudexque paterq;
 Præcipuè titulum nominis huius amas.
 Iudicis officium est punire; ignoscere patris:
 Sis mihi, quod maius omnibus esse, pater.
 Hoc eris: hoc potius celebrari nomine gaudes:
 Naturæ pietas conuenit illa uix.
 Noui ego te, quamuis toties te nosse negaui:
 Es pius, & placido respicis ore reos.
 Tardus es ad pœnas, &, quæ non mittere malles,
 Inuitâ mittis fulmina rara manu.
 Læsus eras, memini: Iusto pete fulmine fontes,
 Diximus: offensa est fulmine digna tuos.
 Parce, dicebas: quid sit, nescidis, amare.
 Non est ingenij spiritus ille mei.
 Profuit hoc illis; prosit mihi: testis amoris,
 Exemplumque tuæ firmi pietatis ego sum.
 Illa mihi pieras miseris solantis inhaeret;
 Quos labor, aut animi triste grauaræt onus.
 Ad mea, dicebas, celeres præcepta venite:
 Quisquis eris, nostrâ lætus abibis ope.
 Hac ego spe fretus venio. Mihi crimina pondus
 Sunt mea: mens isto victa labore gemit.
 En venio: tu, quo premimur, solare laborem:
 Mole quod immensâ me grauat, aufer onus.
 Ah quid agam, tuâ cum supplex ante ora iacebo?
 An potero linguâ pauca tremante loqui?
 Hæcine, quæ toties te lingua est ausa negare,
 Perfidia, poterit dicere, parce mea?

§8 SIDRONII HOSSCHII

Vt puto, non poterit: verba imperfecta relinquet,
 Et rumpet medios victa pudore sonos.
 Sed licet hæc taceat, gemitus lacrymæque loquentur:
 Hæc quoque si desint, ingemuisse sat est.
 Tu gemitum, meditata magis quam verba requiris:
 Hic index animi certior esse solet.
 Vt flectat vincatque tuam, quam deprecor, iram,
 Facundia mutus plus valet arte dolor.
 Sic venio supplex, quamvis peccasse dolentem
 Me meus hæc intra detinet antra timor;
 O pater, hoc tantum, veniam concede dolenti,
 Et lacrymas nostro mitis in ore vide,
 Per, qui te genuit, verissima cuius imago es,
 Et qui te voluit, quod sumus, esse, Patrem,
 Qui, nos ut serues; vitam te perdere iussit,
 Qui vult nos pretium sanguinis esse tui:
 Perque tuum, quo vile genus dignaris, amorem,
 Quæte, quod modo fers, ferre coëgit onus:
 Per quos iam pateris, per quos patiære dolores,
 Dum peragis nostræ grande salutis opus.
 Sic testata tuum celebret clementia nomen,
 Araque sit miseris semper aperta reis:
 Sic, quod scire dedit genitor mihi, Vesper & Ortus
 Te genus esse Dei credat, & esse Deum:
 Exemplo sic quisque meo speretque, sciatque
 Littora naufragio tuta patere suo:
 Sic parere tuis assuescat legibus orbis,
 Et pretium mortis non sit inane tuæ,

ELE-

ELEGIA IV.

Nimiam sui fiduciam arguit.

Quid miser hæc lacrymis & questu saxa fatigas?
Tam grauitè læso Numine flere parum est.

Non bene corrigitur solis ignavia votis:

Magnanimus votis quilibet esse potest.

Si benè pœnituit, factis testare dolorem:

Læsa semel factis est reparanda fides.

Et plàsquam lacrymis. commissum dilue crimen.

I, repete intrepido tecta relicta pede.

Hic flendi locus est: hìc te peccasse fatere:

Nec premar ignauus libera verba timor.

Hic te periurum, mentitumque omnia dicas:

Hic flens da fidei pignora certa tuæ.

Illum ego, dic, noui, toties quem nosse negaui,

Pro quo non metuam, uiuat ut ipse, mori.

Illum ego, dic, vidi subito compescere ventos:

Illum ego turbato pōnere iura mari.

Cūm voluit, vacuis panes creuere canistris:

Cūm voluit, liquidæ vina fuistis aquæ.

Illius in laudes rupere silentia muti;

Æquato claudi subiliere pede.

Debit huic lucem cæcus, seu matris ab aluo,

Seu morbi vitio luminis orbus erat.

Sapè Erebi furie vocem tremuere iubentis,

Corporaque inuita deseruere fugâ.

Sapè cadaveribus conspectis: Viuite, dixit:

Nec moræ: viuiebant, qui modò funus erant.

Quòd loquor, & spiro, quòd cælum & sidera cæli

Aspicio, quòd adhuc viuimus, ille dedit.

o. r. b. d.

Talibus

60 SIDRONII HOSSCHII

Talibus atque alijs (culpæ si cura pianda
 Est tibi) perfidiæ verba refelle tuæ.
 Hoc placet, hoc fixum est: vt sunt quæcumq; fatebor;
 Vtque animi nobis, sic satis oris erit.
 Imus, & obstantes certum est pernumpere tumas.
 Si perimar, fidei mors mea pignus erit.
 Imus, & in mediâ moriemur fortiter aulâ:
 Perfidiâ miles vindicet ense meam.
 Forſan & intrepido confetra per atria gressu
 Euadam Domini cara sub ora mei.
 Hic ego perfusus lacrymis, plenusque pudoris
 Prouoluar supplex illius ante pedes.
 Hic ego delicti veniam (nisi verba dolentis
 Impediant lacrymæ) voce tremente petam.
 Aut mihi placatum felix audacia reddet:
 Aut animi saltem conscius huius erit.
 Quid loquor? incautam malè fido in gurgite puppim.
 Ad scopulos fractam sit satis esse semel.
 Hic erat, hic, memini, qui me modò perdidit ardor:
 Imperus hic idem magna loquentis erat.
 Non tamen aut nudos Romani militis enses,
 Aut populi timeo Pontificumque minas.
 Me timeo: mihi sum plus istis ipse timendus.
 Mobilitas animi iam mihi nota mei est.
 Tam multos iater, quos fugi turpiter, hostes,
 Hostis ego mihi met maximus ipse fui.
 Nemo potest nobis tantum (fac. velle) nocere,
 Quantum ego conuincor iam nocuisse mihi.
 Parcite, si gressum refero: quibus ante natauit
 In tabulâ, meritò naufragus horret aquas.
 Deoueo mihi funestas & abominor ades:
 Hic mens, & vires procubere meæ.

Deserto

Defecto satis est crimen lugere sub antro,
 Ne virtus iterum sit mea flenda mihi.
 Infelix, quem stulta fui fiducia tollit:
 Illa fuit nostri prima fauilla mali.
 Hoc perdet multos, hoc multos perdidit antè,
 Metiri fastu magna pericla suo.
 Omnia spondentem de se sibi, nilque timentem,
 (Expertus moneo) certa ruina manet.

ELEGIA V.

Casum suum orbi manifestat.

E Loquar? an fileam? dolor hoc, pudor impedit
 illud:

Mens variat motus, nec capit ægra suos.
 Cede pudor, iustoque animi succumbe dolori,
 Et pars sit pœnæ culpa professæ meæ.
 Admonitu quamvis luctus renouantur amari,
 Eloquar infelix dedecus ipse meum.
 Nox erat, & montem Dominus de more petebat,
 Certus in hostiles sponte venire manus.
 Quos ego tunc animos, quos sensi pectoris ignes?
 Ille meis maior viribus ardor erat.
 Ipse ego te casus, dixi, comitabor in omnes,
 Pro te, vel tecum certus & ipse mori.
 Insurgat Solyme, totis vomat agmina portis,
 Miles ego tecum castraque solus ero.
 Diffugiant alij, tenebrisque & nocte regantur,
 Tergaque militibus dent sua; pectus ego.
 Hoc caput obiciet turmis se pluribus unum:
 Non ego de timidis, res vbi poscet, ero.

Hui

64 SIDRONII HOSSCHII

Hei mihi, quàm brevis hic fuit & temerarius ardor!
 Quàm levis & mendax impetus ille fuit!
 Omnibus exemplum fidei fore grande videbar:
 Eheu! perfidiæ duxque caputque fui.
 Viderat hoc in me vitium, qui prospicit vnus
 Omnia, cui meliùs, quàm mihi, notus eram.
 Viderat, & Vanis caue fidere viribus. inquit,
 Fortiaque infirmus desine verba loqui.
 Hæc nox hos animos, ne tu te falle, probabit;
 Conscia perfidiæ sæpè futura tuz:
 Quantum animis erroris inest! non sensimus ipsum,
 Ceu falli posset, vera monere Deum.
 Obstimus monitis: Priùs æquore silua sub alto
 Crescet, & in summis, diximus, alga iugis,
 Quàm te destituam. Non sum desertor amoris,
 Testis erit fidei resque locusque meæ:
 Interea trepidans, & pallens morte futurâ
 Innocuas Dominus tollit ad astra manus.
 Quæ species orantis erat! reuerentia pronum
 Strauerat: erumpens sparserat ora cruor.
 Humebant ciines, humebat sanguine pectus:
 Sanguineis guttis humida vestis erat:
 Collaque, caelestesque humeri, totumque precantis
 Vndabat mistis sanguine corpus aquis.
 Sanguine rorabant stillantia gramina circum:
 Sanguine, ceu riuus, sparsa rubebat humus.
 Dum pauet, & pallet, dum flet, sudatque, suumque
 Supplicium ante oculos iam moriturus habet,
 Non potuit species me tam miseranda tenere,
 Quin grauis obrueret lumina fessâ sopor.
 Scilicet hæc virtutis erant præludia nostræ:
 Sic mea se primùm visâ probare fides.

Arma

LACRYMÆ S. PETRI. 63

Anna sonant, fremitusque virum: coit omnis in
vnum

Impetus: audaces instruat ense manus.

Quid frustra fortes fuimus? quid inutile ferrum

Strinximus? haud illà tempus egebat ope.

Barbara gens instat, stimulisque & verberè sauit,

Vinclaque diuinas addit in arcta manus.

Sponte sua vinctus rapitur tot ab hostibus vnus,

Mitis ab infestis vt solet agna lupis.

Sic, vbi cognoui, quòd se permitteret hosti,

Et sibi, quam poterat, ferre negaret opem,

Tum verò eximui: stabam sine sanguine pallens,

Attonitoque diu nil mihi mentis erat.

Quid facerem? sequerer? misero timor obstat a-
mori.

Terga darem? prohibet ventere terga pudor.

Ardna res, Domini sortem quamcumque subire,

Inque eadem captas addere vincla manus.

Sed tamen auelli, nec scire quis exitus illi

Immineat, non est pœna priore minor.

Mens incerta diu dubiis affectibus errat:

Quidque velit, nescit: nota nec ipsa sibi est.

Sic vbi discordes exercent æquora venti,

Huc agit atque illuc ventus & vnda rarem.

Nil mihi, quod sequerer potius, fugerémve, subibar.

Res est mentis inops consiliiq̃ue timor.

Cedit amor: fugio, comitumq̃ue exempla secutus,

Obscuræ noctis munere, tuta peto.

Mox dubitans, medioque inhibens vestigia cursu,

Quid facis ah? dixi: quòd miser, vnde fugis?

Quid nisi mors superest, vitam si deseris ipsam?

Hæc pietas nullo concutienda metu?

Spiritus

64 SIDRONII HOSSCHII

Spiritus hic ille est omni discrimine maior ?

Hæc sunt militiæ splendida facta tuæ ?

Vincit amor: redeo: sed non bonus augur eunti,

Plurima dum subeunt, pes mihi tardus erat.

Et sequor, & timido moueo vestigia passu :

Ire iubebat amor, lentius ire timor.

Et iam contigeram scelerati limina tecti ,

Limina tam timido non adeunda pede.

Ingredior: vires animus dabat; at mihi quantò

(Et pudet, & dicam) quàm priùs, ille minor.

Ah quoties finxi vultum, voluique videri

Fortis, & occultos dissimulare metus !

Ah quoties oculos nostris in vultibus omnes

Essè ratus, nostri conscia signa dedi !

Heu, quàm difficile est animum non prodere vultu!

Hic aperit quidquid cura timorq; tegunt.

Prima foris custos præsensit serua, quis essèm :

Prima mihi, Capto tu comes, inquit, eras.

Protinus vt trepidas vox hæc mihi perculit aures,

Pallor in attonito plurimus ore fuit.

Ille refutabat linguæ mendacia pallor,

Plus propè me patrio prodidit ille sono.

Nil ea, dixit, agis : Galilæum lingua fatetur

Te tua, te, qui sis, teste negare potes ?

Obiicit hoc ipsum nobis mox alter, & alter;

Et, coniecturam quo tueantur, habent.

Tum verò effræni periuria fundere linguâ

Cæpimus, & diris dedere mille caput.

Nec memini vidisse, nec est mihi nomine notus :

Et peream, si non hæc ego vera loquor.

Perque Deum, perq; omne sacrum, me nosse negaui.

Horruit ad voces impia turba meas.

Nec

Nec verbis stimulanda meis me Numinis ira
 Terruit: audacem fecerat ipse timor.
 At frustra, quod eram, volui non esse videri:
 Prodebat causam perfida lingua suam.
 Dicebam quoties, Non noui, nosse fatebar:
 Contra se testis lingua negantis erat.
 Sed licet esse meo, quod eram, convinceret ore,
 Impietas aliud vilia probare fuit.
 Tunc quoque me Domini pietas (quis credere possit?)
 Non est ex merito passa perire meo.
 Flexit amans oculos, meque inter vincula spectans
 Plus nostri est visus, quam memor esse sui.
 Non toruam speciem, non præ se mœsta ferebant
 Ora minas, culpæ signa nec vlla meæ.
 Vultus erat, qualem misereri credere possem,
 Et dare placandi spem mihi velle sui.
 Quis mihi tunc, Superi! concussit pectora motus?
 Sensimus: ille oculus me miserantis erat.
 Tunc ego me demum cœpi sentire nocentem:
 Tunc animo demum lux fuit orta meo.
 Nec mens venisset melior, nisi tanta fuisset,
 Et maior Domino, quam mihi, cura mei.
 Frustrâ me crebris monuisset cantibus ales:
 Sic ego, non auium voce monendus eram.
 Egredior, læsamque fidem, turpemque timorem
 Execror, & tanti conscia testis mali.
 Turpiter equasi, quæ me quoque ferre decebat,
 Vincula: peccando deteriora tuli.
 Hinc graue supplicium periuræ discere mentis
 Cogor, & iratum quid sit habere Deum.
 Ex illo mader os lacrymis, semperque maderit,
 Et breuior luctu vita futura meo est.

ELEGIA VI.

Fragilitatem suam agnoscit & deplorat.

Dicebam, memini, geminos reuolutus in ortus
 Iordanes versis antè recurreret aquis.
 Quàm violem te sancta fides, victusque timore
 Signa ferar Domini deseruisse mei.
 Vertere Iordanes, flexoque relabere cursu:
 Desertii Domini prodita signa mei.
 Nec mihi Romulei falces, strictæque secures,
 Nec mihi fecerunt arma virique metum.
 Vocibus ancillæ (res indignissima dictu)
 Cessimus: heu vbi tunc ille superbus eram?
 Qui me laudabam, qui nil nisi magna loquebar,
 Carnifices audax inter & arma mori.
 Omnia spernebam, quæ possent cumque timeri,
 Ducebamque animis inferiora meis.
 Plus quoque, quàm loquerer, demens mihi posse
 videbar:
 Concidit exiguo spiritus ille metu.
 Nec saltem primum, quamuis terrore careret,
 Congressum vires sustinere meæ.
 Non cedit primis percussa securibus ilex,
 Nec nisi multiplici vulnere victa cadit.
 Firma diu perstat, nec iniquo pressa fatiscit
 Pondere Tænariis cæsa columna iugis.
 Nequidquam vento rupes pulsatur & imbrī:
 Indeicæta manet, tutaque mole suâ est.
 Non minùs his fortis credi, dicique volebam:
 Quæ me deiceret vox satis vna fuit.

Quodd

Quòd si me iudex, quòd si me plena rogasset
Curia, causa minùs nostra pudenda foret.
Lumina percellit septum terrore tribunal;
Formaque iudicij, quod timeatur, habet.
Quæsitòr, iudex, lictores, vincula, carcer,
Nomina sunt, quorum terret & ipse sonus.
Nunc me serua leui prostrauit femina verbo.
O pudor ! imbelli vulnus ab hoste tuli.
Si mihi dixisset quisquam; Te femina vincet,
Deque tuis spoliùm viribus illa feret:
I quoque, dixissem, Ceruâ venare leonem,
Inque fugam damâ verte sequente canes.
Et tamen euénit, fieri quod posse negaui:
Prostrati titulum cerua leonis habet.
O ego quàm non sum, quod me miser esse putavi !
Flammaque de stipulâ quàm breuis orta mea est !
Viribus heu adij maiora pericula nostris :
Et rudis illorum, nec mihi notus eram.
Quid possim, didici: me causa leuissima fregit:
Exitus est fastus flenda ruina mei.
Intrepidus stabam: stantem leuis impulit aura:
Sic damno cæpi doctior esse meo.
Quid sumus? aut quâ spe meditamur grandia parui,
Esse aliquid falsò nostraque, nosque rati?
Cur nòs decipimus ? cur nobis, quidlibet ausi
De nobis stultè credere, verba damus?
Nil magnum nostræ possunt promittere vites:
Sponte suâ, nullo concutiente, labant.
Si Deus auxilio est, tunc omnia possimus omnes;
Si non est, sine re nomen inane sumus.

ELEGIA VII.

Dolet se occasionem peccandi non vitasse.

HEi mihi, cur, plus quàm possum, me posse
putavi?

Cur nimium de me credulus ipse fui?

Cur ego me præceps in aperta pericula misi,

Nec Domini voces me tetigere mei?

Admonuit quoties: Tua te fiducia perdet:

Destituet vires impetus ille tuas.

Vera quidem monuit; sed me meus ardor agebat:

Plus sibi, quàm magno credidit ille Deo.

Quis me cogebat sceleratæ accedere turbæ,

Quis detestandæ limen adire domus?

Fugissem melius: leuior fuga culpa fuisset:

Perfidia causas præbuit ille locus.

Hic mihi, dedecoris quæ pars non vltima nostri est,

Naufragij scopulus femina facta fuit.

Femina prima nouo dirum scelus intulit orbi:

Perdedit humanum femina prima genus.

Exitio fuit illa mihi; mihi tempus in omne

Principium flendi, materiemque dedit.

Illius exemplo miles quoque multa rogauit,

Multaque me falso compulit ore loqui.

Infestis odiis Dominus furisq; patebat,

Et quisquis Domini pars erat vlla mei.

Debueram vires; nisi meus mihi nulla fuisset,

In tam præcipiti tempore nosse meas.

Crystallus tenui leuiter percussa lapillo

Frangitur: infirmis causa pusilla nocet.

Non

Non benè rimosæ decurrunt æquora puppes :
 Non benè lapsantes fulcit arundo pedes.
 Imposito glacies oneri non apta ferendo est,
 Quam primo leuiter frigore vinxit hiems.
 Quæ stat, & in summâ tantùm fundatur arenâ,
 Subruet impulsam ventus & vnda domum.
 Per vada, per scopulos si pandit linrea ventis,
 Fertur in exitium sponte carina suum.
 Corporibus sanis afflant contagia virus :
 Qui sapit, hæc vitet; proximitate nocent.
 Discite posteritas, exemplo discite nostro
 Per non tentandam non dare vela viam.
 Nemo sibi credat, nec adire pericula fidens
 Audeat: exitium, qui sibi fidit, amat.
 Hæc mihi si monito meliùs percepta fuissent ,
 Non mea nunc forsan naufraga cymba foret.

ELEGIA VIII.

*Occasionem probandæ fidei à se neglectam
esse dolet.*

A H potiùs nocitura mihi quàm tecta subissem,
 Vltima submotorum me tenuisset humus!
 Aut subitus languor nervos soluisset euntis:
 Aut ruptum cita mors impediisset iter!
 Non ego nunc seris periuria nostra querelis,
 Nec Domini flerem signa relicta mei.
 Impia me diræ læsit vicinia turba,
 Et nox ambigui plena timore mali.
 Quid' miser incuso tempusq;, hominesque, locumq; ?
 Prima mali, & grauior sum mihi causa mei.

Ipse locus causam virtutis præbuit, & quæ
 Multa rogans vrsit, quilsve, vel vnde forem.
 Tunc ego, si quando, poteram monstrare quis essem:
 Explorant stabilem tempora dura fidem.
 Ventorum furiis, & mistâ grandine nimbis
 Obuia, radices altius arbor agit.
 Qui tenuis primùm fuerat, similisque moranti,
 A Boreâ vires concitus ignis alit.
 Strenuus ancipiti Martis certamine miles
 Se probat; implacidis nauta peritus aquis.
 Quis iuvenes nosset, quibus olim flamma pepercit,
 Si non tentassent flammaque, rexque fidem?
 Pastor Iessides præit virtutibus annos,
 Inuidiam feceri passus & arma sui.
 Sic ego debueram quidvis superare ferendo,
 Temporaque in laudes vertere dura meas.
 Nec tamen aut fornax nobis, ignesque parari,
 Aut lateri fuerant tela timenda meo.
 Strenue bellator, verbo prosterneis vno:
 I nunc, atque aude cum moriente mori.
 At benè fortis eram, nec ad vlla pericula pallens,
 Dum linguâ tantùm res mihi gesta fuit.
 O quantò melius, cui nuper facta videndi
 Copia, quem numquam viderat antè, diem!
 Ille suum est medicum defendere fortiter ausus,
 Quem violare fui turpiter ausus ego.
 Illi oculos tribuit, non omnibus vtile inunus,
 Qui lacrymis causas sæpè dedere suis:
 At mihi diuinæ fontem cognoscere lucis,
 Vtque Dei verum sit genus, ipse Deus.
 Nec miles, nec serua mihi conuitia fecit:
 Acribus exceptus vocibus ille fuit.

• Bissenos

LACRYMÆ S. PETRI. 71

Bissenos inter procures, sanctumque Senatum
 Dux ego; pars nostri non erat ille chori.
 Non ego Pontificum vultus, quos ille, subiui;
 Nec mea sub duro iudice causa fuit.
 Quæ me periurum verbo percelluit vno,
 Sordida contemptæ femina sortis erat.
 Sæpè ego quærentes studui celare, quis essem:
 Non illi pietas dissimulata metu est.
 Ille relaturum se nil impunè sciebat;
 Pœna fuit capiti nulla parata meo.
 Ille sibi medio stetit in discrimine præsens:
 Me levis incerti perdidit umbra mali.
 Heu quid agam, cum verberibus, strictoq; tyrannus
 Tentabit nostram barbarus ense fidem?
 Cum mea nudatæ terre bunt ora secures,
 Aut crux supplicio fortè parata meo?
 Cum trux impietas vncos, ignesque, rotasque
 Proferet in sævas ingeniosa neces?
 Ut veteres redeant animi, diffidimus illis:
 Suspectam didici lapsus habere fidem.
 Tunc animos mihi, magne Deus, tunc suffice vires;
 Aut ego, quod timeo dicere, rursus ero.

ELEGIA IX.

Ad galli cantum lacrymas se tenere non posse.

E Vocat auroram nimiùm mihi cognitus ales,
 Vicinam quoties sentit adesse diem.
 Auroram, lacrymasque meas simul euocat ales,
 Nec lacrymis oritur certiùs illa meis.
 Tunc vitreo frondes hument, & gramina rore:
 Et mea consuetò lumina rore madent.

Admoneor sceleris, quod, dum mihi vita manebit,
Mœroris semper causa recentis erit.

Omnia tunc subeunt, tristissima noctis imago,
Et scelus, & sceleris conscia recta mei.

Aut ego Pontificum videor scelerata subire
Limina, quoque prius, pallidus esse metu:

Aut famulos inter iurantia dicere verba
Perfidus, & gentem dissimulare meam:

Et modo sacrilegis mœrens excedere tectis,
Pectoraque infestâ sæpè ferire manu:

Et modo sulcus humi, vacuoque abiectus in antro,
De me, deque meo crimine multa queri.

Omnia cum subeant, Domini tamen ora recurrant
Sæpius, & lapsum respicientis amor.

Tunc pariter redeunt gemitus; lacrymæque per ora,
Ceu data tunc primum causa fuisset, eunt.

Est sua vis signis: pellunt obliuia rerum,
Quodq; semel factum est, non meminisse vetant,

Te quoque te nostri generis lacrymabilis auctor,
Tristitiæ dicunt non posuisse modum.

Sæpè dies veniens lacrymantem, sæpè recedens
Repperit: ante oculos arbor & anguis erant.

Ausus eras tangi vetitum decerpere pomum,
Craque lephifera conscelerare dape.

Credibile est visos in qualibet arbore fœtus
Luminibus lacrymas elicuisse tuis.

Credibile est, quoties tibi se tulit obuius anguis,
Ob veteres anguis te gemuisse dolos.

Sic, quoties cantat, quasi, Perfide, diceret ales,
Immemorem culpæ non finit esse meæ.

Culpa quidē vetus est, sed tam noua semper oberrat,
Vt memor in lacrymas totus abire velim.

Perfidia

Perfidia nostræ, quàm quondam, certior index
 Non surdis, vt tunc, auribus ille canit.
 Quid tamen est illo nobis opus indice? numquam
 Peccati vox est parua futura mei.
 Hæc mihi vox trepidas semper circumsonat aures :
 Hæc mihi, quæ feci, nocte dieque refert.
 Cumque meos renouet nullo non tempore fletus,
 Flere tamen luctus est medicina mei.

ELEGIA X.

Ad S. Petrum, vt lacrymis modum ponat.

PETRE, quid assiduis delictum fletibus vrges,
 Nec tristi cessant imbre madere genæ ?
 Causa (nec id nescis) tua te quoque iudice tuta est:
 Conciliat læsum culpa professâ Deum.
 Non hominum ritu Deus implacabilis iras,
 Irarum quamuis est data causa, fouet.
 Sontibus est semper facilis, veniæque paratus,
 Quos videt admissi pœnituisse sui.
 Sæpè erat in totas sparsurus fulmina terras:
 Vnius vt lacrymas vidit, inermis erat.
 Sæpè reos morbis, & iniqui sideris æstu,
 Sæpè armis voluit perdere, sæpè fame :
 Auertère malum lacrymæ; pœnalque remisit,
 Et posuit iustas ira coacta minas.
 Cum lacrymis quæcumque Dei venit ante tribunal
 Causa, patrocínio tuta potente venit.
 At tibi, quæ pridem veniam meruere, Deumque
 Placarunt lacrymæ, sine modoque carent.
 Vtque per attritas ritum sibi ducit arenas,
 Quæ riguo manat fonte perennis aqua ;

E 5

Sic

Sic exesa tibi sulcos duxere per ora,
 Ex oculis imbres qui tibi semper eunt.
 Non est quod metuas: Domini clementia victa est;
 Materiem luctus sustulit illa tui.
 Mille notis in te veterem testatus amorem est,
 Qui nihilo nunc est, quàm fuit antè, minor.
 Ille vbi post Erebi vires, Mortisque subactas,
 Conspicuum multâ se tibi luce dedit,
 Num te corripuit? num Vane, aut, Perfide, dixit?
 Num memor est visus criminis esse tui?
 Num tibi, quos dederat titulos, aut munus ademuit,
 Quo rerum arbitrio tradita summa tuo est?
 Ne tibi mens anceps, ne spes dubitabilis esset,
 Quanta tibi pacis pignora, quotque dedit!
 Ipse tibi voluit, simul atque à morte reuixit,
 Deferti vitæ nuncia prima suæ.
 O quoties coràm dulcem saturauit amorem,
 Tractandosque artus, vulneraque ipsa dedit!
 O quoties, & quæ tecum fuit ille locutus,
 Pasce meas, toties cùm tibi dixit, oues!
 Dixerat, Amissam si de grege senserit vnâ,
 Per siluas quærit, per sata pastor ouem:
 Si reperit, gaudens humeris ad ouile reportat,
 Inuentamque gregis totius instar habet.
 Hæc te pastoris profugam quærentis imago
 Tangit, & amissam repperientis ouem.
 Repperit, inuentumque suo præfecit ouili:
 Certius indicium pacis an esse potest?
 Quid quòd in assueto captanti gurgite pisces
 Adfuit, & dulci te recreauit ope?
 Nox erat incassum vano consumpta labore,
 Et radiis vndas sparserat orta dies.

Dextrorsum

Dextrorsum pueri iam retia mittite, dixit :

Mittitis, & subitum retia merfit onus.

Verba suprema suis cùm stans in vertice montis

Diceret, hos inter tu quoque primus eras.

Tunc tibi complexus iterumque iterumque ferebat,

Et, quæ mille dabat signa, fauoris erant.

Tunc tibi præ reliquis (& quid dare maius habebat?)

Commisit pretium sanguinis ipse sui.

Quod si sunt aliquod veniæ miracula signum,

Nunc quoque, quàm quondam, plus tibi posse datum est.

Tunc precibus fufis, tactuque potente fugabas

Omne genus morbi: nunc satis vmbra tua est.

At cùm te vinctum feralis carcer haberet,

Quæ Domino de te, quantaque cura fuit?

Dicta dies aderat, quæ te suprema manebat,

Nec spes effugij, nec modus ullus erat.

Captiuum ærati postes, vigileque tenebant :

Arctabant nexas ferrea vincla manus.

Aliger è cælo præstò est tibi: fulgor ab illo

Protinus euictâ nocte diurnus erat.

Surge age, festina, sumptasque, ait, indue vestes,

Et fuge, nilque time: me duce tutus eris.

Vincla vetant, dicturus eras, creberque satelles

Excubat æratas peruigil ante fores :

Aspicias è manibus lapsas cecidisse catenas,

Aspicias obstructas dissiliisse fores.

Ducentem sequeris, nec quisquam sensit euntem :

Sopierat vigiles somnus, & alta quies.

Liber abis, falsus, quamuis manifesta videres,

Credere vix oculis te potuisse tuis.

Ipse

76 SIDRONII HOSSCHII

Ipse Deus vinclis vltro tibi brachia soluit :

Et dubitas animi vincla soluta tui ?

Singula quid referam ? veniæ te reddere certum

De tot pignoribus pars satis vna potest.

Desine (pacatum persuadent omnia Numen)

Deterere assiduo desine rore genas.

Forſan & hinc tua ſpes poſſit minor eſſe videri,

Ceu Domini notus non ſatis eſſet amor.

Crede quod eſt : tua naufragio ſubducta carina eſt :

Incolumnis portum iam tenet illa ſuum.

ELEGIA XI.

*S. Petrus cauſam reddit , cur lacrymis tempe-
rare non poſſit.*

Arguor immerito. numquam non iuſta re-
cenſque,

Donecero, flendi cauſa futura mihi eſt.

Non prius hos oculos lacrymæ , quàm vita relin-
quent ;

Illarumque idem qui modus huius erit.

Nec mihi priſcorum ſuperent ſi ſæcula Patrum ,

Lux veniet ſiccis vlla videnda genis.

Non equidem dubito: lacrymas reſpexit amaras ,

Quem toties falſo læſimus ore, Deus.

Ne ſpes deficeret, ne mens incerta labaret,

Mille dedit nobis ſigna fauentis amor.

Vidi ego pacatos vultus , viſoſque notaui ;

Plenaque blanditiis verba loquentis erant.

Non tamen idcirco lacrymæ ſuspendite curſum:

Non ego, ſi poſſim, vos tamen ire vetem.

Torrentes,

LACRYMÆ S. PETRI. 77

Torrentes, riuosque aliquando cursus & vnda
 Deficit: exhaustis alueus aret aquis.
 Nulla dies semper nimbis æqualibus humer:
 Sæpè fugat Boreas nubila, sæpè Notus.
 At vos perpetuis lacrymæ mihi currite riuis:
 Currite: quod fundat, vena perennis habet.
 Vos ego, donec erunt, quæ sunt in corpore, vires,
 Vos oculo fundam deficiente senex.
 Non me, cur lacrymæ, solo de crimine nata
 Causa mouet; quamuis hæc quoque causa mouet.
 Qui flendi causam solum putat esse dolorem,
 Fallitur, & sensus nescius ille mei est.
 Sunt alij fontes, vsuque inuenimus illos:
 Acrius ad lacrymas, quàm dolor, vrget amor.
 Ille meis oculis humentes euocat imbres,
 Perque genas, fontis more perennis, agit.
 Viuidus & feruens effusis imbribus ignis
 Obruitur: lacrymæ sunt in amore faces.
 Testis Ieffides nobis: quas mouerat illi
 Culpa prius lacrymas, continuabat amor.
 Audierat lamenra Deus, gemitusque precantis:
 Dixerat & Vates, Culpa soluta tua est.
 Num tamen idcirco lacrymas retinebat euntes,
 Aut minùs in cursu, quàm fuit antè, dolor?
 Ducebat vigiles inter suspiria noctes,
 Infestâ tundens pectora sæpè manu.
 Regia nocturno rorabant stragula fletu:
 Rorabant medio vultus & ora die.
 Horrebant artus Tyrio pro murice setis,
 Squallidaque asperso puluere facta coma.
 Tunc quoque cùm resonas feriebat pectine chordas,
 Quod lyra pulsa dabat, flebile carmen erat.

Ante

78 SIDRONII HOSSCHII

Ante oculos illi commissæ cardis imago,
 Et violata tori fœdera semper erant.
 Nec quasi lenito dubius de Numine flebat:
 Iugis erat flendi causa, fuisse reum.
 Qui tories, & tot lacrymas, planctusque cieret,
 Nesciretque modum, sensus amantis erat.
 Transfuga sic luget, qui fors regemque, fidemque
 Prodidit, & supplex ad sua castra redit.
 Si quid adhuc superest generosæ mentis in illo,
 In regem si non excidit omnis amor:
 Perfidix quamvis concessa est gratia, mœret;
 Et sibi, quam veniam rex dedit, ipse negat.
 Sequæ, quod à signis vecors defecerit, odit:
 Hoc memori fixum pectore vulnus alit.
 Regia, quâ fruitur, nutrit clementia luctum;
 Viraque cur misero sit quoque acerba, facit.
 Turpe licet facinus pulchris absterferit ausis,
 Vera tamen vox est: Perfidus ille fuit.
 Hoc est quod cruciat, stimulisque tenacibus ægrum
 Conficit: hoc redimi sanguine posse velit.
 Peior causa mea est; Domini clementia maior:
 Meque aliquis fletum sistere posse putet?
 Ipse mihi, Lacrymas inhibe, si dicat, obortas;
 Deprecet. usque adeo flenda ruina mea est.
 Ut spes, & veniæ tot iam data pignora nobis
 Ire verent illas, ire iubebit amor.
 Non eadem est ratio lacrymas in amore tenere,
 Et damni sensu: fortiùs ille mouet.
 Immemor est damni, tumido quod in æquore fecit
 Institor, amissas dum reparauit opes:
 Verùm si quis amet, lassissè dolebit amantem
 Tunc quoque, cùm fuerit conciliatus amor.

Nec

LACRYMÆ S. PETRI. 79

Nec semper lacrymas oculis dolor exprimit: ille
 Tempore decrescit; tempore crescit amor.
 Crescit in immensum, si quæ fert vulnera læsus,
 Non nisi muneribus vindicat illa suis.
 Contigit hoc nobis: non vindex Numinis ira
 Periurum trifido perculit igne caput:
 Nec mihi ius regni, nec summum munus ademit,
 Crimine quæ nostro perdere dignus eram.
 Nec leniter saltem durissima quæque merentem
 Arguit, aut vultu tristia signa dedit.
 Quin etiam verbis vltro est solatus amicis,
 Offensæ visus non meminisse suæ.
 Credibili maiora dedit; possimque videri
 Flagitiis illum demeruisse meis.
 Quid mihi splendidius, quàm quod dedit, ille de-
 disse,
 Parte fides nullâ si mea lapsa foret?
 Si vinctum, & positâ iam stantem ad verbera vestis
 Texissem obiectu corporis ipse mei?
 Si factis animos, promissâque magna probassem,
 Altaque signalsem sanguine verba meo?
 Posteritas credesne, reo tot signa fauoris,
 Et data post ruptam præmia tanta fidem?
 Sim lapis, aut durum mihi sit pro pectore ferrum,
 Si mea me lacrymas sistere causa sinat.
 Tempore se nullo, nullis se fletibus vnumquam
 Egerit à læso motus amore dolor.

SIDRONII
HOSSCHII

E SOCIETATE IESV
ELEGIARVM
LIBER TERTIVS.

VOTA
SER^{MO} ARCHIDVCI
LEOPOLDO.

11 11 11 11
11 11 11 11

11 11 11 11
11 11 11 11

11 11 11 11

11 11 11 11
11 11 11 11
11 11 11 11

SERENISSIMO PRINCIPI
LEOPOLDO
GVILIELMO,
ARCHIDVCI AVSTRIÆ,
BELGII
PRO REGE CATHOLICO
GVBERNATORI, &c.



ADVENERAS in Belgium,
PRINCEPS SERENIS-
SIME, cum in morem ful-
minis Gallum, in ipsis Pa-
triae visceribus hærentem,
prius pænè perculisti, quàm adesse te
crederet. Quæ virtus hostem, eadem
Belgarum spem vicit. Armenteria, Co-
minium, Lendium, Landracum, Dix-
muda, munitissima oppida, breui tem-
pore expugnata, auspiciatissimi Martis
tui fuere primitiæ. Intereà illuxerunt
Kalendæ Ianuariæ anni M. DC. XLVIII.

F 2

quæ

quæ tibi primæ in Belgio, vt felices ac
fortunatæ essent, omnes conspirantibus
votis optarunt. Omnium votis adiunxi
mea, aut potius verbis meis omnium
vota expressi: quæ, ne vnius tantùm diei
essent, publici in te amoris argumenta,
secuturis quoque temporibus tradere
volui; vt cùm ea etiam superaueris,
sciant posteri quantum & ipsi tibi de-
beant, à te in maioribus suis seruati.
Nec ego non gratulari Musis meis pos-
sum, quòd veræ vates fuerint. Falli non
poterant, vbi tantam de te spem belli-
cæ tuæ virtutis auspicia fecerant. Quòd
si hæc Vota quo soles vultu animoque
admiseras, votis meis quod addam, ni-
hil erit.

VO-

V O T A

SER^{MO} ARCHIDVCI LEOPOLDO.

E L E G I A I.

Fausti anni apprecatio.



LÆTÆ dies, festæ Iani venere Kalendæ :

- Concipienda bonâ sunt bona verba die.

Sint procul hinc gemitus, lacrymæque, & verba dolentium:

Threïcium questus in mare ventus agar.

Illâ prius fuerint: at nunc, te sospite, Princeps,

Gaudia quis teneat, vota que, spesque suas?

Nunc tacuisse nefas: precibus non compita faustis,

Non fora, non vici, non domus vlla vacet.

Nos quoque (namque omnes communia gaudia tangunt)

Pars erimus populi parua precantis idem.

Belgica non periit, certæque erepta ruinæ est,

Acceptumque tibi non periisse refert.

Non periisse parum est: aliquâ sibi reddita parte,

Reddita quâ nondum est, si modo viuis, erit.

Tempus ad hoc lacrymis, & longo squallida luctu,

Et referens habitum temporis ipsa sui,

86 SIDRONII HOSSCHII

Fortis, at infelix, & iam propè cladibus impar
 Protinus ad nomen sustulit ora tuum.
 Et lacrymas tergens: Nunc ô sperabimus, inquit,
 Qui mihi, quæ patior, vincula demet, adest.
 Dixerat: & cælum iussit pia vota valere,
 Armaque successus mox habuere suos.
 Talibus auspiciis spe, dixit, plena futuri:
 Vota canat vates qui mea, nullus erit?
 Ille ego sim vates: ex me tua gaudia, Belga,
 Præcipe, funestis eripiente malis:
 Et votis tua iunge meis. Si conuenit vlllo,
 Soluere tam lato conuenit illa die.
 Ipse puer, puerique parens, quibus hospita Bethle
 Praebuit è canna, straminibusque domum,
 Aspirent faciles, & publica vota secudent,
 Et iubeant nostras pondus habere preces.
 Tuque adeò Belgi præsens LEOPOLDE voluptas,
 O Patriæ per te spem capientis amor,
 Huc ades, & vultu, quo pectora nostra serenas,
 Plaudentium votis, ominibusque faue.
 Utque diu faueas, tibi spe felicior annus
 Hic qui nunc oritur, qui que sequentur, eant:
 Et melior semper, meliorque priore recurrat,
 Et longum felix armaque, nosque regas.
 Sit Superis, sit cara tuis, nec desinat ante,
 Æquarit Pylios quam tua, vita dies.
 Quæque hilares, animi certissima pignora nostri,
 Vota tibi, ut dignum est, ore fauente damus,
 Tam non vana, precor, nec sint sine pondere rerum,
 Quam non est vanus, qui dare iussit, amor.
 Illa, precor, vultu tam conueniente diei
 Accipe, quam votis conuenit ipsa dies.

ELE-

ELEGIA II.

Vota Belgarum.

Non ego finierim posito pia limite vota :
 Quò Patriæ pietas me iubet ire, feror.
 Æquora littoribus, cohibentur flumina ripis :
 Meritur spatiis Terminus arua suis:
 Odit amor fines. Quis enim sit finis amori ?
 Ille modum votis non finit esse meis.
 Quot frondes redeunt siluis, quot gramina campis,
 Quot flores pulso frigore fundit humus ;
 Tot tibi, Belgarum Lux ô LEOPOLDE tuorum,
 Eueniant rebus vota secunda tuis.
 Austriadum fastos patriis virtutibus imple,
 Et Diuûm, atque hominum digna fauore gere.
 Tamque tuum nomen sit formidabile Gallo,
 Quàm Belgæ,quàm Rex,quàm Deus illud amant.
 Vt pauidi trepidant aquilâ veniente palumbi:
 Vt fugit instantes territa cerua canes :
 Vt procul audito cedunt armenta leone ;
 Sic fugiant vultus agmina versa tuos.
 Quid non causa valet? calcar pugnantibus addit,
 Et facit, vt fortes fortius arma gerant.
 Quâ melior parte est, non est superabilis armis.
 Vim vi dum superat, bina trophæa refert.
 Vt causâ vincis, sic armis vincere perge,
 Et geminæ titulum laudis ab hoste refer.
 Et quàm iusta geris, tam sint quoque prospera bella,
 Inque tuo vires milite causa iuuet.
 Sic erit, vt victrix tories tibi Belgica plaudat,
 Inuictâ quoties sumpseris arma manu.

88 SIDRONII HOSSCHII

Laurigerique arcus, ductæque ad sidera moles,
 Inscriptos titulos, & tua bella gerent.
 Sic arua agricolis, sic reddas civibus vrbes;
 Et bello tollas tristia bella tuo.
 Posteritas per te longâ sic pace fruatur,
 Teque patrem patriæ libera sæpè vocet.
 Flumina tunc lactis, tunc mellis flumina currant,
 Sanguineis toties quæ iuvuere viis.
 Sint fasti & statuar rerum monumenta tuarum;
 Sint animi memores maior imago tamen.
 His Amor in fastis tua gesta & nomina scribat,
 Annalesque vocet pectora nostra suos.
 Arboribus tenetis Corydon inscribat Alexin,
 Aut Paris Oenones nomina falce noter.
 Illi corticibus scribant sibi cara suorum
 Nomina; nos animis pectoribusque tuum.
 Idque tibi placeat: nec enim non gaudia sentis,
 Quæ tuus in nostro pectore nutrit amor.
 Hunc potes è tacito populi deprendere vultu,
 Dum properat vultus quisque videre tuos.
 Undique concurrunt: labor est inhibere ruentes:
 Dulce premi est, turbam non capiente loco.
 Non vidisse sat est: redeunt, renouantque videndo
 Gaudia: non oculi, non satiatur amor.
 Quod cupiunt omnes, cur non datur omnibus illo,
 Quod patriæ faciem sustinet, ore frui?
 Interea cupientium oculos tua pascat imago,
 Effigiemque animi præferat illa tui.
 Quam quicumque videt, sua fastus gaudia, dicat:
 Hic vir, hic est, cuius gens ope salua sumus.

E L E-

ELEGIA III.

Vota ex victoriis Belgicis.

D Icite iô Pæan: carminat Victoria lauros.
 Quidquid conatur vincere, victor habet.
 Vos eritis testès, Gallum quibus expulit, arces,
 Oppidaque hostiles non benè passa manus.
 Tuque adeò ante alias meritò Armenteria gaude,
 Protinus excusso libera facta iugo.
 Primitiis, quæ spem nobis animosque reducant,
 Victoris debes esse superba tui.
 Venerat Austriades, & quem pugnare paratum
 Nondum crediderat Belgica, victor erat.
 Sic Athon, aut Rhodopen, aut alta Ceraunia ful-
 men
 Vix benè conspecto, quà venit, igne ferit.
 Auspicium felix laurus sit prima futuri:
 Principiis insunt omina sæpè suis.
 Cominij turres, fossæque & mœnia Lendî
 Cursum obniti non potuere tuis.
 Landresium cecidit, quod inexpugnabile Fama
 Fecerat: hoc cedant oppida plura modo.
 Quid Dixmuda gemis? spes tanto vindice dignas
 Concipe. triste diu non patièrè iugum.
 Non illum terrent Alpinae roborâ pubis,
 Nec quæ te captam millia multa tenent.
 Ecce venit; venissè fuit propè vincere: cingit
 Mœnia: pugnatur: fortior ille fuit.
 Vrbs hæc victa tibi causam L E O P O L D E triumphi
 Cum dedit, ipsa sibi vincere visa fuit,

90 SIDRONII HOSSCHII

Hæc eadem nondum captas spes erigit vrbes.
 Cœpisti terrâ vincere, vince mari.
 Ipse pater Nereus tibi Dunckercana recludet
 Mœnia, quæ magno pulsa tridente quatit.
 Nec minùs indignans Grauelingæ claustra teneri,
 Auspiciis frangeret protinus illa tuis.
 Tunc tibi Portunus, Phorcique exercitus omnis
 Victori plaudent, instituentque choros.
 Tunc canet inflatâ Triton tua nomina conchâ,
 Libera cæruleis per freta vectus equis.
 Hei mihi, visceribus patriæ grauis incubat hostis!
 Lisa pater captis debilis errat aquis.
 Te tua difficili virtus commisit arenæ :
 Vndique te mœrens Flandria poscit opem.
 Quid facias? populos curam partitis in omnes:
 Nec te cessantem turbida vidit hiems.
 Illa quidem nimbis & multâ grandine cœpus
 Obstitit: at spes non abstulit illa tuas.
 Qui Corracenam media inter frigora laurum
 Non tulit, hanc primo Mars tibi Vere ferat.
 Quam vocat insultans Flandrorum Gallia frænum,
 Signa breuî miles figat in arce tuus.
 Euentura precor. Votis Victoria tantis
 Aunuit, & lauro ter bona signa dedit.

ELEGIA IV.

Vota pro incolumitate Serenissimi Principis.

I Felix LEOPOLDE: tuis Victoria castris
 Prætendit niueâ laurea fere manu.
 Vincere te videat toties, & sæpiùs æstas
 Proxima, quàm vidit quæ modo lapsa fuit.

Exciter

SER. LEOPOLDO VOTA. 91

Excitet audentem pugnam, inimicaque paci
 Gallia: laus forti maior ab hoste venit.
 Auxit Iuleos Pompei fama triumphos;
 Hannibalis virtus Scipio magne tuos.
 Romanâ toties Carthago clade superba
 Romanæ nomen gentis in astra tulit.
 Æneæ Turnus nomen dedit; Hector Achilli:
 Te quoque plus magno laudis ab hoste manet.
 Sic tamen & muros, & sic hostilia rumpas
 Agmina, ne nimium strenuus esse velis.
 Venisti sospes per mille pericula: sospes,
 Ad quæ venisti bella gerenda, geras.
 Parcius incerti subeas discrimina Martis,
 Ne patriæ tecum spes quoque lapsa cadat.
 Qui te cumque manent inter fera prælia casus,
 Et nos (non potes hoc ipse negare) manent.
 Vna salus nobis, vnum & commune periculum est:
 Ah per te saluos, quod cupis, esse sine.
 Tu nostris votis, nos te LEOPOLDE fruamur:
 Sospite te duret Numinis ille fauor.
 O precor, ô potius madeant hostilia nostro
 Sanguine, quam fiant tela cruenta tuo.
 Illa dies bellum nobis, hostesque timendos
 Redderet, antiquis obrueretque malis.
 Cum ferret medios Æneas sacra per ignes,
 Altera sacra, deos, altera sacra, patrem,
 Flamma viro, medios ibat quacumque per hostes,
 Ipsaque narrantur tela dedisse viam:
 Sic, quoties tua te virtus in feruida mittet
 Prælia, dent acies, dent tibi tela locum.
 Nos tamen ut serues, tu te seruare labora,
 Ne pars officij clauda sit vlla tui.

Cur

92 . SIDRONII HOSSCHII

Cur te, cur toties media inter tela videmus
 Spernentem vitæ certa pericla tuæ?
 Ah precor, à cæco ne patria pendeat ictu!
 Gloria iacturæ est ista timore minor.
 Sat tibi sit toties aures & tempora circum
 Quot stridisse globos, tot voluisse neces.
 Sit satis hos cristas semel excussisse comantes,
 Tamque suis carum non violasse caput.
 Sic tua sit fortis, ne sit temeraria virtus.
 Exitio multis nil timuisse fuit.
 Hostis in exemplo est: ad Lendî mœnia nuper
 Contra te missum scis periisse Ducem.
 Dum ruit hic præceps, dum muros vrget ad ipsos
 Agmina, traiectus tempora glande cadit.
 Imperet agminibus ductor, seu concurrit armis
 Oppida, collato seu pede signa mouet:
 At quoties laudum rapit immoderata cupido,
 Tunc sibi, tunc animis imperet ipse suis.
 Si tibi non timeas, timeas fortissime nobis:
 Tota salus Belgî statque caditque tuâ.
 Dic, quoties pulchræ tangere cupidine pugna:
 Vt se conseruem Belgica tota rogar.
 Scimus te nullo belli terrore moueri:
 Sed patriam tecum perdere, nosque, time.
 Te timor in mediis hic vnus terreat armis:
 Securos faciet nos tuus iste metus.
 Triste quidem durumque duces cecidisse minores,
 Quis amor est vitæ laudis amore minor.
 Sed tamen hoc minùs est, hoc est reparabile damnû:
 Te plus quàm belli sis memor esse ducem.
 Non omnes madeant Leopoldi sanguine, qualis
 Qui domui Augustæ scuta cruenta dedit.
 Christiadum

Christiadûm Tyrio fulgebant littore signa,
 Et Solyme pretium, causaque Martis erat.
 Iamque ferox Acon, nec adhuc superabilis armis
 Pertulerat longas obsidione moras.
 Altera currebat frustra pugnantibus aëtas,
 Et longo fessus tempore miles erat;
 Auxilio Leopoldus adest, & ad arma morantes
 Incitat, & belli sustinet acer onus.
 Causa dabat vires: causam tutantibus armis
 Irruit, & valido mœnia Marte petit.
 Non aliter, quàm cum Libycis impastus in aruis
 Arma mouet viso cominus hoste leo.
 Qui vigor oris erat? qualis pugnantis imago?
 Horrui Austriacâs barbara turba manus.
 Candida vestis erat molli de vellere Serum,
 Nec color in totâ, quàm niuis, alter erat.
 Cingebat mediam gemmis insignis & auro
 Balteus: hoc vno discolor illa fuit.
 Dicere difficile est, in quæ discrimina fidens
 Luerit agminibus præuius ipse suis.
 Emicat in muros, & plenam milite turrim.
 Occupat, & stricto qualibet ense fuit.
 Corpora densa cadunt: vultus victoris, & arma,
 Dexterâque hostili sparsa cruore matent.
 Candida quæ fuerat, niuibûsque simillima vestis,
 Sanguine, ceu Tyrio murice, tota rubet.
 Balteus exiit: vestis, quâ balteus illam
 Vinxerat, hac tantum candida parte fuit.
 Prodigio simile est inter tot cædis acervos
 Victorem aduersâ non cecidisse manu.
 Ah ne tanta tibi subeat præcordia virtus!
 Euentus semper non habet illa bonos.

Per

94 SIDRONII HOSSCHII

Per Superos, qui te solito tutantur amore,
 Successumque armis dantque dabuntque tuis:
 Per te, per patriam, quæ te tibi carior ipso est,
 Quæ, si quid pateris, se putat ipsa pati:
 Per consanguineum, quo pugnæ auspice, Regem,
 Quo pia pro Belgis arma rogante geris:
 Per tibi tam morum & virtutis imagine fratrem,
 Quàm vultu similem, dimidiumque tui,
 Parce tibi, tantosque animos, ut cetera, vince:
 Materiam, quâ sis hic quoque fortis, habes.
 Sic, quem tot curis, factisque, animoque mereris,
 In te Belgarum crescere pergat amor.
 Sic omnes capias, quas milite cinxeris vrbes,
 Istaque sit belli propria fama tui.
 Sic Ligeris fracto, sic fracto Sequana cornu
 Vincula ferat, noster quæ modo Lisa tulit.
 Sic tibi, qui bello tentat nos perdere, cedat,
 Damnaque quæ nobis intulit, ipse ferat.
 Aut potius Reges æterno fœdere iungas,
 Et superes hostes hac quoque parte tuos.

E L E G I A V.

Vota ex rebus in Germaniâ gestis.

Quid tibi præsidium quereris Germaniæ raptum?
 Cur Belgæ tibi gens invidiosa sumus?
 Non tibi, qui nobis L E O P O L D V M donat, ademir:
 Nec qui nuper erat spes tua, totus abest.
 Hic etiam geret ille tuis latissima rebus
 Prælia, nec vindex desinet esse tuus.
 Hic etiam reprimeretque tuos & proteret hostes,
 Et pariter nobis, & tibi victor erit.

Austriacæ

SER. LEOPOLDO VOTA. 95

Austriacæ gentis, quouis sub sidere, bella
 Sunt tua: commune est, quòd gerit illa domus.
 Tu damnis LEOPOLDE, & vtrique nocentibus armis
 Pone (quòd hæc à te sperat, & illa) modum.
 Sentiat absentem Germania, sentiat absens
 Quæ geris hîc nobis, & sibi bella geri.
 Te veniente metum nuper posuere Boëmi;
 Indecori Sueones terga dedere fuga.
 Bannerium planis exultans fluctibus Albis
 Vidit ab Herciniis vertere signa iugis:
 Vidit & ille tuo mox vrbes Marte receptas,
 Alluerat mœstis quas modò captus aquis.
 Praga tibi plaussit, plauserunt Cæsaris arces,
 Grataque pro saluis dona tulere focis.
 O ita, qui capris nunc it mœstissimus yndis,
 Lisa pater ripâ liber vtrâque fluat!
 Auspice te videat, quas præterlabitur, vrbes
 Gallica de muris vellere signa suis.
 At secura satis nulli est victoria: sæpè
 Proxima sunt magnis fata sinistra bonis.
 Ah ne corrumpat clades inopina triumphum!
 Hei mihi! dedecoris, quod tulit, vltor adest.
 Bannerius socias acies, & Gallica secum
 Castra trahit: magnas parturit ira minas.
 Undique te, Princeps, cœu clausum indagine, tentat
 Cingere: spes animo non capit ipse suas.
 Sala pater, dixit, quot adhuc sub gurgite volues
 Corpora! sanguineis decolor ibis aquis.
 Da captas LEOPOLDE manus: nunc victa trahetur
 Austria: nunc Rhenus noster & Albis erunt.
 Quid tibi grataris? spes improbe pone superbas.
 Supprime vindictæ gaudia vana tua!

Quid

Quid fidis numero? numero concurrere virtus

Non timet: agminibus plus valet illa tuis.

Non ego vana loquor. pauci tot millia contra

Stant animis, Princeps quos facit ipse suis.

Nil acies illum, Martisque tonitrua terrent,

Telaque, quæ Scythicâ grandine plura volant.

Bannerius vinci indignans frenderque doletque :

Tam modò terribilis, territus ipse fugit.

Austriades sequitur, profugisque acerrimus instat.

Quid virtus vmquam pulchrius ausa fuit?

Excipit attonitus fugientium signa Visurgis;

Excipit, & mediis illa tueretur aquis:

Victor ades: tibi Sala, tibi lætissimus Albis

In ripis statuent vota trophæa suis.

Sic iterum, sic sæpè novos molire triumphos:

Mars tuus hostiles hîc quoque frangat opes.

Ecce suis Gallus fidens successibus instat;

Et sua, quæ voto præcipit, esse putat.

Iam mare, iam tellus, iam nobis Flandria seruit,

Totaque iam nostri est Belgica iuris, ait.

Has voces LEOPOLDE feras? compescere perge

Spes tumidas armis altaque verba tuis.

Cuius viderunt trepidas, te terga premente,

Neccarus, & Rhenus, Danubiusque fugas:

Sentiat hîc etiam tua quid, matius armaque possint;

Sentiat, & laudis sit noua causa tuæ.

Slangius vt quondam, sic, quos hîc fregeris, hostes

Submittant pedibus signaque seque tuis.

Qualis vbi coluber gelido caput extulit antro,

Sibilat, & torto pectore radit humum:

Ignem micant oculi: turgescunt colla veneno:

Caruleis liuent squamea terga notis:

At

At si transferit medium rota, colla residunt;
 Torpescit positis lingua trifurca minis.
 Haud aliter tumidas acuebat Slangius iras,
 Sævitiem vincens nominis ipse sui.
 Iam prædæ deuotus erat cum coniuge Cæsar,
 Creditaque Austriadum pænè ruina domus.
 Tu tantis elatum animis, tu vana mouentem
 Opprimis, & captum captaque castra trahis.
 Quis fuit ille dies, quo Cæsar vidit inermem
 Ante pedes flexo procubuisse genu!
 Lernæum pressis iterum ceruicibus anguem
 Herculeâ domitum credidit esse manu.
 Audiit, & vultu fassus pallente timorem
 Bannerius vires horruit ipse tias.
 Terga iterum vertit (neque enim spes altera restat)
 Signaque præcipiti puluerulenta fugâ.
 Quò fugis ah demens? fugias vt Cæsar's enses,
 Non fugies animi vulnera cæca tui.
 Te Pudor, & Luctus, mistoque Infania luctu
 Insequitur, quouis acius hoste malum.
 Has in te victor Furias, quibus æger, & exspes,
 Impatientique tui conficiaris, agit.
 Nequidquam turpemque fugam, clademque tuorum
 Interitus causas esse querere tui.
 Hæc de Bannerio, toties quem Rhænus & Albis
 Horruerant, Marti palma relata tuo est.
 Sic hostis fugiat, qui te Belgisque lacerat,
 Et cadat in mediâ fractus, vt ille, fugâ.
 Austria gaudia est Suecis secunda repulsis:
 Gaudeat æternum vindice cura suo.
 Quis tunc, quis rursus terror fugientibus alas,
 Cum victor profugos insequerere, dedit!

G

Quantus

98 SIDRONII HOSSCHII

Quantus erat sudor properantibus, Hassia donec
 Vallum iterum fessis perfugiumque fuit!
 Quid loquar Augustæ, quid Brunæ mœnia, famæ
 Argumentum ingens materiemque tuæ?
 Mars tuus hanc atque hanc cingentia castra fugavit:
 Oppida sunt multis, te duce, capta locis.
 Te sua damnauit cogente Ragotzius arma:
 Vindice te tellus Norica salua fuit.
 Mox iterum ingenti concussa Boëmia bello:
 Mox iterum lolspes te veniente fuit.
 Belgica tolle animos, luctumque in gaudia verte:
 Gaudia, ne dubita, spe quoque plura feres.
 Quid tibi non virtus tantis exercita rebus
 Spondeat? auspiciis est tibi nota suis.
 Illa tuas armis reperet victricibus vrbes,
 Illatis hosti cladibus vltra tuas.
 Illa tibi Pacem, iusto quam Marte reposcit,
 Et cuius solo pugnat amore, dabit.

ELEGIA VI.

*Vota ex ascititiis Serenissimi insignibus, quæ
 sunt Crux, ad cuius truncum dua lauri
 eminent: in alterâ Crucis parte expressus
 oculus, ex alterâ frenum pendet: ad pe-
 dem hinc agnus, illinc leo.*

Non ego nunc aquilas, non lapsa ancilia cælo,
 Imperij referam pignora, Roma, tui:
 Non pictos clypeis gryphas, formasque luporum,
 Cinctæque vipereis Gorgonis ora comis:

Nec

SER. LEOPOLDO VOTA. 99

Nec quæ sublati fuerit reuerentia signis,
 Tunc quoque cùm fœni, signa, manipulus erant.
 Signa, decus belli, viresque animosque iuuentæ,
 In fera cùm rueret prælia, visa dabant.
 Signa etiam in medios si dux coniecerat hostes,
 Non repetisse nefas, & graue crimen erat.
 Sæpè sub his magni firmabant fœdera reges,
 Et fidei testes hæc tetigere suæ.
 At non, vt veteres illis reddantur honores,
 Contulerim signis hæc, LEOPOLDE, tuis.
 Quid poterant gryphum, simulacraq; vana draconū?
 Quid picti poterant, effera monstra, metus?
 Crux tua, cælicolis etiam venerabile signum,
 Militiæ non est omen inane tuæ.
 Crux olim cælo fulsit manifesta sereno,
 Dum vidit mundi Roma coire manus.
 Vox simul audita est: Hac pugnes auspice Cæsar,
 Victor eris. pugnat: nec mora, victor erat.
 Ex illo cessere aquilæ, pictique dracones,
 In manibusque crucem signifer omnis habet.
 Salue Cæsareis ferri dignissima castris,
 Auspiciū semper grande datura tuis:
 Tu vires, animosque facis: tu barbara terras
 Agmina: tu fortes ducis in arma manus.
 Tu facis vt latos referant ex hoste triumphos
 Qui pugnas ineunt, te præeunte, duces.
 Auspice te vincat LEOPOLDVS, vicit vt ille,
 Qui te primùm inter bellica signa tulit.
 Te quoque, te patriis fulgentem insignibus addit,
 Et mouet auxiliis, quæ gerit, arma tuis.
 Ille, tibi quoties aquilas submittet & hastas,
 Speratam toties experiatur opem.

100 SIDRONII HOSSCHII

Non frustra geminas circum tua robora lauros
 Fixerit, auspiciis debita setta tuis.
 Huc etiam tendunt vigiles in pectore curæ,
 Quas, ut te seruet, Belgica, semper habet.
 Excubat, & partes animum diffundit in omnes,
 Et vigiles oculos semper in hoste tenet.
 Consilia explorat: neglectum si quid ab hoste est,
 Occupat: instructos præuenit arte dolos.
 Omnia sollicitus circumspicit omnia versat:
 Exactum, si quid prosit & obsit, habet.
 Hoc est quod præfert oculi vigilantis imago:
 Officij sese sic monet ipse sui.
 Profuit hoc nostris, prosit venientibus annis,
 Tutaque det Belgis otia cura Ducis.
 Vincat, & oppressas Gallis extorqueat vrbes
 Illorum victor, nec minùs ipse sui.
 Magnus uterque labor, sed sese vincere maior:
 Est hæc, sitque animi laus LEOPOLDE tui.
 Frena Pelethronij Lapithæ reperere domandis,
 Quos nondum ad bellum sinxerat vsus, equis.
 Frena docent celeres effusum in puluere cursum
 Sistere, & exiguo flectere in orbe pedes.
 Est vigor, est præceptis altis & viuudus ardor
 Mentibus, & frenis impetus omnis eget.
 Cùm scuro, Dux magne, tuo fulgentia iungis
 Frena iubet omnes scire quid ista velint.
 Scimus, suspicimusque animi se signa regentis:
 Sic benè, sic longùm teque tuosque regas.
 Cùm pulsos Istro Sueonas, cùm libera Pragæ
 Mœnia, cùm Slangi vincula fama canit;
 Cùm Landracenas lauros, Lisamque receptum,
 Et Dixmudano fixa trophæa solo:

Plus

SER. LEOPOLDO VOTA. 101

Plus laudum superest : victoria pulchrior vna
 Omnibus est, animum vincere posse suum.
 Vna sui vera est victoria. Quid iuuat hostem
 Vicisse, & vitiis succubuisse suis ?
 Præcipuum vicit, qui se benè vicerit, hostem:
 Pulchrior è nullo puluere palma venit.
 Hic superat reges, & regum culmina victor,
 Imperiumque sibi latius orbe dedit.
 Ille potest agnos pariter sanosque leones
 Iungere, nec dubiâ conciliare fide.
 Ille suos, nullo mentem turbante tumultu,
 Sequæ regit placidus, fortis ad arma tamen.
 Quæ fuit Augusta, quæque est Clementia semper
 Fama domus, vires temperet illa tuas.
 Utque facis, doleas, cùm cogeris esse seuerus,
 Solaque agat partes ira coacta suas.
 Quæ populo tantum per ferrum & vulnera profunt,
 Vltima curandis sint medicina malis.
 Aspice, quem LEOPOLDE times : ignoscere promptus
 Instruit inuitas fulminis igne manus.
 O benè, quod DOMINI scuti frons summa TIMOREM,
 Sed magis inscriptum mens tua semper habet.
 Huic vni parere labor bellique, domique
 Est tuus: huic vni displicuisse times.
 Felix, qui didicit, quem tu LEOPOLDE, timere,
 Esse memor regno sub grauiore suum.
 Strenuus, impavidusque, & se generosior ipso
 Rem gerit: audentem prouehit ille timor.
 Hic tibi te dignos generosi sanguinis ignes
 Suscitet: hoc felix auspice bella geras.

ELEGIA VII.

Vota ex honestâ animi relaxatione.

Non benè continuus fertur labor: otia poscit.
 Otia dant animos, fessâque membra leuant.
 Cui iuga sudanti soluit ceruice colonus,
 Fortiter, & longo tempore taurus arat.
 Qui demptis ad plena stetit præsepia frenis,
 Isthmiaco melius puluere currit equus.
 Deficiet sensim, qui semper tenditur arcus:
 Ferre negat segetes irrequietus ager.
 Aptâ quies opem: quod habet requiemque modumque
 Durat opus. Virtus exigit ipsa modum.
 Corpora de duto non sunt mortalia ferro:
 Nec silicem venas membra, nec æris habent:
 Et tamen assiduo ferrum consumitur usu,
 Assiduus lapides usus & æra tenet.
 Hoc sensit, posuitque Deæ delubra Quiriti,
 Thuraque Cecropidas Roma secuta dedit.
 Illi sæpè duces tenero de flore coronas,
 Grataque susulso dona tulere mero.
 Grande geris, Princeps, & quod mortalia frangar
 Pectora, si nullâ parte leuetur onus.
 Nix, & hiems, pluuiaque graues, & puluis, & æstus,
 Et vigiles noctes, sollicitique dies,
 Præliaque, & validis reperenda viribus vrbes,
 Et non spernendo iustus ab hoste timor,
 Pars onerum; sed pars quæ sunt LEOPOLDE tuorum,
 Quæ te sollicitum nocte dieque tenent?

Tamque

SER. LEOPOLDO VOTA. 103

Tanquæ grauis toto te moles vigeat anno,
 Nec placidos habeant tempora dura dies?
 Cur alia ex aliis omni te tempore cura
 Maceret, & nostris conficiare malis?
 Ipse tuus miles non semper degit in armis:
 Sæpè caput galeâ nudat & ense latus.
 Tu quoque sollicito clypeum de pectore solue;
 Et galeâ vertex, & vacet ense manus.
 Casside depositâ citharam tractabat Achilles,
 Molle mouens plectrum quâ prius arma manu.
 Quâ Turnus casurus erat, venabula torquens
 Perculit errantes dextera sæpè feras.
 Cum freta sulcarèt fugiens Salamina patremque,
 Nec fuga durâ minus, quàm pater ipse foret;
 Sæpè caput viridi Tæncer vinxisse coronâ
 Dicitur, & cursus sustinuisse suos;
 Et sociis dixisse: Graues iam pellite curas,
 Æquoreum velis cras repetemus iter.
 Tu quoque, dum nostris expellis finibus hostes,
 Oppida dum Domino reddis adempta suo,
 Temporibus mediis animum laxare memento,
 Vt quibus es, possis utilis esse diu.

ELEGIA VIII.

Vota ex venatione.

Cessat Martis opus: iuuat interrompere curas:
 Venatum in siluas, dum licet, ire paras.
 Nobilitas in equis coit, & delecta iuuentus,
 Exultatque tuum cingere posse latus.
 Ire iuuat: siluis tibi mens nunc errat in alis,
 Et videt excitas insequiturque feras,

Aut agilem ceruum, aut metuendū dentibus aprum,
 Quos petit auguriis & capit antè suis:
 Dum resonant siluę strepitu iuuenumque canumque,
 Sit precor inceptis æqua Diana tuis.
 Itē viri: Diana vocat: caua murmure rauco
 Cornua, latratu signa dedere canes.
 Tuque ades ô LEOPOLDE: vocant te lustra ferarum,
 Nec tibi nec votis inuia lustra meis.
 Seu iubeas casses, nodosaque retia tendi,
 Incidat in casses plurima præda tuos.
 Seu valido excussum mittes hastile lacerto,
 Sint tua, quod Cephali tela fuisse ferunt.
 Tot tibi sternendas, Triuiæ quot Manalus olim,
 Præbeat, aut plures regia silua feras.
 Siue canes in apros, trepidosque hortabere ceruos,
 Inficiant multo sanguine rostra canes.
 Sed tamen oblata capias spectacula prædæ,
 Quique canes intent, quotque, quibusque modis.
 Ut primus det signa sagax cum fratre Melampus,
 Utque feram è latebris primus Hylactor agat.
 Tum videas celer ut Pterelas, Lælapsque, Thousq;
 Et Dromas in prædam, Theridamasque ruant.
 Eripiat pernix ut se fera morsibus ipsis,
 Iam tibi, iam sociis, iam sibi visa capi.
 Dumque plagas conata leui transmittere saltu
 Emicat, Hylæo crura tenente cadat.
 Proximus ut tergo Leucon, ut inhaereat armis
 Fortior admonitu facta Lycisca tuo.
 Denique, ne carmen cursu sit tardius ipso,
 Agmen ut in captam conuolet omne feram.
 Hæc tibi dum mediæ dant oblectamina siluæ,
 Militiæ speciem finge videre tuæ.

Insidijs

S E R. L E O P O L D O V O T A. 105

Insidiis captare feras, aut sternere telis,
 Martis nescio quid bella mouentis haber.
 Venator, milesque suis præcingitur armis,
 Remque ferox animis, ingenioque gerit.
 Hic superat muros; ille aspera culmina montis:
 Hic vrbes septo claudit; at ille feras.
 Militis est ventis, & iniquis solibus vri,
 Et gelido densas sub Ioue ferre niues;
 Nec, prædæ quem raptat amor, caussabitur æstus,
 Nec ventos, & aquas, aruaque dura gelu.
 Aidet vterque sequi, quo spes est posse potiri:
 Exultat spoliis victor vterque suis.
 His precor vt spoliis victor cumuleris, & illis;
 Fausta que det Martis signa Diana tui.

E L E G I A I X.

Vota ex aucupio.

NEc tibi, quod spectes, vacuus non præbeat
 æther:
 Venantium studiis campus & ille patet.
 Vtque patet, faueat. Volucrum inter nubila pugnae
 Oblectent oculos detineantque tuos.
 Aspicias? en motu placido, similisque natanti
 Aërium pennis ardea findit iter:
 Insonuit pariter pugno dimissus herili,
 Speque celer prædo præmia visa petit.
 Radit humum pernix, ductisque per aëra gyris
 Surgit, & in nubes insidiator abit.
 Illum oculi rapido superantem nubila nisu
 Pænè negant acie deficiente sequi.

G 5

Ille

Illa timet, quantumque potest attollit in auras
 Se quoque, sed pennas lentius hoste mouet.
 Hic super euehitur, spatioque ingente relictam
 Præterit: ad palmam præior inde via est.
 Alitis hinc trepidæ supra caput ingruit asper,
 Attonitamque auido concitus vngue petit.
 Non secus ac subito deiectum turbine fulmen,
 Aut versâ Parthi torta sagitta manu.
 Illa fugæ diffusa, minas opponit & iras
 Infidiis, audax esse coacta metu.
 Nam quid agat? rostrumque minax, oculosque se-
 quaces
 Quacumque ille aditum tentat, in hoste tenet.
 Vnguibus armatis nequidquam obiecat inermes,
 Quâque potest pugnat, seque tuctur ope.
 Et partem modò corpus in hanc, modò librat in
 illam;
 Remque obliquâ latus, remque supina gerit,
 Verberibusque alarum, & acuti cuspide rostri
 Insonat: ah prædo feruide rostra caue.
 Rostra caue, nec te perdat temerarius ardor:
 Ah propè iam victor, ne feriare, caue.
 Ille feros pennis fugiens velocibus ictus,
 Acrior in pugnam rursus & arma ruit.
 Imminet hinc atque hinc, omnique à parte lacessit.
 Viuidus: alternant spesque timorque vices.
 Pasceris intereâ pulchro sub nube duello,
 Suspensosque oculos palma ferenda tenet.
 Dum cruor, & vulsæ labuntur ab æthere plumæ,
 Concussæque alæ, corneæque ora sonant,
 Quod iuuet, eueniat: vincat, quem vincere inanis;
 Prædaque spectantis decidat ante pedes.

Dec

SER. LEOPOLDO VOTA. 107

Det plausum pennis victor felicibus ales,
 Ominaque hinc armis accipe lata tuis.
 Augurium felix: fessam premit acer & vrget:
 Exitus è voto est: hic ferit, illa cadit.
 Sic inuade tuum, sic vrge fortior hostem;
 Sic preme cedentem, nec nisi victor abi.

ELEGIA X.

Vota ex arte musicâ.

A Vribus est etiam sua concedenda voluptas:
 Sæpè per has animum leniter illa subit.
 Pectora fessâ malis, longisque exercita curis
 Quo leuet, artificis gratia vocis habet.
 Cantus mollit opus, nec tempora longa videri,
 Sollicito quamuis plena labore, finit.
 Cantus & è manibus districtos excutit enses,
 Componitque animos, restituitque sibi.
 Præcipuè dum se vocum commendat, & artis
 Dotibus, & numeris se probat ipse suis.
 Non satis est, si vox respondeat ima supremæ,
 Et concors mediis hæc sit & illa sonis.
 Mille modis opus est, lenociniisque canendi,
 Mulceat ut sensus vox LEOPOLDE tuos.
 Sit teneris arguta sonis, sit rara necesse est,
 Cui dicas; Nostri pars eris vna chori.
 Ars tibi iudicium de se perfecit, opesque
 Intellecta tibi, quas habet, ipsa dedit.
 Ut rapiunt animos discrimina dulcia vocum,
 In tibi selectis quæ metuere locum!
 Audiat has Orpheus, citharam plestrumque reponet,
 Miratus peneros ore silentis modos.

Audiat

Audiat has Siren; vocalia comprimet ora,
 Et canrus, dicet, dulcior ille meo est.
 Da Priamum nobis, vocesque exaudiat illas;
 Iam minùs Hectoreo funere ræstus erit.
 Redde Philoeteten ad Lemni surda querentem
 Litora; tam blandæ sentiet artis opem.
 De saxis homines factos ait esse vetustas:
 Saxa ferox animis & rude vulgus erant.
 Threiciis iterùm rigeant mortalia saxis
 Pectora; tam blandus molliet illa capor.
 At tu laudatas felix chorus exere voces,
 Exere: iam litui, iam tacere tubæ.
 Ecce tibi Princeps animum iam præbet & aures;
 Nunc ô nunc solitâ dulcius arte cane.
 Mulceat augustum, quâ polles, gratia pectus,
 Totque datum curis occupet vna locum.

ELEGIA XI.

Vota ex statuis & picturis.

Artificum fecunda parens, felixque laborum
 Belgica, quos prisca cedere fama negat:
 Cui neque Lysippi, neque dignæ laude Myronis,
 Nec Coræ defunt, Parthasiæque manus.
 Iam iam fama tuis maior venit artibus: illas
 In pretio Princeps, quale merentur, habet.
 Iudicium cuius nec amor, nec decipit error,
 Nullaque pars artis, gratia nulla fugit.
 Quem lætis obit hic oculis, vultuque probante
 Aspicit, invidiâ est altior ille labor.
 Et quamvis quod & ars, & dextræ cura petitz
 Extudit, auctorem seque auctur opus;

Attollit

Attollit laus ipsa tamen ; censuraque tanti
 Iudicis, à rarâ quod venit arte decus.
 Magnus Alexander maiorem fecit Apellem:
 Alterius pingi noluit ille manu.
 Creuit honor Lysippe tuus, dum fanciit idem,
 Exprimeres vultus solus ut ære suos.
 Iam veterum famam, iam spem superate minorum,
 Vos ipsas doctæ iam superate manus.
 Principis è vestro capienda labore voluptas :
 Quam petitis laudis non leue scœnus erit.
 Addit amor famæ sperataque gloria calcar,
 Maioresque animos ingeniumque facit.
 Aspice certantes: studium certantibus vnum
 Est, oculis, Princeps, posse placere tuis.
 Successus habeat cura ingeniosa; nec vlla
 Non benè ducta suum linea fallat opus.
 Seu pingant hominum formas, qui viderit illas,
 Natas, non pictas, arte latente putet.
 Ora loqui credat, vestigia velle moueri,
 Officiis fungi cetera membra suis.
 Seu simulent flores, & mixtas floribus herbas,
 Ipsa suos hortos Flora videre putet.
 Nec dubitent calathos deceptæ quærere Nymphae,
 In quos cum dominâ munera verna legant.
 Seu quidquid facient, verum videatur imago,
 Naturæque nihil dissimulantis opus.
 Veraque, qui spectat, putet omnia: quæque moueri
 Vi, seu sponte solent, hîc quoque credat agi:
 Luctari pugiles, impelli carbasæ ventis,
 Volui vndas, flammæ vrere, tela iaci.
 Nec minùs ars oculos fallat, quàm Zeuxidos olim
 Picta manu cupidæ vna fecellit aues.

Sed

110 SIDRONII HOSSCHII

Sed tua nil melius quàm bella & prælia pingat:
 Expleat hic numeros ars operosa suos.
 Illic in mediis videaris millibus ardens:
 Ardeat exemplo miles in armâ tuo.
 Martem oculi spirent: cristas vibret aura comantes:
 Dextra minax vetos concitet ense metus.
 Sic tuus incedat, fulurque insultet arenæ,
 Ut si, quem veheret, conscius esset equus:
 Plusque sit in tabulâ, quàm quod videatur imago,
 Nec nisi spiranti desit in ore sonus.
 Parte aliâ disiecta ferox in mœnia miles
 Ingruat, hostili signaque figat humo.
 Vultibus aspiciens illum pallentibus hostis
 Terroris toto præferat ore notas: -
 Stet positus supplex armis, pacemque precantes
 Iam deploratâ tendat ab vrbe manus.
 Ipsa super notis volitans Victoria castris
 Prærendat capiti laurea sæta tuo.
 Atque utinam ut vultum, virtutem ars pingere
 posset;
 Ah cur hîc vires deserit illa suas!
 Quod tamen est voti, nullum non fallat imago
 Et res & vultus exhibitura tuos.
 Ipse opus aspiciens, geminum te credere possis,
 Aut iterum, quæ te sunt duce gesta, geri.

E L E G I A XII.

Vota ex Historiâ, Philosophiâ, Poësi.

GRande opus Imperium est: bellum pacemque
 tuctur,
 Neu tantæ molis pars labet vlla, cauet.

Hîc

SER. LEOPOLDO VOTA. III

Hic priscas renouat leges, hostilibus illic
 Seruatura suos obiiicit arma minis :
 Hic sceleri pœnas, hic laudi præmia ponit ;
 Et curæ, vt præsens omnibus adsit, habet.
 Numinis hæc quædam est terras moderantis imago:
 Has Princeps causas, vnde colatur, habet.
 Tanta tanten ne te lassent molimina rerum,
 Otia temporibus sunt tibi danda suis.
 Otia, quis credat? tantis quoque comoda curis,
 Quo pascas animum, quæque iuuere, dabunt.
 Sumpseris Historiam, nihil est instructius illâ:
 Quid reges feruet regnaque, nempe leges.
 Seu metuenda ferunt subiti discrimina catus,
 Consilium subitis casibus illa dabit:
 Seu sibi præfidat tumidus successibus hostis,
 Quæis illum frangas artibus, inde petes.
 Illa docet celeri nec opino vincere Marte,
 Illa docet iustâ vincere posse morâ.
 Illa graues regnis populisque auertere clades,
 Alteriusque malâ sorte cauere suam.
 Hic regum rerumque vices, variumque laborem,
 Sæcula que exiguo tempore tota vides.
 Nec semper studiis animus retinendus in isdem:
 Sunt etiam studiis ingenioque vices.
 Ipsa tibi quandoque suos Natura recessus,
 Quasque sinu condit diuite, pandat opes.
 Tum tibi scrutari libeat primordia rerum,
 Et cæli mores, sidereasque vias.
 Quid tonet; vnde niues; quid alat sub nubibus ignes;
 Vnde coloratis fulgeat Iris aquis.
 Quid tantum hiberni properent occumbere soles;
 Cynthia cur numquam, quo prius, orbe micet;
 Quid

112 SIDRONII HOSSCHII

Quid quatiat terras, montesque cuertat & vrbes;
 Cur mistis scopulos ignibus Ætna vomat :
 Cur abeat spatiis, redeatque æqualibus æquor ,
 Cærule nec fines exeat vnda suos.
 Quodcumque attingeris, pulchri stimularus amore,
 Ingenio pateat protinus omne tuo.
 Quæque peti solet hinc, veniat tibi plena voluptas,
 Nec desiderij pars vacet vlla tui.
 Adsit, & è rebus rerum tibi cognitus Auctor
 Summa voluptatis sit tibi causa tuæ.
 At si Pierias animo vertaris ad artes ,
 Inuiterque tuam Castalis vnda sitim :
 Atria Musarum sese tibi sponte recludent ,
 Equæ suis venient ad tua castra Deæ.
 Cum tibi Pelides fuerit, cum lectus Vlysses ,
 Et Pater Æneas, Æneadumque labor :
 Spes erit, vt nostros non auersere libellos,
 Dignerisque oculis opia nostra tuis.
 Hei mihi! Calliope cur est conatibus impar
 Nostra suis, nec te Principe digna sonat ?
 Augusto quales meritò placere Poëtæ ,
 Qui de te scribant, tempora nostra ferant.
 Atque aliqui grauiore impulsi pectora thyrso
 Res à te gestas, quo decet, ore canant.
 Materiæque animis que à tanto iudice sumptis
 Mæoniis æquent arma virumque modis.
 Sic scribant, vt scripta probes, & in omnia chartæ
 Sæcula cum multâ laude probantis cant.

ELE-

ELEGIA XIII.

Vota ex Virtutibus.

Nunc mihi Pierides solitis assurgite votis
 Altiùs, & parvis magna sonate modis.
 Non mihi nunc oleæ tantùm, non carmine lauri
 Oportandæ veniunt, Nestoreique dies.
 Maius opus moueo: referat sua limina Virtus,
 Iunctaque vicinus templa recludit Honor.
 Si finis, ingrediuntur tecum sacra limina, Princeps:
 Hæc etiam votis carminibusque patent.
 Illic Heroas, veteres mirare, nouosque
 Quos adytis Virtus addidit ipsarum.
 Illic & titulos, & nomina clara tuorum,
 Scriptaque sub statuis fortia facta legæ.
 Inter & Austriacos stantem te respice, quæte,
 Quæque geris, laudant, reque imitare, monent.
 Ante alios mirare Patrem, similesque paternis
 In te Virtutes liuor & ipse prober.
 Sic illum referas, ut possis moribus ipsis
 Agnosci tanti filius esse patris.
 Utque facis, cultum doceas pietatis auitæ
 Austriaci primum sanguinis esse decus.
 Errat, qui reges opibus metitur & armis,
 Victricique putat nil prius esse manu.
 Est aliquid sceptris, regnisque augustius ipsis,
 A quo maiestas, quod sibi constet, habet.
 Virtus diuitiæ, virtus dos maxima regum est,
 Quâ sine nil regum gloria laudis habet.
 Pulchrior hæc positis fumosa per atria ceris,
 Captiuisque armis, exuiisque ducum.

H

Illa

114 SIDRONII HOSSCHII

Illa datos fasces, populosque vrbesque tuetur,
 Iusta que subsidio promouet arma suo.
 Illa metus expers, animosque à vulnere sumens
 Erudit vt vincant, & facit ipsa duces.
 Illa tibi lauros felix ferat, illa triumphos,
 Fidaque pro signis stet LEOPOLDE tuis.
 O adsit, semperque tuis se misceat armis:
 Conueniunt meritis tam bona vota tuis.
 Quæque fuit virtus Leopoldos sparsa per omnes,
 In te vno vires exerat illa suas.
 Quàm tua te digna est, tam sit prudentia felix:
 Vincat, & ex actis se probet illa tuis.
 Nil vires sine mente valent: moderamina poscunt:
 Ingenio debent, consilioque regi.
 Nouerat Æacides leges, & idonea pugnae
 Tempora; non tantum viribus acer erat.
 Plus Laertiades animo, quàm viribus Ajax
 Præstitit: ingenio Troia subacta fuit.
 Robora cum Pyrrhi fregit, patresque labantes
 Appius erexit, luminis orbus erat.
 Illis sub tenebris plus, quàm Romana videbar
 Curia: plus castris omnibus vnus erat.
 Semper te Ratio, nunquam Fortuna gubernet:
 Hæc fallit, tutâ dirigit illa viâ.
 Non ingens animus, non te suprema potestas
 Ire sinant, quâ non iura Deusque sinunt.
 Peccantium tua semper agat clementia causas,
 Et cum, quod nollis, cogeris esse, dole.
 Non quoties homines committunt fulmine digna,
 In manibus toties fulmina Numen habet.
 Numinis exemplo, Princeps, ignoscere gaude:
 Ille potestatis dulcior vsus erit.

Sæpè

SER. LEOPOLDO VOTA. 115

Sapè malo, cui nec ferro medare, nec igni,
 Auxilium præsens succus & herba fuit.
 Mens quoque tot populis & bellis apta regendis
 Lata sit, & cuius altior ipsa suis.
 Ac, veluti sudo nimbis Aquilone fugaris
 Pura dies, omni nube serena vacet.
 Seu votis fors lata fauet, seu dura repugnat,
 Ipse tibi similis maior utrâque manet.
 Si curæ versant animum, si bella fatigant,
 Nec semper velis æqua sit aura tuis;
 Si labor humanis maior te viribus urget,
 Auspice te credas omnia posse Deo.
 Et pater, & patris toties exercita virtus
 Hæreat ante oculos, admoneatque sui.
 Nec, si depositis venias spes vltima rebus,
 Infringant animos oppida capta tuos,
 Captiuique amnes, iniecta que vincula ripis,
 Quæque volant nostro Gallica vela mari.
 Ducit ab aduersis animos & robor a virtus,
 Materiemque sui tempora dura facit.
 Post Veios domitos famam peperere Camillo
 Proxima Tarpeio Gallica signa Ioui.
 Hannibal Ausonias si non penetrasset in arces,
 Quod Fabij nomen, Scipiadaque foret?
 Cimbrorum fecere minæ Numidumque furores
 Cur Marius toto nomen ab orbe ferat.
 Et tibi, quam seruas, patriæ fortuna labantis
 Non minor est famæ causa futura tuæ.
 Ergo ades, & nostro tumidus dum pascitur hostis
 Sanguine, materiam laudis ab hoste pete.
 Sic tua te summis virtus heroibus æquet,
 Quæque illos duxit, ducat ad astra via.

116 SIDRONII HOSSCHII

Sic pater è summo cùm respectabit Olympo :

Viue diu, felix, dicat, imago mei.

Heredemque videns laudum cum fratre suarum

Gaudeat in natis se superesse suis.

ELEGIA XIV.

Vota ex cultu B. Virginis.

TV quoque magna parens, rebus spes altera
nostris,

Das causam votis, materiemque meis.

Alma faue, mitisq; tuum cum carmine vatem

Respice, & optatis adijce phara meis.

Si statuas, si templa tibi LEOPOLDVS & aras

Dedicat, & toties ad tua sacra venis:

Si tibi se dedit, si te suspirat in vna,

Estque frequens illi nomen in ore tuum :

Si tua laus illi curæ est, si sacra, diesque,

Et te thure dato, muneribusque colit :

Si, quidquid vicit, tibi se debere faterur,

Quæque à te data sunt munera, dignus habet :

Huc adhibe vultus, ô mater, & annue votis,

Quæ tibi pro patriâ, cum patriâque facit.

Ecce petit supplex certis tua templa diebus,

Quæ Bruxella sibi proxima ritè colit.

Stamine quæ ducto (non est sine teste vetustas)

Descripsisse tuâ diceris ipsa manu.

Non illum Boreas, non illum detinet Auster,

Turbidus hic nimbis, horridus ille gelu.

Aspice, consuevas ut eat spe plenus ad aras,

Utque tuos supplex procidat ante pedes.

Quas sensit toties, & te ducè sentiet hostis,

Tendit submissas hic tibi Diua manus.

Effigiem,

I figiem, miueoque tuos in marmore vultus
 Spectat amans, & te penè videre putat.
 Hic hæret, blandoque tui retinetur amore,
 Hic gaudet tecum sæpè diuque loqui.
 Hic animo pius indulget, longaſque videri
 Non finis oranti tuque, locusque moras.
 Cumque abir, inuitus diſectas deſerit aras;
 Nec, quamuis abeat, totus abire poteſt.
 Parte ſui meliorem manet, neque cara relinquit.
 Limina: ſic nato, ſic tibi ſemper adeſt.
 Hæc pietas quid non de te miſiſſima ſperet?
 O, duce te, Belgis arma ſecunda gerat!
 Dumq; (quod è breue ſit) gemina lacrymiabile genti
 Bellum erit, auxilium ſentiat ille tuum.
 Te ſpectant acies, quas dirigit ille, ſibi que
 Præſidio ſpondent omnia læta tuo.
 Ille tibi exuias, quas victor detrahet hoſti,
 Criſtatas galeas, ſigna que rapta vouet.
 Adiſciat titulum: VICTRICIS MVNERE DIVÆ.
 Tu titulo facias, exuiſque locum.
 Non ſibi, non armis tribuet, validiſque læceris,
 Sed tibi, quas palmas victor ab hoſte feret.
 Tu validas frangis vires, tu cladibus hoſtes
 Atteris, & fortes fortior ipſa domas.
 Iuſta tuus iuvat arma fauor: tu vindice dextrâ
 Verſis in auctores impia bella ſuos.
 Vicerat, & validum Comnenus fregerat hoſtem;
 Nec quâ vicifſet, neſciit ille, manu.
 Ecce parat curruſ populus, pompam que triumphi,
 Særa que Cæſareas implicitura comas.
 Quid facitis? non eſt opus hæc victoria noſtrum,
 Parta licet fuerit me duce, victor ait.

H 3

Non

118 SIDRONII HOSSCHII

Non mihi, quam fertis, sed Diuæ danda merenti
 Laureæ: successus vindicat illa meos.
 Militibus dedit illa meis in prælia vires :
 Illius munus prospera pugna fuit.
 Dixerat. imperio parent, simulacraque Diuæ
 Laurigeris iuuenes imposuere rotis.
 Diuæ triumphatrix in curru stabat eburno,
 Virgineum lauri fronde reuincta caput.
 Sub pedibus fractique arcus, fractæque secures,
 Spiculaque & pharetra, barbara præda, iacebat.
 Pompa venit : sonuere tubæ: ferit aurea plausus
 Sidera: sparguntur flore recente viæ.
 Illa subit muros: visum venit undique turba:
 Nudato Cæsar vertice ponè subit.
 Cæsar iò comitare: tuo nil Diuæ triumpho
 Detrahit: in factò gloria magna tuo est.
 Tales Diuæ tibi iam nunc LEOPOLDVS honores,
 Tu modò fortunes quæ gent arma, parat.
 Tristitia te tangant miseri suspicia Belgî,
 Quæque tulit populus vulnera, quæque timet.
 Ipsa (quod ô prosit) de te clementia nata est:
 Naturam fructus, quem tulit, arbor habet.
 Quam natus pietasque tibi materna dedere,
 Naturæ possis non meminisse tuæ?
 Macte animi LEOPOLDE: tibi, quodcumque rogabis,
 Pleniùs ingenio Diuæ datura meo est.
 Illa dabit vires: illius munere vinctes:
 Nec te, nec causam deseret illa tuam.
 Vt ventis non semper eant tua vela secundis,
 Virgineâ numquam destitueris ope.
 O benè, quod tantâ bellum generis auspice: rebus
 Altior humanâ spes venit inde nûs.

Sic.

Sic benè pugnatur, cùm quæ bona causâ coëgit
Sumere, cælestis promouet arma fauor.

ELEGIA XV.

Vota ex cultu Vener. Sacramenti.

SAcra vocant: date thura focis: altaria fument:
Velentur fertis limina: Numen adest.
Floribus ormentur, foliisq; recentibus ædes,
Et rubeant vernis compita sparsa rosis.
Ite Sacerdotes, sollemnem ducite pompam:
Lucentes præeant, quâ venit illa, faces.
Huc ades ô LEOPOLDE: sacros celebramus honores,
Imperium proavis qui peperere tuis.
Sepolitis belli curis paullisper & armis,
Huc ades, & supplex ad tua sacra veni.
Qualis vectus equo mediis Rudolphus in agris
Fertur humi viso procubuisse Deo:
Atque Sacerdotem pariter, Dominumque secutus
Sordida stramineæ recta subisse casâ.
Nondum tantus erat, cùm Diuinum munere creuit,
Et nilit officij præmia magna sui.
Primus ad augustos, pretium pietatis, honores
Extulit Austriadas, Cæsareamque domum.
Primus inexpertas regni tractauit habenas,
Perque suum misit sceptrâ tenenda genus.
Hic docuit famam, generisq; attollere nomen,
Hic docuit sanctâ quærere regna viâ.
Illi aquilas, illi solium, pulchramque coronam.
Formosâ Pietas detulit ipsa manu.
Hinc decus Austriadum, dominâq; potentia gentis,
Quam colit exoriens, occiduusque dies.

H 4

Ite

Ite procul, qui per strages & cædis aceruos,
 Ad decas & famam creditis esse viam:
 Nexia qui faciles, profint modò, bella mouetis:
 Qui benè criminibus regnà putatis emi:
 Quam ram spes anidæ sita lex: quibus hostis habetur,
 Quicumque imperium, quo spoliatur, habet.
 At tu perge tuâ famam pietate mereri:
 Plus quoque quam speras, quem colis, ipse dabit,
 Sensisti, quam vera loquar. Salfeldia testis,
 Æternum factò nomen adepta tuo.
 Illic fellâ tuus curabat corpora miles:
 Parua, sed auspiciis fortia castra tuis.
 Audiit, & subito vires Bannerius omnes
 Cogere, quas sparsas Rhenus & Ister habent.
 Ipsa quod optanti vix spes promitteret, vltro
 En, ait, en nobis attulit ipsa dies.
 Cingimus Austriadem. quid cessas vincere miles?
 Irrue: succellum resque, locusque dabunt.
 Dixit. & admotis celer obsidet vndique castris
 Austriadem; paucos millia multa premunt.
 Nec mora: fulmineo cælum tonat omne tumultu,
 Et latere ex omni ferrea tela volant.
 Multa moues animo dubius LEOPOLDE futuri,
 Et meritò vires consulis ipse tuas.
 Quid facias? pugnes? numero cadet obruta virtus.
 Effugium tentes? vndique clausa via est.
 Stas animis contra. parui fiducia valli
 Quod nequit, hoc pietas iustaque causa facit.
 Illa dat inuictos animos, turpemque timorem
 Dedocet: hostiles despicit illa minas.
 Sic & Massylis subito deprensus in armis
 Stat leo, virtutis conscius ipse suæ.

Vndique

Vndique se fundunt circùm, genus acre, molossi,

Quos viso subito continet hoste timor.

Pars strepit à tergo: pars ora aduersa laceffit.

Hæc dubitat: timet hæc: hæc fremit: illa fugit.

Exululant, solisque explent latratibus iras :

Discrimen propius terror adire vetat.

Ille manet, rictumque fremens ostentat & vngues:

Excussis horrent aspera colla iubis.

Interea Phœbus vehit annua festa. ferenda est

Sacrâ per ornatas hostia ritè vias.

Hæc tibi lux sancta est: hæc te LEOPOLDE quotannis

Poscit, & è castris ad sua sacra vocat.

At nunc quid facias? consueti moris honorem

Ritè Deo fieri non sinit ipse locus.

Impietas aras totâ sibi vindicat vrbe,

Vindicat iniectâ templa profana manu.

Vindicet. vnde suos pietas benè pascat amores,

Tunc quoque cùm desunt omnia, semper habet.

Desunt templa? casâ facies de paupere templum.

Ara deest? aram fagina mensâ dabit.

Lumina rara micant? facibus melioribus ardent

Pectora. Cultus abest? hunc quoque supplet amor.

Ille tuis humeris Tyrios detraxit amictus,

Detraxit lecto serica vela tuo.

At qui s in infestâ Romanis ritibus vrbe

Velatum pompâ Numen eunte canet?

Et tua iam cinctis procul est symphonia mutis,

Nec modus accersi, nec via præbet iter.

Hoc quoque nil obstat. Sacris inimica Deoque

Gens canit imperio sacra Deumque tuo.

Pompa venit: pompæ tu pars spectaris & auctor,

Præsentemque vocas, subsequerisque Deum.

Mira, sed acta canam. dum vultu supplice prodis,
 Dum sacris, tamquam liber ab hoste, vacas:
 Vim quoque, ceu sacris faueat praesentibus, hostis
 Supprimat, & nullâ praelia parte mouet.
 Cessat atrox, causis non apparentibus, hostis:
 Tympana cum lituis, atque rauca silent.
 Vix via finita est, fragor undique & undique rursus
 Intonat, & rursus tela, quot antè, volant.
 Dicite, quid vestras gens saeva coercuit iras,
 Sacra suum donec pompa peregit iter?
 Quid tormentorum strepitum, quid fulmina Martis,
 Quid tenuit promptas in fera bella manus?
 Austriacis Superos scite, & sentite fauentes:
 Non studij aut casus, Numinis ista mora est.
 Huic domui Superi, pietasque ante omnia cura:
 Estque pia Superis mutua cura domus.
 Quid struitis? vobis aduersum agnoscite caelum,
 Daniantemque minas, armaque vestra Deum.
 Vincit iô pietas: pauidos timor occupat hostes:
 Attonitos ratio, consiliumque fugit.
 Spes modo tam praecipue in turpem versa timor est
 Deficiunt animi, deficiuntque manus.
 Fit fuga: tu tergis fugientium victor inhæres:
 Quam sequeris, multâ cæde rubescit humus.
 Sic pugna LEOPOLDE, Deo tua bella regente,
 In niueis victor sæpè vehendus equis.
 Hic honor, hæc pietas caelo quoque teste probata
 Ibit in exemplum stirpis, earque tuæ.
 Sit tibi, sit nobis pietas hæc sæpè triumphum
 Causa, sit attonitis hostibus usque metus.
 Quid precer ulterius? fortunam vincat, & hostes,
 Et casus omnes hac ope nixa domus.

ELEGIÆ
IN MORTEM
DVORVM MILITVM
HISPANORVM;

Quorum alter hostili telo, alter amore, in
commilitonis cæsi complexu ad Ca-
pellam occubuit.

Ad Serenissimum Principem LEO-
POLDVM GVILIELMV M,
Archiducem Austriae, Belgij Bur-
gundiaeque pro Rege Catholico Gu-
bernatores, &c.



OVVM Et omnibus fortè
seculis inauditum amici-
tia exemplum Tua ca-
stra viderunt, PRINCEPS
SERENISSIME. Quae enim Histo-
ria, qui Annales memorant, ami-
cum

cum in complexu amici funeris, non
 aliâ nisi vi amoris, ereptiq; desiderio
 confectum subito exspirasse? Supra
 Ionathæ & Davidis amicitiam, quâ
 nihil omnis antiquitas sanctius, nihil
 vidit dulcius, milites illos tuos visus
 est amor & fides extulisse. Neque
 enim, tametsi regionum illorum iuue-
 num anima arctissimo nexu coalue-
 rant, alterius mors fatalis alteri
 fuit. An patere manifestius possit,
 animam magis esse ubi amat, quam
 ubi animat? Nam quid causâ esse
 dicamus, cur amicus moriens amici
 animam secum traxerit, nisi quia
 magis erat in amici corpore, quam
 suo? Tanta rei famam, SERENIS-
 SIME PRINCEPS, quæ tua est re-
 rum memorabilium æstimatio, non

expassus pariter cum extinctis mori.
 Publico eternoq; monumento, ut sibi
 superstites essent, effecisti, Augusto
 Tuo nomine, siue ad exempli fidem,
 siue ad virtutis commendationem,
 adscripto. Neque verò muto tantum
 marmori eorum laudes incidi, sed
 cum iudicares argumentum esse in
 quo Musæ efferre se possent, earum
 etiam vocem audiri voluisti; quæ
 dignam posterorum memoriâ amicit-
 tiam immortalitate donarent, si car-
 men, quâ Tu in defunctos pietate
 illud à me scribi desiderasti, eâ feli-
 citate voto Tuo meoq; responderet.
 De Tuâ certè comitate, & amore
 pulchri honestiq; Tibi insito, quo bo-
 nas artes complecteris, polliceri sibi
 hoc audent Musæ nostræ, fore, ut
 quidquid

*quidquid adferunt, dum publicarum
curarum moles animum tantisper
remitti sinet, oculo saltem properante
percurras.*



Epitaphium commilitonum.

M. S.

IOANNES LAVRENTIVS

MILES HISPANVS,

FRANCISCVS DE SOLIS

EX EADEM GENTE SIGNIFER,

HIC SITI SVNT.

DVOSNE VIATOR, AN VNVM LEGIS?

SIC ALTER IN ALTERO VIXIT,

VT VNVM PVTES.

DVM CAPELLÆ EXPVGNATIONE

ARCHIDVX LEOPOLDVS

VICTORIIS GALLICIS PRÆLVKIT,

AMBO CECIDERE:

LAVRENTIVS

HOSTILI TELO,

FRANCISCVS

LAVRENTII DESIDERIO;

VNVS IN VRBIS AGGRESSIONE,

ALTER IN AMICI COMPLEXV;

ILLE DVM LORICAM INVADIT,

HIC DVM COMMILITONI PARENTAT.

VNIVS

VNIVS VVLNVS
 A M O R
 VTRIQUE FECIT LETHALE.
 ILLVSTRE SIC PVGNASSE,
 SINE EXEMPLO SIC AMASSE,
 VT NORIT POSTERITAS,
 QVOD ANTIQVITAS NON VIDIT.
 ALTERIVS VIRTVTI,
 ALTERIVS AMORI,
 SERENISSIMVS ARCHIDVX
 IN VIVOS MORTVOSQVE
 COMMILITONES
 BENIGNVS, PIVS, MVNIFICVS,
 HOC MONVMENTVM
 P. C.

ELE-

ELEGIA I.

*In amorem militis , qui in complexu casi ad
Capellam commilitonis expiravit.*



Non solæ Marti comites Iræque , Mi-
næque,
Et Dolor , & pallens frigore Ter-
ror eunt :

It quoque iuncta Fides , & amans
Concordia Pacis ,

Vinctæque Palladiâ Gratiâ fronde comas.

Agmen ducit Amor , pugnaeque cupidine flagrans

In promptu pharetram telaque semper habet:

Et sua, quo Mauors, ponit tentoria campo;

Et sua, quo Mauors, puluere signa mouet.

Non illum litui, non illum classica terrent ,

Non qui displotso personat ære fragor ,

Non mediæ cades: mediis in cædibus errat,

Et plus posse negat Martia tela suis.

Tu mihi , tu testis venias L E O P O L D E, secundo

Gallica qui præsens oppida Marte quatit.

Auspice te quoque pugnat Amor: sua vidimus illum

Vidimus in castris arma mouere suis :

Hostilesque acies inter, nostrasque volantein

Sæua necaturâ spargere tela manu :

Cumque tuis miscere suos, & habere triumphos;

Victoremque nouâ cingere fronde caput.

Facta cano. Cinctam violento Marte Capellam

Dum premis, & laceris mœnibus instat Iber,

Emicat ante alios sæuum generosus in hostem

Miles, & in primâ prælia fronte ciet.

I

Dumque

130 SIDRONII HOSSCHII

Dumque moras fossæ superat, dum submouet hostem,

Saucius hostili tempora glande cadit.

Perculit attonitum rumor funestus amicum :

Vix animi compos, vix suus ille fuit.

Seque simul miserum, simul hoc se vulnere laesum

Clamat, & vnius morte perisse duos.

Nec mora, profiliens: Corpus referemus & arma

Protinus, aut illis immoremur, ait.

Barbara res Amor est, furit acer, & audet in illos

Omnia, subiectos quos sibi victor habet.

Ecce velut catulos dum quærit ab vbere raptos,

Obuia venantùm fertur in arma leo;

Sic ad sanguineam præceps festinat arenam,

Conscia quæ pugna: plenaque cordis erat.

Quò periture ruis? Socij retinete: cruentæ

Hic quoque pars stragis, ni prohibeatis, erit.

Audior: hinc atque hinc castris effusa iuuentus

Conuolat: obliſtunt, præcipitemque tenent.

Ah non seruat, socij, me perditis, inquit:

Dimidio per vos diuidor ipse mei.

Quid faciat? cesset? timet esse infidus amico.

Servantes tentet fallere? nulla via est.

Peruigil inuitum custodia seruat: at illi

In luctu & lacrymis nox vigilata fuit.

Et cruor, & cades, hostisque, & vulnus in ipsis

Omnia sunt oculis, omniaque auget amor.

Lux aderat: tecum LEOPOLDE paciscitur
hostis:

Aduolat ad pugna: protinus ille locum.

Quem simul ac tetigit, vestesque agnouit, & arma,

(Nam species vultus nulla prioris erat)

Dat

AMANTES COMMILITONES. 131

Dat gemitum; colloque super procumbit amico,
 Caraque flebiliter nomina sæpè vocat:
 Quosque tenere nequit; miscet cum sanguine fletus;
 Et reputat vulnus, quod videt, esse suum.
 Et quali tum primum cædem didicisset amici,
 Plangit; & infestâ percutit ora manu:
 Complexusque suis pallentia membra laceris:
 Has, ait, exuias victor ab hoste refers?
 Sic miserande redis? talem tua te mihi virtus
 Reddidit, ô animæ pars mihi rapta meæ?
 Illa manus, quæ te, mea vita, peremit, & in me
 Sæuiet, & gemini funeris auctor erit.
 Questibus effusis, in quos amor ipse disertum
 Fecerat, & magno mixtus amore dolor;
 Surgit humo, corpusque suo sibi carius aufert:
 Addit amor vires, & leue reddit onus.
 Jamque locum tumultu nactus, dum flebile fumus
 In molli lacrymans cespite ponit humi,
 Dum galeam capiti demit, dum pectora nudat,
 Dum siccet timidâ vulnera cruda manu,
 Oraque dum spectat cerebro perfusa cruento;
 Hoc ferit; hoc lacerat me quoque vulnus; ait.
 Saucius ipse iaces, sed salcius hostis ab hoste;
 Tu mihi causâ meæ mortis amicus eris.
 Dumque fodit terram; cui flens miserabile reddat
 Corpus; & ad vultus lumina sæpè refert,
 Deficiunt ad cœpta manus, positoque ligone,
 Tene sub hac potero condere, dixit, humo?
 Hæc manus iniectâ mihi te subducet arenâ:
 O potius quæ te, me quoque terra tegat!
 Felix, si possim sub eodem cespite condi,
 Et tibi, quàm vitæ, tam necis esse comes.

Atque vtinam pro te confixus ab hoste iacerem,
Fasque tibi nostrâ viuere morte foret!

Esse merebaris nostris diuturnior annis:

Hei mihi pro meritis qualia dona refers!

Illane tam fortis, per tot spectata labores,

Quæ nunc lethali frigore torpet iners,

Illane iuncta meæ toties est dextera dextræ?

Nostrum isto toties nomen in ore fuit?

Ille prius vultus tam formidabilis hosti,

Heu, quàm nunc alius, dissimilisque sui est!

Stulte, quid indulges animo sine fine dolenti,

Nec lacrymis ponis tristitiæque modum?

Planctibus in vitam non est reuocabile funus,

Nec feret extincto, nec tibi luctus opem.

Tot tua non audit surdum lamenta cadauer,

Nec spectant lacrymas lumina clausa tuas.

Sanguine, non lacrymis, quamuis amor impeter
illas,

Sanguine perfundi militis ora decet.

Saucius occubuit: belli est fortuna, ferenda est.

An potuit letho nobiliore mori?

Emptum morte decus, quæsitæque sanguine pal-
ma est:

Ipsa per hoc fortes Gloria ducit iter.

Qui pugnâ inter medias tua signa tenebas

Impavidus, solo fractus amore cades?

Viue precor: quem fles, in te quoque sospite viuet,

Quæque magis cupiat parte, superstes erit.

Si moreris, totus tecum morietur, & illâ

Quâ nondum periit parte, peribit amans.

Hei mihi! nil possunt monitus: dolor omnia vincit.

Improbis, & tanti causa doloris amor.

Occi-

AMANTES COMMILITONES. 133

Occidimus, dixit, solantia tollite verba :

Tollite: nulla meis est medicina malis.

Nec possum superare meos, nec ferre dolores,

Nec se, nec motus meus capit ægra suos.

Non illum tumuli, non cæpti cura laboris,

Non comitum voces abstrahere inde valent.

Hæret amans gelidi complexus corporis artus,

Nec finit auelli, nec, quod agebat, agit.

Hæret, & humectat lacrymis corpusque, locum-
que,

Nec memor officij, nec memor ipse sui.

Luminaque attollens : Quis me manet exirus?
inquit.

Hei mihi, quæ sine te vita futura mea est?

Si potero superesse tibi (te namque sepulto,

Plus ego dimidia parte sepultus ero)

Ante meos oculos tristissima cædis imago,

Et laceri vultus, oraque semper erunt.

Tè cernam vigilans, qualem modò nocte silenti

Excutes somnos ymbra cruenta meos.

Sed tibi non potero, non huic superesse dolori:

Hac ego, sed tecum, condar oportet humo.

Dulce caput, cui me primùm natalis origo,

Deinde Fides iunxit, nunc quoque iungit Amor;

Mors quoque nos iunget: telo duo sternimur vno,

Tu tua traiectus tempora, pectus ego.

Auguror, inscribere meo tu causa sepulchro:

Forsthan hoc aliquis motus amore dabit.

Forsthan & cineres tumulo componet eodem,

Et, Ferat hæc vester præmia, dicet, amor.

Iamque dolor vires adimit vocemque loquenti,

Nec superant vitæ tempora longa mea.

I 3

Deficimus,

Deficimus, sensi: tenebris mihi lumina torpent:

Et calor è membris, & vigor omnis abit.

Tu modò, tu senti tecum morientis amorem,

Exanimis quamvis & sine luce iaces.

In tua cum pietas exhausserit ora cadentes

Funeribus lacrymas vltima dona tuis,

Hanc animam aditiam suprema ad munera munus,

Exequiasque tuas prosequar ipse meis.

Nec telis opus est in vulnera nostra, nec ense:

Vulnere conficior, quod mihi fecit Amor.

Tu bello, L E O P O L D E, nouos molire triumphos:

Noster amicitiae fama triumphus erit.

Dixerat: exanimisque iterum collapsus in artus

Ingemit, & magno victus amore iacet.

Credebant loci solito torpere dolore:

Aspiciunt oculos, oraque, funus erat.

Explorant digitis artus; inuaserat artus

Frigus, & in toto corpore pallor erat.

Fracti oculi, languet ceruix, humeroque recumbit,

Nec vox, nec tacito spiritus ore venit.

Fama volat, miraue animos nouitate moratur,

Spectantumque oculos funera visa tenent.

Plausit Amor, leuiterque suis se sustulit alis,

Spiculaque ostentans conscia cordis, ait:

Partus honor, L E O P O L D E, tuis tibi maximus armis:

Nec leuis est armis gloria parua meis.

Arma tibi tribuunt abiturum in saecula nomen:

Hac quoque militiae fama futura mea est.

Te tua pro Belgis, & me mea bella gerente,

Spem virtus, & se vincere visa fuit.

Dixerat,

AMANTES COMMILITONES. 135

Dixerat, inque suos retulit noua nomina fastos;
 Et, Priscis palmam præripuistis, ait.
 Viuite concordēs animæ, tumultoque sub vno
 Iunctus amicitiz præmia ferte cinis.
 Adiciet famæ, quæ dempsit tempora vitæ,
 Nomina qui nunquam vestra silebit Amor.
 Et mea si quidquàm, si post me viuere possint
 Carmina, si qui me, non teget illa, lapis:
 Donec amicitiz leges & pacta placebunt,
 Vester inextincta laude vigeat amor.
 Vt tamen hæc pereant, quam sic meruistis a-
 mando,
 Illa sibi semper vita superstes erit.

ELEGIA II.

Piis amantium commilitonum Manibus.

Concordes, magnæque animæ, quibus hostis,
 Amorque,
 Fataque plus vitæ, quàm rapuere, dabunt,
 Quàm benè vos tumulto iunxit **L E O P O L D V S**
 eodem,
 Quos pius in vitâ tam benè iunxit amor!
 Non manus hostilis, non mors vos ipsa diremit:
 In tumultum cardes intulit vna duos.
 Quid tulit, aut finxit vobis æquale vetustas?
 Aut quid par vestris fabula rebus habet?
 Pro Nisiis, pro Pirithois noua nomina vates
 Scribite: dat palmam gloria prisca noua.
 Non illis vitam carorum funus ademit,
 Immodicus quamuis vreret ossa dolor.

136 SIDRONII HOSSCHII

Pirithoum Stygij lacerarat ianitor antri,
 Nec tamen impatiens Thesea strauit amor.
 Viuere sustinuit Patrocli post funus Achilles:
 Exequias Pylades vidit, Oresta, tuas.
 Aeneas moriens secum non traxit Achatem:
 Nec traxit fratrem Castoris umbra suum.
 Forsitan & flentes soluerunt funeris umbris
 Omnia, nec pietas victa dolore fuit.
 Hic animam gelido legit morientis ab ore,
 Et pressit digitis lumina cara suis.
 Ille facem auctus tenuit, positumque cremauit
 Corpus, & è tepido sustulit ossa rogo.
 Atque aliquis lecto Syrios cumulauit odores,
 Deque suis lacrymis humida scita dedit.
 Atque aliquis mutæ iaciens sua verba fauillæ:
 Estis adhuc, & adhuc pars, ait, este mei.
 Hæc illi: neque tu, quod mors & funus amici
 Exigit officium, præteriturus eras.
 Tu quoque fecisses tumulum, tu corpus humasses,
 Sensissetque tuas umbra pianda preces.
 Sapè salutales Manes, cineresque sepultos
 Mæstus adhuc lacrymis prosequerere tuus.
 Omnia fecisses: nihil auertisset amantem:
 Obstitit officiis mors properata tuis.
 Dum fodis, egestaque paras tellure sepulchrum,
 Desicis, & medium concidis inter opus.
 Unus Amor, facinusque suis hoc arrogat armis,
 Teque addit tuis, & tua fata suis.
 Heu crudelis Amor! quæ nunc & qualia spargis
 Vulnera! quis credat? nunc tua tela necant.
 Telane mors tecum inuauit? tuque sagittis
 Vteris imprudens illius, illa tuis?

Omnia

AMANTES COMMILITONES. 137

Omnia scrutemur veterum monumenta ; quis unquam

Dilecto cineri talia iusta tulit ?

De tot quos memorant , quis tempore Manibus
vlllo

Inferias, vitam, victus amore, dedit ?

Innumeri, fateor, luctu periistis amantes ;

Sed cui non sæuus præbuit arma dolor ?

Hic ferro vitam, miserofque abruptit amores:

Præcipitem ex alto se dedit ille iugo.

Ille suos gelidis extinxit fluctibus ignes :

Theſſalici ſuccos graminis ille bibit.

Si non aptaſſes pallenti vincula collo,

Sperato poteras, Phylli, carere toro.

Vixiſſet Dido, quamvis Phryx advena ferrum

Præbuit, ipſa ſua ni foret uſa manu.

Si Niſum Rutuli ſeruafſent, perdere Niſum

Nec mors Euryali, nec potuiſſet amor.

Quilibet ex illis poterat ſuperſeſſe dolori,

Et poterat flammis fortior eſſe ſuis.

Proiecere animas merſis in viscera telis,

Non illas ſolus corpore ſoluit amor.

At te ſolus amor rapuit: tu vulnere ſolo

Quo iacet iſtus amans, iſtus & ipſe iaces.

Sublimes muri, deuotaque moenia Martis

Quæ Galli Belgis oppoſuere moram,

Cum dederit vobis toties ſpectacula virtus,

Posteritas quorum conſcia ſemper erit,

Par aliquid (ſiquidem ſcire, & meminiffe poteſtis)

Inter tot vobis bella videre datum eſt ?

Attoniti videre Duces, videre phalanges,

Quæ ſimul ediderint prælia Mars, & Amor.

138 SIDRONII HOSSCHII

Atque aliquis positâ dum narrat prœlia mensâ
 Sub muris nuper gesta, Capella, tuis,
 Dum moles operum, dum tutas aggere fossas
 Pingit, & exiguo regia castra mero,
 Ostensâ, muri quâ procubuerè, ruinâ:
 Hoc, inquit, cecidit saucius ille loco.
 Hic cecidit, vulnusque tulit fatale duobus,
 Qui benè spem palmæ morte putavit emi.
 Tum campum faciens: Huc corpus detulit, in-
 quit,
 Hic scisso leuiter cespite fodit humum.
 Hic lacrymas, vitamque in amici vulnera fudit,
 Quem suus exemplum fecit amoris amor.
 Quæ sic materies aliis est grata loquendi,
 Laudata est etiam Principis ore fides:
 Laudatamque suis & vos interferit actis,
 Et curæ nomen, quod meruistis, habet.
 O fortunati, tantam quibus addere laudem
 Nec Pylij poterant ter tria sæcla senis!
 Quæcumque Austriacos curru fulgente trium-
 phos
 Fama vehet, vestros non minùs illa vehet.
 Quâ fasti referent, bellum vi LEOPOLDVS in
 hostem
 Verterit, hac vester parte legetur amor.

ELEGIA III.

*In sepulchrum à Serenissimo Archiduce
LEOPOLDO commilitonibus positum.*

O Quos longa dies memori non eximet tuo,
 Plusquam Thescâ pectora iuncta fide:
 Dicite (nullus enim non est à funere sensus,
 Et cineres ipsos, ossaque tangit honor)
 Dicite, quæ vestri referant solatia Manes,
 Aspiciunt famæ dum monumenta suæ.
 Quis non ex ipso, qui cernit cumque, sepulchro
 Colliget æternum vos meruisse decus?
 Non illud mæsti vobis de more parentes:
 Non consanguineæ constituere manus.
 Sed neque militiæ socij, non ipse Tribunus,
 Non legio, cuius non levis estis honor.
 Cæsaris at sanguis LEOPOLDVS, Cæsare natus,
 Austriacæ vindex, hoste fatente, Domus.
 Belgarum columen, quo spes veniente reuixit,
 Quo fortuna prior bella gerente redit.
 Ille iubet tumulum vobis de marmore poni:
 Spes quantum hic vestras vota que vincit honor!
 Quemq; vocant alij tumulum, vocat ipse trophæum,
 Ipso quod meruit iudice vester amor.
 Hos Fidei Princeps, & Amori soluit honores:
 Hæc in vos animi dat monumenta sui.
 Non marmor pretiosa tamen facit illa, sed auctor.
 Nescio quid dantis res data semper habet.
 Purpura donetur, gemmæ donentur & aurum;
 Pars minimâ est donum materiesque sui.
 Nobilitas

140 SIDRONII HOSSCHII

Nobilitas dantis, quæ dat, commendat, & auget;
 Quolibet hæc pretium munere maius habet.
 Marmoreum tumulum, LEOPOLDI munus, ha-
 betis.

A tali quantum est illud habere manu !
 Quid quod funereo iussis in marmore sculpi
 Nominibus vestris addidit ille suum ?
 Illa palàm, pariterque auro distincta leguntur
 Grandibus in tumuli marmore cæsa notis.
 O quantum Augusto capiunt à nomine lucis !
 Quamuis & meritis conspicienda suis.
 Sic geminos Helenæ, pulcherrima sidera, fratres
 A radiis Solis scimus habere suos.
 Ergò vos populo LEOPOLDVS, seque legendum,
 Clarius vt faceret nomen vtrique, dedit.
 Quod nisi fecisset, quis vestros sciret amores ?
 Quæ fidei tantæ fama, quis esset honor ?
 Forsan in ignorâ regeret vos cespes arenâ,
 Et cum corporibus fama sepulta foret.
 Nunc vos historiæ referent, victuraque vaturn
 Carmina, quos inter forsan & ipse legar.
 Nostra putat certè LEOPOLDVS carmina tanti,
 Ipse meo vos vt iusserit ore cani.
 Atque vrinam tanto loqueremur Principe digna !
 Vester honor viuax hac quoque parte foret.
 Sed tumulum cur das vnum LEOPOLDE duo-
 bus ?
 An quia mens viuis vna duobus erat ?
 Nil fuit in vitâ, quod non conuenerit illis ;
 Corporibus solis alter & alter erant.
 Cùm tumulum nuper vellent inscribere vates,
 Principium multis carminis illud erat :

HÆC

AMANTES COMMILITONES. 141

HÆC TEGIT VRNA DVOS: Amor, VNVM
scribite, dixit:

Non possunt, quos sic iunximus, esse duo.
Certè ego quod feci (nec me peccasse negabo).
Carmen pro tumuli marmore, tale fuit:

HÆC TEGIT VRNA DVOS: IUNXERVNT
HOSTIS, AMORQVE
FVNERA: VVLNVS IDEM MORS
VTRIVSQUE FVIT.

Parce tuos, Amor, erroris damnare poëtas;
Iudicium sequimur, suspicimusque tuum.
Ergò illis vnum, quæ mens fuit vna, sepulchrum
Est satis: hos iungi sic quoque iussit Amor.
Ille sibi caros cineres, manesque reuifet
Sæpius, & tumulo florea ferta dabit,
Cinnamæque & costum, nardique fragrantis aristas,
Quasque Cilix messes, quasque Sabæus habet.
Hic vestros referens ignes, vobisque sibi
Plaudet, & inferias & stata sacra feret.
Non alio magis ille suas pendere pharetras,
Non alio cupiet spicula parua loco.
Sæpè aderunt ambæ placidis è sedibus vmbæ,
Et iungent caras ante sepulchra manus.
At tibi, quæ fidei tam raræ pignora seruas,
Hinc decus, & muris crescet, Auesna, tuis.
Quàm vellent aliæ, quibus es prælata, tot vrbes,
Tu quod habes munus Principis, esse suum.
Quàm vellent aliæ: Sunt hic duo, dicere, quo-
rum
Alterum in alterius morte peremit amor.
Ante alias tibi fors tam felix contigit vrbes:
Multarum votum quod fuit, vna tenes.

Inuidia

142 SID. HOSSCHII AMANT. COM.

Inuidiæ est vestrum, Manes gaudete, sepulchrum :
Exuiis vestris gloria rara frui est.

Felices tumulo, tumulique auctore familiæ,

Grande quibus pretium est tantus amoris honor.

Mors aliis regnat tumulis, turbæque sepultæ

Ossa premit tenebris, & simul acta suis.

Adiicit hoc vitam, prohibetque perire sepulchrum,

Et spoliū mortis, quos regit, esse vetat.


Sentiat, ut dignum est, tumulo benè iunctus in vno

Munus, & auctorem muneris ipse cinis.

AD MAIOREM DEI GLORIAM.



143



145


642
3

OTHONIS ZYLII
E SOCIETATE IESV
CAMERACVM
OBSIDIONE
LIBERATVM.





SERENISSIMO
LEOPOLDO
GVILIELMO,
AVSTRIÆ ARCHIDVCI,
DVCI BVRGVNDIÆ, &c.
BELGII ET BVRGVNDIÆ
PRO REGE CATHOLICO
GVBERNATORI,
DOMINO SVO CLEMENTISSIMO.

EBENTVR bona verba
Natali Tuo , PRINCEPS
SERENISSIME. Illa mihi
clarissimæ Tuæ Victoriæ
suppeditant. Rerum à te lapsâ æsta-
te gestarum magnitudo me Poëtam
fecit. Quis enim in tanto Belgij
bono non lætitiâ gestiat? Me certè,
vt carmina lætum sunt opus, Mars
A 2 Tuus

Tuus Victor ad hanc gratulationem impulit. Rarum est Musas apud Principes diuertere: rarius eas ab iisdem coli. Vtrumque, dum tantisper arma & litui silent, Tibi iucundum. Eò itaque libentiùs ad Te veniunt Musæ meæ, quò perspectiorem habent admissionum Tuarum, cùm illæ aliquid è Parnasso adferunt, facilitatem. Ita plurimos deinceps Natales Tibi lætissimis ominibus fortunet Deus. Quod voueo

SERENITATIS TVÆ

Bruxellæ, M. DC. L.
Sacro Epiphaniæ die.

Cliens infimus

Otho Zylius S. I.

OTHONIS ZYLII
 E SOCIETATE IESV
 CAMERACVM
 OBSIDIONE LIBERATVM
 A SERENISS. ARCHIDVCE
 LEOPOLDO
 GVILIELMO.



AT A Deo, Diuûmque soror, mun-
 dique labantis
 Præsidium, Pax alma, redi, terrasque
 reuile
 Sidereo insignis vultu, qualemque
 videre

Austriadae Belgæque velint. Tibi destinat aras,
 Inuisamque diu terris Leopoldus Oliuam,
 Aurea diu posito promittit sæcula bello.
 Sat turis armisque datum. Iam tela Gradiuus
 Vltima, & attritos indignis cædibus enses
 Consumpsit; iamque ipsa suas Bellona bipennes
 Excutere, & placido visa est mitescere vultu,
 Heu! nimium longos belli pertæsa futores,
 Hoc votum Superis: sterili sic natus Elisâ
 Ante alios sponder, roseo pulcherrimus ortu
 Nuntius Auroræ, & venientis ab æthere CHRISTI.

A 3

Lux

*Obsidio
cœpta festo
S. Ioannis
Baptista.*

Lux aderat, toti lux acceptissima cœlo,
 Quâ mutus genitor captivæ vincula linguae
 Ruperat, in cunis puerum, sua gaudia, cernens;
 Cunis, queis stellæ cum floribus arriserunt.
 Vidi etenim blando ridentes lumine stellas,
 Ridentesque rosas, & purpureos hyacinthos.
 Plaudite Cælicolæ, cantabant turribus altis
 Cambresij pueri: reperebant vallibus imis,
 Plaudite Cælicolæ, pastorum innoxia pubes,
 Iamque parabantur pompæ sollennis honores,
 Lucebant hilares densis funeralibus aræ,
 Aræque mugibant resono campana fragore;
 Undique sollicitæ matres, & nubilus ætas,
 Grandæuique senes, & bello assueta iuventus,
 Ut veneranda suis ornent cunabula donis,
 Conveniunt, luctus gens nondum gnara futuri;
 Cum subito ingenti miscetur murmure cælum.
 Cernere erat densas peditumque equitumque ca-
 teruas,
 Signaque, lethiferosque globos, & missile pondus
 Ollarum igniuomæ, stridentesque ære catenas,
 Expertosque Duces, diversasque ordine gentes,
 Omnes audentes animis, & viribus omnes.
 Herlacum, spoliisque grauem, multaque cruentum
 Cæde, indignantem tenuit vis improba morbi,
 At non, illius monitus & signa secuti,
 Segnius incumbunt bello, quos ille maniplos
 Duxerat, assuetos sceleri tristicique rapinæ,
 Pellibus vrsorum & maculosâ tigride cinctos.
 Hæc simul ac vidit sublimis ab æthere summo
 Zacharides, tales effudit pectore voces:
 Luce meâ tanti ut surgant incendia belli?

Christia-

OBSIDIONE LIBERATVM.

7

Christiadumque manus, dignas melioribus armis,
 Misceat æternis odiis fatalis Enyo ?
 Nec me respiciant , pacato primus Olympo
 Qui terris Agnum ostendi, commune piantem
 Morte nefas ? Pax nata Polo, Pax debita terris,
 Pax votum infantis populi, Pax optima rerum
 Tam malè concordēs componat fœdere Reges.
 Pace cadant iræ , & tristi mandentur Auerno.
 Nêve improuisus Cameraci mœnia & arces
 Belli turbo agitet, Grudiis Leopoldus ab oris
 Arma virosque celer propetet, Lotharenaque signa
 Lamboyasque aquilas valido coniungat Ibero,
 Et, quamuis fortem, Cameraco abîstere Gallum
 Vrgeat. Hîc bello metas, Martique sepulchrum
 Constituat, famamque æterno carmine signet:
 AVSPICE ME VETERES REPETIT PAX AVREA SEDES.

Dixerat. Vnanimes stellata per atria Diui
 Laudarunt Pacis studium; Iacobus Iberæ
 Gentis amor, flammisque ac fuso sanguine Laurens
 Inclytus, & felix Regum tutela Philippus.
 Accedunt clari Reges, Lodoïcus, honosque
 Imperij Magnus Carolus, magnusque Sacerdos,
 Quem Dionysiacis celebrat Luteria fastis :
 Nec domitor Sôlymorum aberat Bullonius heros,
 Innumerique alij, virtus quos addidit astris,
 Certa que firmandæ iunxit sententia Pacis.
 Scilicet æterno Concordia regnat Olympo.
 Omnibus vnus amor Superis, mens omnibus vna,
 Vnaque vox : vnum cælo modulantur amorem.
 Est amor ipse Deus, bellumque exosus & iras,
 Pacis alit curas, Pacem mortalibus vltro
 Conciliat, blandumque animis inspirat amorem.

A 4

Interea

Interea trepidam castris obsederat urbem
 Gallus ouans, palmæque sibi spondebat honorem,
 Ducuntur fossæ : surgunt munimina vallo :
 Ductores bello experti in certamina iurant,
 Incenduntque animos, & honora pericula tentant.
 Hic delecta manus succensa cupidine laudis
 Tempestatem inter telorum & densa cadentium
 Funera, certa mori, lethumque irritat & hostem.
 Illic utrmæ equitum glomerantur, & horrida cursu
 Classica præuertunt agiles. ruit impete cæco,
 Quæ rumpendi aditus, præceps furor obuia contra
 Agmina quadrupedantum, atque æra vomentia
 flammæ.

Auditur latè fremitus, sæuitque iuuentus
 Effera : ut impastos si fors Getula leones
 In prædam mater stimulat, terroribus antra
 Quassæ sonant, nemorumque intonsa cacumina nutant.
 Dumque ea Garciades spectat de mœnibus alis,
 Arma, arma, inclamat: petimur, vastæque coronæ
 Claudimur; arma, viri: premit hostis, & impiger urbis
 Imminet exitio. Vos, imperterrita bello
 Pectora, Cambresij, magnis quos nota Philippis
 Obsequia attollunt cælo, nunc iungite dextras,
 Nunc Martem spirate animis, ferrumque, neceque:
 Hostibus inuictas opponite cominus iras :
 Dux ego vester ero, & iunctis vim viribus addam.
 Nec plura his. Illi sese exhortantur in arma
 Certatim. pars tela rapit, pars debile valli
 Munit opus: librant alij tormenta, globosque
 Excutiunt, lateque hostem terrore fatigant.
 Quisque animam ingentem tutandæ deuouet urbi.
 Dumque illi inuigilant armis, altaria Diuum

Ritè

OBSIDIONE LIBERATVM.

9

Ritè Sacerdotes adeunt, Sacrifque litatis
Exposcunt Superos veniam, Pacemque per aras
Sollicitant. Numquam populos curata fefellit.
Relligio Superùm, Pietasque potentior armis.

Hæc animos Leopoldo acuit, certamque futuri
Spem dedit, & cæptis audacibus addidit ignes.
Non illum Phœbus, non illum Cynthia vidit
Somno indulgentem, aut laxantem pectora curis.
Cernebat cinctam tot bellatoribus urbem,
Vndique condensas acies ad mœnia verti,
Surgere tot vallos, tot propugnacula pugnae
Apta strui, & vario fossarum tramite cingi;
Impatensque moræ; Cameracû an perdimus urbem;
Et socios frustramur? ait. Per tela, per enses,
Vulneraque, & pulchri manifesta pericula lethi
Difficilis tentanda via est. Stat sanguine fuso
Venales lauros emere, obseßosque iueri.
Idem ardor Lotharene tuus, succurrere caro
Garcia, & fixis Gallum depellere castris.
Fuensaldaña pares bellorum in pectore motus
Vltrò agitat: palmaeque avidus, laudisque decoræ,
Vincendum est, inquit, socij, vel morte cadendum.
Lixhemium, quamquam palmae surgentis amore
Incensum, atque tuos meditantem Gallia luctus,
Non sinit exhausto perfusus corpore languor
Ardna fulmineas in prælia ducere turmas,
Armaque ferre humeris, & ferrum spargere dextrâ:
Ah! quoties hostem longè prospectat, & urbis
Mœnia, quàm mallet medio in discrimine primus
Irruere, atque aquilas campis anteire volantes!
Consiliis pugnat, carosque affatus amicos,
Ite, ait, obseßis avertite lilia muris.

A 5

Talibus

Talibus ardebant dictis, & libera ciebant
 Signa Duces, Martemq; animis, Martē ore fremebāt.
 Tum claros iuvenes, animisque & viribus æquos
 Mille legunt, castrisque iubent hostilibus arma
 Inferre, & celeri Cameracum tendere cursu,
 Pugnantes pariter, pariter sua signa sequentes.
 Ter Martem impauidi tentant, & prælia miscunt:
 Irrita ter cecidit generosi gloria facti.

Atque hi dum sæuo sese Manorte fatigant,
 Adsertor Pacis Bracamontius, otia bello,
 Otia quærendis ducens potiora triumphis,
 Paciferas tacito voluit sub pectore curas,
 Multa mouens. nunc Regum animos scrutatur, & alta
 Consilia, arcanisque metus: nunc deuouet imo
 Arma Erebo, & longi damnat molimina belli.
 Tantus amor Pacis. Paci sanctisque litantem
 Fœderibus cingunt Fas, & Concordia, & Æqui
 Inconcussus Amor, Latæ Facundia linguae,
 Mens recta, inque animo Iani bifrontis imago.
 Has oratori comites Prudentia legit.
 Nec trabæ defunt, veteresque implentia fastos
 Nomina, & antiquæ fumosa per atria ceræ,
 Nobilitas queis prisca stetit, longo ordine grandes
 Heroas numerans, laudataque Regibus arma.
 Te quoque, Brune, artes Pacis, rebusque gerendis
 Intentæ exercent curæ. Tibi cognita Pindi
 Culmina: Nestoræ sequitur te gloria famæ:
 Orantem magni Proceres, & limina Regum
 Suspiciunt. Tibi Diua adytis Astræa reclusis
 Difficiles Legum sensus, multamque ministrat
 Semper anhelanti Sophiam. Te plurima Regi
 Commendat virtus, Pacis dum fœdera firmas,

Et

Et placidam aspiras Batauis concordibus auram,
Tu, Cameracenas frustra dum respicit arces
Gallia, Palladiæ ramo velatus oliuæ
Dexter ades, Batauæque enarras gaudia pacis,
Lætæque pacifero promittis sæcula vultu.

At non intereà Leopoldum cura relinquit
Marta, totam aciem flauentibus explicat agris.
Iamque acres instigat equos, iam concutit hastas.
Exstimulant animos litui : furor ipse iuuentæ
Imperia anteuolat. Certatim vellere vallum
Et fossas transire parant, castrisque potiri.
Hos Sfondratus agit, cui tot iam Flandria palmas
Debet, & ante alias quas Mars sibi Belgicus vrbes
Vindicat, heroum tot quondam Ostenda sepulchrum.
Olli seruiatos portus, & littora debent
Nereïdes, subduntque hilares aplustria nautæ,
Pacatoque fauens admurmurat æquore Triton.
Nunc Cameracenis pro mœnibus obuius hosti
Imminet, & solitâ ad laudem se suscitât irâ.

Iamque animo vigil Harcurius, noctesque diesque
Festinas vrgere operas, vrgere laborem
Militis, & vastis urbem circumdate sepiis,
Moliri que ignes, & cæci furta Gradiui.
Feruet opus: feruent equitum peditumque phalanges:
Iunguntur cuneis cunei, densusque viro vir,
Vltima ceu tandem virai aduenerit hora.

Cælicolæ auertete animos. Fauor omnis in vnum
Vertitur Austriadem, deuotaque signa Philippo.
Est septemgemini super aurea sidera celi
Regia, sole carens, sed sole nitentior ipso,
Æterno formosa die. Spectantur aquosæ
Pleiades, & pigro vectus temone Bootes,

Atque

Atque Ariadnæ radiantia signa coronæ
 Inferiore viâ. Magnis hîc Curia Diuûm
 Consiliis vacat, & rerum molitur habenas.
 Cassarum hîc sacri fontes, sortisque futuræ,
 Atque latens adytis mundi pulcherrimus ordo.
 Hîc Superûm ante oculos tabularia conscia veri
 Panduntur; quæ Regnorum voluatur origo;
 Qui finis; cui se iungat victoria sceptro.
 Omnia consilio vertit Mens Prouida summi
 Numinis, alta, potens, supplex quam spectat Olympus
 Sublimi elatam solio, cui tempora circum
 Aurati centum radij fulgentia cingunt.

Ergo vbi nutantes librato pondere lances
 Inspicit, exhaustos hominum miserata labores;
 Calicolæ magni, tuque ô decus ætheris alti
 Diua Parens, spectatis, ait, discordibus orbem
 Flagrantem studiis? Immensi funera campi
 Vix capiunt, vix ipsa suas Europa ruinas.
 Quid memorem externo spumantem sanguine Rhe-
 num?

Quid pestes Italas? quid mœnia fortis Ilerdæ?
 Quid tristes Eburonû animos? quid sceptra Britannis
 Sanguinea, & fœdas regali cæde secures?
 Belgica tot ruptis perierunt oppida muris,
 Tot pagi vndantes flammis, tot castra, tot arces,
 Æquatæve solo, aut subuersæ sedibus imis:
 Tot fortes cecidère animæ. Mors grandia captat
 Funera, & Heroum cineres. Iacet acer in hostem
 Beckius: exiguâ Cantelmus clauditur urnâ:
 Innictam Fontani animam, dum voce manr que
 Instaurat primas acies, mortemque lacescit,
 Vis lethi rapuit. Pallentibus additur vmbis

Ante

OBSIDIONE LIBERATVM. 13

Ante humiles portas recidiuaque mœnia Lendit
 Gassio. Mors futuris Guebriantum decolor alis
 Occupat: ingentem testatur Gallia luctum.
 Borboniden iuuenem, genus alto à sanguine Regum,
 Vultu incendientem pugnâs, & vulnere crebro
 Stillantem panem abripuit fors vltima rerum:
 Panem fuit.

Natorum lugent Parisinæ funera matres.
 Iura silent. Squalent abductis arua colonis:
 Errantum sæuit rabies horrenda luporum
 Hic, ubi pascebant virides armenta per herbas.
 Nec scelus à nostris dirum sese abstinere aris:
 Tempia antiqua ruunt, veterum decora alta paren-
 tum.

Virginibus non ipse pudor, non matribus ætas
 Profuit. heu! terras fugiens natura reliquit.
 Nunc quoque Belgarum nondum exsaturata ruinis,
 Atque elata animis Cameracum Gallia poscit,
 Gallia, pacifico nimium diuersa Philippo.
 Ecquæ finis erit miseris? quid denique restat?

Tum Virgo: Si quos templis indixit honores
 Vrbs obsessa meis; si custas respicis aras,
 Sollennesque preces, da, rerum Æterna Potestas,
 Vincere Cambresios, da pellerè mœnibus hostem.
 Da, precor, æterno sociari fœdere Reges,
 Qui Betim Rhodanumque bibunt. Tibi vota quot-
 annis

Thuraque persoluent memores. Ventura loquentur
 Sæcula, seruatæ armis cælestibus arces,
 Quas tueor. Frustrà hîc sacros externus honores
 Experat, & magnâ imperium ditione tenere.
 Has sedes Nemius, templa hæc Antistes habeto.

Talibus

Talibus orabat Virgo, totumque repente
 Assensu cælum fremuit: cum nubilus Auster
 Obscuram traxit nubem. non fluminis illa
 Vicini fuit, aut vda tellure remissa :
 Virginis hoc opus est. Piceo latet aurea cælo
 Luna, latent stellæ, formosique ætheris ignes.
 Vtere, quæ cælo Virgo tibi mittit ab alto,
 Vtere non vanis, & tam felicibus vrbi
 Prodigis, Leopoldæ. Tibi nigrantibus æther
 Inductus nebulis, duplicataque noctis imago
 Obsequitur. Tua signa reget mitissima Virgo,
 Cui lucis noctisque vices, cui nubila, & Euri,
 Æternique astrorum ignes, & sidera parent :
 Ipsa aderit, pandetque viam. Tu Marte secundo
 Victrices Cameraco aquilas, validamque virum vim
 Auspiciis tantis infer. Non valla, nec hostes
 Obstiterint. Hunc à Diuâ sperate fauorem
 Obsessi bello ciues: huic credite muros.

O patria! ô magnæ celebrati Cæsaris arces!
 O templâ! ô ingens Diuæ domus! vt tibi cælum
 Excubat, & faustam præbet sine sidere noctem!

Arripuit momentum ingens Leopoldus, & altâ

Festo Diuæ Virginis Visitantis. Non humilem spem mente agitât. Benefacta recur-

sant ,
 Dona que quondam , dum lux hæc annua Diuæ
 Illuxit terris, accepit plurima cælo.

Militiæ florem, delectos ordine ab omni
 Impauidos animi iuuenes, qui Gallica ferro
 Agmina prærupant, animis audacibus implet.

O patriæ deuota manus, ô fortia bello
 Pectora, quæ vobis laudes, quæ præmia cedent
 Digna satis? Cælo venient pulcherrima primum,

Cetera

Cetera tum reddet votis maiora Philippus,
Immemor haud vñquam meriti. Quæcumq; volentes
Fortuna excipiet, mortem, seu vulnus honestum,
Et casus pugnae varios, communia Belgis
Gaudia, seruataque decus solabitur vrbis.
Ite alacres, primosque aditus ferroque manuque
Rumpite: vos cæco gradientes aëre Virgo
Sepiet, ac multâ circum caligine fundet.

Iamque ferè medium nigris inuecta quadrigis
Pulsabat cælum Phœbe, cum Numine dextro
Cæcum iter explorant taciti, ambagesque viarum
Festini exsuperant, castrisque hostilibus instant;
Brouckius ante alios ductor, quem conscia virtus
Et præsens magni stimulat fiducia cœpti.
Nec vos, Cambresij, tantarum conscia rerum
Nox latuit. Pars ad muros defixaque signa
Excubias geminat: pars tela hastasque coruscat:
Pars ferit ardenti, quem non videt, æthera voto,
Ingenti erecta augurio: pars Virginis aras
Muneribus sanctis cumulat. Vox omnibus vna est:
Mater, quæ terris, Mater quæ regia cælo
Sceptra tenes, arctis semper spes vnica rebus,
Francus vt has arces! Reliquos suspiria questus
Abrumpunt, lacrymisque magis quàm voce per-
orant.

Sensit opem Diuæ tanto in discrimine primus
Brouckius, atque hostem subitâ formidine victum
Perculit. Ante alios aditum Garnerius vrget;
Threicio sublimis equo, valloque potitus
Emicat, & campo acturum prouectus apertis,
Ense manuque ciet socios. Terrorque pauorque
Anteuolant quacumque via est. Nil fortibus obstat:
Impavidis

Impavidis vires auget Deus.

Qualis in Ionio dum fertur gurgite pinus,
Iamque vnâ Boreasque mari Zephyrusque Notusq;
Incubuere, tuit : ventis obstantibus actam
Circumstant centum fluctus : tamen illa per vndas,
Per scopulos, syrtesque, & iniquas aquoris iras,
Seruatis Arabum spoliis & Colchide gazâ,
Occupat incolumis portus, & littora cursu
Fida tenet: puppi merita fulsere coronæ.
Haud secus aduersos rapitur violentus in hostes
Bieuckius, obnixus non cedere, dum ferus aut hos
Obruat, aut illos cogat dare terga fugaces.
Valla per & cuneos, & signa minantia signis
Irrumpit celer, & volucris medium secat agmen
Vestus equo. Dein & socios hortatus ouantes,
En muri, exclamat, en quas sperauimus arces.
Pandite nunc portâs, nunc pandite limina ciues.
Adsumus ultores vrbi. Vox nota timores
Dispulit. It totam latissima fama per urbem,
Aduentasse viros, qui circum mœnia fufas
Rupissent acies, exoptatamque salutem
Virginis auspiciis populoque vrbiq; tulissent.

Quis plausum illius noctis, quis gaudia fando
Explicet? Illa animos vrbi non vana timenti
Addidit, & mœstâ exemit formidine belli.
Ipse carminibus resonant strepituque canentum
Excelsæ turres : ipsi iam carmina muri,
Ipsa sonant delubra. Deus, Deus æther ab alto
Respexit trepidos miserans ; votisque suorum
Annui Alma Parens. Vos ô, queis ducere noctem
Insomnem ante aras, & votis ritè lrantem
Muneribusque sequi, studium fuit, ite, litatum est,

It

Ite viri, lassæque nurus. Quæ finit hora,
 Hæc eadem euentum precibus dedit; ipsaque cælo
 Adfuit, & cinctos Libertas aurea muros
 Tutata est, soluitque metu. Nunc agmina iunge,
 Garciade, nunc signa moue, cantuque tubarum
 Horrescant latè campi. Nunc arma ciere
 Tuta potes, totasque acies effundere portis.

At tibi pro meritis, Broucki, pro fortibus ausis
 Garciades torquem signisque auroque rigentem
 Iniicit, æterni monumentum & pignus honoris.

Quis tibi tunc, Harcuri, animus, cum feruere latè
 Cambresios extra muros numerosa videres
 Agmina, & ante oculos surgentem puluere campum?
 Occidimus, geminoque, inquit, concludimur hoste:
 Occidimus. Quærenda via est quæcumque saluti
 Prima patet. Dent signa tubæ: spes irrita cœpti est.
 Dixerat: iniectis fumant tentoria flammis:
 Fit fuga: vis equitum à tergo tutatur euntes.
 Parisi luxere: dolor regalia turbat
 Limina, & elusis miscet timor omnia curis.
 At tibi dum metitæ serpunt victicia circum
 Tempora mistæ oleæ lauri, lætissima plaudit
 Belgica, nec sese tantis elata triumphis
 Ipsa capir, Leopoldæ. tibi debere fatetur
 Seruatos populos, arcesque, & ahenea claustra
 Defensæ per te patriæ; Tibi dulcia sæcli
 Otia, læticiaque; tibi felicia Pacis
 Omnia, & arcendum nostris de sinibus hostem.

Fallor? an & cælo Cæsar tibi plaudir ab alto,
 Herculeas ultra metas & littora notus
 Austriades Cæsar? Regnat inde Philippo
 Despicies terras, qualque olim condidit arces,

B

Cernere

18 CAMERAC. OBSID. LIBERATVM.

Cernere vindicibus defensam viribus urbem
Gaudet, & illa tuo gratatur præmia Marti.
Non hæc humanis opibus, non robore tantum
Prouenêre: tuas cæli indulgentia vires
Extulit, & caussam, pro quâ geris arma, probauit.
Ipsa tibi Virgo medio sublimis Olympo
Adfuit; illa tuas offusâ nube phalanges
Occuluit, sepsitque viam. Date munera templis
Cambresij, date thura focus, auroque nitentem
Virginis effigiem, atque aquilas hac auspice tutas
Tantum monumenta operum sollemnibus aris
Figite, quæ seri videant laudentque nepotes.

F I N I S.

APPROBATIO CENSORIS.

V*ersus hi R. P. Othonis Zylj, è Societa-
te I E S V, elegantes ac fluidi, prælo digni
sunt. Actum 11. Ianuarij M. DC. L.*

Guilielmus Bolognino S. T. L.
Canonicus & Librorum Cen-
sor Antuerpiæ.



267776